

॥ नमो तस्स भगवतो अरहतो सम्मासम्बुद्धस्स ॥

मज्झिमनिकाये

उपरिपण्णास-टीका

१. देवदहवग्गो

१. देवदहसुत्तवण्णना

१. दिब्बन्ति कामगुणेहि कीळन्ति, लळन्ति, तेसु वा विहरन्ति, विजयसमत्थतायोगेन पच्चत्थिके विजेतुं इच्छन्ति; इस्सरियट्ठानादिसक्कारदानग्गहणं तंतं अत्थानुसासनञ्च करोन्ता वोहरन्ति, पुञ्ञानुभावप्पत्ताय जुतिया जोतेन्ति वाति देवा वुच्चन्ति राजानो। तथा हि ते चतूहि सङ्गहवत्थूहि जनं रञ्जयन्ता सयं यथावुत्तेहि विसेसेहि राजन्ति दिब्बन्ति सोभन्तीति च, “राजानो”ति वुच्चन्ति। तत्थाति तस्मिं निगमदेसे। साति पोक्खरणी। तन्ति तं, “देवदह”न्ति लद्धनामं पोक्खरणिं उपादाय, तस्स अदूरभवत्ताति केचि। सब्बं सुखादिभेदं वेदयितं। पुब्बेति पुरिमजातियं। कतकम्मपच्चयाति कतस्स कम्मस्स पच्चयभावतो जातं कम्मं पटिच्च। तेन सब्बापि वेदना कम्मफलभूता एव अनुभवितब्बाति दस्सेति। तेनाह “इमिना”ति आदि। अनियमेत्वा वुत्तन्ति, “सन्ति, भिक्खवे, एके समणब्राह्मणा एवंवादिनो”ति एवं इमे नामाति अविसेसेत्वा वुत्तमत्थं। नियमेत्वाति, “एवंवादिनो, भिक्खवे, निगण्ठा”ति एवं विसेसेत्वा दस्सेति।

कलिसासनन्ति पराजयं। कलीति हि अनत्थो वुच्चति, कलीति ससति विप्फरतीति कलिसासनं, पराजयो। कलीति वा कोधमानादिकिलेसजाति, ताय पन अयुत्तवादिता कलिसासनं। तं आरोपेतुकामो विभावेतुकामो। ये कम्मं कतं अकतं वाति न जानन्ति, ते कथं तं एदिसन्ति जानिस्सन्ति। ये च कम्मं पभेदतो न जानन्ति, ते कथं तस्स विपाकं जानिस्सन्ति; विपाकपरियोसितभावं जानिस्सन्ति, ये च पापस्स कम्मस्स पटिपक्खमेव न जानन्ति; ते कथं तस्स पहानं कुसलकम्मस्स च सम्पादनविधिं जानिस्सन्तीति इममत्थं दस्सेन्तो, “उत्तरि पुच्छायपि एसेव नयो”ति आह।

२. किञ्चापि चूळदुक्खक्खन्धेपि, (म० नि० १.१८०) “एवं सन्ते”ति इमिना तेसं निगण्ठानं अजाननभावो एव उजुकं पकासितो हेट्ठा देसनाय तथा पवत्तता। तथा हि अट्ठकथायं (म० नि० अट्ठ० १.१८०) वुत्तं — “एवं सन्तेति तुम्हाकं एवं अजाननभावे सती”ति, तथापि तत्थ उपरिदेसनाय सम्बद्धो एवमत्थो वुच्चमानो युज्जति, न अज्जथाति दस्सेतुं इध, “महानिगण्ठस्स वचने सच्चे सन्तेति अत्थो”ति वुत्तं। एत्तकस्स ठानस्साति यथावुत्तस्स पच्चपरिमाणस्स कारणस्स।

३. अनेकवारं विसरञ्जनं इध गाळ्हापलेपनं, न साटकस्स विय लित्तताति आह — “बहलूप...पे०... लित्तेन विया”ति। वुत्तमेव, न पुन वत्तब्बं, तत्थ वुत्तनयेनेव वेदितब्बन्ति अधिप्पायो।

इमेसं निगण्ठानं तादिसस्स तेसं अभावतो, “जाननकालो सिया”ति परिकप्पवसेन वदति। तेन एवं जानितुं तेहि सक्का सिया, तेसञ्च दस्सनं सच्चं सिया। यस्मा तेसं दस्सनं असच्चं, तस्मा ते न जानिंसूति दस्सेति। चतूसु कालेसूति वणमुखस्स परिकन्तनकालो, सल्लस्स एसनकालो, अब्बुहनकालो, वणमुखे अगदङ्गारओदहनकालोति इमेसु चतूसु

कालेसु। सुद्धन्तेति सुद्धकोट्टासे, दुक्खस्स अनवसेसतो निज्जीरणट्टेन निदुक्खभावेति अत्थो। एकाय उपमायाति, “सल्लेन विद्धस्स हि विद्धकाले वेदनाय पाकटकालो विया”ति इमाय एकाय उपमाय। तयो अत्थाति पुब्बे अहुवम्हा वा नो वा, पापकम्मं अकरिम्हा वा नो वा, एवरूपं वा पापकम्मं अकरिम्हाति इमे तयो अत्था। चतूहि उपमाहीति वणमुखपरिकन्तनादीहि चतूहि उपमाहि। एको अत्थोति, “एत्तकं दुक्खं निज्जिण्ण”न्ति आदिना वुत्तो एको अत्थो। सो हि दुक्खनिज्जीरणभावसामञ्जा एको अत्थोति वुत्तो।

४. इमे पन निगण्ठा। आसङ्काय विद्धोस्मीति सज्जं उप्पादेत्वा। पच्चाहरितुन्ति पच्चावत्तितुं, परिहरितुन्ति अत्थो।

५. अतीतवादं सद्वहन्तान्ति, “अत्थि खो, भो, निगण्ठा पुब्बे पापकम्मं कत”न्ति एवं अतीतंसं आरम्भ पवत्तं महानिगण्ठस्स वादं सद्वहन्तानं। भूतत्ताति यथाभूतत्ता किं अविपरीतमेव अत्थं आरम्भणं कत्वा पवत्ताति पुच्छति। सेसपदेसुपि एसेव नयो। सह धम्मेनाति सहधम्मो, सो एव सहधम्मिको यथा “वेनयिको”ति (अ० नि० ८.११; पारा० ८)। “धम्मो”ति एत्थ कारणं अधिप्पेतन्ति आह — “सहेतुकं सकारण”न्ति। पटिहरति पटिवत्तेतीति पटिहारो, वादो एव पटिहारो वादपटिहारो; तं, उत्तरन्ति अत्थो। तेनाह — “पच्चागमनकवाद”न्ति, चोदनं परिवत्तेत्वा पटिपाकतिककरणन्ति अत्थो। तेसन्ति इदं आवुत्तिवसेन गहेतब्बं, “तेसं सद्वाछेदकवादं नाम तेसं दस्सेती”ति।

६. अविज्जा अज्जाणा सम्मोहाति परियायवचनमेतं। अविज्जाति वा अविज्जाय करणभूताय। अज्जाणेनाति अजाननेन। सम्मोहेनाति सम्मुहनेन महामुहताय। सामंयेव ओपक्कमिका एतरहि अत्तनो उपक्कमहेतु दुक्खवेदनं वेदियमानं — “यंकिज्जायं... पे०... पुब्बेकतहेतू”ति विपरीततो सद्वहथ। पुब्बेकतहेतुवादसज्जितं विपल्लासग्गाहं गणहथ।

७. दिट्ठधम्मो वुच्चति पच्चक्खभूतो, तत्थ वेदितब्बं फलं दिट्ठधम्मवेदनीयं। तेनाह — “इमस्मिंयेव अत्तभावे विपाकदायक”न्ति। पयोगेनाति कायिकेन पयोगेन वा वाचसिकेन वा पयोगेन। पधानेनाति पदहनेन चेतसिकेन उस्साहनेन। आसन्ने भवन्तरे विपाचेतुं न सक्का, पगेव दूरेति दस्सेतुं, “दुतिये वा ततिये वा अत्तभावे”ति वुत्तं। निब्बत्तकभावतो सुखवेदनाय हितन्ति सुखवेदनीयं। सा पन विपाकवेदनाभावतो एकन्ततो इट्ठारम्मणा एव होतीति आह “इट्ठारम्मणविपाकदायक”न्ति। विपरीतन्ति अनिट्ठारम्मणविपाकदायकं। निष्फन्नेति सिद्धिं अज्जेन कम्मेन निब्बत्ते। सम्परायवेदनीयस्साति उपपज्जवेदनीयस्स अपरापरियवेदनीयस्स। एवं सन्तेपीति कामं परिपक्कवेदनीयन्ति दिट्ठधम्मवेदनीयमेव वुच्चति, तथापि अत्थेत्थ अतिसयो दिट्ठधम्मविसेसभावतो परिपक्कवेदनीयस्साति दस्सेतुं, “अयमेत्था”ति आदि वुत्तं। यस्मिं दिवसे कतं, ततो सत्तदिवसब्भन्तरे।

तत्राति तस्मिं परिपक्कवेदनीयकम्मस्स सत्तदिवसब्भन्तरे विपाकदाने। एकवारं कसित्वा निसीदि छातज्झत्तो हुत्वा। आगच्छन्ती आह — “उस्सूरे भत्तं आहरीयित्था”ति दोमनस्सं अनुप्पादेत्वा यथा कतपुज्जं अनुमोदति। विज्जोतमानं दिस्वा, “किं नु खो इदम्पि तप्पकारो, मम चित्तविकप्पमत्तं, उदाहु सुवण्णमेवा”ति वीमंसन्तो यट्ठिया पहरित्वा।

वाळयक्खसञ्चरणत्ता राजगहूपचारस्स नगरे सहस्सभण्डिकं चारेसुं। उप्पन्नरागो चूळाय डंसि। रज्जो आचिक्खित्वाति तं पवत्तिं रज्जो आचिक्खित्वा। मल्लिकाय वत्थु धम्मपदवत्थुमिहि (ध० प० अट्ठ० २. मल्लिकादेवीवत्थु) आगतेन नयेन कथेतब्बं।

मरणसन्तिकेपि कृतं, पगेव ततो पुरेतरं अतीततभावेसु च कृतं। इध निब्बत्तितविपाकोति वुत्तो अवस्संभाविभावतो। सम्परायवेदनीयमेव भवन्तरे विपाकदायकभावतो। इध निब्बत्तितगुणोत्वेव वुत्तो, न इध निब्बत्तितविपाकोति विमुत्तिभावतो। परिपक्कवेदनीयन्ति वेदितब्बं हेट्ठा वुत्तपरिपक्कवेदनीयलक्खणानतिवत्तनतो। सब्बलहुं फलदायिकाति एतेन फलुप्पादनसमत्थतायोगेन कम्मस्स परिपक्कवेदनीयताति दस्सेति।

चतुप्पञ्चक्खन्धफलताय सज्जाभवूपगं कम्मं बहुवेदनीयन्ति वुत्तं। एकखन्धफलत्ता असज्जाभवूपगं कम्मं अप्पवेदनीयं। केचि पन, “अरूपावचरकम्मं बहुकालं वेदितब्बफलत्ता बहुवेदनीयं, इतरं अप्पवेदनीयं। रूपारूपावचरकम्मं वा बहुवेदनीयं, परित्तकम्मं अप्पवेदनीयं”न्ति वदन्ति। सविपाकं कम्मन्ति पच्चयन्तरसमवाये विपाकुप्पादनसमत्थं, न आरद्धविपाकमेव। अविपाकं कम्मन्ति पच्चयवेकल्लेन विपच्चित्तुं असमत्थं अहोसिकम्मादिभेदं।

८. दिट्ठधम्मवेदनीयादीनन्ति दिट्ठधम्मवेदनीयादीनं दसन्नं कम्मानं उपक्कमेन कम्मानं अज्जाथाभावस्स अनापादनीयत्ता यथासभावेनेव कम्मानि तिट्ठन्ति। तत्थ निगण्ठानं उपक्कमो निष्पयोजनोति आह “अफलो”ति। निगण्ठानं पदहनस्स मिच्छावायामस्स निष्फलभावप्पवेदनो पधानच्छेदकवादो। परेहि वुत्तकारणेहीति येहि कारणेहि निगण्ठानं वादेसु दोसं दस्सेन्ति। तेहि परेहि वुत्तकारणेहि। न हि लक्खणयुत्तेन हेतुना विना परवादेसु दोसं दस्सेतुं सक्का। तेनाह “सकारणा हुत्वा”ति। निगण्ठानं वादा च अनुवादा चाति निगण्ठेहि वुच्चमाना सकसकसमयप्पवेदिका वादाचेव सावकेहि वुच्चमाना तेसं अनुवादा च। विज्जूहि गरहितब्बं कारणं आगच्छन्तीति, “अयमेत्थ दोसो”ति तत्थ तत्थ विज्जूहि पण्डितेहि गरहारहं कारणं उपगच्छन्ति, पापुणन्तीति अत्थो। तस्सत्थोतिआदीसु अयं सङ्खेपत्थो, “वुत्तनयेन परेहि वुत्तेन कारणेन सकारणा हुत्वा दोसदस्सनवसेन निगण्ठानं वादा अनुप्पत्ता, ततो एव तं वादं अप्पसादनीयभावदस्सनेन सोसेन्ता हेतुसम्पत्तिवोहारसुक्खनेन मिलापेन्ता दुक्कटकम्मकारिनोति आदयो दस गारखापदेसा उपगच्छन्ती”ति।

९. सङ्गतिभावहेतूति तत्थ तत्थ यदिच्छाय समुट्ठितसङ्गतिनिमित्तं। सा पन सङ्गति नियतिलक्खणाति आह “नियतिभावकारणा”ति। अच्छेज्जसुत्तावुतअभेज्जमणि विय हि पटिनियतता नियतिपवत्तीति। छत्ताभिजातिहेतूति कण्हाभिजाति नीलाभिजाति लोहिताभिजाति हलिदाभिजाति सुक्काभिजाति परमसुक्काभिजातीति इमासु अभिजातीसु जातिनिमित्तं। पापसङ्गतिकाति निहीनसङ्गतिका।

१०. अनद्धभूतन्ति एत्थ अधि-सद्देन समानत्थो अद्ध-सद्दोति आह — “अनद्धभूतन्ति अनधिभूत”न्ति। यथा आपायिको अत्तभावो महता दुक्खेन अभिभुय्यति, न तथा अयन्ति आह — “दुक्खेन अनधिभूतो नाम मनुस्सत्तभावो वुच्चती”ति। “अचेलको होती”तिआदिना (दी० नि० १.३९४) वुत्ताय नानप्पकाराय दुक्करकारिकाय किलमथेन। यदि एवं कथं धुतङ्गधराति आह “ये पना”तिआदि। निव्यानिकसासनस्मिज्हि वीरियन्ति विवट्टसन्निस्सितं कत्वा पवत्तियमानं वीरियं सरीरं खेदन्तम्पि सम्मावायामो नाम होति जायारद्धभावतो।

थेरोति एत्थ आगतमहारक्खितत्थेरो। तिस्सो सम्पत्तियो मनुस्सदेवनिब्बानसम्पत्तियो, सीलसमाधिपज्जासम्पत्तियो वा। खुरग्गेयेवाति खुरे सीसग्गे एव, खुरे सीसग्गतो अपनीते एवाति अधिप्पायो। अयन्ति, “इस्सरकुले निब्बत्तो”तिआदिना वुत्तो। न सब्बे एव सक्कारपुब्बकं पब्बजित्वा अरहत्तं पापुणन्तीति आह “यो दासिकुच्छिय”न्तिआदि। रजतमुट्ठिकन्ति रजतमयं अङ्गुलिमुट्ठिकं। गोरकपियङ्गुमत्तेनपीति

कपित्थछल्लिकङ्कुपुण्फगन्धमत्तेनपि ।

धम्मेन जायेन आगतसुखं धम्मसुखन्ति आह — “सङ्गतो वा...पे०... पच्चयसुखं”न्ति । अमुच्छित्तोति अनज्झापन्नो । इदानीं तं अनज्झापन्नं तस्स च फलं दस्सेतुं “धम्मिकं ही”तिआदि वुत्तं । इमस्साति समुदयस्स । सो हि पच्चक्खन्धस्स दुक्खस्स कारणभूतत्ता आसन्नो पच्चक्खो कत्वा वुत्तो । तेनाह “पच्चुप्पन्नान”न्तिआदि । सङ्गारन्ति यथारद्धाय सातिसयं करणतो सङ्गारन्ति लद्धनामं बलववीरियं उस्सोळ्हि । पदहतीति पयुज्जन्तस्स पवत्तेन्तस्स । मग्गेन विरागो होतीति अरियमग्गेन दुक्खनिदानस्स विरज्जना होति । तेनाह “इदं वुत्तं होती”ति । इमिना सुखापटिपदा खिप्पाभिज्जा कथिता अकसिरेनेव सीघतरं मगपजानताय बोधितत्ता । मज्झत्तताकारोति वीरियूपेक्खमाह । सङ्गारं तत्थ पदहतीति पधानसङ्गारं तत्थ दुक्खनिदानस्स विरज्जननिमित्तं विरज्जनत्थं पदहति । कथं? मग्गप्पधानेन चतुकिच्चप्पधाने अरियमग्गे वायामेन पदहति वायमति । अज्झुपेक्खतोति वीरियस्स अनच्चारद्धनातिसिथिलताय वीरियसमतायोजने व्यापाराकरणेन अज्झुपेक्खतो । तेनाह “उपेक्खं भावेन्तस्सा”ति । उपेक्खाभावना च नामेत्य तथापवत्ता अरियमग्गभावना एवाति आह — “मग्गभावनाय भावेती”ति ।

एत्थ च एवं पाळिया पदयोजना वेदितब्बा, — “सो एवं पजानाति । कथं? सङ्गारं मे पदहतो सङ्गारपदहना इमस्स दुक्खनिदानस्स विरागो होति, अज्झुपेक्खतो मे उपेक्खना इमस्स दुक्खनिदानस्स विरागो होती”ति । पटिपज्जमानस्स चायं पुब्बभागवीमंसस्साति गहेतब्बं । तत्थ सङ्गारप्पधानाति सम्मसनपदेन सुखेनेव खिप्पतरं भावनाउस्सुक्कापनवीरियं दस्सितन्ति सुखापटिपदा खिप्पाभिज्जा दस्सिता । अज्झुपेक्खतोति एत्थ कस्सचि नातिदळ्हं कत्वा पवत्तितवीरियेनपि दुक्खनिदानस्स विरागो होति विपस्सनमनुयुज्जतीति दस्सितं । उभयत्थापि चतुत्थीयेव पटिपदा विभाविताति दट्ठब्बं । इदानीं, “यस्स हि ख्वास्स...पे०... उपेक्खं तत्थ भावेती”ति वारेहि तासंयेव पटिपदानं वसेन तेसं पुग्गलानं पटिपत्ति दस्सिता । वट्टदुक्खनिदानस्स परिजिण्णं इमेहि वारेहि दुक्खक्खयो विभावितो ।

११. बद्धचित्तोति सम्बद्धचित्तो । बहलच्छन्दोति बहलतण्हाछन्दो । अतिचरित्वाति अतिक्कमित्वा । नटसत्थविधिना नच्चनका नटा, नच्चका इतरे । सोमनस्सं उप्पज्जति, “ईदिसं नाम इत्थिं परिच्चजि”न्ति । छिज्जाति द्विधा होतु । भिज्जाति भिज्जतु । “छिज्ज वा भिज्जवा”ति पदद्वयेनपि विनासमेव वदति । जत्त्वाति पुब्बभागजाणेन जानित्वा । तदुभयन्ति सङ्गारपदहनउपेक्खाभावनं ।

१२. पेसेन्तस्साति वायमन्तस्स । तं सन्धायाति दुक्खाय पटिपदाय निय्यानतं सन्धाय ।

उसुकारो विय योगी तेजनस्स विय चित्तस्स उजुकरणतो । गोमुत्तवड्ढं, चन्दलेखाकुटिलं, नङ्गलकोटिजिम्हं चित्तं । अलाता विय वीरियं आतापन-परितापनतो । कज्जिकतेलं विय सद्धा सिनेहनतो । नमनदण्डको विय लोकुत्तरमग्गे निब्बानारम्मणे चित्तस्स नामनतो । लोकुत्तरमग्गेन चित्तस्स उजुकरणं भावनाभिसमयतो दट्ठब्बं । अन्तद्वयवज्जिता मज्झिमा पटिपत्तीति कत्वा किलेसगणविज्झनं पहानाभिसमयो । इतरा पन पटिपदा दन्धाभिज्जाति इमेसं द्विन्नं भिक्खूनं इमासु द्वीसु यथावुत्तासु खिप्पाभिज्जासु कथितासु, इतरापि कथिताव होन्ति लक्खणहारनयेन पटिपदासामञ्जतो । सहागमनीयापि वा पटिपदा कथिताव, “न हेव अनद्धभूतं अत्थान”न्तिआदिना पुब्बभागपटिपदाय कथितत्ता । “आगमनीयपटिपदा पन न कथिता”ति इदं सविसेसं अज्झुपेक्खस्स अकथिततं सन्धाय वुत्तन्ति दट्ठब्बं । निक्खमनदेसनन्ति निक्खमनुपायं देसनं । सेसं सुविज्जेय्यमेव ।

देवदहसुत्तवण्णनाय लीनत्थप्पकासना समत्ता ।

२. पञ्चत्तयसुत्तवण्णना

२१. एकेति एत्थ एक-सद्वो अज्जत्थो, न गणनादिअत्थोति तं दस्सेन्तो “एकच्चे”ति आह । यं पन पाळियं “सन्ती”ति वुत्तं । तेन तेसं दिट्ठिगतिकानं विज्जमानताय अविच्छिन्नता; ततो च नेसं मिच्छागहणतो सिथिलकरणविवेचनेहि अत्तनो देसनाय किच्चकारिता अवितथता च दीपिता होति । परमत्थसमणब्राह्मणेषु अपरन्तकप्पिकताय लेसोपि नत्थीति आह “परिब्बजुपगतभावेना”तिआदि । सस्सतादिवसेन अपरन्तं कप्पेन्तीति अपरन्तकप्पिनो, ते एव अपरन्तकप्पिका । यस्मा तेहि अपरन्तं पुरिमतरसिद्धेहि तण्हादिट्ठिकप्पेहि कप्पेत्वा आसेवनबलवताय च विकप्पेत्वा अपरभागसिद्धेहि अभिनिवेसभूतेहि तण्हादिट्ठिगाहेहि गणहन्ति अभिनिविसन्ति परामसन्ति; तस्मा वुत्तं — “अपरन्तं कप्पेत्वा विकप्पेत्वा गणहन्ती”ति । तण्हुपादानवसेन कप्पनगहणानि वेदितब्बानि । तण्हापच्चया हि उपादानं । वुत्तम्पि चेत्तं महानिदेसे उद्दानतो सङ्खेपतो । तण्हादिट्ठिवसेनाति तण्हाय दिट्ठिया च वसेन । दिट्ठिया वा उपनिस्सयभूताय सहजाताय अभिनन्दनकाय च तण्हाय सस्सतादिआकारेन अभिनिविसन्तस्स मिच्छागाहस्स च वसेन । अनागतधम्मविसयाय अधिप्पेतत्ता अनागतकालवाचको इध अपर-सद्वो । रूपादिखन्धविनिमुत्तस्स कप्पनवत्थुनो अभावा अन्त-सद्वो भागवाचकोति आह — “अनागतं खन्धकोट्टास”न्ति । कप्पेत्वाति च तस्मिं अपरन्ते तण्हाय नाभिनिवेसानं समत्तनं परिनिट्ठापनमाह । ठिताति तस्सा लद्धिया अविजहनं ।

अनुगताति आरम्भणकरणवसेन अनु अनु गता अपरन्ते पवत्ता । आरब्भाति आलम्बित्वा । विसयो हि तस्सा दिट्ठिया अपरन्तो । विसयभावतो एव हि सो तस्सा आगमनट्ठानं आरम्भणपच्चयो चाति वुत्तं “आगम्म पटिच्चा”ति । अधिवचनपदानीति पञ्चत्तिपदानि, दासादीसु सिरिवट्ठकादिसद्वो विय वचनमत्तमेव अधिकारं कत्वा पवत्तिया अधिवचनं पञ्चत्ति । अथ वा अधि-सद्वो उपरिभावे, वुच्चतीति वचनं, उपरि वचनं अधिवचनं, उपादानभूतरूपादीनं उपरि पञ्जापियमाना उपादापञ्चत्तीति अत्थो, तस्मा पञ्चत्तिदीपकपदानीति अत्थो । पञ्चत्तिमत्तज्जेत्तं वुच्चति, यदिदं, “अत्ता लोको”ति च, न रूपवेदनादयो विय परमत्थो । अधिकवुत्तिताय वा अधिमुत्तियोति दिट्ठियो वुच्चन्ति । अधिकज्झि सभावधम्मेसु सस्सतादिं पकतिआदिं द्रव्यादिं जीवादिं कायादिज्ज अमूतमत्थं अज्झारोपेत्वा दिट्ठियो पवत्तन्तीति । अभिवदन्तीति, “इदमेव सच्चं मोघमज्ज”न्ति अभिनिविसित्वा वदन्ति, “अयं धम्मो, नायं धम्मो”तिआदिना विवदन्ति । अभिवदनकिरियाय अज्जापि अविच्छेदभावदस्सनत्थं वत्तमानकालवचनं ।

सज्जा एतस्स अत्थीति सज्जीति आह “सज्जासमङ्गी”ति । नत्थि एतस्स रोगो भङ्गोति अरोगोति अरोगसद्वस्स निच्चपरियायता वेदितब्बा । रोगरहिततासीसेन वा निब्बिकारताय निच्चत्तं पटिजानाति दिट्ठिगतिकोति आह “अरोगोति निच्चो”ति । इमिनाति, “सज्जी अत्ता अरोगो परं मरणा”ति इमिना वचनेन । सोळस सज्जीवादाति — रूपीचतुक्कं, अरूपीचतुक्कं, अन्तवाचतुक्कं, एकन्तसुखीचतुक्कन्ति — इमेसं चतुन्नं चतुक्कानं वसेन सोळस सज्जीवादा कथिता । इमेसुयेव पुरिमानं द्विन्नं चतुक्कानं वसेन अट्ठ सज्जीवादा अट्ठ च नेवसज्जीनासज्जीवादा वेदितब्बा । सत्त उच्छेदवादाति मनुस्सत्तभावे कामावचरदेवत्तभावे रूपावचरदेवत्तभावे चतुब्बिधारुप्पत्तभावे चवित्वा सत्तस्स उच्छेदपञ्जापनवसेन सत्त उच्छेदवादा कथिता । असतो विनासासम्भवतो अत्थिभावनिबन्धनो उच्छेदवादोति वुत्तं “सतोति विज्जमानस्सा”ति । यावायं अत्ता न उच्छिज्जति, ताव विज्जति एवाति गहणतो निरुदयविनासो इध उच्छेदोति अधिप्पेतोति आह “उपच्छेद”न्ति । विसेसेन नासो विनासो, अभावो, सो पन मंसचक्खु-पञ्चाचक्खु-दस्सनपथातिक्कमोवाति आह

“अदस्सन”न्ति । अदस्सने हि नास-सद्वो लोके निरुळ्हो । भवविगमन्ति सभावापगमनं यो हि निरुदयविनासवसेन उच्छिज्जति, न सो अत्तनो सभावेनेव तिड्ढति ।

पञ्च दिट्ठधम्मनिब्बानवादाति पञ्चकामगुणसुखमनुभोगवसेन चतुब्बिधरूपपञ्ज्ञानसुखपरिभोगवसेन च दिट्ठधम्मे निब्बानप्पत्तिपञ्चापनवादा । दिट्ठधम्मोति दस्सनभूतेन जाणेन उपलब्धधम्मो । तत्थ यो अनिन्द्रियविसयो, सोपि सुपाकटभावेन इन्द्रियविसयो विय होतीति आह — “दिट्ठधम्मोति पच्चक्खधम्मो वुच्चती”ति । तेनेव च, “तत्थ तत्थ पटिलद्धअत्तभावस्सेतं अधिवचन”न्ति वुत्तं । सज्जीति आदिवसेन तीहाकारेहि सन्तन्ति सज्जी असज्जी नेवसज्जीनासज्जीति इमेहि आकारेहि विज्जमानं, सदा उपलब्धमानं सस्सतन्ति अत्थो । सज्जी अत्तातिआदीनि तीणि दस्सनानि । सन्तअत्थवसेन एकन्ति सस्सतस्स अत्तनो वसेन एकं दस्सनं । इतरानि द्वेति उच्छेदवाद-दिट्ठधम्मनिब्बानवादसज्जितानि द्वे दस्सनानि । तीणि हुत्वा पञ्च होन्तीति इदं, “सन्तअत्थवसेन एक”न्ति सङ्गहवसेन वुत्तस्स सज्जीति आदिविभागवसेन वुत्तत्ता सुविज्जेय्यन्ति अट्ठकथायं न उद्धटं ।

२२. रूपीं वाति एत्थ (दी० नि० टी० १.७६-७७) यदि रूपं अस्स अत्थीति रूपीति अयमत्थो अधिपेतो । एवं सति रूपविनिमुत्तेन अत्तना भवितव्वं सज्जाय विय रूपस्सपि अत्तनियत्ता । न हि सज्जी अत्ताति एत्थ सज्जा अत्ता । तथा हि वुत्तं सुमङ्गलविलासिनियं (दी० नि० अट्ठ० १.७६-७७) “तत्थ पवत्तसज्जञ्चस्स सज्जाति गहेत्वाति वुत्त”न्ति । एवं सन्ते, “कसिणरूपं अत्ताति गण्हाती”ति इदं कथन्ति? न खो पनेतं एवं दट्ठव्वं — “रूपं अस्स अत्थीति रूपी”ति, अथ खो “रूपनसीलो रूपी”ति । रूपनञ्चेत्थ रूपसरिक्खताय कसिणरूपस्स वड्ढितावड्ढितकालवसेन विसेसापत्ति, सा च नत्थीति न सक्का वत्तुं परित्तविपुलतादिविसेससम्भावतो । यदि एवं इमस्स वादस्स सस्सतदिट्ठिसङ्गहो न युज्जतीति? नो न युज्जति कायभेदतो उद्धं अत्तनो निब्बिकारताय तेन अधिपेतत्ता । तथा हि वुत्तं “अरोगो परं मरणा”ति । अथ वा “रूपं अस्स अत्थीति रूपी”ति वुच्चमानेपि न दोसो । कप्पनासिद्धेनेपि हि भेदेन सामिनिद्वेसदस्सनतो यथा “सिलापुत्तकस्स सरीर”न्ति । रूपनं वा रूपनसभावो रूपं, तं एतस्स अत्थीति रूपी, अत्ता “रूपिनो धम्मा”तिआदीसु (ध० स० ११ दुक्कमातिका) विय । एवञ्च कत्वा रूपसभावत्ता अत्तनो “रूपं अत्ता”ति वचनं जायागतमेवाति “कसिणरूपं अत्ताति गण्हाती”ति वुत्तं । अरूपिन्ति एत्तापि वुत्तनयानुसारेण यथारहं अत्थो वत्तव्वो । सन्तसुखुमं मुञ्चित्वा तब्बिपरीतस्स गहणे कारणं नत्थीति लाभी, “कसिणरूपं अत्ता”ति गण्हातीति लाभितक्किनो ठपेत्वा, सेसतक्की लाभिग्गहणेनेव गहिता । अनुस्सुतितक्किकोपि सुद्धतक्किकोपि वा निरङ्कुसत्ता तक्कनस्स कसिणरूपमपि अत्ताति कदाचिपि गण्हेय्याति वुत्तं — “उभोपि रूपानि गण्हातियेवा”ति । सुद्धतक्किक्कस्स उभयग्गहणं न कतं, तस्मा सासङ्कवचनं ।

कसिणुग्घाटिमाकास-पठमारूपविज्जाण-नत्थिभावआकिञ्चज्जायतनानि अरूपसमापत्तिनिमित्तं । ठपेत्वा सज्जाक्खन्थन्ति इदं सज्जाय अत्तनियतं हृदये कत्वा वुत्तं । “रूपिं वा”ति एत्थ वुत्तनयेन पन अत्थे वुच्चमाने सज्जाक्खन्थं बहिद्धा अकत्वा “अरूपधम्मे”इच्चेव वत्तव्वं सिया । मिस्सकग्गाहवसेनाति रूपारूपसमापत्तीनं निमित्तानि एकज्झं कत्वा, “एको अत्ता”ति, तत्थ पवत्तसज्जञ्चस्स, “सज्जा”ति गहणवसेन । अयज्हि दिट्ठिगतिको रूपारूपसमापत्तिलाभिताय तंनिमित्तं रूपभावेन अरूपभावेन च गहेत्वा उपतिड्ढति, तस्मा, “रूपी अरूपी चा”ति अभिनिवेसं जनेति अज्झत्तवादिनो विय तक्कमत्तेनेव वा रूपारूपधम्मे मिस्सकवसेन गहेत्वा, “रूपी च अरूपीच अत्ता होती”ति । तक्कगाहेनेवाति सङ्खारावसेससुखुमभावप्पत्तधम्मा विय च अच्चन्तसुखुमभावपत्तिया सकिच्चसाधनासमत्थताय थम्भकुट्टहत्थपादानं सङ्गातो विय नेव रूपी, रूपसभावानतिवत्तनतो न अरूपीति एवं पवत्ततक्कगाहेन । लाभिवसेनेपि वा अन्तानन्तिकचतुत्थवादे वक्खमाननयेन अज्जमज्जपटिपक्खवसेन अत्थो वेदितव्वो ।

केवलं पन तत्थ देसकालभेदवसेन ततियचतुत्थवादा इच्छिता; इध कालवत्थु भेदवसेनाति अयमेव विसेसो। कालभेदवसेन चेत्य ततियवादस्स पवत्ति रूपारूपनिमित्तानं सह अनुपट्टानतो; चतुत्थवादस्स पन वत्थुभेदवसेन पवत्ति रूपारूपधम्मानं समूहतो, “एको अत्ता”ति तक्कवसेनाति तत्थ वक्खमाननयानुसारेण वेदितब्बं।

यदिपि अट्ठसमापत्तिलाभिनो दिट्ठिगतिकस्स वसेन समापत्तिभेदेन सज्जानानत्तसम्भवतो दुतियदिट्ठिपि समापन्नकवसेन लब्धति; तथापि समापत्तियं एकरूपेणैव सज्जाय उपट्टानतो, “**पठमदिट्ठि समापन्नकवारेण कथिता**”ति आह। तेनेवेत्थ समापन्नकगहणं कतं। एकसमापत्तिलाभिनो एव वा वसेन अत्थो वेदितब्बो। समापत्ति भेदेन सज्जाभेदसम्भवोपि बहिद्भा पुत्थुत्तारम्मणे सज्जानानत्तेन ओळारिकेन नानत्तसज्जीति, “**दुतियदिट्ठि असमापन्नकवारेण**”ति आह। अवट्ठितकसिणवसेन परित्तसज्जितं, वट्ठितकसिणवसेन अप्पमाणसज्जितं दस्सेतुं, “**ततियदिट्ठि सुप्पमत्तेन वा सरावमत्तेन वा**”तिआदि वुत्तं। “अट्ठुट्ठप्पमाणो वा अत्ता यवप्पमाणो, अणुमत्तो वा अत्ता”तिआदिदस्सनवसेन (उदा० अट्ठ० ५४; दी० नि० टी० १.७६-७७) परित्तो सज्जीति **परित्तसज्जी**। कपिलकणादादयो (विभ० अनुटी० १८९) विय अत्तनो सब्बगतभावपटिजाननवसेन अप्पमाणो सज्जीति **अप्पमाणसज्जीति** एवम्पेत्य अत्थो दट्ठब्बो।

एतन्ति, “रूपिं वा”तिआदिना यथावुत्तअत्तवादं। **एकेसन्ति** एकच्चाणं। **उपातिवत्तन्ति** अतिक्कमन्तानं। निद्धारणे चेतं सामिवचनं। विज्जाणकसिणमेके अभिवदन्तीति योजना। तेनाह — “सज्जं...पे०... अभिवदन्ती”ति। तत्थ “सज्जं ठपेत्वा सेसानि तीणी”ति इदं सज्जाय चतुक्कम्पि परिपुण्णमेव गहेत्वा, **अपरे अट्ठकन्ति वदन्ति। तदुभयन्ति तं** सज्जाअट्ठकन्ति वुत्तं उभयं। **परतो आवि भविस्सतीति**, “चतस्सो रूपसज्जी”तिआदिना उपरि पकासेस्सति। वक्खति हि — “कोट्टासतो अट्ठ, अत्थतो पन सत्त सज्जा होन्ती”ति (म० नि० अट्ठ० ३.२२)। **एत्थाति**, “एतं वा पना”ति एतस्मिं वाक्ये। **समतक्कमितुं सक्कोन्ति** तत्थ आदीनवदस्सनेन तदुद्धं आनिसंसदस्सनेन च ब्रूहितसद्भादि गुणत्ता, विपरियायेन असक्कुणनं वेदितब्बं। **ये सक्कोन्ति, तेव गहिता** तेसंयेव वसेन वक्खमानस्स विसेसस्स वत्तुं सक्कुणेत्यत्ता। सक्कोन्तानञ्च नेसं उपातिवत्तनं अत्तनो जाणबलानुरूपन्ति इममत्थं उपमाय दस्सेतुं, “**तेसं पना**”तिआदि वुत्तं। तत्थ **अप्पमाणन्ति** अप्पमाणारम्मणो, अप्पमाणारम्मणता चस्स आगमनवसेन वेदितब्बा अनन्तारम्मणतो वा। न हि आरम्मणे अनन्तन्ति परमानन्तस्स पमाणं वा गण्हाति। सुखदुक्खेहि अनिज्जनतो रूपविरागभावनाविसेसताय च आनेज्जं पत्वा तिट्ठति, अयं नो अत्ताति अभिवदन्ता तिट्ठन्ति। **विज्जाणकसिणमेकेति** विज्जाणज्जायतनं एके दिट्ठिगतिका अत्ताति वदन्ति। तेनाह — “**विज्जाणज्जायतनं ताव दस्सेतुं**”न्ति। तस्स पन आरम्मणभूतं कसिणुग्घाटिमाकासे पवत्तविज्जाणन्ति अपरे। तज्हि कसिणं मनसिकारवसेन, “विज्जाणकसिण”न्ति, विज्जाणञ्च तं आरम्मणट्टेन आयतनज्जाति, “विज्जाणज्जायतन”न्ति च वुच्चति। **आकिञ्चज्जायतनमेकेति** एत्थापि एसेव नयो।

तयिदन्ति य-कारो पदसन्धिकरोति आह “**तं इदं**”न्ति। **दिट्ठिगतन्ति** यथा वुत्तं “सज्जी अत्ता”ति एवं वुत्तं दिट्ठिं। दिट्ठियेव हि **दिट्ठिगतं** “मुत्तगतं (म० नि० २.११९; अ० नि० ९.११), सङ्खारगत”न्तिआदीसु (महानि० ४१) विय। गन्तब्बाभावतो वा दिट्ठिया गतमत्तं **दिट्ठिगतं**, दिट्ठिया गहणमत्तन्ति अत्थो। दिट्ठिपकारो वा **दिट्ठिगतं**। लोकिया हि विधयुत्तगतपकारसद्दे समानत्थे इच्छन्ति। **दिट्ठिपच्चयो** दिट्ठिकारणं, अविज्जादि दिट्ठिद्वानन्ति अत्थो। तत्थ अविज्जापि हि **दिट्ठिद्वानं** उपनिस्सयादिभावतो। यथाह — “अस्सुतवा, भिक्खवे, पुत्थुज्जनो अरियानं अदस्सावी अरियधम्मस्स अकोविदो”तिआदि (ध० स० १००७)। **फस्सोपि दिट्ठिद्वानं**। यथाह “तदपि फस्सपच्चया”ति (दी० नि० १.११८-१२४)। **सज्जापि दिट्ठिद्वानं**। यथाह “सज्जानिदाना हि पपञ्चसङ्ख”ति (सु० नि० ८८०; महानि० १०९)। **वितक्कोपि दिट्ठिद्वानं**।

यथाह — “तक्कञ्च दिट्ठीसु पक्कप्पयित्वा, सच्चं मुसाति द्वयधम्ममाहू”ति (सु० नि० ८९२; महानि० १२१)।
अयोनिसोमनसिकारोपि दिट्ठिद्वानं। यथाह — “तस्सेवं मनसिकरोतो छन्नं दिट्ठिनं अज्जतरा दिट्ठि उप्पज्जति, अत्थि मे
 अत्ताति तस्स सच्चतो थेततो दिट्ठि उप्पज्जती”ति (म० नि० १.१९)। **दिट्ठारम्मणन्ति** दिट्ठिआरम्मणभूतं
 उपादानक्खन्धपञ्चकं। तेनाह — “रूपं अत्ततो समनुपस्सती”तिआदि (पटि० म० १.१३०)। रूपवेदनादिविनिमुत्तस्स
 दिट्ठिया आरम्मणस्स अभावतो अनादियित्वा इदमेव दस्सेति — “**इमिना पच्चयेन इदं नाम दस्सनं गहितं**”न्ति।
इमिना पच्चयेनाति वा एत्थ पच्चयग्गहणेन आरम्मणम्पि गहितमेवाति दट्ठब्बं।

तदेवाति दिट्ठिगतज्येव दिट्ठिपच्चयज्ज। **रूपसज्जानन्ति** एत्थ इति-सद्दो आदिअत्थो। एवं-सद्दो पकारत्थो, “**यदि
 रूपसज्जानं**”न्तिआदिना पकारेन वुत्तसज्जानन्ति अत्थो। **निरुपक्किलेसा** नीवरणादि उपक्किलेसविमुत्तितो। उत्तमा
 पणीतभावप्पत्तितो, ततो एव **सेट्ठा**, सेट्ठता एव उत्तरितराभावतो **अनुत्तरिया**। **अक्खायतीति** उपट्ठाति।
 आकिञ्चज्जायतनसज्जाय विसुं वुच्चमानत्ता चतुत्थारुप्पसज्जाय च इमस्मिं सज्जीवादे अनोतरणतो, “**यदि
 आरुप्पसज्जानन्ति इमिना आकासानज्जायतन-विज्जाणज्जायतनसज्जा**”इच्चेव वुत्तं। **इतरेहि पन द्वीहीति**, “यदि
 एकत्तसज्जानं, यदि नानत्तसज्जानं”न्ति इमेहि द्वीहि पदेहि। **समापन्नकवारो च** तथा इध कथितोति अधिप्पायो।
कोट्टासतो अट्ठ सज्जा चतुक्कद्वयसङ्गहतो। एकत्तसज्जीपदं ठपेत्वा अत्थतो **पन सत्त सज्जा होन्ति**
 अगहितग्गहणेनाति अधिप्पायो। तेनाह — “**समापन्नक... पे०... सङ्गहितोयेवा**”ति।

सज्जागतन्ति सज्जावसेन गतं, सज्जासङ्गहं गतं वा। तस्स पन अदिट्ठिगतस्सपि उपलब्धमानत्ता, “**सद्धिं
 दिट्ठिगतेना**”ति वुत्तं। **पच्चयेहि समागन्त्वा कतन्ति** सह कारणभूतेहि पच्चयेहि तेनेव सह कारणभावेन समागन्त्वा
 निब्बत्तितं; पटिच्चसमुप्पन्नन्ति अत्थो। **सङ्गतत्ता ओळारिकं** उप्पादवयज्जत्तसम्भावतो। यस्स हि उप्पादो पज्जायति,
 वयो पज्जायति, ठितस्स अज्जत्तं पज्जायति, तं खणे खणे भिज्जनसम्भावतो पस्सन्तस्स पाकटभूतविकारं ओळारिकं
 सिया। न चेत्थ मग्गफलधम्मा निदस्सेतब्बा तेसं तथा अननुपस्सितब्बतो; तेसम्पि सङ्गतभावेन इतरेहि समानयोगक्खमताय
 दुन्निवारयभावतो। तथा हि “असेसविरागनिरोधा”ति (उदा० ३) वचनतो मग्गस्सपि निस्सरणभावेन “**अत्थि खो पन
 सङ्गारानं निरोधो**”ति निब्बानमेवेत्थ पटियोगभावेन उद्धटं “**निरुज्झन्ति एत्था**”ति कत्वा। **निरोधसङ्गातं निब्बानं नाम
 अत्थीति** एत्थ, — “अत्थि, भिक्खवे, अजातं अभूतं असङ्गतं”न्ति सुत्तपदं (उदा० ७३) आनेत्वा वत्तब्बं। **निब्बानदस्सीति**
 सच्छिकिरियाभिसमयवसेन निब्बानदस्सी, ततो एव इतराभिसमयत्थसिद्धिया तं **सङ्गतं अतिक्कन्तो**।

२३. अट्ठसु असज्जीवादेसूति इदं ब्रह्मजाले (दी० नि० १.७८-८०) आगतनयेन वुत्तमेव हि सन्धाय हेट्ठा, “सज्जीति
 इमिना अट्ठ असज्जीवादा कथिता”ति वुत्तं। इध पन चत्तारो वादा एव उद्धटा। तेनाह “**असज्जी**”तिआदि। एस नयो परतो
 “**अट्ठसु नेवसज्जीनासज्जीवादेसू**”ति एत्थापि। सज्जाय सति ताय वेदनागाहसम्भावतो “**आबाधनट्टेन सज्जा
 रोगो**”ति वुत्तं। दुक्खतासूलयोगतो किलेसासुचिपग्घरणतो उप्पादजराभङ्गेहि उद्धुमातपक्कपभिज्जनतो च **सज्जा गण्डो**;
 स्वायमत्थो दोसदुट्ठताय एव होतीति आह — “**सदोसट्टेन गण्डो**”ति। पीळाजननतो अन्तोतुदनतो दुरुद्धरणतो च सज्जा
 सल्लं; स्वायमत्थो अत्तभावं अनुपविसित्वा अवट्टानेनाति आह “**अनुपविट्टेन सल्लं**”न्ति। पटिसन्धिग्गहणे विज्जाणं
 कुतोचि आगतं विय होतीति वुत्तं “**पटिसन्धिवसेन आगति**”न्ति। गतिन्ति पवत्तिं। सा पन तासु तासु गतीसु वुत्ति होतीति
 वुत्तं — “**चुतिवसेन गति**”न्ति; वट्ठनवसेन घनपबन्धवसेनाति अत्थो। तेनाह “**अपरापर**”न्ति। अपरापरज्झि पबन्धवसेन
 पवत्तमानं विज्जाणं नन्दूपसेचनं; इतरं खन्धत्तयं वा निस्साय अभिवुद्धिं पतिट्ठं महन्तज्ज पापुणातीति। पवट्ठवसेन वा गतिं,
 निक्खेपवसेन चुतिं, ततो अपरापरज्ज रूपपवत्तनवसेन उपपत्तिं, इन्द्रियपरिपाकवसेन वुट्ठिं तस्स तस्स कम्मस्स

कतूपचितभावेन विरुद्धिह; तस्स कम्मस्स फलनिब्बत्तिया वेपुल्लन्ति योजेतब्बं ।

कामज्जातिआदिना “अज्जत्र रूपा”तिआदिका चोदना लक्खणवसेन वुत्ताति दस्सेत्वा अयज्च नयो चोदनाय अविस्सिद्धविसयताय सिया; विसिद्धविसया पनायं चोदनाति दस्सेतुं, “अयं पन पज्जो”तिआदि वुत्तं । एत्तके खन्धेति यथावुत्ते रूपवेदनादिके चत्तारो खन्धे । अज्जत्र रूपाति इमिना यत्थ कत्थचि रूपेन विना विज्जाणस्स पवत्ति नत्थीति दीपितं होति । भवविसेसचोदनाय सभावतो एव विज्जाणेन विना रूपस्सपि पवत्ति नत्थीति दीपितं होतीति आह — “अरूपभवेपि रूपं, असज्जाभवे च विज्जाणं अत्थी”ति । निरोधसमापन्नस्साति सज्जावेदयितनिरोधं समापन्नस्सपि विज्जाणं अत्थि । व्यज्जनच्छायाय चे अत्थं पटिबाहसीति यदि सदत्थमेव गहेत्वा अधिप्पायं न गणहसि नेय्यत्थं सुत्तन्ति । एत्थ च असज्जभवे निब्बत्तसत्तवसेन पठमवादो; सज्जं अत्ततो समनुपस्सतीति एत्थ वुत्तनयेन सज्जंयेव अत्ताति गहेत्वा तस्स किज्चनभावेन ठिताय अज्जाय सज्जाय अभावतो असज्जीति पवत्तो दुतियवादो; तथा सज्जाय सह रूपधम्मो सब्बे एव वा रूपारूपधम्मो अत्ताति गहेत्वा पवत्तो ततियवादो; तक्कग्गाहवसेनेव पवत्तो चतुत्थवादो । तेसु यं वत्तब्बं, तं हेट्ठा वुत्तनयेनेव वेदितब्बं । नेवसज्जीनासज्जीवादेपि असज्जभवे निब्बत्तस्स सत्तस्स चुतिपटिसन्धीसु; सब्बत्थ वा पटुसज्जाकिच्चं कातुं असमत्थाय सुखुमाय सज्जाय अत्थिभावपटिजाननवसेन पठमवादो; असज्जीवादे वुत्तनयेन सुखुमाय सज्जाय वसेन सज्जाननसभावतापटिजाननवसेन च दुतियवादादयो पवत्ताति । एवमेत्थ एतेसं वादानं सभावो वेदितब्बो । सेसं वुत्तनयमेव ।

२४. यत्थ न सज्जा, तत्थ जाणस्स सम्भवो एव नत्थीति आह — “असज्जा सम्मोहो”ति, असज्जभावो नाम सम्मोहप्पवत्तीति अत्थो । यथा निय्यन्तीति निय्यानियाति बहुलं वचनतो कत्तुसाधनो निय्यानियसद्दो, एवं इध विज्जातब्बसद्दोति आह — “विजानातीति विज्जातब्ब”न्ति, विजाननं विज्जाणन्ति अत्थो । तेन दिट्ठसुतमुतविज्जातब्बमत्तेनाति दिट्ठसुतमुतविज्जाणप्पमाणेनाति अत्थो दट्ठब्बो । तेनाह — “पज्चद्वारिकसज्जापवत्तिमत्तेना”ति, निब्बिकप्पभावतो पज्चद्वारिकसज्जापवत्तिसमेन भावनाभिनीहारेनाति अत्थो । ओळारिकसङ्खारप्पवत्तिमत्तेनाति ओळारिकानं सङ्खारानं पवत्तिया । ओळारिकसङ्खाराति चेत्थ आकिज्चज्जायतनपरियोसाना समापत्तिधम्मा अधिप्पेता । उपसम्पदन्ति ये सज्जाय, असज्जिभावे च दोसं दिस्वा नेवसज्जानासज्जायतनं वण्णेन्तापि रूपज्झानपटिलाभमत्तेन तस्स सम्पादनं पटिलाभं अधिगमं पज्जपेन्ति, तेसं तस्स ब्यसनं अक्खायति अनुपायभावतो । तेनाह “विनासो”तिआदि । वुट्ठानन्ति सदिससमापज्जनपुब्बकं परिवुट्ठानं । समापत्ति एव तेसं नत्थि अनधिगतत्ता । ओळारिकसङ्खारप्पवत्तिया अन्तमसो आकिज्चज्जायतनसङ्खारप्पवत्तियापि पत्तब्बन्ति न अक्खायति तेपि समतिक्कमित्वा पत्तब्बतो । सङ्खारानन्ति निद्धारणे सामिवचनं । अवसेसाति इतो परं सुखुमभावो नाम नत्थीति सुखुमभावापत्तिया अवसेसा । तेनाह — “भावनावसेन सब्बसुखुमभावं पत्ता सङ्खारा”ति । एतन्ति नेवसज्जानासज्जायतनं, पत्तब्बं नाम होति तादिससङ्खारप्पत्तियं तब्बोहारतो । सङ्खतं समेच्च सम्भुय्य पच्चयेहि कतत्ता ।

२५. “ये ते समणब्राह्मणा सतो सत्तस्स उच्छेदं विनासं विभवं पज्जपेन्ती”ति (म० नि० ३.२५) वक्खमानत्ता सबुद्धियं विपरिवत्तमाने एकज्झं गहेत्वा, “तत्रा”ति भगवता वुत्तन्ति आह — “तत्राति सत्तसु उच्छेदवादेसु भुम्म”न्ति । उद्धं सरन्ति उद्धं गतं सरन्ताति तं दस्सेन्तो आह “उद्धं वुच्चती”तिआदि । सरन्ताति यत्थ पत्थेन्ति न लभन्ति, तं जानन्ता । आसत्तिन्ति आसीसनं । पेच्चाति परलोके । वाणिजूपमा वियाति भवपरियापन्नफलविसेसापेक्खाय पटिपज्जनतो । सक्कायस्स भयाति सन्तो कायोति सक्कायो, परमत्थतो विज्जमानो धम्मसमूहोति कत्वा उपादानक्खन्धपज्चकं, ततो भायनेन । मा खीयि मा परिक्खयं अगमासि । मा ओसीदि मा हेट्ठा भस्सि । अब्भन्ति आकासं मा उन्दिमि मा भिज्जित्वा

पति । गहुलेन बद्धो गहुलबद्धो । दळ्ळहथम्भो विय खीलो विय च सक्कायो दुम्मोचनीयतो । सा विय दिट्ठिगतिको तस्स अनुपरिवत्तनतो । दण्डको विय दिट्ठि छेदनकरणाय असमत्थभावकरणतो । रज्जु विय तण्हा बन्धनतो च, आरम्भणकरणवसेन समन्नागमनवसेन च सम्बद्धभावतो । तेन वुत्तं — “दिट्ठिदण्डके पवेसिताय तण्हारज्जुया”ति ।

२६. भगवा अत्तनो देसनाविलासेन वेनेय्यज्झासयवसेन (चतुचत्तारीस अपरन्तकप्पिकवादा तत्थ तत्थ अन्तोगधाति) उद्देसवसेन पञ्चेव सङ्गहेत्वा यथुद्देसं निगमेन्तो, “इमानेव पञ्चायतनानी”ति आह । तत्थ दुक्खस्स निमित्तभावतो दिट्ठिगतानं कारणट्ठेन आयतनत्थोति वुत्तं — “इमानेव पञ्च कारणानी”ति । सज्जीआदिवसेन तीणि उच्छेदवादोति चत्तारि भाजितानि । इतरं पन दिट्ठधम्मनिब्बानं कुहिं पविट्ठं? सरूपतो अभाजितत्ता यथाभाजितेसु वादेसु कत्थ अन्तोगधन्ति पुच्छति । उद्देसे पन सरूपतो गहितमेव, “दिट्ठधम्मनिब्बानं वा पनेके अभिवदन्ती”ति । इतरो एकत्तसज्जीवादे नानत्तसज्जीवादे अन्तोगधन्ति दस्सेन्तो “एकत्त...पे०... वेदितब्ब”न्ति आह यथासुखञ्चेतं वुत्तं । पठमो हि दिट्ठधम्मनिब्बानवादो नानत्तसज्जीवादे अन्तोगधो, इतरे चत्तारो एकत्तसज्जीवादे ।

२७. अतीतकोट्टाससङ्घातन्ति अतीतं खन्धकोट्टाससङ्घातं पुब्बन्तं । पुब्बे निवुत्थधम्मविसया कप्पना इधाधिप्पेता, तस्मा अतीतकालवाचको इध पुब्बसद्दो, रूपादिखन्धविनिमुत्तञ्च कप्पनावत्थु नत्थि, अन्तसद्दो च कोट्टासवाचको । तेन वुत्तं “अतीतकोट्टाससङ्घातं पुब्बन्तं कप्पेत्वा”ति । “कप्पेत्वा”ति च तस्मिं पुब्बन्ते तण्हायनाभिनिविसानं समत्थनं परिनिट्ठापनं वदति । सेसम्पीति “पुब्बन्तानुदिट्ठी”ति एवमादिकं । पुब्बे वुत्तप्पकारन्ति “अपरन्तानुदिट्ठिनो”ति आदीसु वुत्तप्पकारं । एकेकस्मिञ्च अत्ताति आहितो अहंमानो एत्थाति कत्वा, लोकोति लोकियन्ति एत्थ पुञ्जपापानि तब्बिपाका चाति कत्वा, तं तं गहणविसेसं उपादाय पञ्जापनं होतीति आह — “रूपादीसु अज्जतरं अत्ताति च लोकोति च गहेत्वा”ति । सब्बदाभावेन सस्सतो । अमरो निच्चो धुवोति तस्सेव वेवचनानि । मरणाभावेन अमरो, उप्पादाभावेन सब्बकालं वत्तनतो निच्चो, थिरट्ठेन विकाराभावेन धुवो, यथाहाति आदिना यथावुत्तमत्थं निद्देसपटिसम्भिदापाळीहि विभावेति । अयञ्च अत्थो “रूपं अत्ततो समनुपस्सति, वेदनं... सज्जं... सङ्खारे... विज्जाणं अत्ततो समनुपस्सती”ति (पटि० म० १.१३०-१३१) इमिस्सा पञ्चविधाय सक्कायदिट्ठिया वसेन वुत्तो । “रूपवन्त”न्ति आदिकाय (पटि० म० १.१३०-१३१) पन पञ्चदसविधाय सक्कायदिट्ठिया वसेन चत्तारो चत्तारो खन्धे, “अत्ता”ति गहेत्वा तदज्जं — “लोको”ति पञ्जपेन्तीति अयम्पि अत्थो लब्धति, तथा एकं खन्धं, “अत्ता”ति गहेत्वा तदज्जे “लोको”ति पञ्जपेन्तीति एवमेत्थ अत्थो दट्ठब्बो । एसेव नयोति इमिना यथा “रूपादीसु अज्जतरं अत्ताति च लोकोति च गहेत्वा सस्सतो...पे०... धुवो”ति अत्थो वुत्तो; एवं असस्सतो अनिच्चो अधुवो उच्छिज्जति विनस्सति न होति परं मरणा; निच्चो च अनिच्चो च नेवनिच्चो नानिच्चोति एवमादिमत्थं अतिदिसति ।

चत्तारो सस्सतवादाति लाभीवसेन तयो, तक्कीवसेन एकोति एवं चत्तारो । पुब्बेनिवासजाणलाभी तित्थियो मन्दपज्जो अनेकजातिसतसहस्समत्तं अनुस्सरति, मज्झिमपज्जो दस संवट्ठिविवट्ठकप्पानि, तिक्खपज्जो चत्तारीस संवट्ठिविवट्ठकप्पानि, न ततो परं । सो एवं अनुस्सरन्तो अत्ता च लोको चाति अभिवदति । तक्की पन तक्कपरियाहतं वीमंसानुचरितं सयंपटिभानं सस्सतो अत्ता च लोको चाति अभिवदति । तेन वुत्तं — “लाभीवसेन तयो, तक्कीवसेन एकोति एवं चत्तारो सस्सतवादा”ति । एतेनेव च अधिच्चसमुप्पत्तिकवादो विय सस्सतवादो कस्मा दुविधेन न विभत्तोति चे? पटिक्खत्तत्ताति दट्ठब्बं ।

एत्थ च, “सस्सतो अत्ता च लोको चा”ति वादे अयमयुत्तताविभावना — यदि हि परेन परिकप्पितो अत्ता, लोको वा

सस्सतो सिया, तस्स निब्बिकारताय पुरिमरूपाविजहनतो कस्सचि विसेसाधानस्स कातुं असक्कुण्येय्यताय अहिततो निवत्तनत्थं हिते च पटिपत्तिअत्थं उपदेसो एव निप्पयोजनो सिया सस्सतवादिनो । कथं वा सो उपदेसो पवत्तीयति विकाराभावतो; एवञ्च अत्तनो अजटाकासस्स विय दानादिकिरिया हिंसादिकिरिया च न सम्भवति; तथा सुखस्स दुक्खस्स च अनुभवननिबन्धो एव सस्सतवादिनो न युज्जति कम्मबद्धाभावतो, जातिआदीनं असम्भवतो कुतो विमोक्खो । अथ पन धम्ममत्तं तस्स उप्पज्जति चेव विनस्सति च, यस्स वसेनायं किरियादिवोहारोति वदेय्य । एवम्पि पुरिमरूपाविजहनेन अवट्ठितस्स अत्तनो धम्ममत्तन्ति न सक्का सम्भावेतुं; ते वा पनस्स धम्मा अवत्थाभूता ततो अज्जे वा सियुं अनज्जे वा, यदि अज्जे, न ताहि तस्स उप्पन्नाहिपि कोचि विसेसो अत्थि । यो हि करोति पटिसंवेदेति चवति उपपज्जति चाति इच्छितं । तस्मा तदवत्थो एव यथावुत्तदोसो, किञ्च धम्मकप्पनापि निरत्थका सिया । अथ अनज्जे, उप्पादविनासवन्तीहि अवत्थाहि अनज्जस्स अत्तनो तासं विय उप्पादविनाससम्भवापत्तितो कुतो निच्चतावकासो । तासम्पि वा अत्तनो विय निच्चताति बन्धनविमोक्खानं असम्भवो एवाति न युज्जति एव सस्सतवादो; न चेत्थ कोचि वादी धम्मानं सस्सतभावे परिसुद्धं युत्तिं वत्तुं समत्थो अत्थि; युत्तिरहितञ्च वचनं न पण्डितानं चित्तमाराधेतीति विज्जूहि छड्डितो एवायं सस्सतवादोति ।

सत्त उच्छेदवादाति एत्थ ते सरूपमत्ततो हेट्ठा दस्सिता एव, तत्थ द्वे जना उच्छेददिट्ठिं गणहन्ति लाभी च अलाभी च । तत्थ लाभी नाम दिब्बचक्खुजाणलाभी दिब्बेन चक्खुना अरहतो युत्तिं दिस्वा उपपत्तिं अपस्सन्तो । यो वा पुथुज्जनानम्पि युत्तिमत्तमेव दट्ठुं सक्कोति, पुब्बयोगाभावेन परिकम्माकरणेन वा उपपातं दट्ठुं न सक्कोति । सो “तत्थ तत्थेव अत्ता उच्छिज्जती”ति उच्छेददिट्ठिं गणहाति । अलाभी — “को परलोकं जानाति, एत्तको जीवविसयो, याव इन्द्रियगोचरो”ति अत्तनो धीतुया हत्थगगणहनकराजा विय कामसुखगिद्धताय वा, “यथा रुक्खपण्णानि रुक्खतो पतितानि न पटिसन्धियन्ति, एवं सब्बेपि सत्ता अप्पटिसन्धिकमरणमेव गच्छन्ति, जलबुब्बुळकूपमा सत्ता”ति तक्कमत्तवसेन वा उच्छेददिट्ठिं गणहाति । तत्थ यं हेट्ठा वुत्तं — “मनुस्सत्तभावे कामावचरदेवत्तभावे रूपावचरदेवत्तभावे चतुब्बिधअरूपत्तभावे चवित्वा सत्तस्स उच्छेदपज्जापनवसेन सत्त उच्छेदवादा कथिता”ति । तत्थ युत्तं ताव पुरिमेसु तीसु वादेसु “कायस्स भेदा”ति वुत्तं; पञ्चवोकारभवपरियापन्नं अत्तभावं आरब्भ पवत्तत्ता तेसं वादानं, न युत्तं चतुवोकारभवपरियापन्नं अत्तभावं निस्साय पवत्तेसु चतुत्थादीसु चतूसु वादेसु, “कायस्स भेदा”ति वुत्तं । न हि अरूपीनं कायो अत्थीति? सच्चमेतं, रूपभवे पवत्तवोहारेनेव दिट्ठिगतिको अरूपभवेपि कायवोहारमारोपेत्वा आह “कायस्स भेदा”ति । यथा दिट्ठिगतिकेहि दिट्ठियो पज्जत्ता, तथेव भगवा दस्सेसीति । अरूपकायभावतो वा फस्सादिधम्मसमूहभूते अरूपत्तभावे कायनिद्देसो दट्ठब्बो ।

एत्थाह — “कामावचरदेवत्तभावादिनिरवसेसविभवपतिट्ठापकानं दुतियवादादीनं युत्तो अपरन्तकप्पिकभावो अनागतद्वविसयत्ता तेसं वादानं; न पन दिट्ठिगतिक-पच्चक्खभूत-मनुस्सत्तभाव-समुच्छेदपतिट्ठापकस्स पठमवादस्स पच्चुप्पन्नविसयत्ता”ति । यदि एवं यथा हि दुतियादिवादानं, पुरिमपुरिमवादसङ्गहितस्सेव अत्तनो उत्तरुत्तरभवोपपत्तिया समुच्छेदनतो युज्जति अपरन्तकप्पिकता, तथा च “नो च खो, भो, अयं अत्ता एत्तावता सम्मा समुच्छिन्नो होती”तिआदि वुत्तं । एवं अनागतस्सेव मनुस्सत्तभावसमुच्छेदस्स अधिप्पेतत्ता पठमवादस्सपि अपरन्तकप्पिकता युज्जति । एवं सब्बस्सपि पुब्बन्ततो आगतस्स उच्छेदपज्जापनवसेन इध पुब्बन्तकप्पिकेसु देसना गता । एते उच्छेदवादा हेट्ठा अपरन्तकप्पिकेसु देसना गता । एते उच्छेदवादा हेट्ठा अपरन्तकप्पिकेसु तत्थ तत्थेव उच्छिज्जति, न ततो उद्धं पवत्ति अत्थीति दस्सनत्थं वुत्ता । जलबुब्बुळकूपमा हि सत्ताति तस्स लद्धि ।

इधाति पुब्बन्तकप्पिकेसु । इधेव मनुस्सत्तभावादिके उच्छिज्जति विनट्ठविनासवसेन । एवं अनागते अनुप्पत्तिदस्सनपरानं उच्छेदवादानं अपरन्तकप्पिकेसु गहणं; पुब्बन्ततो पन आगतस्स अत्तनो इधेव उच्छेददस्सनपरानं

पुब्बन्तकप्पिकेसु गहणं। इतो परं न गच्छतीति पन इदं अत्थतो आपन्नस्स अत्थस्स दस्सनं। सत्तेसु सङ्खारेसु च एकच्चसस्सतन्ति पवत्तो एकच्चसस्सतवादो। सो पन ब्रह्मकायिक-खिड्ढापदोसिक-मनोपदोसिकतभावतो चवित्वा इधागतानं तक्किनो च उप्पज्जनवसेन चतुब्बिधोति आह “चत्तारो एकच्चसस्सतवादा”ति।

“सङ्खारेकच्चसस्सतिका”ति इदं तेहि सस्सतभावेन गहमानानं धम्मनं यथासभावदस्सनवसेन वुत्तं, न पनेकच्चसस्सतिकमतदस्सनवसेन। तस्स हि सस्सताभिमतं असङ्खतमेवाति लद्धि। तथा हि वुत्तं (दी० नि० १.४९) ब्रह्मजाले — “चित्तन्ति वा मनोति वा विज्जाणन्ति वा अयं अत्ता निच्चो धुवो सस्सतो अविपरिणामधम्मो सस्सतिसमं तथेव ठस्सती”ति। न हि यस्स भावस्स पच्चयेहि अभिसङ्खतभावं पटिजानाति; तस्सेव निच्चधुवादिभावो अनुम्मत्तकेन न सक्का पटिज्जातुं। एतेन, “उप्पादवयधुवतायुत्तभावा सिया निच्चा, सिया अनिच्चा, सिया न वत्तब्बा”तिआदिना पवत्तस्स सत्तभङ्गवादस्स अयुत्तता विभाविता होति।

तत्थायं (दी० नि० टी० १.३८) अयुत्तताविभावना — यदि, “येन सभावेन यो धम्मो अत्थीति वुच्चति, तेनेव सभावेन सो धम्मो नत्थी”तिआदिना वुच्चेय्य, सिया अनेकन्तवादो; अथ अज्जेन, सिया न अनेकन्तवादो; न चेत्थ देसन्तरादिसम्बद्धभावो युत्तो वत्तुं तस्स सब्बलोकसिद्धत्ता विवादाभावतो। ये पन वदन्ति — “यथा सुवण्णघटे मकुटे कते घटभावो नस्सति, मकुटभावो उप्पज्जति, सुवण्णभावो तिट्ठतियेव, एवं सब्बभावानं कोचि धम्मो नस्सति, कोचि उप्पज्जति, सभावो पन तिट्ठती”ति। ते वत्तब्बा — किं तं सुवण्णं, यं घटे मकुटे च अवट्ठितं? यदि रूपादि, सो सद्दो विय अनिच्चो, अथ रूपादिसमूहो, समूहो नाम सम्मुतिमत्तं। तस्स वोहारमत्तस्स अत्थिता नत्थिता निच्चता वा न वत्तब्बा। तस्स परमत्थसभावेन अनुपलब्धनतोति अनेकन्तवादो न सिया। धम्मा च धम्मितो अज्जे वा सियुं अनज्जे वा। यदि अज्जे, न तेसं अनिच्चताय धम्मी अनिच्चो अज्जत्ता। न हि रूपा चक्खुविज्जाणं अज्जत्ता, न च रूपे चक्खुविज्जाणसद्दो होति; किञ्च धम्मकप्पनापि निरत्थिका सिया धम्मिनो निच्चानिच्चताय असिज्जनतो अथ अनज्जे; उप्पादविनासवन्तेहि अनज्जस्स धम्मिनो तेसं विय उप्पादविनाससम्भावतो कुतो निच्चतावकासो, तेसम्पि वा धम्मिनो विय निच्चतापत्ति सिया। अपिच निच्चानिच्चनवत्तब्बरूपो अत्ता च लोको च परमत्थतो विज्जमानतापटिजाननतो यथा निच्चादीनं अज्जतरं रूपं, यथा वा दीपादयो। न हि दीपादीनं उदयब्बयसभावानं निच्चानिच्चनवत्तब्बसभावता सक्का वत्तुं जीवस्स निच्चादीसु अज्जतरं रूपं वियाति एवं सत्तभङ्गस्स विय सेसभङ्गानम्पि असम्भवोयेवाति सत्तभङ्गवादस्स अयुत्तता वेदितब्बाति।

एत्थ च, “इस्सररो निच्चो, अज्जे सत्ता अनिच्चा”ति एवं पवत्तवादा सत्तेकच्चसस्सतवादा; सेय्यथापि इस्सरवादादयो। “परमाणवो निच्चा धुवा, द्विअणुकादयो अनिच्चा”ति एवं पवत्तवादा सङ्खारेकच्चसस्सतवादा; सेय्यथापि कणादवादादयो। ननु च “एकच्चे धम्मा सस्सता, एकच्चे असस्सता”ति; एतस्मिं वादे चक्खादीनं असस्सततासन्निट्ठानं यथासभाववबोधो एव, तयिदं कथं मिच्छादस्सनन्ति, को एवमाह — “चक्खादीनं असस्सतभावसन्निट्ठानं मिच्छादस्सन”न्ति? असस्सतेसुयेव पन केसज्जि धम्मनं सस्सतभावाभिनिवेशो इध मिच्छादस्सनं; तेन पन एकवारे पवत्तमानेन चक्खादीनं असस्सतभाववबोधो विदूसितो संसट्ठभावतो; विससंसट्ठो विय सप्पिमण्डो सकिच्चकारणासमत्तताय सम्मादस्सनपक्खे ठपेतब्बतं नारहति। अथ वा असस्सतभावेन निच्छितापि चक्खुआदयो समारोपितजीवसभावा एव दिट्ठिगति केहि गहन्तीति तदवबोधस्स मिच्छादस्सनभावो न सक्का निवारेतुं। तथा हि वुत्तं ब्रह्मजाले (दी० नि० १.४९) — “चक्खुन्ति वा...पे०... कायोति वा अयं मे अत्ता”तिआदि। एवञ्च कत्वा असङ्खताय सङ्खताय च धातुया वसेन यथाक्कमं एकच्चे धम्मा सस्सता; एकच्चे असस्सताति एवं पवत्तो विभज्जवादोपि एकच्चसस्सतवादो आपज्जतीति एवंपकारा चोदना अनोकासा होति अविपरीतधम्मसभावसम्पटिपत्तिभावतो।

न मरतीति अमरा । का सा? “एवन्तिपि मे नो”ति आदिना (दी० नि० १.६२) नयेन परियन्तरहिता दिट्ठिगतिकस्स दिट्ठि च वाचा च, अमराय दिट्ठिया वाचाय विविधो खेपोति अमराविकखेपो । सो एतस्स अत्थीति **अमराविकखेपो** । अथ वा अमराति एका मच्छजाति, सा उम्मुज्जननिम्मुज्जनादिवसेन उदके सन्धावमाना गाहं न गच्छति; एवमेवं अयम्पि वादो इतो चितो च सन्धावति, गाहं नागच्छतीति अमराविकखेपो, सो एव **अमराविकखेपिको** । स्वायं वादो मुसावाद अनुयोगछन्दरागमोहेतुकताय चतुधा पवत्तोति आह — “**चत्तारो अमराविकखेपिका वुत्ता**”ति । ननु चेत्थ (दी० नि० टी० १.६५-६६) चतुब्बिधोपि अमराविकखेपिको कुसलादिके धम्मे परलोकत्तिकादीनि च यथाभूतं अनवबुज्झमानो, तत्थ तत्थ पज्झं पुट्ठो पुच्छाय विकखेपनमत्तं आपज्जतीति तस्स कथं दिट्ठिगतिकभावो । न हि अवत्तुकामस्स विय पुच्छितमत्थं अजानन्तस्स विकखेपकरणमत्तेन दिट्ठिगतिकता युत्ताति? न हेवं पुच्छाविकखेपकरणमत्तेन तस्स दिट्ठिगतिकता इच्छिता, अथ खो मिच्छाभिनिवेसेन । सस्सतवसेन मिच्छाभिनिविट्ठोयेव हि मन्दबुद्धिताय कुसलादिधम्मे परलोकत्तिकादीनि च, याथावतो अप्पटिपज्जमानो अत्तना अविज्जातस्स अत्थस्स परं विज्जापेतुं असमत्थताय मुसावादादिभयेन च विकखेपं आपज्जतीति । तथा हिस्स वादस्स सस्सतदिट्ठिसङ्गहो वुत्तो । अथ वा पुज्जपापानं, तब्बिपाकानञ्च अनवबोधेन, असद्वहनेन च, “तब्बिसयाय पुच्छाय विकखेपकरणंयेव युत्तं सुन्दरञ्चा”ति, खन्तिं रुचिं उप्पादेत्वा अभिनिविसन्तस्स उप्पन्ना विसुंयेवेका एसा दिट्ठि सत्तभङ्गदिट्ठि वियाति दट्ठब्बा । तथा चेव वुत्तं — “परियन्तरहिता दिट्ठिगतिकस्स दिट्ठि चेव वाचा चा”ति (दी० नि० अट्ठ० १.६१) । कथं पनस्सा सस्सतदिट्ठिसङ्गहो? उच्छेदवसेन अनभिनिवेसतो । “नत्थि कोचि धम्मानं यथाभूतवेदी विवादबहुलत्ता लोकस्स; ‘एवमेव’न्ति पन सद्वन्तरेन धम्मे निज्झानना अनादिकालिका लोके”ति गाहवसेन सस्सतलेसोपेत्य लब्धतियेव ।

अमति गच्छति एत्थ सभावो ओसानन्ति अन्तो, मरियादो, सो एतस्स अत्थीति **अन्तवा** । तेनाह “**सपरियन्तो**”ति । अवट्ठितकसिणस्स पुगलस्स एवं होतीति योजना । **दुतियवादो** “अनन्तवा लोको”ति वादो । **ततियवादो** “अन्तवा च अनन्तवा चा”ति वादो । **चतुत्थवादो** “नेवन्तवा नानन्तवा”ति वादो । एते एव चत्तारो वादिनो सन्धाय **ब्रह्मजाले** (दी० नि० १.५३) — “अन्तानन्तिका अन्तानन्तं लोकस्स पज्जपेन्ति चतूहि वत्थूही”ति वुत्तं । तत्थ (दी० नि० टी० १.५३) युत्तं ताव पुरिमानं तिण्णं वादीनं अन्तत्तञ्च अनन्तत्तञ्च अन्तानन्तत्तञ्च आरब्भ पवत्तवादत्ता अन्तानन्तिकत्तं । पच्छिमस्स पन तदुभयपटिसेधवसेन पवत्तवादत्ता कथमन्तानन्तिकत्तन्ति? तदुभयपटिसेधवसेन पवत्तवादत्ता एव । यस्मा पटिसेधवादोपि अन्तानन्तविसयो एव तं आरब्भ पवत्तत्ता । अपरे आहु — “यथा ततियवादे सम्भेदवसेन एतस्सेव अन्तवन्तता अनन्तता च सम्भवति, एवं तक्कीवादेपि कालभेदवसेन उभयसम्भवतो अज्जमज्जपटिसेधेन उभयज्जेव वुच्चति । कथं? अन्तवन्ततापटिसेधेन हि अनन्तता वुच्चति, अनन्ततापटिसेधेन च अन्तवन्तता, अन्तानन्तानञ्च ततियवादभावो कालभेदस्स अधिप्पेतत्ता । इदं वुत्तं होति यस्मा अयं लोकसज्जितो अत्ता झायीहि अधिगतविसेसेहि अनन्तो कदाचि सक्खि दिट्ठो अनुसुय्यति; तस्मा नेवन्तवा । यस्मा पन तेहि एव कदाचि अन्तवा सक्खि दिट्ठो अनुसुय्यति, तस्मा न पन अनन्तवा”ति । यथा च अनुस्सुतितक्कीवसेन, एवं जातिस्सरतक्किआदीनञ्च वसेन यथासम्भवं योजेतब्बं । अयञ्चि तक्किको अवट्ठितभावपुब्बकत्ता पटिभागनिमित्तानं वट्ठितभावस्स वट्ठितकालवसेन अपच्चक्खकारिताय अनुस्सवादिमत्ते ठत्वा — “नेवन्तवा”ति पटिक्खपति, अवट्ठितकालवसेन पन “नानन्तो”ति । न पन अन्तवन्ततानन्ततानं अच्चन्तमभावेन यथा तं “नेवसज्जीनासज्जी”ति, अवस्सञ्च एतं एवं विज्जातब्बं, अज्जथा विकखेपपक्खंयेव भजेय्य चतुत्थवादो । न हि अन्तवन्ततानन्ततादुभयविनिमुत्तो अत्तनो पकारो अत्थि, तक्कीवादी च युत्तिमग्गको, कालभेदवसेन च तदुभयम्पि एकस्मिं न न युज्जतीति । **अनन्तरचतुक्कन्ति** एकत्तसज्जीति आगतसज्जीचतुक्कं ।

एकन्तसुखीति एकन्तेनेव सुखी । तं पनस्स सुखं दुक्खेन अवोमिस्सं होतीति आह “**निरन्तरसुखी**”ति ।

एकन्तसुखमेवाति इदं सुखबहुलतं सन्धाय वुत्तं । अतीतासु सत्तसु जातीसूति इदं ततो परं जातिस्सरजाणेन अनुस्सरितुं न सक्काति कत्वा वुत्तं । तादिसमेवाति सुखसमङ्गिमेव अत्तभावं । “एवं सुखसमङ्गी”ति तं अनुस्सरन्तस्स जातिस्सरस्स अतीतजातियम्पि इध विय दुक्खफुट्टस्स तं अनुस्सरन्तस्स ।

सब्बेसम्पीति लाभीनं तक्कीनम्पि । तथाति इमिना “सब्बेसम्पी”ति इदं पदं आकङ्कति । कामावचरं नाम अदुक्खमसुखं अनुळारं अविभूतन्ति आह “चतुत्थज्झानवसेना”ति । चतुत्थज्झानं कारणभूतं एतस्स अत्थि, तेन वा निब्बत्तन्ति चतुत्थज्झानिकं । मज्झत्तस्साति मज्झत्तभूतस्स मज्झत्तवेदनाबहुलस्स । मज्झत्तभूतद्वानमेव अत्तनो मज्झत्ततापत्तमेव भूतपुब्बं अनुस्सरन्तस्स । एकच्चसस्सतिकाति एकच्चसस्सतवादिनो वुत्ता । पुग्गलाधिद्वानेन हि एकच्चसस्सतिका । एस नयो सेसेसुपि । अधिच्चसमुप्पन्नवादो सस्सतवादसमुद्दिद्वोति कत्वा “द्वे अधिच्चसमुप्पन्निका”ति च वुत्तं ।

२८. दिट्ठुद्धारन्ति यथावुत्तानं दिट्ठीनं अनिय्यानिकभावदस्सनवसेन पदुद्धरणं । पच्चत्तंयेव जाणन्ति अपरप्पच्चयं अत्तनियेव जाणं । तं पन अत्तपच्चक्खं होतीति आह “पच्चक्खजाण”न्ति । सुवण्णस्स विय दोसापगमेन उपक्विकलेसविगमेन जाणस्स विसुद्धन्ति आह “परिसुद्धन्ति निरुपक्विकलेस”न्ति । किलेसन्धकारविगमतो सप्पभासमुज्जलमेव होतीति वुत्तं — “परियोदातन्ति पभस्सर”न्ति बाहिरसमयस्मिम्पि होन्ति ज्ञानस्स समिज्जनतो । मयमिदं जानामाति “सस्सतो अत्ता च लोको च इदमेव सच्चं मोघमञ्ज”न्ति च मिच्छागाहवसेन अज्जाणभागमेव परिब्रूहेत्वा ततो एव यथागहितं गाहं सन्धाय — “मयमिदं अत्थं तत्थ जानामा”ति एवं तत्थ मिच्छागाहे अविज्जमानं जाणकोट्टासं ओतारेन्तियेव अनुप्पवेसेन्तियेव । न तं जाणं, मिच्छादस्सनं नामेतं, किं पन तं मिच्छादस्सनं नाम? सस्सतो अत्ता च लोको चातिआदिना मिच्छाभिनिवेसभावतो । तेनाह “तदपि...पे०... अत्थो”ति । यं तं दिट्ठिया उपनिस्सयभूतं जाणं, तं सन्धयाह — “जाननमत्तलक्खणत्ता जाणभागमत्तमेवा”ति । जाणम्पि हि दिट्ठिया उपनिस्सयो होतियेव लाभिनो इतरस्स च तथा तथा मिच्छाभिनिवेसतो । अनुपातिवत्तनतो अनतिक्कमनतो । असाधारणतो न उपातिवत्तन्ति एतेनाति अनुपातिवत्तनं, ततो । उपादानपच्चयतोति उपादानस्स पच्चयभावतो । एतेन फलूपचारेनेव उपादानमाह । यदि ब्रह्मजाले आगता सब्बापि दिट्ठियो इध कथिता होन्ति, एवं सन्ते इदं सुत्तं ब्रह्मजालसुत्तेन एकसदिसन्ति आह — “ब्रह्मजाले पना”तिआदि । “अज्जत्र रूपं अज्जत्र वेदना सक्कायंयेव अनुपरिधावन्ती”ति वचनतो इध सक्कायदिट्ठि आगता । ब्रह्मजालं कथितमेव होति तत्थ आगतानं द्वासट्ठियापि दिट्ठीनं इधागतत्ता । सस्सतुच्छेदाभिनिवेसो अत्ताभिनिवेसपुब्बको, “अत्ता सस्सतो अत्ता उच्छेदो”ति पवत्तनतो ।

३०. द्वासट्ठि...पे०... दस्सेतुन्ति कथं पनायमत्थो “इध, भिक्खवे, एकच्चो”तिआदिपाळिया दस्सितो होतीति? अप्पहीनसक्कायदिट्ठिकस्स पुब्बन्तापरन्तदिट्ठिउपादियनजोतनतो । परिच्चागेनाति विक्खम्भनेन । चतुत्थज्झाननिरोधा ततियज्झानं उपसम्पज्ज विहरतीति एत्थ न परिहीनचतुत्थज्झानस्स ततियज्झानं भवति, ततियज्झाना वुट्ठितस्स पन चतुत्थज्झाना वुट्ठितस्स च ततियं पटिलोमनयेन सम्भवति । तेनाह “अयं पनेत्था”तिआदि । एवंसम्पदमिदं वेदितब्बन्ति “पविवेका पीति निरुज्जती”ति इदं, “निरामिससुखस्सनरोधा”ति एत्थ विय वुट्ठाननिरोधवसेन वुत्तन्ति वेदितब्बन्ति अत्थो । हीनज्झानपरियादानकदोमनस्सन्ति नीवरणसहगतदोमनस्समाह । तज्झि ज्ञानपरियादानकरं । कम्मनीयभावोति समापत्तिं पत्तो विय समापत्तिसमापज्जनभावे कम्मक्खमभावो । सोमनस्सविधुरत्ता दोमनस्सं वियाति दोमनस्सन्ति वुत्तं । “उप्पज्जति पविवेका पीती”ति पुन वुत्ता पीति ज्ञानद्वयपीति । यं ठानं छाया जहतीति यं पदेसं आतपेन अभिभुय्यमानं छाया जहति । तत्थ आतपे छायाति पदेसेन आतपसज्जितानं भूतसङ्घतानं पहानद्वानमाह । तेनाह “यस्मिं ठाने”तिआदि ।

३१. निरामिसं सुखन्ति ततियज्झानसुखं दूरसमुस्सारितकामामिसत्ता ।

३२. अदुक्खमसुखन्ति चतुत्थज्झानवेदनं, न यं किञ्चि उपेक्खावेदनं ।

३३. निग्गहणोति ममंकारभावेन किञ्चिपि अगणहन्तो । निब्बानस्स सप्पायन्ति निब्बानाधिगमस्स, निब्बानस्सेव वा अविलोमवसेन एकन्तिकुपायताय सप्पायं । तेनाह “उपकारभूत”न्ति । सब्बत्थाति सब्बेसु तेभूमकधम्मेषु । एतन्ति एतं यथावुत्तसमथभावनाय किलेसानं विक्खम्भनं । सब्बत्थ निकन्तिया असुक्खापितत्ता कथं निब्बानस्स उपकारपटिपदा नाम जातं? न जायते वात्यधिप्पायो । सब्बत्थाति पुब्बन्तानुदिट्ठिआदिके सब्बस्मिं । अग्गणहनवसेनाति तण्हागाहेन अग्गहणवसेन । यत्थ हि तण्हागाहो विमोचितो, तत्थ दिट्ठिमानग्गाहा सुक्खा विय होन्ति तदेकट्ठभावतो । तादिसस्स निब्बानगामिनी पटिपदा एव आसन्ने, न दूरे । तेन वुत्तं — “उपकारपटिपदा नाम जात”न्ति । तादिसस्स च सन्तोहमस्मीतिआदिका समनुपस्सना अधिमानपक्खे तिट्ठतीति आह — “अभिवदतीति अभिमानेन उपवदती”ति । इदमेव उपादियतीति नियमाभावतो “अट्ठारसविधम्पी”ति वुत्तं । सेसपदेपि एसेव नयो । दिट्ठुपादाने सति सेसउपादानसम्भवो अवुत्तसिद्धोति तदेव उद्धटं ।

से आयतने वेदितब्बेति निरोधस्स कारणं निब्बानं वेदितब्बं । द्विन्नं आयतनानन्ति चक्खायतनादीनं द्विन्नं आयतनानं । पटिक्खेपेन निब्बानं दस्सितं वेनेय्यज्झासयवसेन ।

न गाथतीति न पतिट्ठाति । अतोति अस्मा निब्बाना । सराति तण्हा । सङ्खारपटिक्खेपेनाति सङ्खारेकदेसभूतानं चतुन्नं महाभूतानं पटिक्खेपेन ।

विज्जाणन्ति विसिद्धेन जाणेन जानितब्बं । ततो एव अनिदस्सनं अचक्खुविज्जेय्यं अनिन्द्रियगोचरं । अनन्तन्ति अन्तरहितं, निच्चन्ति अत्थो । सब्बतो पभन्ति किलेसन्धकाराभावतो च समन्ततो पभस्सरं । “सब्बतो पप”न्ति वा पाठो, सब्बतो पततित्थन्ति अत्थो । चत्तारीसकम्मट्टानसङ्खातेहि तित्थेहि ओतरित्वा अनुपविसितब्बं अमतसरन्ति वुत्तं होति । अनुपादा कञ्चि धम्मं अग्गहेत्वा विमुच्चन्ति एत्थाति अनुपादाविमोक्खो, निब्बानं । अनुपादा विमुच्चति एतेनाति अनुपादाविमोक्खो, अग्गमग्गो । अनुपादाविमोक्खन्तिकताय पन अरहत्तफलं अनुपादाविमोक्खोति वुत्तं । सेसं सुविज्जेय्यमेव ।

पञ्चत्तयसुत्तवण्णनाय लीनत्थप्पकासना समत्ता ।

३. किन्तिसुत्तवण्णना

३४. भवोति परित्तो । अभवोति महन्तो । वुद्धिअत्थो हि अयं अ-कारो, “संवरासंवरो, फलाफल”न्तिआदीसु विय, तस्मा भवाभवहेतूति खुद्दकस्स महन्तस्स वा भवस्स हेतु, तं पच्चासीसमानोति अत्थो । तेनाह — “तस्मिं तस्मिं भवे सुखं वेदिस्सामी”तिआदि ।

३५. लोकुत्तरबोधिपक्खियधम्मे उद्दिस्स पुथुज्जनानं विवादो सम्भवतीति आह — “लोकियलोकुत्तराव कथिता”ति । लोकियापि हि बोधिपक्खियधम्मा लोकुत्तरधम्माधिगमस्स आसन्नकारणत्ता विसेसकारणन्ति याव अज्जेहि लोकियधम्मेहि अभिविसिद्धोति कत्वा, “इमेसु सत्ततिसबोधिपक्खियधम्मेषू”ति अविसेसेन वुत्तं । अत्थतो नानं

होतीति अत्थतो भेदो होति बोधिपक्खियधम्मनं समधिगतत्ता । न हि कायादयो भावेतब्बा, सतियेव पन भावेतब्बाति ।
ब्यञ्जनतो नानं भेदं । इमिनापि कारणेनाति इमायपि युत्तिया । इदानीं तं युत्तिं दस्सेन्तो — “**अत्थञ्च
 ब्यञ्जनञ्चा**”ति आदिमाह । तत्थ **समानेत्वा**ति सुत्तन्तरतो समानेत्वा, सुत्तन्तरपदेहि च समानेत्वा । **अञ्जथा**ति अञ्जतो,
 भूततो अपगतं कत्वाति अत्थो । **मिच्छा रोपितभावो**ति अयाथावतो ठपितभावो । **अत्थञ्च ब्यञ्जनञ्च
 विज्जापनकारणमेवा**ति अविपरीतत्थस्स सदस्स च बुज्जनहेतुताय ।

३७. इध धम्मविनयट्ठाने **सतियेव सतिपट्टानन्ति गहिता**, अत्थतो समेति नाम याथावतो अत्थस्स गहितत्ता ।
 असभावनिरुत्तिभावतो ब्यञ्जनतो नानत्तन्ति तं लिङ्गभेदेन वचनभेदेन च दस्सेन्तो, “**सतिपट्टानोति वा सतिपट्टानाति वा
 मिच्छा रोपेथा**”ति आह । **अप्पमत्तकन्ति** अणुमत्तं सल्लहुकं, न गरुतरं अधनितं कत्वा वत्तब्बम्पि धनितं घोसवन्तं कत्वा
 रोपिते वुत्तदोसाभावतोति तेनाह — “**निब्बुत्तिं पत्तुं सक्का होती**”ति ।

ब्यञ्जनस्स मिच्छारोपनं न विसेसन्तरायकरं होतीति जापनत्थं, **चतुसु मग्गेसु पज्झं कथेत्वाव परिनिब्बुतो** ।
सुत्तन्तब्यञ्जनं सन्धायेतं वुत्तं — “अप्पमत्तकं खो पना”ति ।

३८. अथ चतुत्थवारे **विवादो कस्मा जातो?** यावता नेसं वचनं अत्थतो चेव समेति ब्यञ्जनतो चाति अधिप्पायो ।
सज्जाय विवादोति किञ्चापि समेति अत्थतो चेव ब्यञ्जनतो च, सज्जा पन नेसं अविमुद्धा, ताय सज्जाय वसेन विवादो
 जातोति दस्सेन्तो “**अहं**”न्ति आदिमाह । अहं सतिपट्टानन्ति वदामि, अयं सतिपट्टानोति वदतीति एवं तेसं जाणं होतीति
 इममत्थं, “**एसेव नयो**”ति इमिना अतिदिसति ।

३९. न चोदनत्थाय वेगायितब्बन्ति सीधं सीधं न चोदना कातब्बाति अत्थो । **तस्मा**ति यस्मा एकच्चो कोधनभावेन
 एवं पटिप्परि, तस्मा । **अनादानदिट्ठी**ति आदियित्वा अनभिनिविसनतो अनादानदिट्ठी अदळहग्गाही । **पक्खिपन्तो विया**ति
 गिलित्वा पक्खिपन्तो विय ।

उपघातोति चित्तप्पघातो फरसुपघातो विय । **वणघट्टितस्स विया**ति वणे घट्टितस्स विय **दुक्खुप्पत्ति** चित्तदुक्खुप्पत्ति ।
द्वे वारे वत्वापि विसज्जेतीति सुप्पटिनिस्सग्गी एवं पगेव चोदितमत्ते विस्सज्जेति चेति अधिप्पायो । कथनवसेन च
कायचित्तकिलमथो । **एवरूपो**ति सहसा अविस्सज्जेन्तेन चोदकस्स विहेसावादो हुत्वापि अक्कोधनादिसभावो ।

उपेक्खाति सकेन कम्मेन पज्जायिस्सतीति तस्मिं पुग्गले अज्झुपेक्खणा । **उपेक्खं अतिमज्जति नाम** तस्स
 अनाचारस्स अनज्झुपेक्खणतो ।

४०. **वचनसञ्चारो**ति पेसुञ्जवसेन अञ्जथावचनुपसंहारो । **दिट्ठिपळासो**ति युगग्गाहवसेन लद्धि । सा पन **चित्तस्स
 अनाराधनियभावो** सत्थुचित्तस्स अनाराधकभावो । **कलहो**ति अधिकरणुप्पादवसेन पवत्तो विग्गहो भण्डनस्स पुब्बभागो ।

येन **कारणेनाति** येन धम्मेन सत्थुसासनेन । तमेव हि सन्धाय वदति — “**धम्मोति सारणीयधम्मो अधिप्पेतो**”ति ।
एत्थाति “धम्मस्स चानुधम्म”न्ति एत्थ । **धम्मो**ति सम्बुद्धस्स तस्स तथा पवत्तं ब्याकरणं यथा विवादापन्ना सज्जति
 गच्छन्ति । तेनाह — “**तेसं भिक्खून् सज्जत्तिकरणं**”न्ति । तदेव ब्याकरणं अनुधम्मोति भिक्खुना वुच्चमानो अनुपवत्तो
 धम्मो । तेनाह — “**तदेव ब्याकरोति नामा**”ति । **कोची**ति यो कोचि । **सहधम्मिको** सकारणो । अञ्जत्थो अयं किं सद्वोति

आह “अञ्जो”ति । अस्साति वुत्तनयेन पटिपन्नभिक्षुनो, तस्स पटिपत्ति न केनचि गरहणीया होतीति अत्थो । सेसं सब्बं सुविज्जेय्यमेव ।

किन्तिसुत्तवण्णनाय लीनत्थप्पकासना समत्ता ।

४. सामगामसुत्तवण्णना

४१. द्वेधिकजाताति जातद्वेधिका सज्जातभेदा । द्वेज्जजाताति दुविधभावं पत्ता । भण्डन्ति परिभासन्ति एतेनाति भण्डनं, विरुद्धचित्ता । तन्ति भण्डनं । धम्मविनयन्ति पावचनं । वितुज्जन्ता मुखसत्तीहि । सहितं मेति मय्हं वचनं सहितं सिलिङ्गं पुब्बापरसम्बन्धं अत्थयुत्तं । तेनाह “अत्थसंहित”न्ति । अधिचिण्णन्ति आचिण्णं । विपरावत्तन्ति विरोधदस्सनवसेन परावत्तितं, परावत्तं दूसितन्ति अत्थो । तेनाह — “चिरकालवसेन...पे०... निवत्त”न्ति । परियेसमानो चर, तत्थ तत्थ गन्त्वा सिक्खाहीति अत्थो । सचे सक्कोसि, इदानिमेव मया वेठितदोसं निब्बेठेहि । मरणमेवाति अज्जमज्जघातवसेन मरणमेव ।

नाटपुत्तस्स इमेति नाटपुत्तिया । ते पन तस्स सिस्साति आह “अन्तेवासिकेसू”ति । पुरिमपटिपत्तितो पटिनिवत्तनं पटिवानं, तं रूपं सभावो एतेसन्ति पटिवानरूपा । तेनाह “निवत्तनसभावा”ति । कथनं अत्थस्स आचिक्खनं । पवेदनं तस्स हेतुदाहरणानि आहरित्वा बोधनं । न उपसमाय संवत्ततीति अनुपसमसंवत्तनं, तदेव अनुपसमसंवत्तनिकं, तस्मिं । समुस्सितं हुत्वा पतिट्ठाहेतुभावतो थूपं पतिट्ठाति आह — “भिन्नथूपेति भिन्नपतिट्ठे”ति । थूपोति वा धम्मस्स निय्यानभावो वेदितब्बो, अज्जधम्मे अभिभुय्य समुस्सितट्ठेन । सो निगण्ठस्स समये केहिचि अभिन्नसम्मतोपि भिन्नो विनट्ठोयेव सब्बेन सब्बं अभावतोति भिन्नथूपो । सो एव निय्यानभावो वट्टदुक्खतो मुच्चितुकामानं पटिसरणं, तं एत्थ नत्थीति अप्पटिसरणो, तस्मिं भिन्नथूपे अप्पटिसरणेति एवमेत्थ अत्थो वेदितब्बो ।

आचरियप्पमाणन्ति आचरियमुट्ठि हुत्वा पमाणभूतं । नानानीहारेनाति नानाकारेन । “विवादो न उप्पज्जी”ति वत्त्वा तस्स अनुप्पत्तिकारणं दस्सेन्तो, “सत्था हि...पे०... अविवादकारणं कत्वाव परिनिब्बायी”ति वत्त्वा तं विवरितुं “भगवता ही”तिआदि वुत्तं । पतिट्ठा च अवस्सयो च, “अयं धम्मो अयं विनयो इदं सत्थुसासन”न्ति विनिच्छयने महापदेसा, पज्जब्बाकरणानि च, यस्मा तेसु पतिट्ठाय ते अवस्साय धम्मविनयधरा च निच्छयं गच्छन्ति । तथा हि सुत्तन्तमहापदेसतो विनये केनचि पुच्छितो अत्थो चतुन्नं पज्जब्बाकरणानं वसेन सुविनिच्छितरूपो, तस्मा धम्मविनयो इध सत्थु किच्चं कातुं सक्कोतीति आह — “तेनेवा”तिआदि, तस्मा उळाराय देसनाय भाजनन्ति अधिप्पायो ।

४२. पटिपविट्ठं कत्वा आहरितब्बतो, सच्चं कारितब्बतो पाभतं मूलन्ति आह — “कथापाभत”न्ति, धम्मकथाय मूलकारणन्ति अत्थो । येसं वसेन विवादो उप्पन्नो, तेयेव अधम्मवादिनो, तेसं ताव सो अहिताय दुक्खाय संवत्ततु, ततो अज्जेसं देवमनुस्सानं कथन्ति, चोदना परम्पराय संकिलेसवत्थुभावतोति परिहारो । तेनाह — “कोसम्बकक्खन्धके विया”तिआदि ।

४३. अभिज्जा देसिताति अभिविसिट्ठाय पज्जाय जानित्वा बोधिता । पतिस्सयमानरूपाति अपदिस्स पतिस्सयमाना गरुक्कवसेन निस्सयमानसभावा । तेनाह — “उपनिस्साय विहरन्ती”ति, गरुतरं निस्सयं कत्वा विहरन्तीति अत्थो । परिवारे पज्जत्तानीति, “आजीवहेतु आजीवकारणा”ति, एवं निद्धारेत्वा परिवारपाळियं (परि० ३३६)

आसङ्करवसेन ठपितानि । “एवञ्च पन, भिक्खवे, इमं सिक्खापदं उद्दिसेय्या”ति (पारा० ३९, ४२, ४३)
विभङ्गपाठवसेनेव हि तानि भगवता पञ्जत्तानि । तानि ठपेत्वा सेसानि सब्बसिक्खापदानि अधिपातिमोक्खं नामाति,
इदं गोबलीबद्धजायेन वुत्तन्ति दट्ठब्बं तेसम्पि अधिपातिमोक्खभावतो ।

तत्रायं नयोति तस्मिं सुप्पजहनाय अप्पमत्तकभावे अयं वक्खमानो । तानीति पणीतभोजनानि । यो कोचीति भिक्खु
वा भिक्खुनी वा । दुक्कटवत्थुकन्ति यं किञ्चि दुक्कटापत्तिवत्थुकं । तेनाति सुप्पजहनभावेन मूलापत्तिवीतिक्कमस्स
अणुमत्तताय ।

पुब्बभागमगन्ति लोकियमगं । तत्राति तस्मिं पुब्बभागमगं निस्साय विवादुप्पादे । ओभासजाणन्ति ओभासस्स
उप्पत्तिहेतुभूतं जाणं । तत्थ पन सो मग्सज्जिभावेन मग्गो च चतुब्बिधोति सुतत्ता, “पट्टममग्गो नामा”तिआदिमाह ।
एवन्ति एवं असन्दिद्धं अपरिसङ्कितं परिच्चत्तं कत्वा कम्मट्ठानं कथेतुं न सक्कोति ।

चेतियं न दिट्ठन्ति तस्स कतं थूपं वदति । निन्दिये पुथुज्जनभावे ठितं पासंसं अरियभावं आरोपेत्वा तं मिच्छालद्धिं
अभिनिविस्स पग्गक्ख वोहरणतो सग्गोपि मग्गोपि वारितोयेवाति । वुत्तञ्हेतं —

“यो निन्दियं पसंसति, तं वा निन्दति यो पसंसियो ।

विचिनाति मुखेन सो कलिं, कलिना तेन सुखं न विन्दती”ति ॥ (सु० नि० ६६३; सं० नि० १.१८०-१८१; अ०
नि० ४.३; नेत्ति० ९२) ।

“खणेनेव अरहत्तं पापुणितुं समत्थकम्मट्ठानकथं आचिक्खिस्सामी”ति हि इमिना तत्थ कोहज्जम्पि दिस्सति; इतरेसु
पन वत्तब्बमेव नत्थि । उप्पाटेत्वाति उद्धरित्वा । “अथ ते भिक्खू”तिआदि सेसं नाम । “अमतं ते परिभुज्जन्ति, ये
कायगतासतिं परिभुज्जन्ती”ति (अ० नि० १.६००) वचनं दुग्गहितं गणहापेत्वा, “एत्तावता वो अमतं परिभुत्तं नाम
भविस्सती”ति आह ।

४४. एवन्ति आकारलक्खणमेतं, न आकारनियमनं । तेन इमिनाव कारणेन च यो विवादो उप्पज्जेय्याति वुत्तं होति ।
गरुस्मिं गरुति पवत्तं चित्तं गरुविसयत्ता तंसहचरितत्ता गरु, तस्स भावो गारवं, गरुकरणं, तं एत्थ नत्थीति अगारवो ।
तेनाह “गारवविरहितो”ति । गरुस्स गारववसेन पतिस्सयनं पतिस्सोति वुच्चति नीचवुत्तिता, तप्पटिपक्खतो
अप्पतिस्सोति आह — “अप्पतिस्सयो अनीचवुत्ती”ति । एत्थ यथायं पुग्गलो सत्थरि अगारवो नाम होति, तं दस्सेतुं,
“एत्थ पना”तिआदि वुत्तं । तत्थ तीसुकालेसु उपट्ठानं न यातीतिआदि समुदायकित्तनअनवसेसदस्सनं, अवयवतो पन
अगारवसिद्धि यथा तं सामज्जतो सिक्खापदसमादानं तब्बिसेसो भेदो । एस नयो सेसेसुपि ।

सक्कच्चं न गच्छतीति आदरवसेन न गच्छति । सङ्के कतोयेव होति सङ्कपरियापन्नत्ता तस्स, यथा सङ्कं उद्दिस्स
दिन्नं एकेन भिक्खुना पटिगहितं सङ्कस्स दिन्नमेव होति । अपरिपूरयमानोव सिक्खाय अगारवो । तेनाह भगवा —
“सिक्खाय न परिपूरकारी”ति (म० नि० २.१३५) । अत्तनो परिसाय उप्पन्नं विवादमूलं विसेसतो अत्तना वूपसमेतब्बतो
अत्तनो च अनत्थावहतो “अज्झत्त”न्त्वेव वुत्तं । एस नयो बहिद्धाति एत्थापि ।

४६. छठानानीति छमूलानि । यथा समनवसेन समथानं विवादादीसु अधिकत्तुभावो, एवं विवादादीनं तेहि

अधिकतत्त्वतापीति आह — “वूपसमनत्थाय...पे०... अधिकरणानी”ति । तेन अधिकरणसद्वस्स कम्मत्थतं आह । समथा वा समनवसेन अधिकरीयन्ति एत्थाति अधिकरणानि, विवादादयो ।

विवादो उप्पन्नमतोव हुत्वा परतो कक्खळत्थाय संवत्तनतो यं वत्थुं निस्साय पठमं उप्पन्नो विवादानुसारेण मूलकं विय अनुबन्धरोगो तमेव तदज्जं वा वत्थुं कत्वा पवड्डन्तो विवादाधिकरणं पत्वा उपरि वड्डति नाम, अनुवादापत्तिकच्चाधिकरणं पत्वा विवादस्स च वड्डनं पाकटमेव । तेन वुत्तं — “चत्तारि अधिकरणानि पत्वा उपरि वड्डन्तो सो विवादो”ति । उप्पन्नानं उप्पन्नानन्ति (दी० नि० टी० ३.३३१) उड्डितानं उड्डितानं । समथत्थन्ति समनत्थं ।

अट्टारसहि वत्थूहीति लक्खणवचनमेतं यथा “यदि मे ब्याधी दाहेय्युं । दातब्बमिदमोसध”न्ति (सं० नि० टी० २.३.३९-४२; कङ्का० अभि० टी० अधिकरणसमथवण्णना), तस्मा तेसु अज्जतरेण विवदन्ता, “अट्टारसहि वत्थूहि विवदन्ती”ति वुच्चन्ति । उपवदनाति अक्कोसो । चोदनाति अनुयोगो ।

अधिकरणस्स सम्मुखाव विनयनतो सम्मुखाविनयो । सन्निपतितपरिसाय धम्मवादीनं येभ्य्यताय येभ्य्यसिककम्मस्स करणं येभ्य्यसिका । कारकसङ्गस्स सामग्विसेन सम्मुखीभावो, न यथा तथा कारकपुग्गलानं सम्मुखतामत्तं । भूतताति तच्छता । सच्चपरियायो हि इध धम्म-सद्वो “धम्मवादी”तिआदीसु (दी० नि० १.९) विय । विनेति एतेनाति विनयो, तस्स तस्स अधिकरणस्स वूपसमाय भगवता वुत्तविधि, तस्स विनयस्स सम्मुखता विनयसम्मुखता । विवादवत्थुसङ्घाते अत्थे पच्चत्थिका अत्थपच्चत्थिका, तेसं अत्थपच्चत्थिकानं । सङ्गसम्मुखता परिहायति सम्मतपुग्गलेहेव वूपसमनतो ।

नन्ति विवादाधिकरणं । “न छन्दागतिं गच्छती”तिआदिना (परि० ३८३) वुत्तं पच्चङ्गसमन्नागतं । गुळ्हाकादीसु अलज्जुस्सन्नाय परिसाय गुळ्हाको सलाकग्गाहो कातब्बो; लज्जुस्सन्नाय विवटको, बालुस्सन्नाय सकण्णजप्पको । यस्सा किरियाय धम्मवादिनो बहुतरा, सा येभ्य्यसिकाति आह — “धम्मवादीनं येभ्य्यताया”तिआदि ।

एवं विनिच्छितन्ति आपत्तिं दस्सेत्वा रोपनवसेन विनिच्छितं, पटिकम्मं पन आपत्ताधिकरणसमथे परतो आगमिस्सति । न समणसारुपं अस्सामणकं, समणेहि अकातब्बं, तस्मिं । अज्झाचारे वीतिक्कमेसति । पटिचरतोति पटिच्छादेन्तस्स । पापुस्सन्नताय पापियो, पुग्गलो, तस्स कातब्बकम्मं तस्सपापियसिकं ।

सम्मुखाविनयेनेव वूपसमो नत्थि पटिज्जाय, तथारूपाय खन्तिया वा विना अवूपसमनतो । एत्थाति आपत्तिदेसनायं । पटिज्जाते आपन्नभावादिके करणकिरिया, “आयतिं संवरेय्यासी”ति, परिवासदानादिवसेन च पवत्तं वचीकम्मं पटिज्जातकरणं ।

यथानुरूपन्ति “द्वीहि चतूहि तिहि एकेना”ति एवं वुत्तनयेन यथानुरूपं । एत्थाति इमस्मिं सुत्ते, एतस्मिं वा समथविचारे । विनिच्छयनयोति विनिच्छये नयमत्तं । तेनाह “वित्थारो पना”तिआदि ।

४७. सङ्खेपतोव वुत्तो, न समथक्खन्धके विय वित्थारतो । तथाति इमिना “धम्मा”ति पदं आकड्ढति, एत्थ इति-सद्वो आदिअत्थो, एवमादिना इमिना पकारेनाति वाति वुत्तं होति । बोधिपक्खियधम्मानं एकन्तानवज्जभावतो नत्थि अधम्मभावो, भगवतो देसिताकारं हापेत्वा वड्डेत्वा वा कथनं यथाधम्मं अकतन्ति कत्वा अधम्मभावोति दस्सेन्तो आह —

“तयो सतिपट्टाना”तिआदि ।

निय्यानिकन्ति सपाटिहीरं अप्पटिवानं हुत्वा पवत्तति । तथेवाति इमिना “एवं अम्हाक”न्तिआदिना वुत्तमत्थं आकट्ठति । भूतेन...पे०... कातब्बकम्मं धम्मो नाम यथाधम्मं करणतो, वुत्तविपरियायतो इतो परं अधम्मो । अयं विनयो नाम रागादीनं संवरणतो पहानतो पटिसङ्खानतो च । अयं अविनयो नाम रागादीनं अविनयनतो । अयं विनयो नाम यथाविनयकरणतो, वुत्तविपरियायेन इतरो अविनयो । वत्थुसम्पत्तिआदिना एव सब्बेसं विनयकम्मानं अकुप्पताति आह — “वत्थुसम्पत्ति...पे०... अयं विनयो नामा”ति, तप्पटिपक्खतो अविनयो वेदितब्बो । तेनाह “वत्थुविपत्ती”तिआदि ।

सम्मापटिपत्तिया नयनट्ठेन यथावुत्तो धम्मो एव नेत्ति, ततो एव सत्तस्स विय रज्जु असिथिलपवत्तिहेतुताय धम्मरज्जुति अत्थो वुत्तो । सुत्तन्तपरियायेन ताव दस कुसलकम्मपथा धम्मोति एवं वुत्ता । सा एव वा होतु धम्मनेत्ति, यो इध इमिस्सा वण्णनाय, “छत्तिंस बोधिपक्खियधम्मा”तिआदिना धम्मेन च विनयेन च वुत्तो, सो एव वा धम्मनेत्ति होतूति आनेत्वा योजना । ताय धम्मनेत्तिया समेति ताय यथावुत्ताय धम्मनेत्तिया संसन्दति, एकलक्खणमेव होतीति अत्थो । एवं विवादवत्थुभूतो धम्मो चे “धम्मो”ति, अधम्मो चे “अधम्मो”ति, विनयो चे “विनयो”ति, अविनयो चे “अविनयो”ति निच्छिनन्तेन एकच्चां विवादाधिकरणमेव दस्सितं तस्स वूपसमधम्मानं अपरियोसापितत्ता ।

४८. तं पनेतन्ति विवादाधिकरणं पच्चासति । वारे अत्थसंवण्णनावसेन पत्तेपि । द्वीहीति यस्मिं आवासे विवादाधिकरणं उप्पन्नं, तत्थ वासीहि द्वीहिपि भिक्खूहि अतिरेकतरा ।

४९. खन्धसामन्तन्ति आपत्तिकखन्धभावेन समीपं । आपत्तिसामन्तं नाम पुब्बभागा आपज्जितब्बआपत्ति । मेथुनरागवसेन कायसंसंगे दुक्कटस्स वत्थूति आह — “पठमपाराजिकस्स पुब्बभागे दुक्कट”न्ति । सेसानं तिण्णं पाराजिकानं पुब्बभागे थुल्लच्चयमेव ।

५०. परिककमित्वा उपक्कमित्वा । आपत्ताधिकरणं दस्सितं तत्थेव विसेसतो पटिज्जाय कारेतब्बताय इच्छितब्बता ।

५१. कम्मस्स वत्थु दस्सितं न समथोति अधिप्पायो । ननु चायं समथाधिकारोति? सच्चं, समथस्स पन कारणे दस्सिते समथो दस्सितोव होतीति दस्सेतुं “एवरूपस्स ही”तिआदि वुत्तं ।

५२. इदं कम्मन्ति “इदं अम्हाकं भण्डनजातान”न्तिआदिना वुत्तकम्मं । तिणवत्थारकसदिसत्ताति तंसदिसताय तब्बोहारोति दस्सेति यथा — “एस ब्रह्मदत्तो”ति । आकारमत्तमेव तिणवत्थारककम्मं नाम, न पन तस्स सब्बसो करणविधानं । तेनाह “खन्धके”तिआदि । गिहीनं हीनेन खंसनवम्भनं यथा “तिलसंगुळिका नत्थी”ति । धम्मिकपटिस्सवेसु विसंवादनवसेन आपन्ना आपत्ति । अस्साति किच्चाधिकरणस्स । सम्मुखाविनयेनेव वूपसमो सङ्गसम्मुखतादिनाव वूपसमनतो ।

५३. सोतापत्तिफलसच्छिकिरियवचनतो कोसम्बियसुत्ते (म० नि० १.४९२) सोतापत्तिमग्गसम्मादिट्ठि कथिता, इध पन “दिट्ठिसामज्जगतो विहरति”च्चेव वुत्तत्ता, “इमस्मिं सुत्ते सोतापत्तिफलसम्मादिट्ठि वुत्ताति वेदितब्बा”ति वुत्तं । पापकम्मस्स अप्पता महन्तता सावज्जभावस्स मुदुतिक्खभावेन वेदितब्बाति आह “अणुन्ति अप्पसावज्जं । थूलन्ति

महासावज्ज’”न्ति। सेसं सुविज्जेय्यमेव।

सामगामसुत्तवण्णनाय लीनत्थप्पकासना समत्ता।

५. सुनक्खत्तसुत्तवण्णना

५५. हेट्ठिममग्गेहि जातमरियादाय पजाननतो अज्जा, मग्गपज्जा। तस्स फलभावतो अग्गफलपज्जा, तंसहगता सम्मासङ्कप्पादयो च “अज्जा”ति वुत्ताति आह “अज्जाति अरहत्त”न्ति। चतूहि पदेहि कथिता, “परिचिण्णा मे भगवा”तिआदीसु विय न एकपदेनेव। “लोकुत्तरो धम्मो अधिगतो मया”ति मज्जनामत्तं अधिमानोति दस्सेन्तो, “अप्पत्ते पत्तसज्जिनो”तिआदिमाह।

५६. इदं ठानन्ति इदं ओभासादिसम्मुतिहेतुभूतं उळारतरं उदयब्बयजाणं। उळारतरभावेन हि तं मग्गफलपज्जाय पच्चयो हुत्वा याथावतो दुब्बिज्जेय्यताय विपस्सकं विसंवादेति। तेनाह “अविभूतं अन्धकार”न्ति। इमं पज्हन्ति इमं सुत्तं गम्भीरं लोकुत्तरपटिसंयुत्तं अत्तना जातुं इच्छितं अत्थं। उग्गहेत्वाति केवलं पिटकसम्पादनवसेनेव उग्गण्हित्वा। तेनाह “अजानित्वा”ति। विसेवमानाति किलेसविसे अवमानेन्ता, सासनस्स वा अनुपकारविरूपपच्चये सेवमाना। एवमस्साति एवं वुत्तनयेन तेसं करणहेतु अस्स चित्तस्स धम्मदेसनावसेन पवत्तस्स। अज्जथाभावो अदेसेतुकामता होति। तन्ति यथावुत्तमत्थं सन्धाय। एतन्ति “तस्सपि होति अज्जथत्त”न्ति एवं वुत्तं।

५७. किलेसेहि आमसीयतीति आमिसं, लोकेपरियापन्नं आमिसन्ति इध पज्ज कामगुणा अधिप्पेताति तेसु वट्टामिसभावेपि लभिते कामामिसभावो सिद्धोति आह — “वट्टामिसकामामिसलोकामिसभूतेसू”ति। कामगुणा हि वट्टस्स वट्टनतो वट्टामिसं, कामेतब्बतो कामतण्हाय आमसितब्बतो कामामिसं, येभूय्यतो सत्तलोकस्स आमिसभावतो लोकामिसं। कामगुणसभागाति कामगुणानुलोमा कामगुणपटिसंयुत्ता। आनेज्जसमापत्तिपटिसंयुत्तायाति किलेसिज्जनरहितताय इध आनेज्जाति अधिप्पेताहि हेट्ठिमाहि अरूपसमापत्तीहि पटिसंयुत्ताय। एवरूपोति लोकामिसभूतेसु पच्चयेसु अधिमुत्तो तन्निन्नो तग्गरुको तप्पब्भारो। एत्तावताति एवं सद्धानं मनुस्सानं दस्सनेन तेसं पवत्तितासयेन च। सीसं निक्खन्तं होतीति लाभासाय सीसं बहि निक्खन्तं विय होति। उदरं फलितन्ति अतिबहुभण्डं पक्खिपियमानं पसिब्बकं विय लद्धब्बस्स अतिपहूतभावेन उदरं फीतं होति।

५९. यथा पुरिमा द्वे अरूपसमापत्तियो अत्तनो पच्चनीकिलेसेहि अनिज्जनतो “अनिज्जा”ति वुच्चन्ति, एवं इतरापि। तं पवुत्तन्ति लोकामिससंयोजनं विगतं।

६०. निधंसन्ति “एत्तको अय”न्ति परिच्छेदन्ति अत्थो। सिलेसेनाति चम्मकारसिलेसादिसिलेसेन, वजिरलेपसिलेसे वत्तब्बमेव नत्थि। तं भिन्नन्ति आनेज्जसंयोजनं भिन्नं विधमितं समतिक्कन्तं तासु समापत्तीसु अपेक्खाभावतो। अज्झासयेन असम्बद्धता वुत्तं — “द्वेधाभिन्ना सेला विय होती”ति। तेनाह — “तं समापज्जिस्सामीति चित्तं न उप्पज्जती”ति।

६१. वन्तन्ति छट्ठितं, विस्सट्ठन्ति अत्थो।

६२. उपरिसमापत्तिलाभिनोति एत्थ उपरिसमापत्तीति अरहत्तफलसमापत्ति अधिप्पेता, अरहतो च मग्गाधिगमेनेव

अनागामिफलसमापत्ति, सेक्खानं विसया हेट्ठिमा फलसमापत्तियो पटिप्पस्सद्धा । लोकिया पन निकन्तिप्पहानेन पटिनिस्सट्ठाति आह — “हेट्ठा...पे०... न उप्पज्जती”ति ।

६३. “पच्च खो इमे, सुनक्खत्त, कामगुणा”तिआदिना आरद्धदेसना, “सम्मा निब्बानाधिमुत्तो पुरिसपुग्गलो”ति अरहत्तकित्तनेन निट्ठापिताति ततो परं, “ठानं खो पना”तिआदिका देसना, “पाटियेक्को अनुसन्धी”ति वुत्ता । तेनाह “हेट्ठा ही”तिआदि । तत्थ यथा खीणासवस्स समापत्तिलाभिनोति योजना, एवं वा खीणासवस्स सुक्खविपस्सकस्साति योजेतब्बा । पटिक्खत्तं अट्ठकथायं । तस्स पटिक्खेपस्स कारणं दस्सेतुं “समापत्तिलाभिनो ही”तिआदि वुत्तं । यथा सुक्खविपस्सको अधिमानिको समापत्तिलाभिनो समानयोगक्खमो अप्पत्ते पत्तसज्जिताय भेदाभावतो, एवं सुक्खविपस्सको खीणासवो समानयोगक्खमो खीणासवभावेन विसेसाभावतो, तस्मा “समापत्तिलाभिहि कथिते इतरोपि कथितोव होती”ति वुत्तं । द्विन्नं भिक्खूनन्ति समापत्तिलाभिनो अधिमानिकस्स खीणासवस्स च । तेनेवाह “पुथुज्जनस्स तावा”तिआदि ।

यदग्गेनाति येन भागेन । यदिपि खीणासवस्स असप्पायारम्मणं किलेसानं उप्पत्तिया पच्चयो न होति तेसं सब्बसो समुच्छिन्नत्ता । सन्तविहारपरिपन्थो पन सिया विसभागतोति वुत्तं — “खीणासवस्सपि असप्पायमेवा”ति । तेनाह — “विसं नाम...पे०... विसमेवा”ति । एतेन “यथा विसजाननं अप्पमाणं, विकारुप्पादनतो पन तं परिहरितब्बं, एवं परिज्जातम्पि वत्तु अत्थविसेसाभावेन एकरूपमेवाति तं परिहरितब्बमेवा”ति दस्सेति । तेनाह “न ही”तिआदि । न हि असंवुतेन भवितब्बं असारुप्पभावतो । युत्तपयुत्तेनेवाति सभागारम्मणस्स आलोकनादीसु युत्तेनेव भवितुं वट्ठति ।

६४. यत्थ सयं निपतति उप्पज्जति, तस्स सन्तानस्स विप्पसन्नवसेन रुप्पनतो, विससङ्घातस्स दुक्खस्स मूलभावतो च “अविज्जासङ्घातो विसदोसो”ति वुत्तं । रुप्पतीति कत्तब्बादिमुच्छापादनेन विकारं उप्पादेति । अनुद्धंसेय्याति विबाधेय्य । रागो हि उप्पज्जमानोव कुसलचित्तप्पवत्तिया ओकासं अदेन्तो तं विबाधति; तथाभूतो सद्भासिनेहस्स समथविपस्सनाभिवुट्ठिया वमनेन च तं विसोसेति मिलापेति । तेनाह “सोसेय्य मिलापेय्या”ति । सगहणसेसन्ति गहेतब्बविसं सावसेसं कत्वाति अत्थो । न अलं न समत्थन्ति अनलं । सूकपरियायो पाळियं वुत्तो सुक्क-सद्दोति आह — “वीहिसुकादि च सूक्क”न्ति ।

सउपादानसल्लुद्धारो विय अप्पहीनो अविज्जाविसदोसो दट्ठब्बो महानत्थुप्पादनतो । असप्पाय...पे०... असंवुतकालो दट्ठब्बो अत्तभावस्स अपरिहरणभावतो । मरणं विय सिक्खं पच्चक्खाय हीनायावत्तनं अधिसीलसङ्घातस्स आयुनो अपेतत्ता । मरणमत्तं दुक्खं विय आपत्तिया आपज्जनं यथावुत्तस्स आयुनो उपपीळनकभावतो । इमिनाव नयेन ओपम्मसंसन्दनन्ति एत्थ अनुपादिसेसल्लुद्धारो विय पहीनो अविज्जाविसदोसो; सप्पाय...पे०... सुसंवुतकालो, तदुभयेन वणे पुथुत्तं न गते मरणाभावो विय सिक्खाय अपच्चक्खानं, मरणमत्तदुक्खाभावो विय अज्जतराय संकिलिद्धाय आपत्तिया अनापज्जनन्ति योजना वेदितब्बा ।

६५. सतियाति एत्थ यस्मा “अरियाया”ति न विसेसितन्ति आह — “सति पज्जागतिका”तिआदि । पज्जा चेत्य लोकिया अधिप्पेता, न लोकुत्तराति आह — “परिसुद्धाय विपस्सनापज्जाया”ति ।

खीणासवस्स बलन्ति उळारतमेसु दिब्बसदिसेसुपि आरम्मणेषु मनच्छट्ठानं इन्द्रियानं अनुपनमनहेतुभूतं सुसंवुतकारिसङ्घातं खीणासवबलं दस्सेन्तो, “संवुतकारी”ति वुत्तं, उक्कंसगतसतिवेपुल्लत्ता यथा असंवरस्स असंवरो

होति, एवं सतिसम्पज्जबलेन चक्खादिद्वारानि संवरित्वा दस्सनादिकिच्चकारी । एवं जानित्वाति “उपधि दुक्खस्स मूल”न्ति एवं विपस्सनापज्जासहिताय मग्गपज्जाय जानित्वा । उपधीयति दुक्खं एतेहीति उपधी, किलेसाति आह — “किलेसुपधिपहाना निरुपधी”ति । ततो एव उपादीयति दुक्खं एतेहीति किलेसा “उपादाना”तिपि वुच्चन्तीति आह — “निरुपादानोति अत्थो”ति । उपधी सम्मदेव खीयन्ति एत्ताति उपधिसङ्खयो, निब्बानन्ति आह — “उपधीनं सङ्खयभूते निब्बाने”ति । आरम्भणतोति आरम्भणं कत्वा तदारम्भणाय फलविमुत्तिया विमुत्तो । कामुपधिसिं कायं उपसंहरिस्सतीति “कामेसेविस्सामी”ति तत्थ कायं उपनामेस्सति; कायूपसंहारो ताव तिष्ठतु, तथा चित्तं वा उप्पादेस्सतीति एतं कारणं नत्थीति । सेसं सुविज्जेय्यमेव ।

सुनक्खत्तसुत्तवण्णनाय लीनत्थप्पकासना समत्ता ।

६. आनेज्जसप्पायसुत्तवण्णना

६६. खणपभङ्गताय न निच्चा न धुवाति अनिच्चा । ततो एव पण्डितेहि न इच्चा न उपगन्तब्बातिपि अनिच्चा । सो चायं अनिच्चत्थो उदयवयपरिच्छिन्नताय वेदितब्बोति दस्सेन्तो, “हुत्वा अभावट्टेन अनिच्चा”ति आह; उप्पज्जित्वा विनस्सनतोति अत्थो । अयञ्च अनिच्चता वक्खमाना च तुच्छादिता द्विन्नम्पि कामानं साधारणोति आह — “वत्थुकामापि किलेसकामापी”ति । रिक्ता विवित्ता, तेसं निच्चसारादीनं अत्तनि अभावतो तेहि विसुंभूता । यथा पन सब्बसो सभावरहितमाकासं “तुच्छं रिक्तं”न्ति वुच्चति, न एवमेते । एते पन केवलं निच्चसारादिविरहतो एव तुच्छा रिक्ताति दस्सेन्तो “न पना”तिआदिमाह । “न हि तुच्छमुट्ठि नाम नत्थी”ति इदं लोकसमज्जावसेन वुत्तं, लोकसमज्जा लोकियकथा न लङ्घितब्बा ।

मुसाति इत्तरपच्चुपट्टानताय न दिस्सतीति आह “मुसाति नासनका”ति । विसंवादनट्टेन वा मुसा । एते हि असुभादिसभावापि बालानं सुभादिभावेन उपट्ठहन्ता सुभादिगहणस्स पच्चक्खभावेन सत्ते विसंवादेन्ति । नस्सनसभावाति खणभङ्गत्ता इत्तरपच्चुपट्टानताय दिस्समाना वियपि हुत्वा अपज्जायनकपकतिका । तेनाह “खेत्तं विया”तिआदि । धम्मसद्दो चेत्थ “जातिधम्मन”न्तिआदीसु (दी० नि० २.३९८) विय पकतिपरियायो, तथा सभावसद्दो चाति दट्ठब्बं । मोसधम्माति मोसनपकतिका, कुसलभण्डहरणसभावाति अत्थो । मायाकतन्ति मायाय कतं उदकादिमणिआदिआकारेन मायादिना उपट्ठापितं; मायाकतं विय मायाकतं अज्जसभावा हुत्वा अतथा उपट्ठहनतो । तेनाह “यथा”तिआदि । चक्खुपथे एव कतविज्जाय, न ततो परन्ति वुत्तं — “दस्सनूपचारे ठितस्सेव तथा पज्जायती”ति । तयिदं सम्बरविज्जावसेन वुत्तं ।

एवं तावकालिकभावेन कामानं मायाकतभावं दस्सेत्वा इदानीं ततो अज्जेनपि पकारेन दस्सेतुं “यथा चा”तिआदि वुत्तं । अनिच्चादिसभावानं कामानं निच्चादिसभावदस्सनं विपल्लाससहगतताय वेदितब्बं । बालानं लापनतोति अपरिज्जातवत्थुकानं अन्धबालानं पुग्लानं विपल्लासहेतुतो । मनुस्सलोके ठत्वा मनुस्सानं वा वसेन भगवता भासितत्ता वुत्तं — “दिट्ठधम्मिका कामाति मानुसका पज्च कामगुणा”ति । ततो एव च “सम्परायिकाति ते ठपेत्वा अवसेसा”तिआदि वुत्तं । तत्थ दिट्ठधम्मा पच्चक्खसभावा आरम्भणभूता एतासं अत्थीति दिट्ठधम्मिका । सम्परायिके कामे आरम्भ उप्पन्नसज्जा सम्परायिका । ते समेच्च धीयति एत्थ आणाति धेय्यं, आणापवत्तिट्ठानं । मारस्स धेय्यन्ति मारधेय्यं तस्स इस्सरियपवत्तनत्ता । तेनाह “येही”तिआदि । गहितन्ति विसयविसयीभावेन गहितं, आरम्भणवसेन आरम्भणकरणवसेन च गहितन्ति अत्थो । तत्थ आरम्भणकरणवसेन गहणं नाम “इदं मय्ह”न्ति अविभागेन परिगहकरणं; आरम्भणवसेन पन गहणं भागसो आरम्भणानुभवनन्ति वदन्ति । उभयस्सपि पन तण्हारागवसेन गहणं

सन्धाय, “उभयमेतं गहितं”न्ति वुत्तं। मारोति किलेसमारो। यदग्गेन किलेसमारो, तदग्गेन देवपुत्तमारोपि ते अत्तनो वसं वत्तेति। तं सन्धायति धम्ममुखेन पुग्गलग्गहणं सन्धाय।

अप्पहीनविपल्लासा हि पुग्गला कामाधिमुत्ता मारस्स इस्सरियवत्तनट्ठानताय “मारधेय्य”न्ति वुत्ता, तथा मारस्स निवापगोचरपरियायेहिपि ते एवं वुत्ताति दस्सेन्तो, “यथा चोळस्सा”तिआदिमाह। निवपतीति निवापो, सो एव बीजन्ति निवापबीजं। तेति कामगुणा। यत्थाति यस्मिं पदेसे।

मनसि भवाति मानसाति आह “चित्तसम्भूता”ति। ते पन अविज्जादयो पाळियं आगता। एवज्झि लोहितसन्निस्सयो पुब्बो विय अनुरोधूपनिस्सयो विरोधोति दस्सेन्तो, “ममायिते वत्थुस्मि”न्तिआदिमाह। तेधाति एत्थ इधाति निपातमत्तं “इधाहं, भिक्खवे, भुत्तावी अस्स”न्तिआदीसु (म० नि० १.३०) विय। कामलोकन्ति कामगुणसङ्घातं सङ्खारलोकं, यत्थ वा लोके कामगुणवन्तं लोकं। चित्तेन अधिद्वहिवाति ज्ञानारम्मणं पटिभागनिमित्तं भावनाचित्तेन उप्पादेत्वा। परित्तं नाम विक्खम्भनअसमत्थत्ता किलेसेहि परितो खण्डितं विय होति। तस्स पटिक्खेपेनाति परित्तभावपटिक्खेपेन। पमाणन्तिपि कामावचरमेव पापकानं पमाणकरणधम्मनं विक्खम्भनवसेन अप्पजहनतो। तप्पटिक्खेपवसेन अप्पमाणं नाम महग्गतन्ति आह — “रूपावचरं अरूपावचरं”न्ति। समुच्छेदवसेन किलेसानं अप्पहानेन महग्गतज्ज्ञानमपि सुभावितं नाम न होति, पगेव परित्तज्ज्ञानन्ति आह — “सुभावितन्ति...पे०... लोकुत्तरस्सेवेतं नाम”न्ति। एतस्स वसेनाति “सुभावितं”न्ति पदस्स वसेन।

तमेव पटिपदन्ति तमेव अभिज्झादिपहानावहं ज्ञानपटिपदं। अरहत्ते तस्स उपायभूताय विपस्सनाय वा चतुत्थज्ज्ञाने तस्स उपायभूते उपचारे वा सति चित्तं पसन्नमेव होतीति आह — “अरहत्तं वा...पे०... उपचारं वा”ति। अधिमोक्खसम्पसादोति “अज्जेव अरहत्तं गणिहस्सामी”ति वा विपस्सनाय वीथिपटिपन्नत्ता; “अज्जेव चतुत्थज्ज्ञानं निब्बत्तेस्सामी”ति वा उपचारसमाधिना चित्तस्स समाहितत्ता अधिमुच्चनभूतो सम्पसादो। पटिलाभसम्पसादोति अरहत्तस्स चतुत्थज्ज्ञानस्स वा अधिगमसङ्घातो सम्पसादो। पटिलाभोपि हि किलेसकालुसियाभिभवनतो चित्तस्स सुप्पसन्नभावावहत्ता “सम्पसादो”ति वुत्तो। पच्चयाति नामरूपपच्चया अविज्जादयो। सब्बथाति समुदयतो अत्थङ्गमतो अस्सादतो आदीनवतो निस्सरणतोति सब्बप्पकारेन। आसाति अधिमुच्चनवसेन आसीसना। तेनाह — “आसा सन्तिट्ठति, अधिमोक्खं पटिलभती”ति।

पादकन्ति पदट्ठानं। किलेसा सन्निसीदन्तीति नीवरणसहगता एव किलेसा विक्खम्भनवसेन वूपसमन्ति। सतीति उपचारज्ज्ञानावहा सति सन्तिट्ठति। सङ्खारगतन्ति भावनाय समताय पवत्तमानत्ता, इमे धम्मविचयसम्बोज्झङ्गादयो एकरसा हुत्वा पवत्तन्तीति, भावनाचित्तुप्पादपरियापन्नं सङ्खारगतं विभूतं पाकटं हुत्वा उपट्ठाति। चित्तुप्पादोति भावनाचित्तुप्पादो। लेपपिण्डेति सिलेसपिण्डे लग्गमानो विय अप्पितो विय होति। उपचारेन समाधियति उपचारज्ज्ञानेन समाधियति। अयन्ति अयं दुविधोपि अधिमुच्चनाकारो अधिमोक्खसम्पसादो नाम। तस्मिं सम्पसादे सतीति एतस्मिं विपस्सनालक्खणे, उपचारज्ज्ञाने वा अधिमोक्खसम्पसादे सति। यो पन अरहत्तं वा पटिलभति चतुत्थज्ज्ञानं वा, तस्स चित्तं विप्पसन्नं होतियेव, अयं निप्परियायतो पटिलाभसम्पसादो, एवं सन्तेपि इधामिप्पेतमेव दस्सेतुं, “इध पना”तिआदि वुत्तं। विपस्सना हीतिआदि वुत्तस्स समत्थनं। तत्थ पज्जायाति अरहत्तपज्जाय। अधिमुच्चनस्साति सद्वहनं उस्सुक्कापज्जनस्स। उपचारन्ति उपचारज्ज्ञानं। आनेज्जसमापत्तिया अधिमुच्चनस्स कारणन्ति योजना।

एतरहि वाति इदानिमेव। आनेज्जं वाति चतुत्थज्ज्ञानं वा। समापज्जतीति अधिगच्छति। इदं हीतिआदिना सङ्खेपतो

वुत्तमत्थं विवरति । अरहत्तसच्छिकिरिया नाम अगमगगभावनाय सति अत्थतो आपन्ना होति, अगमगगपज्जा एव तदत्थं अधिमुच्चितब्बाति दस्सेन्तो, “अथ वा”ति विकप्पन्तरमाह । तत्थ यथा नाम पासादस्स अत्थाय समानीतदब्बसम्भारावयवे अप्पहोन्ते कूटागारं कातुं न पहोन्तियेव, एवंसम्पदमिदन्ति दस्सेन्तो, “तं अनभिसम्भुणन्तो आनेज्जं वा समापज्जती”ति आह । चतुसच्चं वा सच्छिकरोति हेट्ठिममग्गाधिगमनवसेन आनेज्जं वा समापज्जति उभयस्सपि हेतुपरिगगहितत्ता ।

तत्राति तस्मिं “पज्जाय वा अधिमुच्चति, आनेज्जं वा समापज्जती”ति यथावुत्ते विसेसाधिगमे अयं इदानीं वुच्चमानो योजनानयो । एवं होतीति इदानीं वुच्चमानाकारेण चित्ताभिनीहारो होति । किच्चन्ति पब्बजितकिच्चं । ततोति अरहत्ताधिगमनतो । ओसक्कितमानसोति संकुचितचित्तो । अन्तरा न तिट्ठतीति असमाहितभूमियं न तिट्ठति । इदानीं यथावुत्तमत्थं उपमाय विभावेतुं “यथा”तिआदि वुत्तं । तत्रायं सङ्खेपत्थो — यथा तस्स पुरिसस्स वनमहिंसं गहेतुं उस्साहवतो ओसक्कन्तस्स ससगोधादिगगहणे वत्तब्बमेव नत्थि, एवं इमस्सपि भिक्खुनो अरहत्तं गहेतुं उस्साहवतो ततो ओसक्कित्वा चतुत्थज्झानसमापज्जने वत्तब्बमेव नत्थीति । एसेव नयोति यथावुत्तं उपमं उपमासंसन्दनञ्च मग्गभावनायोजनायं चतुसच्चसच्छिकिरियायोजनायञ्च अतिदिसति ।

हेतुअत्थजोतनो यन्ति निपातो, करणे वा एतं पच्चत्तवचनन्ति आह “येन कारणेना”ति । तस्स संवत्तनं अरहति, तं वा पयोजनं एतस्साति तंसंवत्तनिकं । विज्जाणन्ति विपाकविज्जाणं । आनेज्जसभावं उपगच्छतीति आनेज्जूपगं । यथा कुसलं आनेज्जसभावं, एवं तं विपाकविज्जाणम्मि आनेज्जसभावं उपगतं अस्स भवेय्य । तेनाह — “कादिसमेव भवेय्याति अत्थो”ति । केचीति अभयगिरिवासिनो । कुसलविज्जाणन्ति विपाकविज्जाणम्मि तं कुसलं विय वदन्ति । तन्नामकमेवाति कुसलं विय आनेज्जनामकमेव सिया । एत्थ च पुरिमविकप्पे “आनेज्जूपगं”न्ति तंसदिसता वुत्ता, दुतियविकप्पे ततो एव तंसमज्जता । सो पनायमत्थोति आनेज्जसदिसताय विपाककालेपि तंनामकमेव अस्साति यथावुत्तो अत्थो । इमिना नयेनाति इमिना वुत्तनयेन । एत्थ हि आनेज्जाभिसङ्खारहेतुविपाकविज्जाणं “आनेज्जूपगं होति विज्जाण”न्ति वुत्तत्ता तंनामकमेव कत्वा दीपितं । अरहत्तस्सापीति अपिसदेन अगमगगभावनायपि हेट्ठिममग्गभावनायपीति अत्थो सङ्गहितोति दडुब्बो । समाधिवसेन ओसक्कना कथिताति “विपुलेन महग्गतेन चेतसा विहरेय्य”न्ति समथनयं दस्सेत्वा देसना कथिता ।

६७. अयज्झि भिक्खूति यं उद्दिस्स अयं दुतियानेज्जसप्पायदेसनाय भिक्खु वुत्तो । पज्जवन्ततरोति वत्वा तं दस्सेतुं, “द्विन्नम्मि कम्मट्ठानं एकतो कत्वा सम्मसती”ति वुत्तं । हेट्ठिमस्स हि “ये च दिट्ठधम्मिका कामा”तिआदिना रूपसद्गन्धरसफोडुब्बानेव रूपमुखेन विपस्सनाभिनिवेसो कतो, इमस्स पन “यं किञ्चि रूप”न्तिआदिना सकलरूपधम्मवसेन । भगवा हि कम्मट्ठानं कथेन्तो कम्मट्ठानिकस्स भिक्खुनो कारणबलानुरूपमेव पठमं भावनाभिनिवेसं दस्सेति; सो पच्छा जाणे विपुलं गच्छन्ते अनवसेसतो धम्मं परिगगणहाति । रूपपटिबाहनेनाति रूपविरागभावनाय सब्बसो समतिक्कमेन । सब्बत्थाति सब्बेसु ततियानेज्जादीसु ।

पज्जवन्ततरोति पज्जुत्तरो । तिण्णम्मि कम्मट्ठानं एकतो कत्वाति कामगुणा सब्बरूपधम्मा कामसज्जाति एवं तिण्णं पुगलानं कम्मट्ठानवसेन तिधा वुत्ते सम्मसनूपगधम्मे एकतो कत्वा, “सब्बमेतं अनिच्च”न्ति एकज्झं गहेत्वा, सम्मसति यथा — “यं किञ्चि समुदयधम्मं, सब्बं तं निरोधधम्म”न्ति (दी० नि० १.२९८; सं० नि० ५.१०८१; महाव० १६; चूळनि० अजितमाणवपुच्छानिद्देस ४, ७, ८; तिस्समेत्तेय्यमाणवपुच्छानिद्देस १०, ११; पटि० म० २.३०) । तेनाह —

“उभयमेतं अनिच्च”न्तिआदि । कामरूपसज्जावसेन दिट्ठधम्मिकसम्परायिकभेदतो अट्ट एकेककोट्टासाति एवं कतं उभयन्ति वुत्तन्ति आह — “दिट्ठधम्मिक...पे०... वसेन सङ्घिपित्वा उभयन्ति वुत्त”न्ति । तण्हादिट्ठिवसेनाति तण्हाभिनन्दनावसेन “एतं ममा”ति, दिट्ठाभिनन्दनावसेन “एसो मे अत्ता”ति एवं अभिनन्दितुं । एसेव नयोति इमिना तण्हादिट्ठिवसेन “एतं मम, एसो मे अत्ता”ति अभिनन्दितुं अज्झोसाय गिलित्वा परिनिट्ठापेत्वा ठातुन्ति इममत्थं अतिदिसति । कामपटिबाहनेनाति इदं आगमनपटिपदादस्सनत्थं, वण्णभणनत्थञ्च वुत्तं । रूपपटिबाहनं हिस्स आसन्नं, ततोपि आकासानञ्चायतनसमतिक्कमो, तंसमतिक्कमेन सहेव सब्बे ता विपस्सनावसेन ओसक्कना कथिता “उभयमेतं अनिच्च”न्तिआदिवचनतो ।

६८. इध अत्तनो चाति आकिञ्चज्जायतनकम्मट्ठानं सन्धायाह । निरुज्झन्ति तप्पटिबद्धछन्दरागनिरोधेन, समापज्जनक्खणे पन अनुप्पादनेनपि । तेनाह “आकिञ्चज्जायतनं पत्वा”ति । अतप्पकट्टेनाति उळारतरभावेन ज्ञानसमापत्तिया अतित्तिकरभावेन । तमेव पटिपदन्ति आकिञ्चज्जायतनभावनमाह । समाधिवसेन ओसक्कना कथिता ततियारूपकम्मट्ठानस्स वुत्तत्ता “यत्थेता”तिआदिना ।

इध अत्तनोति द्विकोटिकसुज्जतामनसिकारसङ्घातं विपस्सनाकम्मट्ठानं । हेट्ठा वुत्तपटिपदन्ति अनन्तरं वुत्तआकिञ्चज्जायतनकम्मट्ठानं । सति समथभावनायं सुज्जतामनसिकारस्स इध सातिसयत्ता वुत्तं । “दुतियाकिञ्चज्जायतने विपस्सनावसेन ओसक्कना कथिता”ति ।

७०. ततियाकिञ्चज्जायतने अत्तनोति चतुकोटिकसुज्जतामनसिकारसङ्घातं विपस्सनाकम्मट्ठानं । एत्थाति एतस्मिं सुज्जतानुपस्सनाधिकारे । क्वचीति कत्थिचि ठाने, काले, धम्मे वा । अथ वा क्वचीति अज्झत्तं, बहिद्धा वा । अत्तनो अत्तानन्ति सकत्तानं । “अयं खो, भो ब्रह्मा...पे०... वसी पिता भूतभब्यान”न्तिआदिना (दी० नि० १.४२) परपरिकप्पितं अत्तानञ्च कस्सचि किञ्चनभूतं न पस्सतीति दस्सेन्तो “कस्सची”तिआदिमाह । तत्थ परस्साति “परा पजा”ति “परो पुरिसो”ति च एवं गहितस्स । न च मम क्वचनीति एत्थ मम-सद्धो अट्ठानपयुत्तोति आह “ममसद्धं ताव ठपेत्वा”ति । परस्स चाति अत्ततो अज्जस्स, “परो पुरिसो नाम अत्थि ममत्थाय सजितो, तस्स वसेन मद्धं सब्बं इज्झती”ति एवं एकच्चदिट्ठिगतिकपरिकप्पितवसेन परं अत्तानं, तञ्च अत्तनो किञ्चनभूतं न पस्सतीति दस्सेन्तो, “न च क्वचनी”तिआदिमाह । एत्थ च नाहं क्वचनीति सकअत्तनो अभावं पस्सति । न कस्सचि किञ्चनतस्मिन्ति सकअत्तनो एव कस्सचि अनत्तनियतं पस्सति । न च, ममाति एतं द्वयं यथासङ्ख्यं सम्बन्धितब्बं, अत्थीति पच्चेकं । “न च क्वचनि परस्स अत्ता अत्थी”ति परस्स अत्तनो अभावं पस्सति, “तस्स परस्स अत्तनो मम किस्मिञ्चि किञ्चनता न चत्थी”ति परस्स अत्तनो अनत्तनियतं पस्सति । एवं अज्झत्तं बहिद्धा च खन्धानं अत्तनियसुज्जता सुद्धसङ्खारपुज्जता चतुकोटिकसुज्जतापरिगणहनेन दिट्ठा होति । हेट्ठा वुत्तपटिपदन्ति इधापि आकिञ्चज्जायतनकम्मट्ठानमेव वदति । विपस्सनावसेनेव ओसक्कना कथिता चतुकोटिकसुज्जतादस्सनविसेसभावतो, तप्पधानत्ता चस्स मनसिकारस्स ।

इध अत्तनोति नेवसज्जानासज्जायतनकम्मट्ठानमाह । सब्बसज्जाति रूपसज्जा पटिघसज्जा नानत्तसज्जा हेट्ठिमा तिस्सो अरूपसज्जाति एवं सब्बसज्जा अनवसेसा निरुज्झन्तीति वदन्ति । “हेट्ठा वुत्ता”ति पन विसेसितत्ता इमस्मिं आगता चतुत्थज्ज्ञानसज्जादयो अपि सज्जाति अपरे । तन्ति सम्मुतिमत्तं कामसज्जापटिबाहनवसेनेव तेसं नानत्तसज्जादिनिरोधस्स अत्थसिद्धत्ता । समाधिवसेन ओसक्कना कथिता नेवसज्जानासज्जायतनभावनाय समथकम्मट्ठानभावतो ।

७१. पुब्बे पञ्चविधं कम्मवट्ठन्ति पुरिमकम्मभवस्मिं मोहो अविज्जा आयूहना सङ्खारा निकन्तितण्हा उपगमनं

उपादानं चेतना भवोति एवमागतो सपरिक्खारो कम्मप्पबन्धो । न आयूहितं अस्साति न चेतितं पकप्पितं भवेय्य । एतरहि एवं पच्चविधं विपाकवट्टन्ति विज्जाणानामरूपसळायतनफस्सवेदनासङ्घातो पच्चुप्पन्नो विपाकप्पबन्धो नप्पवत्तेय्य कारणस्स अनिप्फन्नत्ता । सचे आयूहितं न भविस्सतीति यदि चेतितं पकप्पितं न सिया । यं अत्थीति यं परमत्थतो विज्जमानकं । तेनाह “भूत”न्ति । तज्हि पच्चयनिब्बत्तताय “भूत”न्ति वुच्चति । तं पजहामीति तप्पटिबद्धछन्दरागप्पहानेन ततो एव आयतिं अनुप्पत्तिधम्मतापादनवसेन पजहामि परिच्चजामि ।

परिनिब्बायीति सह परिकप्पनेन अतीतत्थेति आह “परिनिब्बायेय्या”ति । परिनिब्बायेय्य नु खोति वा पाठो, सो एवत्थो । न किञ्चि कथितन्ति नेवसज्जानासज्जायतनसमापत्तिया सङ्गारावसेससुखुमभावेन जाणुत्तरस्सेव विसयभावतो सरूपतो न किञ्चि कथितं, नयेन पनस्स विसेसं जापेतुकामत्ता । भगवतो किर एतदहोसि — “इमिस्संयेव परिसति निसिन्नो आनन्दो अनुसन्धिकुसलताय नेवसज्जानासज्जायतनं पादकं कत्वा ठितस्स भिक्खुनो पटिसन्धिं अरहत्तञ्च सन्धाय पज्जं पुच्छिस्सति, इमिना पुच्छानुसन्धिना तमत्थं देसेस्सामी”ति । ओसक्कनाय च इधाधिप्पेतत्ता भिन्नरसदेसना होतीति पुच्छानुसन्धि पुच्छिता । तस्मिज्हि असति अनुसन्धिभेदभिन्नेसा देसना, न च बुद्धाचिण्णा भिन्नरसदेसनाति । विपस्सनानिस्सितन्ति तन्निस्सितं । तस्स भिक्खुनो । उपादियति एतेनाति च उपादानं । न परिनिब्बायति पहातब्बस्स अप्पजहनतो । तेनाह भगवा — “धम्मापि खो, भिक्खवे, पहातब्बा, पगेव अधम्मा”ति (म० नि० १.२४०) । उपादानसेट्टन्ति इदं नेवसज्जानासज्जायतनभवस्स सब्बभवग्गतादस्सनपरं, न पन अरियभवग्गस्स उपादानसेट्टतापटिसेधपरं ।

७३. निस्सायाति भवपरियापन्नं नाम धम्मं निस्साय तप्परियापन्नं नाम निस्साय ओघनित्थरणा भगवता अक्खाता; अहो अच्छरियमेतं, अहो अब्भुतमेतन्ति ।

नवसुपि ठानेसु समथयानिकस्सेव वसेन देसनाय आगतत्ता, इध च कस्सचिपि पादकज्झानस्स अनामट्टत्ता वुत्तं — “अरियसावकोति सुक्खविपस्सको अरियसावको”ति । नवन्नम्पि कम्मट्ठानं एकतो कत्वा सम्मसतीति इदं ज्ञानधम्मोपि अनुस्सवलद्धे गहेत्वा सम्मसनं सम्भवतीति कत्वा वुत्तं; तेभूमकसङ्गारगतं इध वुत्तन्ति अनवसेसतो परिग्गहणं सन्धाय वुत्तं — “यावता सक्कायो”ति ।

एतं अमतन्ति अमतं निब्बानं आरब्ध पवत्तिया एतं अरहत्तं अमतरसं । तेनाह — “एतं अमतं सन्तं, एतं पणीत”न्ति । “अनुपादाय किञ्चिपि अग्गहेत्वा चित्तं विमुच्ची”ति वुत्तत्तापि अनुपादा चित्तस्स विमोक्खो निब्बानं अज्जत्थ सुत्ते वुच्चति ।

तिण्णं भिक्खून्ति अभिनिवेसभेदेन तिविधानं । पादकं कत्वा ठितस्स ओसक्कनाय अभावे कारणं हेट्ठा वुत्तनयेनेव वेदितब्बं । समोधानेत्वाति सम्मदेव ओदहित्वा तस्मिं तस्मिं ठाने असङ्करतो ववत्थपेत्वा । सुकथितं नाम होति कथेतब्बस्स अनवसेसेत्वा कथितत्ता ।

आनेज्जसप्पायसुत्तवण्णनाय लीनत्थप्पकासना समत्ता ।

७. गणकमोग्गल्लानसुत्तवण्णना

७४. यथा हेट्ठिमसोपानफलकं ओरोहन्तस्स पच्छिमं नाम होति, एवं आरोहन्तस्स पठमं नाम होतीति वुत्तं — “याव पच्छिमसोपानकळेवराति याव पठमसोपानफलका”ति । वत्थुं सोधेत्वाति वत्थुविज्जाचरियेन वुत्तविधिना

पासादवत्थुनो सोधनविधिं कत्वा । एत्थाति पासादकरणे । सत्तथा भिन्नस्स वालगस्स अंसुकोटिवेधको वालवेधि नाम । ठानसम्पादनन्ति वेसाखमण्डलादीनं सम्पादनं । मुट्टिकरणादीहीति उसुमुट्टिकरणजियागाहजियाविज्झादीहि । एवं गणापेमाति एकं नाम एकमेव, द्वे दुका चत्तारि, तीणि तिकानि नव, चत्तारि चतुक्कानि सोळसातिआदिना एवं गणनं सिक्खापेम ।

७५. केराटिका होन्तीति समयस्स अनुपक्विलिङ्गकरणमायासाठेय्येन समन्नागता होन्ति । तं दमनं जीवितहेतुपि नातिक्कमति, अयमस्स जातिदोसाभावो ।

७६. सतिसम्पजज्जाहि समङ्गिभावत्थायाति सततविहारिभावसाधनेहि सतिसम्पजज्जेहि समन्नागमत्थाय । ननु च खीणासवा सतिवेपुल्लप्पत्ता पज्जावेपुल्लप्पत्ता च, कथं तस्स सतिसम्पजज्जं पयोगसाधनीयं पवत्तन्ति आह “द्वे ही”तिआदि । सततविहारीति सततं समापत्तिविहारिबहुला, तस्मा ते इच्छितिच्छितक्खणे फलसमापत्तिं समापज्जन्ति । वुत्तविपरियायेन नोसततविहारिनो दडुब्बा । तेनाह “तत्था”तिआदि । अप्पेतुं न सक्कोति अनाचिण्णभावतो ।

तं वितक्केन्तोति “सामणेरस्स सेनासनं नत्थि, अरज्जज्ज सीहादीहि सपरिस्सयं, किं नु खो तस्स भविस्सती”ति तं वितक्केन्तो । एवरूपोति एदिसो यथावुत्तसामणेरसदिसो खीणासवो । इमे धम्मेति इमस्मिं सुत्ते आगते सीलादिधम्मे । आवज्जित्वावाति अत्तनो परिसुद्धसीलतादिआवज्जनहेतु एव समापज्जितुं सक्खिस्सति ।

७८. “येमे, भो गोतमा”ति वचनस्स सम्बन्धं दस्सेतुं, “तथागते किरा”तिआदि वुत्तं । एवन्ति “येमे, भो गोतमा”तिआदिआकारेहि वत्तुमारद्धो ।

अज्जधम्मेसूति अपुरातनधम्मेसु । तक्कनमत्तानि हि तेहि कप्पेत्वा सयंपटिभानं विरचितानि । पुरातनताय परिपुण्णताय एकन्तनिव्यानिकताय च परमो उत्तमो । तेनाह — “तेसु...पे०... उत्तमोति अत्थो”ति । सेसं सुविज्जेय्यमेव ।

गणकमोग्गल्लानसुत्तवण्णनाय लीनत्थप्पकासना समत्ता ।

८. गोपकमोग्गल्लानसुत्तवण्णना

७९. कम्मंयेव कम्मन्तो, सो एत्थ अत्थीति कम्मकरणट्ठानं “कम्मन्तो”ति वुत्तं । तेनाह “कम्मन्तट्ठान”न्ति । तेहि धम्मेहीति बुद्धगुणेहि । ते पन सब्बज्जुतज्जाणप्पमुखाति कत्वा आह “सब्बज्जुतज्जाणधम्मेही”ति । सब्बेन सब्बन्ति सब्बप्पकारेन अनवसेसं, एत्तको गुणानं पकारभेदो, तेसु किञ्चिपि पकारं अनवसेसेत्वा । सब्बकोट्टासेहि सब्बन्ति यत्तका गुणभागा, तेहि सब्बेहि अनवसेसं निस्सेसमेव कत्वा । योपि अहोसीति योपि कोसम्बिवासीनं भिक्खून् वसेन कोसम्बियं कलहो अहोसि । सोपि तत्थेव उप्पन्नट्ठानेयेव उप्पन्नमत्तो वूपसमितो । परिनिब्बुतकाले पनस्साति अस्स सम्मासम्बुद्धस्स परिनिब्बुतकाले पन । भिय्योसोमत्ताय भिक्खू समग्गा जाता, कथञ्च संवेगो जातोति दस्सेतुं “अट्ठसट्ठी”तिआदि वुत्तं । सातिसयं अभिण्हज्ज उपसमप्पत्तिया अतिविय उपसन्तुपसन्ता । अनुसंयायमानोति अनु अनु सम्मदेव जानन्तो विचारेन्तो वोसासमानो । “अनुसज्जायमानो”ति वा पाठो । तत्थ य-कारस्स ज-कारं कत्वा निदेसोति आह “अनुविचरमानो”ति ।

८०. हेट्ठिमपुच्छमेवाति गोपकमोग्गल्लानेन पुच्छितपुच्छमेव । सो हि “तेहि धम्मेही”तिआदिना, “अत्थि कोचि

तुम्हाकं सासनस्स सारभूतो भिक्खू”ति पुच्छि । अयञ्च तमेव “पटिसरणो”ति परियायेन पुच्छि । **अप्पटिसरणे**ति यं तुम्हे भिक्खुं पटिबोधेय्याथ, तादिसस्स अभावेन अप्पटिसरणे । तथागतेन पवेदितो धम्मो पटिसरणं एतेसन्ति **धम्मपटिसरणा** । तेनाह “**धम्मो अवस्सयो**”ति ।

८१. आगच्छतीति वाचुगतभावेन आगच्छति । वत्थुवीतिक्कमसङ्घाते गरुगरुतरलहुलहुतरादिभेदे अज्झाचारे आपत्तिसमज्जाति आह — “**आपत्ति...पे०... आणातिक्कमनमेवा**”ति । **यथाधम्मन्ति** धम्मानुरूपं । **यथासिद्धन्ति** यथानुसिद्धं । **धम्मो नोति** एत्थ **नो-**सद्दो अवधारणे “**न नो समं अत्थि तथागतेना**”ति आदीसु (खु० पा० ६.३; सु० नि० २२६) विय । तेनेवाह “**धम्मोव कारेती**”ति ।

८३. “यथा तं तुम्हादिसेहि रक्खकेहि गोपकेही”ति एवं पसन्नवेसेन अत्तानं उक्कंसापेतुकामो । अरियूपवादपापं खमापने सति अन्तरायाय न होतीति आह — “**इच्चेतं कुसल**”न्ति । **गोनङ्गलमक्कटो**ति गोनङ्गुडुमक्कटो ।

८४. अयं उक्कंसापेतुं इच्छितं यथारद्धमत्थं विसंवादेति अवणितम्पि वणितं कत्वा कथेन्तो; इमस्स वचनस्स पटिक्खेपेन इमिना दातब्बपिण्डपातस्स अन्तरायो मा होतूति एवं पिण्डपातं रक्खितुं न खो पन सक्काति योजना । **इदन्ति** “**न खो, ब्राह्मण, सो भगवा**”ति आदिदेसनं । **अब्भन्तरं करित्वा**ति निब्बानन्तो गंधं कत्वा, अन्तरं वा तस्स निज्झानस्स कारणं कत्वा । कामरागवसेन हि तं निज्झानं होतीति । **इधाति** इमस्मिं सुत्तपदेसे । **सब्बसङ्गाहिकज्झानन्ति** लोकियलोकुत्तरस्स अन्तरायो मा होतूति एवं कत्वापि रूपावचरस्स मग्गज्ञानस्स फलज्ञानस्साति सब्बस्सपि सङ्गणहनवसेन देसितत्ता सब्बसङ्गाहकज्झानं नाम कथितं ।

यं नो मयन्ति एत्थ **नोति** निपातमतं । **तं नोति** एत्थ पन **नोति** अम्हाकन्ति अत्थो । **उसूयति** राजकिच्चपसुतताधीनताय एकत्थाभिनिवेसभावतो । मन्दपज्जताय वस्सकारगतइस्साभिभूतचित्तताय परिपुण्णं कत्वा वुत्तम्पि अत्थं अनुपधारेन्तो आह — “**एकदेसमेव कथेसी**”ति । सेसं सुविज्जेय्यमेव ।

गोपकमोगल्लानसुत्तवण्णनाय लीनत्थप्पकासना समत्ता ।

९. महापुण्णमसुत्तवण्णना

८५. तस्मिं अहूति तस्मिं अहनीति आह “**तस्मिं दिवसे**”ति । **अनसनेनाति** सब्बसो आहारस्स अभुज्जनेन सासनिकसीलेन बाहिरकअनसनेन उपेता हुत्वाति योजना । **वा-**सद्देन खीरपानमधुसायनादिविधिं सङ्गण्हाति । उपेच्च वसितब्बतो **उपोसथो**, पातिमोक्खुद्देसो । उपेतेन समन्नागतेन हुत्वा वसितब्बतो सन्ताने वासेतब्बतो **उपोसथो**, सीलं । अनसनादिधम्मादिं वा उपेच्च वसनं उपवासो **उपोसथो** । तथारूपे हत्थिजातिविसेसे उपोसथोति समज्जामत्तन्ति आह — “**उपोसथो नाम नागराजातिआदीसु पज्जत्ती**”ति । वुत्तनयेन उपवसन्ति एत्थाति **उपोसथो**, दिवसो । **सो पनेस** उपोसथो । **मासपुण्णतायाति** मासस्स पूरितभावेन । **सम्पुण्णाति** सब्बसो पुण्णा । ताय हि रत्तिया वसेन मासो अनवसेसतो पुण्णो होति । मासद्धमासादिभेदं कालं माति मिनन्तो विय होतीति च “**मा**”इति **चन्दो वुच्चति** । एत्थाति एतिस्सा रत्तिया । पुण्णो परिपुण्णकलो जातोति **पुण्णमा** । तज्झि चन्दपारिपूरिया मासपारिपूरिया एवमाह । एतेन तस्स उपोसथभावं दस्सेति ।

दिस्सति फलं सन्दिस्सतीति **देसो**, हेतूति आह “**देसन्ति कारण**”न्ति । **सब्बं कथेन्ति** सब्बं अत्तना परिग्गहितप्पकारं

कथेन्ति । कथेतुं न सक्कोन्ति अविशयता । पासादपरिवेणेति पासादस्स पुरतो विवटङ्गणे । हेट्ठा वुत्तनयेनाति सेखसुत्ते (म० नि० अट्ठ० २.२२) वुत्तनयेन वित्थारेतब्बं ।

८६. इमे नु खोति एत्थ नूति संसयजोतनोति आह — “विमतिपुच्छा विय कथिता”ति । जानन्तेनातिआदि पुच्छावत्तदस्सनपरं दट्ठब्बं, न पुच्छकस्स सत्थु अत्तनो अजाननभावदीपनपरं । जानाति हि भगवा । अजानन्तेन विय हुत्वा पुच्छते । यथाभूतसभावं जानन्तो विय पुच्छति कोहज्जे ठत्वा । तेनाह — “थेरो एवरूपं वचनं किं करिस्सती”ति कारणस्स सुप्पहीनत्ताति अधिप्पायो ।

छन्दमूलकाति तण्हाछन्दमूलका । तण्हा हि दुक्खसमुदयो । कुसलसज्जो वा थिरविसदनिपुणसज्जो वा, कुसलसङ्खारो वा तिखिणथिरविसदसङ्खारो वा; सुविसुद्धविपुलोदारविज्जाणो वाति इममत्थं “सज्जादीसुपि एसेव नयो”ति इमिना अतिदिसति । कस्मा पनेत्थ अनागतकालवसेनेव देसना आगताति आह “यस्मा पना”तिआदि ।

खन्धानं खन्धपण्णत्तीति खन्धसद्वाभिधेय्यानं रुपनानुभवनसज्जाननाभिसङ्खरविजाननसभावानं अत्थानं “खन्धो”ति अयं समज्जा । कित्तकेनाति किंपरिमाणेन अत्थेन, रासत्थभागत्थादीसु कीदिसेनाति अधिप्पायो ।

हेतुहेतूति हेतुपच्चयभूतो हेतु । यो हि लोभादीनं सहजातधम्मेषु मूलद्वेनुपकारकभावो निष्परियायेन हेतुत्थो; सो पथवीआदीसुपि पच्चयभावमत्तेन हेतुपरियायदस्सनतो दुतियेन हेतु-सद्देन विसेसेत्वा वुत्तो “हेतुहेतू”ति । अविज्जा पुज्जाभिसङ्खारादीनं साधारणपच्चयत्ता साधारणहेतु, “अतीतानागतपच्चुप्पन्नानं कम्मसमादानानं ठानसो हेतुसो विपाक”न्ति एत्थ विज्जमानेसुपि अज्जेसु पच्चयेसु इट्ठानिद्विपाकनियामकत्ता कम्मं तस्स पधानकारणन्ति आह — “कुसलाकुसलं अत्तनो अत्तनो विपाकदाने उत्तमहेतू”ति । “महाभूता हेतू”ति अयमेवत्थो “महाभूता पच्चयो”ति इमिनापि वुत्तोति हेतुसद्वपच्चयसद्धानं समानत्थत्ता पच्चयो एव हेतु पच्चयहेतु, यो च रूपक्खन्धस्स हेतु, सो एव तस्स पज्जापनाय पच्चयोति वुत्तोति आह — “इध पच्चयहेतु अधिप्पेतो”ति । यदग्गेन पच्चयधम्मो अत्तनो पच्चयुप्पन्नस्स उप्पादाय ठितिया च पच्चयो, तदग्गेन तस्स भावतो समज्जातो पज्जापनायपि सो पच्चयोति वत्तब्बतं अरहतीति । पाळियं अविभागेन वुत्तमत्थं विभागेन दस्सेतुं, “तत्थ पथवीधातू”तिआदि वुत्तं । तत्थ पज्जापनायाति सहेतुअहेतुकन्तिआदिआकारेहि बोधनाय । तं पन सब्बोधनं जाणेन दस्सनं होतीति वुत्तं “दस्सनत्थाया”ति ।

फस्सोति फस्ससमङ्गीभावो । सो चेत्थ सकिच्चनिप्पादनसमत्थस्स फस्सस्स निब्बन्ति । निब्बत्तो हि फस्सो तथारूपाय वेदनाय पच्चयो होतीति । एतदत्थमेवेत्थ भगवता पुग्गलाधिद्वाना देसना कता, तस्मा पच्चुप्पन्नातीतकालवसेन द्विकालिको फस्ससद्दो वेदितब्बो । फस्से सति वेदेति फस्सपच्चया वेदनाइच्चेव वुत्तं होति । सेसपदद्वयेपि एसेव नयो । यथेव हि वेदनाय एवं सज्जाय सङ्खारानम्पि फस्सो विसेसपच्चयो तस्मिं असति अभावतो । चेतनागहणेन आयूहनानुरूपताय तप्पधानत्ता सङ्खारक्खन्धधम्मा गहिता । तथा हि सुत्तन्तभाजनीये सङ्खारक्खन्धभाजनीये (विभ० २१, २२) च “चक्खुसम्फस्सजा चेतना”तिआदिना चेतनाव निद्विद्व । विज्जाणक्खन्धस्साति एत्थ एकस्मिं भवे आदिभूतविज्जाणस्स नामरूपपच्चयतं दस्सेतुं, “पटिसन्धिविज्जाणेन तावा”तिआदि वुत्तं । तत्थ गम्भसेय्यकस्स सभावकस्स रूपपवत्तिं सन्धाय “उपरिमपरिच्छेदेना”ति वुत्तं समतिसतो उपरि पटिसन्धिविज्जाणे तस्स रूपानं असम्भवतो । इदानी पवत्तिविज्जाणस्स नामरूपपच्चयं द्वारवसेन दस्सेतुं, “चक्खुद्वारे”तिआदि वुत्तं । ननु च विज्जाणस्सपि फस्सो पच्चयो, कस्मा तयो एव खन्धा फस्सपच्चया वुत्ताति? सच्चमेतं, यथा पन विज्जाणसहितो फस्सो वेदनादीनं पच्चयो, न एवं विज्जाणस्स । तेनाह भगवा — “तिण्णं सङ्गति फस्सो”ति (म० नि० १.२०४; म० नि० ३.४२१, ४२५, ४२६; सं० नि० २.४४, ४५; २.४.६०) फस्सो

विय नामरूपं विज्जाणस्स विसेसपच्चयो यथा नामरूपपच्चयापि विज्जाणन्ति । तस्मा इमं विसेसं दस्सेतुं नामरूपस्सेव विज्जाणपच्चयता वुत्ता, न फस्सस्स ।

८७. याव सक्कायदिट्ठि समुप्पज्जति, ताव वट्टस्स परियन्तो नत्थेवाति अप्पहीनसक्कायदिट्ठिको वट्टे परिभमतीति आह — “कथं पन, भन्तेति वट्ठं पुच्छन्तो”ति । यथा च सक्कायदिट्ठिजोतना वट्टपुच्छा, एवं तब्भेदनजोतना विवट्टपुच्छाति आह — “सक्कायदिट्ठि न होतीति विवट्ठं पुच्छन्तो”ति ।

८८. अयं रूपे अस्सादोति याथावतो दस्सनं परिज्जाभिसमयो, दुक्खसच्चपरियापन्नञ्च रूपन्ति आह — “इमिना परिज्जापटिवेधो चेव दुक्खसच्चञ्च कथित”न्ति । “यं रूपं अनिच्च”न्ति आदिवचनतो अनिच्चादिभावो तत्थ आदीनवो, सो चस्स पच्चयाधीनवुत्तिताय पच्चयो समुदयसच्चन्ति समुदयप्पहानेन आदीनवसमतिक्कमोति आदीनवगहणेन सिद्धमत्थमाह — “पहानपटिवेधो चेव समुदयसच्चञ्चा”ति । सब्बसङ्खतनिस्सरणं निब्बानञ्च सच्छिकिरियाभिसमयवसेन पटिविज्झितव्वन्ति आह — “इमिना सच्छिकिरियापटिवेधो चेव निरोधसच्चञ्चा”ति । इमेसु तीसु ठानेसूति यथावुत्तेसु दुक्खादीसु तीसु अभिसमयद्वानेसु । ये सम्मादिट्ठिआदयो धम्माति ये अरियमग्गसज्जिता सम्मादिट्ठिआदयो अट्ठ, सत्त वा धम्मा । भावनापटिवेधो मग्गसच्चन्ति भावनाभिसमयवसेन पवत्तं मग्गसच्चं । सेसपदेसुपीति, “अयं वेदनाय अस्सादो”ति आदिपदेसुपि ।

८९. इमस्मिन्ति आसन्नपच्चक्खताय सकअत्तभावो गहितो, तदेव अज्झत्ता खन्धाति तप्पटियोगिताय, “बहिद्धाति परस्स सविज्जाणके काये”ति वुत्तं । सब्बनिमित्तेसूति सब्बेसु रूपनिमित्तादीसुपि । तानि पन इन्द्रियबद्धानिपि अनिन्द्रियबद्धानिपि तंसभावानीति आह “अनिन्द्रियबद्धमि सङ्गहाती”ति । विज्जाणगगहणेनेवेत्थ वेदनादयोपि गहिता अविनाभावतोति, “सविज्जाणके काये”ति वुत्तं । “कायो”ति वा खन्धसमूहोति अत्थो ।

९०. अनत्तनि ठत्वाति अत्तरहिते अनत्तसभावे खन्धकोट्टासे ठत्वा तं आधारं कत्वा कतानि कम्मनि । कतरस्मिं अत्तनि ठत्वाति कीदृसे अत्तनि निस्सयविपाकं दस्सन्ति विपच्चिस्सन्ति । एतेन कारकवेदकरहितत्ता अत्तपक्खकम्मकानि न युज्जन्तीति दस्सेति, खन्धानं खणिकत्ता च कतनासअकतभागमदोसो च आपज्जतीति ।

तत्रायं (इतिवु० अट्ठ० ७४; सारत्थ० टी० १.५) चोदनासोधनाविधि — पाणातिपातवसेन ताव कम्मपथसम्बन्धविभावना, खणे खणे हि निरुज्जनसभावेसु सङ्खारेसु को हन्ति, को वा हज्जति, यदि चित्तचेतसिकसन्तानो, सो अरूपत्ता न छेदनभेदनादिवसेन विकोपनसमत्थो, नपि विकोपनीयो । अथ रूपसन्तानो, सो अचेतनत्ता कट्ठकलिङ्गरूपमोति न तत्थ छेदनादिना पाणातिपातापुज्जं पसवति यथा मतसरीरे । पयोगोपि पाणातिपातस्स पहरणप्पहारादिको अतीतेसु वा सङ्खारेसु भवेय्य, अनागतेसु, पच्चुप्पन्नेसु वा, तत्थ न ताव अतीतानागतेसु सम्भवति तेसं अभावतो, पच्चुप्पन्नेसु च सङ्खारानं खणिकत्ता सरसेनेव निरुज्जनसभावताय विनासाभिमुखेसु निप्पयोजनो पयोगो सिया, विनासस्स च कारणरहितत्ता न पहरणप्पहारादिप्पयोगहेतुकं मरणं, निरीहकताय च सङ्खारानं कस्स सो पयोगो? खणिकत्ता वधाधिप्पायसमकालभिज्जनकस्स किरियापरियोसानकालानवट्टानतो कस्स पाणातिपातकम्मबद्धोति?

वुच्चतेयथावुत्तवधकचेतनासहितो सङ्खारपुज्जो सत्तसङ्खातो हन्ति । तेन पवत्तितवधप्पयोगनिमित्तं अपगतउस्माविज्जाणजीवितिन्द्रियो मतवोहारपवत्तिनिबन्धनो यथावुत्तवप्पयोगकरणे उप्पज्जनारहो रूपारूपधम्मसमूहो हज्जति, केवलो वा चित्तचेतसिकसन्तानो । वधप्पयोगाविसयभावेपि तस्स पच्चवोकारभवे रूपसन्तानाधीनवुत्तिताय

रूपसन्ताने परेन पयोजितजीवितिन्द्रियुपच्छेदकपयोगवसेन तन्निब्वत्तितविबन्धकविसदिरूपुप्पत्तिया विगते विच्छेदो होतीति न पाणातिपातस्स असम्भवो; नापि अहेतुको पाणातिपातो, न च पयोगो निष्पयोजनो पच्चुप्पन्नेसु सङ्खारेसु कतप्पयोगवसेन तदनन्तरं उप्पज्जनारहस्स सङ्खारकलापस्स तथा अनुप्पत्तितो । खणिकानं सङ्खारानं खणिकमरणस्स इध मरणभावेन अनधिप्पेतत्ता सन्ततिमरणस्स च यथावुत्तनयेन सहेतुकभावतो न अहेतुकं मरणं; न च कत्तुरहितो पाणातिपातप्पयोगो निरीहकेसुपि सङ्खारेसु सन्निहिततामत्तेन उपकारकेसु अत्तनो अत्तनो अनुरूपफलुप्पादने नियतेसु कारणेसु कत्तुवोहारसिद्धितो यथा — “पदीपो पकासेति, निसाकरो चन्दिमा”ति । न च केवलस्स वचाधिप्पायसहभुनो चित्तचेतसिककलापस्स पाणातिपातो इच्छितो सन्तानवसेन अवट्टितस्सेव पटिजाननतो; सन्तानवसेन पवत्तमानानञ्च पदीपादीनं अत्थकिरियसिद्धिं दिस्सतीति अत्थेव पाणातिपातेन कम्मना बद्धो; ततो एव यस्मिं सन्ताने पाणातिपातचेतना पवत्ता; तत्थेव सन्ताने पच्चयन्तरसमवायेन भवन्तरे निरयादीसु तस्सा फलप्पवत्तीति नत्थेव कतविनासो अकतव्भागमो च । इमिना नयेन अदिन्नादानादीनञ्च वसेन यथारहं कम्मपथसम्बन्धविभावना वेदितव्वाति ।

सब्बो दिट्ठिग्गाहो तण्हावसगतस्सेव होतीति आह “तण्हाधिपतेय्येना”ति । तेसु तेसु धम्मसूति मया देसियमानदस्सनधम्मेषु । पकतिकम्मट्टानन्ति तस्स थेरस्स सन्तिके गहेत्वा परिहरियमानकम्मट्टानं । अज्जं नवकम्मट्टानन्ति भगवतो देसनानुसारेण गहितं अज्जं नवं कम्मट्टानं । सेसं सुविज्जेय्यमेव ।

महापुण्णमसुत्तवण्णनाय लीनत्थप्पकासना समत्ता ।

१०. चूळपुण्णमसुत्तवण्णना

११. तुण्हीभूतं तुण्हीभूतन्ति आमेटितवचनं व्यापनिच्छावसेन वुत्तन्ति आह — “यं यं दिस”न्तिआदि । अनुविलोकेत्वाति एत्थ अनुसद्धोपि व्यापनिच्छायमेवाति अनु अनु विलोकेत्वाति अत्थो । तेनेवाह — “ततो ततो विलोकेत्वा”ति । असन्तो नीचो पुरिसोति असप्पुरिसोति आह — “पापपुरिसो लामकपुरिसो”ति । सोति असप्पुरिसो । तन्ति असप्पुरिसं जानितुं न सक्कोति असप्पुरिसधम्मानं याथावतो अजाननतो । पापधम्मसमन्नागतोति कायदुच्चरितादिअसन्तुट्ठितादिलामकधम्मसमन्नागतो । असप्पुरिसे भत्ति एतस्साति असप्पुरिसभत्ति । तेनाह — “असप्पुरिससेवनो”ति । असप्पुरिसधम्मो असप्पुरिसो उत्तरपदलोपेन, तेसं चिन्तनसीलोति असप्पुरिसचिन्ती । तेनाह “असप्पुरिसचिन्ताय चिन्तको”ति, दुच्चिन्तितचिन्तीति अत्थो । असप्पुरिसमन्तनन्ति असाधुजनविचारं असप्पुरिसवीमंसं । असप्पुरिसवाचन्ति चतुब्बिधं दुब्भासितं । असप्पुरिसकम्मं नाम तिविधम्पि कायदुच्चरितं । असप्पुरिसदिट्ठि नाम विसेसतो दसवत्थुका मिच्छादिट्ठि, ताय समन्नागतो असप्पुरिसदिट्ठिया समन्नागतो, असप्पुरिसदानं नाम असक्कच्चदानादि । सब्बोपायमत्थो पाळितो एव विज्जायति ।

“पाणं हनिस्सामी”तिआदिका चेतना कामं परव्याबाधायपि होतियेव, यथा पन सा अत्तनो बलवतरदुक्खत्थाय होति, तथा न परस्साति इममत्थं दस्सेतुं, “अत्तनो दुक्खत्थाय चिन्तेति”इच्चेव वुत्तो । यथा असुको असुकन्तिआदीहि पापको पापविपाकेकदेसं बलवं गरुतरं वा पच्चनुभोन्तोपि यथा परो पच्चनुभोति, न तथा सयन्ति दस्सेति । तेनाह “परव्याबाधाय”ति । गहेत्वाति पापकिरियाय सहायभावेन गहेत्वा ।

असक्कच्चन्ति अनादरं कत्वा । देय्यधम्मस्स असक्करणं अप्पसन्नाकारो, पुग्गलस्स असक्करणं अगरुकरणन्ति इममत्थं दस्सेन्तो, “देय्यधम्मं न सक्करोति नामा”तिआदिमाह । अचिन्तीकत्वाति न चित्ते कत्वा, न पूजेत्वाति अत्थो ।

पूजेन्तो हि पूजेतब्बवत्थुं चित्ते ठपेति, ततो न बहिं करोति । चित्तं वा अच्छरियं कत्वा पटिपत्तिं **चित्तीकरणं**, सम्भावनकिरिया । तप्पटिक्खेपतो **अचिन्तीकरणं**, असम्भावनकिरिया । **अपविद्धन्ति** उच्छिद्धादिछड्ढनीयधम्मं विय अवखित्तकं । तेनाह — “**छट्ठेतुकामो विया**”तिआदि । **रोगं पक्खिपन्तो विया**ति रोगिकसरीरं ओदनादीहि पमज्जित्वा वम्मिके रोगं पक्खिपन्तो विय । अद्धा इमस्स दानस्स फलं ममेव आगच्छतीति एवं यस्स तथा दिट्ठि अत्थि, सो आगमनदिट्ठिको, अयं पन न तादिसीति आह “**अनागमनदिट्ठिको**”ति । तेनाह — “**नो फलपाटिकद्धी हुत्वा देती**”ति ।

कामज्जायं यथावुत्तपुग्गलो असद्धम्मादीहि पापधम्मेहि समन्नागतो, तेहि पन सब्बेहिपि मिच्छादस्सनं महासावज्जन्ति दस्सेतुं, “**ताय मिच्छादिट्ठिया निरये उपपज्जती**”ति वुत्तं । **वुत्तपटिपक्खनयेना**ति कण्हपक्खे वुत्तस्स अत्थस्स विपरियायेन सुक्कपक्खे अत्थो वेदितब्बो । “सदेवकं लोकं”न्तिआदीसु (पारा० १) देवसद्धो छकामावचरदेवेसु, एवमिधाति आह “**छकामावचरदेवा**”ति । तत्थ ब्रह्मानं विसुं गहितत्ता कामावचरदेवगगहणन्ति चे? इध दानफलस्स अधिप्पेतत्ता कामावचरदेवगगहणं, तत्थापि छकामावचरगगहणं दट्ठब्बं देवमहत्ततादिवचनतो । **तिण्णं कुलानं सम्पत्ती**ति खत्तियमहत्तादीनं तिण्णं कुलानं सम्पत्ति, न केवलं कुलसम्पदा एव अधिप्पेता, अथ खो तत्थ आयुवण्णयसभोगइस्सरियादिसम्पदापि अधिप्पेताति दट्ठब्बं उळारस्स दानमयपुज्जस्स वसेन तेसम्पि समिज्जनतो । **सुद्धवट्ठवसेनेव कथितं** सुक्कपक्खेपि सब्बसो विवट्ठस्स अनामट्ठत्ता । सद्धादयो हि लोकियकुसलसम्भारा एवेत्थ अधिप्पेताति । सेसं सुविज्जेय्यमेव ।

चूळपुण्णमसुत्तवण्णनाय लीनत्थप्पकासना समत्ता ।

निट्ठिता च देवदहवगगवण्णना ।

२. अनुपदवग्गो

१. अनुपदसुत्तवण्णना

१३. इद्धिमाति गुणो पाकटो परतोघोसेन विना पासादकम्पनदेवचारिकादीहि सयमेव पकासभावतो; धुतवादादिगुणानम्पि तथाभावे एतेनेव नयेन तेसं गुणानं पाकटयोगतो च परेसं निच्छित्तभावतो च । **पज्जवतो गुणा**ति पज्जापभेदपभाविते गुणविसेसे सन्धाय वदति । ते हि येभुय्येन परेसं अविसया । तेनाह — “**न सक्का अकथिता जानितु**”न्ति । विसभागा सभागा नाम अयोनिमनसिकारबहुलेसु पुथुज्जनेसु, ते पन अप्पहीनरागदोसताय परस्स विज्जमानम्पि गुणं मक्खेत्वा अविज्जमानं अवण्णमेव घोसेन्तीति आह — “**विसभाग...पे... कथेन्ती**”ति ।

या अट्ठारसन्नं धातूनं समुदयतो अत्थङ्गमतो अस्सादतो आदीनवतो यथाभूतं पजानना, अयं **धातुकुसलता** । **आयतनकुसलता**यपि एसेव नयो । अविज्जादीसु द्वादससु पटिच्चसमुप्पादङ्गेसु कोसल्लं **पटिच्चसमुप्पादकुसलता** । इदं इमस्स फलस्स ठानं कारणं, इदं अट्ठानं अकारणन्ति एवं ठानञ्च ठानतो, अट्ठानञ्च अट्ठानतो यथाभूतं पजानना, अयं **ठानाट्ठानकुसलता** । यो पन इमेसु धातुआदीसु परिज्जाभिसमयादिवसेन निस्सङ्गगतिया पण्डाति लद्धनामेन जाणेन इतो गतो पवत्तो, अयं **पण्डितो** नामाति आह — “**इमेहि चतूहि कारणेहि पण्डितो**”ति । महन्तानं अत्थानं परिगगणहनतो महती पज्जा एतस्साति **महापज्जो** । सेसपदेसुपि एसेव नयोति आह — “**महापज्जादीहि समन्नागतोति अत्थो**”ति ।

नानत्तन्ति याहि महापज्जादीहि समन्नागतत्ता थेरो “महापज्जो”ति आदिना किंतीयति, तासं महापज्जादीनं इदं नानत्तं अयं वेमत्तता । यस्स कस्सचि (दी० नि० टी० ३.२१६; सं० नि० टी० १.१.११०; अ० नि० टी० १.१.५८४) विसेसतो अरूपधम्मस्स महत्तं नाम किच्चसिद्धिया वेदितब्बन्ति तदस्स किच्चसिद्धिया दस्सेन्तो, “महन्ते सीलक्खन्धे परिगणहातीति महापज्जा”ति आदिमाह । तत्थ हेतुमहन्तताय पच्चयमहन्तताय निस्सयमहन्तताय पभेदमहन्तताय किच्चमहन्तताय फलमहन्तताय आनिसंसमहन्तताय च सीलक्खन्धस्स महन्तभावो वेदितब्बो । तत्थ हेतू अलोभादयो, पच्चया हिरोत्तप्पसद्भासतिवीरियादयो । निस्सया सावकबोधिपच्चेकबोधिसम्मासम्बोधिनीयतता तंसमङ्गिनो च पुरिसविसेसा । पभेदो चारित्तादिविभागो । किच्चं तदङ्गादिवसेन पटिपक्खस्स विधमनं । फलं सग्गसम्पदा निब्बानसम्पदा च । आनिसंसो पियमनापतादि । अयमेत्थ सङ्खेपो, वित्थारो पन विसुद्धिमग्गे (विसुद्धि० १.९) आकङ्खेय्यसुत्तादीसु (म० नि० १.६४ आदयो) च आगतनयेन वेदितब्बो । इमिना नयेन समाधिक्खन्धादीनम्पि महन्तता यथारहं निद्धारित्वा वेदितब्बा, ठानाट्टानादीनं पन महन्तभावो महाविसयताय वेदितब्बो । तत्थ ठानाट्टानानं महाविसयता बहुधातुकसुत्ते (म० नि० ३.१२४ आदयो) सयमेव आगमिस्सति । विहारसमापत्तीनं समाधिक्खन्धे निद्धारितनयेन वेदितब्बा, अरियसच्चां सकलसासनसङ्ग्रहणतो सच्चविभङ्गे (विभ० १८९ आदयो) तंसंवण्णनासु (विभ० अट्ठ० १८९ आदयो) आगतनयेन । सतिपट्टानादीनं विभङ्गादीसु (विभ० ३५५ आदयो) तंसंवण्णनादीसु (विभ० अट्ठ० ३५५ आदयो) च आगतनयेन । सामज्जफलानं महतो हितस्स महतो सुखस्स महतो अत्थस्स महतो योगक्खेमस्स निष्फत्तिभावतो सन्तपणीतनिपुणअतक्कावचरपण्डितवेदनीयभावतो च । अभिज्ज्ञानं महासम्भारतो महाविसयतो महाकिच्चतो महानुभावतो महानिष्फत्तितो च । निब्बानस्स मदनिममदनादिमहत्थसिद्धितो महन्तता वेदितब्बा ।

पुथुपज्जाति एत्थापि वुत्तनयानुसारेण अत्थो वेदितब्बो । अयं पन विसेसो — नानाक्खन्धेसु जाणं पवत्ततीति, “अयं रूपक्खन्धो नाम...पे०... अयं विज्जाणक्खन्धो नामा”ति, एवं पज्जन्नं खन्धानं नानाकरणं पटिच्च जाणं पवत्तति । तेसुपि “एकविधेन रूपक्खन्धो, एकादसविधेन रूपक्खन्धो, एकविधेन वेदनाक्खन्धो, बहुविधेन वेदनाक्खन्धो, एकविधेन सज्जाक्खन्धो...पे०... एकविधेन विज्जाणक्खन्धो, बहुविधेन विज्जाणक्खन्धो”ति एवं एकेकस्स खन्धस्स एकविधादिवसेन अतीतादिभेदवसेनपि नानाकरणं पटिच्च जाणं पवत्तति । तथा “इदं चक्खायतनं नाम...पे०... इदं धम्मायतनं नाम । तत्थ दसायतना कामावचरा, द्वे चतुभूमका”ति एवं आयतननानत्तं पटिच्च जाणं पवत्तति ।

नानाधातूसूति “अयं चक्खुधातु नाम...पे०... अयं मनोविज्जाणधातु नाम । तत्थ सोळस धातुयो कामावचरा, द्वे चतुभूमका”ति एवं नानाधातूसु पटिच्च जाणं पवत्तति । तयिदं उपादिण्णकधातुवसेन वुत्तन्ति वेदितब्बं । पच्चेकबुद्धानज्झि द्विन्नज्ज अग्गसावकानं उपादिण्णकधातूसुयेव नानाकरणं पटिच्च जाणं पवत्तति । तज्ज खो एकदेसतोव, नो निप्पदेसतो, अनुपादिण्णकधातूनं पन नानाकरणं न जानन्तियेव । सब्बज्जुबुद्धानयेव पन, “इमाय नाम धातुया उस्सन्नत्ता इमस्स रुक्खस्स खन्धो सेतो होति, इमस्स कण्हो, इमस्स बहलत्तचो, इमस्स तनुत्तचो, इमस्स पत्तं वण्णसण्ठानादिवसेन एवरूपं, इमस्स पुप्फं नीलं पीतं लोहितं ओदातं सुगन्धं दुग्गन्धं, फलं खुहकं महन्तं दीघं वट्टं सुसण्ठानं मट्ठं फरुसं सुगन्धं मधुरं तित्तकं अम्बिलं कटुकं कसावं, कण्टको तिखिणो अतिखिणो उजुको कुटिलो लोहितो ओदातो होती”ति धातुनानत्तं पटिच्च जाणं पवत्तति ।

अत्थेसूति रूपादीसु आरम्भणेसु । नानापटिच्चसमुप्पादेसूति अज्झत्तबहिद्भाभेदतो सन्तानभेदतो च नानप्पभेदेसु पटिच्चसमुप्पादङ्गेसु । अविज्जादिअङ्गानज्झि पच्चेकं पटिच्चसमुप्पादसज्जिताति । तेनाह — सङ्खारपिटके “द्वादस पच्चया द्वादस पटिच्चसमुप्पादा”ति । नानासुज्जतमनुपलब्धेसूति नानासभावेसु निच्चसारादिविरहतो सुज्जसभावेसु, ततो एव

इत्थिपुरिसअत्तअत्तनियदिवसेन अनुपलब्धेसु सभावेषु। म-कारो हेत्थ पदसन्धिकरो। **नानाअत्थेसूति** अत्थपटिसम्भिदाविसयेसु पच्चयुप्पन्नादिनानाअत्थेसु। **धम्मेषूति** धम्मपटिसम्भिदाविसयेसु पच्चयादिनानाधम्मेषु। **निरुत्तीसूति** तेसंयेव अत्थधम्मानं निद्धारणवचनसङ्घातासु नानानिरुत्तीसु। **पटिभानेसूति** एत्थ अत्थपटिसम्भिदादीसु विसयभूतेसु, “इमानि इदमत्थजोतकानी”ति (विभ० ७२५-७४५) तथा तथा पटिभानतो पटिभानानीति लद्धनामेसु जाणेसु। **पुथु नानासीलक्खन्धेसूति** आदीसु सीलस्स पुथुत्तं नानत्तञ्च वुत्तमेव। इतरेसं पन वुत्तनयानुसारेण सुविज्जेय्यत्ता पाकटमेव। यं पन अभिन्नं एकमेव निब्बानं, तत्थ उपचारवसेन पुथुत्तं गहेतब्बन्ति आह — “**पुथु नानाजनसाधारणे धम्मे समतिकक्कम्मा**”ति। तेनस्स मदनिम्मदनादिपरियायेन पुथुत्तं परिदीपितं होति।

एवं विसयवसेन पञ्जाय महत्तं पुथुत्तञ्च दस्सेत्वा इदानि सम्पयुत्तधम्मवसेन हासभावं, पवत्तिआकारवसेन जवनभावं, किच्चवसेन तिक्खादिभावञ्च दस्सेत्तुं, “**कतमा हासपञ्जा**”तिआदि वुत्तं। तत्थ **हासबहुलो**ति पीतिबहुलो। सेसपदानि तस्सेव वेवचनानि। **सीलं परिपूरेतीति** हट्टपहट्टो उदग्गुदग्गो हुत्वा पीतिसहगताय पञ्जाय। पीतिसोमनस्ससहगता हि पञ्जा अभिरतिवसेन आरम्मणे फुल्ला विकसिता विय पवत्तति; न उपेक्खासहगताति पातिमोक्खसीलं ठपेत्वा हासनीयं परं तिविधम्पि सीलं परिपूरेतीति अत्थो। विसुं वुत्तत्ता पुन **सीलक्खन्धमाह**। **समाधिक्खन्धन्ति** आदीसुपि एसेव नयो।

रूपं अनिच्चतो खिप्पं जवतीति रूपक्खन्धं अनिच्चन्ति सीधं वेगेन पवत्तिया पटिपक्खदूरीभावेन पुब्बाभिसङ्खारस्स सातिसयत्ता इन्देन विस्सट्टवजिरं विय लक्खणं पटिविज्झन्ती अदन्थायन्ती रूपक्खन्धे अनिच्चलक्खणं वेगसा पटिविज्झति, तस्मा सा **जवनपञ्जा** नामाति अत्थो। सेसपदेसुपि एसेव नयो। एवं लक्खणारम्मणिकविपस्सनावसेन जवनपञ्जं दस्सेत्वा बलवविपस्सनावसेन दस्सेत्तुं, “**रूपं**”न्तिआदि वुत्तं। तत्थ **खयट्टेनाति** यत्थ यत्थ उप्पज्जति, तत्थ तत्थेव भिज्जनतो खयसभावत्ता। **भयट्टेनाति** भयानकभावतो। **असारकट्टेनाति** अत्तसारविरहतो निच्चसारदिविरहतो च। **तुलयित्वाति** तुलाभूताय विपस्सनापञ्जाय तुलेत्वा। **तीरयित्वाति** ताय एव तीरणभूताय तीरेत्वा। **विभावयित्वाति** याथावतो पकासेत्वा पञ्चक्खन्धं **विभूतं कत्वा**। **रूपनिरोधेति** रूपक्खन्धस्स निरोधभूते **निब्बाने** निन्नपोणपब्भारवसेन। इदानि सिखाप्पत्तविपस्सनावसेन जवनपञ्जं दस्सेत्तुं, पुन “**रूपं**”न्तिआदि वुत्तं। वुट्ठानगामिनिविपस्सनावसेनाति केचि।

जाणस्स तिक्खभावो नाम सविसेसं पटिपक्खसमुच्छिन्दनेन वेदितब्बोति, “**खिप्पं किलेसे छिन्दतीति तिक्खपञ्जा**”ति वत्ता ते पन किलेसे विभागेन दस्सेन्तो, “**उप्पन्नं कामवितक्कं**”न्तिआदिमाह। तिक्खपञ्जो हि खिप्पाभिज्जो होति, पटिपदा चस्स न चलतीति आह — “**एकस्मिं आसने चत्तारो अरियमग्गा अधिगता होन्ती**”तिआदि।

“सब्बे सङ्खारा अनिच्चा दुक्खा विपरिणामधम्मा सङ्खता पटिच्चसमुप्पन्ना खयधम्मा वयधम्मा निरोधधम्मा”ति याथावतो दस्सनेन सच्चसम्पटिवेधो इज्झति, न अज्जथाति कारणमुखेन निब्बेधिकपञ्जं दस्सेत्तुं, “**सब्बसङ्खारेसु उब्बेगबहुलो होती**”तिआदि वुत्तं। तत्थ **उब्बेगबहुलो**ति वुत्तनयेन सब्बसङ्खारेसु अभिण्हं पवत्तसंवेगो। **उत्तासबहुलो**ति जाणुत्तासवसेन सब्बसङ्खारेसु बहुसो उत्रस्तमानसो। तेन आदीनवानुपस्सनमाह। **उक्कण्ठनबहुलो**ति पन इमिना निब्बिदानुपस्सनं आह — **अरतिबहुलो**तिआदिना तस्सा एव अपरापरुप्पत्तिं। **बहिमुखो**ति सब्बसङ्खारतो बहिभूतं निब्बानं उद्दिस्स पवत्तजाणमुखो, तथा वा पवत्तितविमोक्खमुखो। निब्बिज्जनं निब्बेधो, सो एतिस्सा अत्थि, निब्बिज्जतीति वा निब्बेधा, साव पञ्जा **निब्बेधिका**। यं पनेत्थ अत्थतो अविभत्तं, तं हेट्ठा वुत्तनयत्ता सुविज्जेय्यमेव।

पज्जति एतेन विपस्सनादिकोति पदं, समापत्ति, तस्मा अनुपदन्ति अनुसमापत्तियोति अत्थो। पदं वा सम्मसनुपगा धम्मा विपस्सनाय पवत्तिट्ठानभावतो। तेनाह “समापत्तिवसेन वा”ति। ज्ञानङ्गवसेन वाति ज्ञानङ्गवसेनाति च अत्थो। अट्ठकथायं पन कमत्थो इध पदसद्दो, तस्मा अनुपदं अनुक्कमेनाति अयमेत्थ अत्थोति आह “अनुपटिपाटिया”ति। धम्मविपस्सनन्ति तंतं समापत्तिचित्तुप्पादपरियापन्नानं धम्मानं विपस्सनं। विपस्सतीति समापत्तियो ज्ञानमुखेन ते ते धम्मे याथावतो परिग्गहेत्वा, “इतिपि दुक्खा”ति आदिना सम्मसति। अद्धमासेन अरहत्तं पत्तो उक्कंसगतस्स सावकानं सम्मसनचारस्स निष्पदेसेन पवत्तियमानत्ता, सावकपारमीजाणस्स च तथा पटिपादेतब्बत्ता। एवं सन्तेपीति यदिपि महामोग्गल्लानत्थेरो न चिरस्सेव अरहत्तं पत्तो; धम्मसेनापति पन ततो चिरेन, एवं सन्तेपि यस्मा मोग्गल्लानत्थेरोपि महापज्जोव, तस्मा सारिपुत्तत्थेरोव महापज्जतरोति। इदानि तमत्थं पाकटतरं कातुं, “महामोग्गल्लानत्थेरो ही”ति आदि वुत्तं। सम्मसनं चरति एत्थाति सम्मसनचारो, विपस्सनाभूमि, तं सम्मसनचारं। एकदेसमेवाति सकअत्तभावे सङ्घारे अनवसेसतो परिग्गहेतुञ्च सम्मसितुञ्च असक्कोन्तं अत्तनो अभिनीहारसमुदागतजाणबलानुरूपं एकदेसमेव परिग्गहेत्वा सम्मसन्तो। ननु च “सब्बं, भिक्खवे, अनभिजानं अपरिजानं अविराजयं अप्पजहं अभब्बो दुक्खक्खयाया”ति (सं० नि० ४.२६) वचनतो वट्टदुक्खतो मुच्चित्तुकामेन सब्बं परिज्जेय्यं परिजानितब्बमेव? सच्चमेतं, तञ्च खो सम्मसनुपगधम्मवसेन वुत्तं। तस्मा ससन्तानगते सब्बधम्मे, परसन्तानगते च तेसं सन्तानविभागं अकत्वा बहिद्धाभावसामज्जतो सम्मसनं, अयं सावकानं सम्मसनचारो। थेरो पन बहिद्धाधम्मेपि सन्तानविभागेन केचि केचि उद्धरित्वा सम्मसि, तञ्च खो जाणेन फुट्टमत्तं कत्वा। तेन वुत्तं — “यट्ठिकोटिया उप्पीळेन्तो विय एकदेसमेव सम्मसन्तो”ति। तत्थ जाणेन नाम यावता नेय्यं पवत्तितब्बं, तथा अपवत्तनतो “यट्ठिकोटिया उप्पीळेन्तो विया”ति आदि वुत्तं। अनुपदधम्मविपस्सनाय अभावतो “एकदेसमेव सम्मसन्तो”ति वुत्तं।

बुद्धानं सम्मसनचारो दससहस्सिलोकधातुयं सत्तसन्तानगता, अनिन्द्रियबद्धा च सङ्घाराति वदन्ति, कोटिसतसहस्सचक्कवाळेसूति अपरे। तथा हि अद्धत्तयवसेन पटिच्चसमुप्पादनयं ओसरित्वा छत्तिसकोटिसतसहस्समुखेन बुद्धानं महावजिरजाणं पवत्तं। पच्चेकबुद्धानं ससन्तानगतेहि सद्धिं मज्झिमदेसवासिसत्तसन्तानगता अनिन्द्रियबद्धा च सम्मसनचारोति वदन्ति, जम्बुदीपवासिसत्तसन्तानगताति केचि। धम्मसेनापतिनोपि यथावुत्तसावकानं विपस्सनाभूमियेव सम्मसनचारो। तत्थ पन थेरो सातिसयं निरवसेसं अनुपदधम्मं विपस्सि। तेन वुत्तं — “सावकानं सम्मसनचारं निष्पदेसं सम्मसी”ति।

तत्थ “सावकानं विपस्सनाभूमी”ति एत्थ सुक्खविपस्सका लोकियाभिज्जप्पत्ता पकतिसावका अगगसावका पच्चेकबुद्धा सम्मासम्बुद्धाति छसु जनेसु सुक्खविपस्सकानं ज्ञानाभिज्जाहि अनधिगतपज्जानेपुज्जत्ता अन्धानं विय इच्छितपदेसोक्कमनं विपस्सनाकाले इच्छिकिच्छितधम्मविपस्सना नत्थि। ते यथापरिग्गहितधम्ममत्तेयेव ठत्वा विपस्सनं वट्टेन्ति। लोकियाभिज्जप्पत्ता पन पकतिसावका येन मुखेन विपस्सनं आरभन्ति; ततो अज्जेन विपस्सनं वित्थारिकं कातुं सक्कोन्ति विपुलजाणत्ता। महासावका अभिनीहारसम्पन्नत्ता ततो सातिसयं विपस्सनं वित्थारिकं कातुं सक्कोन्ति। अगगसावकेसु दुतियो अभिनीहारसम्पत्तिया समाधानस्स सातिसयत्ता विपस्सनं ततोपि वित्थारिकं करोति। पठमो पन ततो महापज्जताय सावकेहि असाधारणं वित्थारिकं करोति। पच्चेकबुद्धो तेहिपि महाभिनीहारताय अत्तनो अभिनीहारानुरूपं ततोपि वित्थारिकविपस्सनं करोन्ति। बुद्धानं, सम्मदेव, परिपूरितपज्जापारमिपभावित-सब्बज्जुतज्जाणाधिगमनस्स अनुरूपायाति। यथा नाम कतवालवेधपरिचयेन सरभङ्गसदिसेन धनुग्गहेन खित्तो सरो अन्तरा रुक्खलतादीसु असज्जमानो लक्खणेयेव पतति; न सज्जति न विरज्जति, एवं अन्तरा असज्जमाना अविरज्जमाना विपस्सना सम्मसनीयधम्मेसु याथावतो नानानयेहि पवत्तति। यं महाजाणन्ति वुच्चति, तस्स पवत्तिआकारभेदो गणतो वुत्तोयेव।

एतेषु च सुखविपस्सकानं विपस्सनाचारो खज्जोतपभासदिसो, अभिज्जप्पत्तपकतिसावकानं दीपपभासदिसो, महासावकानं ओक्कापभासदिसो, अग्गसावकानं ओसधितारकापभासदिसो, पच्चेकबुद्धानं चन्दपभासदिसो, सम्मासम्बुद्धानं रस्मिहस्सपटिमण्डितसरदसूरियमण्डलसदिसो उपट्टासि । तथा सुखविपस्सकानं विपस्सनाचारो अन्धानं यट्ठिकोटिया गमनसदिसो, लोकियाभिज्जप्पत्तपकतिसावकानं दण्डकसेतुगमनसदिसो, महासावकानं जङ्घसेतुगमनसदिसो, अग्गसावकानं सकटसेतुगमनसदिसो, पच्चेकबुद्धानं महाजङ्घमग्गगमनसदिसो, सम्मासम्बुद्धानं महासकमग्गगमनसदिसोति वेदितब्बो ।

अरहत्तञ्च किर पत्वाति एत्थ किर-सद्वो अनुस्सवलब्धोयमत्थोति दीपेतुं वुत्तो । **पत्वा अज्जासि** अत्तनो विपस्सनाचारस्स महाविसयत्ता तिव्खविसदसूरभावस्स च सल्लक्खणेन । कथं पनायं महाथेरो दन्धं अरहत्तं पापुणन्तो सीधं अरहत्तं पत्ततो पज्जाय अत्तानं सातिसयं कत्वा अज्जासीति आह — “**यथा ही**”तिआदि । **महाजटन्ति** महाजालसाखं अतिविय सिब्बितजालं । **यट्ठिं पन सारं वा उजुं वा न लभति** वेणुगहणे अनुच्चिनित्वा वेणुस्स गहितत्ता । **एवंसम्पदन्ति** यथा तेसु पुरिसेसु एको वेळुगहणे अनुच्चिनित्वा वेळुयट्ठिं गण्हाति, एको उच्चिनित्वा, एवं निप्फत्तिकं । **पधानन्ति** भावनानुयुज्जनं ।

सत्तसट्ठि जाणानीति पटिसम्भिदामग्गे (पटि० म० १.७३ मातिका) आगतेसु तेसत्ततिया जाणेषु ठपेत्वा छ असाधारणजाणानि सुतमयजाणादीनि पटिभानपटिसम्भिदाजाणपरियोसानानि सत्तसट्ठि जाणानि । तानि हि सावकेहि पविचितब्बानि, न इतरानि । **सोळसविधं पज्जन्ति** (सं० नि० अट्ठ० ३.५.३७९; सं० नि० टी० ३.५.३७९) महापज्जादिका, नवानुपुब्बविहारसमापत्तिपज्जाति इदं सोळसविधं पज्जं ।

तत्राति तस्स । इदं होतीति इदं दानि वुच्चमानं अनुपुब्बसम्मसनं होति । **विपस्सनाकोट्टासन्ति** वितक्कादिसम्मसितब्बधम्मविभागेन विभत्तविपस्सनाभागं ।

१४. पठमे झानेति उपसिलेसे भुम्मं, तस्मा **ये पठमे झाने धम्माति** ये पठमज्झानसंसट्ठा धम्माति अत्थो । **अन्तोसमापत्तियन्ति** च समापत्तिसहगते चित्तुप्पादे समापत्तिसमज्जं आरोपेत्वा वुत्तं । **ववत्थिताति** कतववत्थना निच्छिता । **परिच्छिन्नाति** जाणेन परिच्छिन्ना सल्लक्खणतो परिच्छिज्ज जाता । **ओलोकेन्तोति** जाणचक्खुना पच्चक्खतो पस्सन्तो । **अभिनिरोपनं** आरम्मणे चित्तस्स आरोपनं । **अनुमज्जनं** आरम्मणे चित्तस्स अनुविचारणं । **फरणं** पणीतरूपेहि कायस्स ब्यापनं, विप्फारिकभावो वा । **सातन्ति** सातमधुरता । **अधिकखेपो** विक्खेपस्स पटिपक्खभूतं समाधानं । **फुसनं** इन्द्रियविसयविज्जाणस्स ततो उप्पज्जित्वा आरम्मणे फुसनाकारेण विय पवत्ति । **वेदयितं** आरम्मणानुभवनं । **सज्जाननं** नीलादिवसेन आरम्मणस्स सल्लक्खणं । **चेतयितं** चेतसो ब्यापारो । **विजाननं** आरम्मणूपलब्धि । **कत्तुकम्यता** चित्तस्स आरम्मणेन अत्थिकता । तस्मिं आरम्मणे अधिमुच्चनं, सन्निट्ठानं वा **अधिमोक्खो** । कोसज्जपक्खे पतितुं अदत्वा चित्तस्स पग्गहणं **पग्गाहो**, अधिग्गहोति अत्थो । आरम्मणं उपगन्त्वा ठानं, अनिस्सज्जनं वा **उपट्ठानं** । सम्पपवत्तेसु अस्सेसु सारथि विय सकिच्चपसुतेसु सम्पयुत्तेसु अज्झुपेक्खनं **मज्झत्तता** । सम्पयुत्तधम्मानं आरम्मणे अनुनयनं संचरणं **अनुनयो** । **सभावतोति** यथाभूतसभावतो । सोळसन्नं एव चेत्य धम्मानं गहणं तेसंयेव थेरेण ववत्थापितभावतो, ते एवस्स तदा उपट्ठहिंसु, न इतरेति वदन्ति । वीरियसतिग्गहणेन चेत्य इन्द्रियभावसामज्जतो सद्भापज्जा; सतिग्गहणेनेव एकन्तानवज्जभावसामज्जतो पस्सद्भिआदयो छ युगळा; अलोभादोसा च सङ्गहिता झानचित्तुप्पादपरियापन्नता तेसं धम्मानं । थेरेण च धम्मा ववत्थानसामज्जतो आरब्धा । ते न उपट्ठहिंसूति न सक्का वत्तुन्ति अपरे ।

विदिता उप्पज्जन्तीति उप्पादेपि नेसं वेदनानं पजाननं होतियेवाति अत्थो । सेसपदद्वयेपि एसेव नयो । तं जानातीति तंजाणो, तस्स भावो **तंजाणता**, जाणस्स अत्तसंवेदनन्ति अत्थो । तंसमानयोगक्खमाहि सम्पयुत्तधम्मा । **जाणबहुताति** जाणस्स बहुभावो, एकचित्तुप्पादे अनेकजाणताति अत्थो । इदानीं तमेवत्थं विवरितुं, “**यथा ही**”तिआदि वुत्तं । **न सक्का जानितुं** आरम्मणकरणस्स अभावतो । असम्मोहावबोधो च ईदिसस्स जाणस्स नत्थि । **एकेकमेव** जाणं **उप्पज्जति** तस्मिं खणे एकस्सेव आवज्जनस्स उप्पज्जनतो, न च आवज्जनेन विना चित्तुप्पत्ति अत्थि । वुत्तज्हेतं —

“चुल्लासीतिसहस्सानि, कप्पा तिड्ढन्ति ये मरू ।

न त्वेव तेपि जीवन्ति, द्वीहि चित्तेहि संयुता”ति ॥ (महानि० १०, ३९) च,

“नत्थि चित्ते युगा गही”ति च —

वत्थारम्मणानं परिग्गहिततायाति यस्मिञ्च आरम्मणे ये ज्ञानधम्मा पवत्तन्ति, तेसं वत्थारम्मणानं पगेव जाणेन परिच्छिज्ज गहितत्ता । यथा नाम मिगसूकरादीनं आसयेपरिग्गहिते तत्र ठिता मिगा वा सूकरा वा ततो उट्टानतोपि आगमनतोपि नेसादस्स सुखगहणा होन्ति, एवंसम्पदमिदं । तेनाह “**थेरेन ही**”तिआदि । **तेनाति** वत्थारम्मणानं परिग्गहितभावेन । **अस्साति** थेरस्स । **तेसं धम्मानन्ति** ज्ञानचित्तुप्पादपरियापन्नानं धम्मानं । **उप्पादं आवज्जन्तस्साति**आदिना उप्पादादीसु यं यदेव आरब्ध जाणं उप्पज्जति; तस्मिं तस्मिं खणे तस्स तस्सेव चस्स पाकटभावो दीपितो । न हि आवज्जनेन विना जाणं उप्पज्जति । **अहुत्वा सम्भोन्तीति** पुब्बे अविज्जमाना हुत्वा सम्भवन्ति, अनुप्पन्ना उप्पज्जन्तीति अत्थो । **उदयं पस्सति** तेसं धम्मानं, “अहुत्वा सम्भोन्ती”ति उप्पादक्खणसमङ्गिभावदस्सनतो । पुब्बे अभावबोधको हि अत्तलाभो धम्मानं उदयो । **हुत्वाति** उप्पज्जित्वा । **पटिवेन्तीति** पटि खणे खणे विनस्सन्ति । **वयं पस्सति**, “हुत्वा पटिवेन्ती”ति तेसं धम्मानं भङ्गक्खणसमङ्गिभावदस्सनतो । विद्धंसभावबोधको हि धम्मानं विज्जमानतो वयो ।

तेसु धम्मेसु नत्थि एतस्स उपयो रागवसेन उपगमनन्ति **अनुपयो**, अननुरोधो । हुत्वा विहरतीति योजना । तथा नत्थि एतस्स अपायो पटिघवसेन अपगमनन्ति **अनपायो**, अविरोधो । “एतं मम, एसो मे अत्था”ति तस्स तण्हादिद्विअभिनिवेसाभावतो तण्हादिद्विनिस्सयेहि **अनिस्सितो** । **अण्णटिबद्धो**ति अनुपयानिस्सितभावतो विपस्सनाय परिबन्धवसेन छन्दरागेन न पटिबद्धो न विबन्धितो । **विप्पमुत्तो**ति ततो एव विक्खम्भनविमुत्तिवसेन कामरागतो विमुत्तो । **विसंयुत्तो** विक्खम्भनवसेनेव पटिपक्खधम्मेहि विसंयुत्तो ।

किलेसमरियादा तेन कता भवेय्याति अन्तोसमापत्तियं पवत्ते सोळस धम्मे आरब्ध पवत्तमानं विपस्सनावीथिं भिन्दित्वा सचे रागादयो उप्पज्जेय्युं; तस्स विपस्सनावीथिया किलेसमरियादा तेन चित्तेन, चित्तसमङ्गिना वा कता भवेय्य । **तेसूति** तेसु धम्मेसु । **अस्साति** थेरस्स । **एकोपीति** रागादीसु एकोपीति च वदन्ति । वुत्ताकारेन एकच्चानं अनापाथगमने सति विपस्सना न तेसु धम्मेसु निरन्तरप्पवत्ताति **आरम्मणमरियादा भवेय्य** । **विक्खम्भितपच्चनीकत्ताति** विपस्सनाय पटिपक्खधम्मानं पगेव विक्खम्भितत्ता इदानीपि विक्खम्भेतब्बा किलेसा नत्थीति वुत्तं ।

इतोति पठमज्ज्ञानतो । **अनन्तरोति** उपरिमो ज्ञानादिविसेसो । **तस्स पजाननस्साति**, “अत्थि उत्तरि निस्सरण”न्ति एवं पवत्तजाननस्स । **बहुलीकरणेनाति** पुनप्पुनं उप्पादनेन ।

सम्पसादनट्टेनाति किलेसकालुसियापगमनेन, तस्स विचारक्खोभविगमेन वा चेतसो सम्मदेव पासादिकभावेन ।

वीरियं सति उपेक्खाति आगतद्वाने पारिसुद्धिउपेक्खा, अदुक्खमसुखावेदनाति एत्थ ज्ञानुपेक्खाति, “सुखद्वाने वेदनुपेक्खावा”ति वुत्तं। सुखद्वानेति च पठमज्झानादीसु सुखस्स वुत्तद्वाने। पस्सद्धत्ताति समधुरचेतयितभावेन आरम्भणे विसटवित्थतभावतो यो सो चेतसो आभोगो वुत्तो। सामज्जफलादीसु सतिया पारिसुद्धि, सा थन अत्थतो सतिविनिमुत्ता नत्थीति आह “परिसुद्धासतियेवा”ति। पारिसुद्धिउपेक्खा, न ज्ञानुपेक्खादयो।

९५. ईदिसेसु ठानेसु सतिया न कदाचिपि जाणविरहो अत्थीति आह — “जाणेन सम्पजानो हुत्वा”ति। तथा हि ततियज्झाने, “सतिमा सुखविहारी”ति एत्थ सम्पजानोति अयमत्थो वुत्तो एव होति। न सावकानं अनुपदधम्मविपस्सना होति सङ्खारावसेससुखमप्पवत्तिया दुविज्जेय्यत्ता विनिब्भुजित्वा गहेतुं असक्कुणेय्यभावतो। तेनाह — “कलापविपस्सनं दस्सेन्तो एवमाहा”ति।

९६. पज्जाय चस्सदिस्वा आसवा परिक्खीणा होन्तीति दस्सनसमकालं खीयमाना आसवा, “दिस्वा परिक्खीणा होन्ती”ति वुत्ता। समानकालेपि हि एदिसो सदृप्पयोगो दिस्सति —

“चक्खुच्च पटिच्च रूपे च उप्पज्जति चक्खुविज्जाण”न्ति (म० नि० १.२०४, ४००; ३.४२१, ४२५, ४२६; सं० नि० २.४३-४५; २.४.६०; कथा० ४६५, ४६७)।

“निहन्त्वा तिमिरं सब्बं, उग्गतेजो समुग्गतो।

वेरोचनो रस्मिमाली, लोकचक्खुपभङ्गरो”ति॥ (पट्ठा० अनुटी० १.२५-३४; विसुद्धि० महाटी० २.५८०) च —

एवमादीसु। हेतुअत्थो वा अयं दिस्वासदो असमानकत्तुको यथा — “घतं पिवित्वा बलं होति, सीहं दिस्वा भयं होती”ति (विसुद्धि० महाटी० २.८०२)। दस्सनहेतुको हि आसवानं परिक्खयो परिज्जासच्छिकिरियाभावनाभिसमये सति पहानाभिसमयस्स लब्धनतो। युगनद्धं आहरित्वाति पठमज्झानं समापज्जित्वा वुट्ठाय तत्थ ज्ञानधम्मे सम्मसन्तो समथविपस्सनं युगनद्धं भावेति। एवं याव नेवसज्जानासज्जायतनं समापज्जित्वा वुट्ठाय तत्थ सम्मसन्तो समथविपस्सनं युगनद्धं कत्वा यथा थेरो अरहत्तं पापुणि। तं सन्धाय वुत्तं — “अरहत्तं पत्तवारो इध गहितो”ति। इधाति इमस्मिं सुत्ते। दीघनखसुत्तदेसनाय (म० नि० २.२०५-२०६) हि थेरो अरहत्तं पत्तो। तदा च अनागामी हुत्वा निरोधं समापज्जतीति वचनअवसरो नत्थि, तस्मा वुत्तं — “अरहत्तं पत्तवारो इध गहितो”ति। यदि एवं — “सब्बसो नेवसज्जानासज्जायतनं समतिकम्म सज्जावेदयितनिरोधं उपसम्पज्ज विहरती”ति इदं कस्मा वुत्तन्ति? थेरे विज्जमाने पण्डितगुणे अनवसेसतो दस्सेत्वा अरहत्तनिकूटेन देसनं निट्ठापेतुं। निरोधसमापज्जनं पन थेरस्स आचिण्णसमाचिण्णं। तेनाह “निरोधं पन...पे०... वदन्ती”ति। तेन फलसमापत्तिमि अन्तरा समापज्जतियेवाति दस्सेति।

वोमिस्सं विवरितुं “तत्थस्सा”तिआदि वुत्तं। तत्थ “निरोधं समापज्जिस्सामी”ति आभोगेन समथविपस्सनं युगनद्धं आहरित्वा ठितस्स निरोधसमापत्ति सीसं नाम होति, तस्स आभोगवसेन निरोधस्स वारो आगच्छति। फलसमापत्ति गूळ्हो होति, “फलसमापत्तिं समापज्जिस्सामी”ति आभोगस्स अभावतो। फलसमापत्ति सीसं होतीति एत्थापि वुत्तनयेन अत्थो वेदितब्बो। एतेन आभोगपटिबद्धमेतेसं आगमनन्ति दीपितन्ति वेदितब्बं। जम्बुदीपवासिनो थेरा पनातिआदि अट्टकथारुळ्हमेव तं वचनं। अन्तोसमापत्तियन्ति निरोधं समापन्नकाले। तिसमुट्ठानिकरूपधम्मेति उतुकम्माहारवसेन तिसमुट्ठानिकरूपधम्मे।

१७. चिण्णवसितन्ति पटिपक्खदूरिभावेन सुभावितवसीभावं । निष्फत्तिं पत्तोति उक्कंसपरिनिष्फत्तिं पत्तो । उरे वायामजनिताय ओरसो । पभावितन्ति उप्पादितं । धम्मेनाति अरियमग्गधम्मेन । तस्स हि अधिगमेन अरियाय जातिया जातो निब्बत्तोति कत्वा, “धम्मजो धम्मनिम्मितो”ति वुच्चति । धम्मदायस्साति नवविधस्स लोकुत्तरधम्मदायस्स । आदियनतोति गणहनतो, ससन्ताने उप्पादनतोति अत्थो । सेसं सुविज्जेय्यमेव ।

अनुपदसुत्तवण्णनाय लीनत्थप्पकासना समत्ता ।

२. छब्बिसोधनसुत्तवण्णना

१८. खीणा जातीति अत्तनो जातिक्खयं पटिजानन्तेन अरहत्तं ब्याकतं होति अरहतो तदभावतो । तथा वुसितं ब्रह्मचरियन्ति मग्गब्रह्मचरियवासो मे परियोसितोति पटिजानन्तेनपि । कतं करणीयन्ति चतूहि मग्गेहि चतूसु सच्चेसु परिज्जादिवसेन सोळसविधस्सपि किच्चस्स अत्तना निट्ठापितभावं पटिजानन्तेनपि । नापरं इत्थत्तायाति आयतिं पुनब्भवाभावं, आयतिं वा परिज्जादिकरणीयाभावं पटिजानन्तेनपीति आह — “एकेनपि पदेन अज्जा ब्याकताव होती”ति । द्विक्खत्तुं बद्धं पन सुबद्धं वियाति वुत्तं । इध पन अज्जाब्याकरणं चतूहि पदेहि आगतं, तस्मा वत्तब्बमेव चेत्य नत्थीति अधिप्पायो । चेतनाय दिट्ठवादिता नाम अरियवोहारो । सभावोति पकतिअत्थो हि अयं धम्मसद्दो, “जातिधम्मा जराधम्मा”तिआदीसु (म० नि० १.२७४-२७५) विय तस्मा, अनुधम्मोति अरियभावं अनुगता पकतीति अत्थो । परमप्पिच्छताय अरिया अत्तनो गुणे अनाविकरोन्तापि सासनस्स निय्यानिकभावपवेदनत्थज्जेव सब्रह्मचारीनं सम्मापटिपत्तियं उस्साहजननत्थज्ज तादिसानं परिनिब्बानसमयेयेव आविकरोन्तीति अधिप्पायेनाह — “परिनिब्बुतस्स... पे०... कातब्बो”ति ।

१९. दुब्बलन्ति फेग्गु विय सुभेज्जनीयं बलविरहितं, असारन्ति अत्थो । विरागुतन्ति पलुज्जनसभावं । विगच्छनसभावन्ति विनासगमनसभावं । अनिच्चदुक्खविपरिणामत्ता अस्सासलेसस्सपि अभावतो अस्सासविरहितं । आरम्मणकरणवसेन समन्नागमनवसेन च यथारहं उपेन्ति उपगच्छन्तीति उपया, “एतं मम, एसो मे अत्ता”ति उपादियन्ति दळ्हग्गाहं गणहन्तीति उपादाना । अधितिट्ठति चेतसो अभिनन्दनभूताति चेतसो अधिट्ठानं । ताहीति तण्हादिट्ठीहि । तन्ति चित्तं । अभिनिविसतीति अभिरितवसेन निविसति, अयज्जेत्थ अत्थो — सक्कायधम्मेसु चित्तं अभिनिविसति “एतं मम, एसो मे अत्ता”ति अज्झोसाय तिट्ठति एताहि अभिनिवेसाहि, तथा सक्कायधम्मेसु चित्तं अनुसेति एताहीति अनुसया, तण्हादिट्ठियो । यदग्गेन हि तेभूमकधम्मेसु रागादयो अनुसेन्ति, तदग्गेन तंसहगतधम्मा तत्थ अनुसेन्तीति परियायेन, “तं अनुसेती”ति वुत्तं । खया विरागाति हेतुम्हि निस्सक्कवचनन्ति “खयेन विरागेना”ति हेतुम्हि करणवसेन अत्थो वुत्तो । विरागेनाति च इतिसद्दो आदि अत्थो । तेन “निरोधेना”ति एवमादिकं गहितं होति । अज्जमज्जवेवचनानेव उपयादीनं समुच्छेदस्सेव बोधनतो ।

१००. पतिट्ठाति एत्थ सेसभूतत्तयं उपादारूपज्जाति पतिट्ठाना, निज्जीवट्ठेन धातुचाति पतिट्ठानधातु । न्हाणीयचुण्णं बाहिरउदकं विय सेसभूतत्तयं आबन्धतीति आबन्धनं । पचनीयभत्तं बाहिरतेजो विय सेसभूतत्तयं परिपाचेतीति परिपाचनं । बाहिरवातो विय सेसभूतत्तयं वित्थम्भेतीति वित्थम्भनं । धातुसद्वत्थो वुत्तोयेव । असम्फुट्ठधातूति असम्फुसितभावो तेसं विपरिमट्ठताभावतो । विजाननं आरम्मणूपलब्धि । अहं अत्ताति अहं, “रूपधम्मो मे अत्ता”ति अत्तकोट्टासेन अत्तभावेन न उपगमिं न गण्णिं । निस्सितनिस्सितापि निस्सिता एव नामाति आह “पथवीधातुनिस्सितावा”ति । अत्तना वा पन तन्निस्सिताति “एकेन परियायेना”ति । उपादारूपमि कामं निस्सितमि होति । तथापि तं निस्सितं होतियेवाति तं न

उद्धटं । परिच्छेदकरत्ता परिच्छेदाकासस्स “अविनिब्भोगवसेना”ति वुत्तं । तेन च तथा परिच्छिन्नत्ता सब्बम्पि भूतुपादारूपं आकासधातुनिस्सितं नाम । तं निस्साय पवत्तिया उपादारूपं विय भूतरूपानि, अरूपक्खन्धा विय च वत्थुरूपानि, “तंनिस्सितरूपवत्थुका अरूपक्खन्धा”ति वुत्तनयेन आकासधातुनिस्सितचक्खादिरूपधम्मवत्थुका वेदनादयो अरूपक्खन्धा आकासधातुनिस्सिता नामाति इममत्थं तथा-सद्देन उपसंहरति । इधापीति आकासधातुनिस्सितपदेपि, न पथवीधातुनिस्सितपदादीसु एव । रूपारूपन्ति सब्बम्पि रूपारूपं गहितमेव होति, अगगहितं नत्थि । सहजाता...पे०... निस्सितन्ति इदं निष्परियायसिद्धं निस्सयत्तं गहेत्वा वुत्तं । हेट्ठा वुत्तनयेन परियायसिद्धे निस्सयत्ते गह्ममाने — “पच्छाजातपच्चयोति पच्छाजाता चित्तचेतसिका धम्मा पुरेजातस्स इमस्स कायस्स पच्छाजातपच्चयेन पच्चयो”ति (पट्ठा० १.१.११) वचनतो सब्बं चतुसमुद्धानिकरूपं, “विज्जाणधातुनिस्सित”न्ति वत्तब्बं । तथा अनन्तरविज्जाणधातुपच्चया पवत्तनतो, “विज्जाणधातुनिस्सित”न्ति वत्तब्बं ।

१०१. रूपति वण्णविकारं आपज्जमानं हृदयङ्गतभावं पकासेतीति रूपन्ति अयमत्थो चक्खुद्वारे आपाथगते रूपायतने निष्परियायतो लब्धति, न आपाथमनागते । चक्खुविज्जाणविज्जातब्बभावो पन आपाथमनागतेपि तस्मिं लब्धतेव तंसभावानतिवत्थनतो । रूपायतनं द्विधा विभजित्वा । थेरो पन आपाथं अनागतस्सापि रूपायतनस्स रूपभावं न सक्का पटिक्खिपितुन्ति द्विधाकरणं नानुजानन्तो छन्नोवादं निदस्सेति, “उपरि छन्नोवादे किन्ति करिस्सथा”ति । तत्थ हि “चक्खुं, आवुसो छन्न, चक्खुविज्जाणं चक्खुविज्जाणविज्जातब्बे धम्मे”ति (म० नि० ३.३९१) आगतं, न चेत्थ चक्खुद्वारे आपाथं आगतमेव रूपायतनं चक्खुविज्जाणविज्जातब्बपदेन गहितं, न आपाथं अनागतन्ति सक्का विज्जातुं अविसेसेनेव रूपायतनेन तण्हामानदिट्ठिगाहाभावस्स जोतितत्ता । तेनाह “न यिदं लब्धती”ति । रूपमेवाति रूपायतनमेव । यदि एवं “चक्खुविज्जाणविज्जातब्बेसु धम्मेसू”ति पदं कथं नेतब्बन्ति आह — “चक्खुविज्जाणसम्पयुत्ता पना”तिआदि । चक्खुविज्जाणेन सद्धिं विज्जातब्बेसूति येन मनोविज्जाणेन चक्खुविज्जाणं अनिच्चन्तिआदिना चक्खुविज्जाणेन सद्धिं तेन विज्जातब्बेसु तंसम्पयुत्तधम्मेसूति अत्थो । तण्हाछन्दोति तस्सनसभावो छन्दो, न कत्तुकम्यता छन्दोयेवाति तण्हाछन्दो । रज्जनवसेनाति वत्थं विय रङ्गजातं चित्तस्स अनुरज्जनवसेन । अभिनन्दनवसेनाति आरम्मणे अभिरमित्वा नन्दनवसेन । सप्पीतिकतण्हा हि नन्दीति वुच्चति । तण्हायनवसेन तण्हा ।

१०२. अहङ्कारोति “सेय्योहमस्मी”तिआदिना (ध० स० ११२१, १२३९; विभ० ८३२, ८६६; सं० नि० ४.१०८; महानि० २१, १७८) अहंकरणं । येन हि ममं करोति, एतं ममङ्कारो । स्वेवाति “अहङ्कारो”ति वुत्तमानो । एवं चतुत्थज्झाने निदिट्ठे सब्बासु लोकियाभिज्जासु वुच्चमानासु हेट्ठा विज्जाद्वयं वत्तब्बन्ति अधिप्पायेन, “पुब्बेनिवासं दिब्बचक्खुञ्च अवत्वा कस्मा वुत्त”न्ति आह? इतरो इध सब्बवारेसुपि लोकुत्तरधम्मपुच्छा अधिकता तस्मा “सो एवं समाहिते”तिआदिना ततिया विज्जा कथिताति दस्सेन्तो, “भिक्खू लोकियधम्मं न पुच्छन्ती”तिआदिमाह । एकविस्सज्जितसुत्तं नामेतं ततियविज्जाय एव आगतत्ता । अरियधम्मवसेनपिस्स समज्जा अत्थेवाति दस्सेन्तो, “छब्बिसोधनन्तिपिस्स नाम”न्ति वत्त्वा तेसु धम्मेसु भेदं दस्सेत्तु, “एत्थ ही”तिआदि वुत्तं । विसुद्धाति तस्सा चोदनाय सोधनवसेन विसोधिता । एकमेव कत्वाति एकवारवसेनेव पाळियं एकज्झं आगतत्ता एकमेव कोट्टासं कत्वा । यदि एवं कथं वा छब्बिसोधनताति आह — “चतूहि आहारेहि सद्धि”न्ति कथं पनेत्थ चत्तारो आहारा गहेतब्बाति? केचि ताव आहु — “साधूति भासितं अभिनन्दित्वा अनुमोदित्वा उत्तरि पज्जो पुच्छितब्बो”ति हेट्ठा आगतेन नयेन आहारवारो आहरित्वा वत्तब्बोति । “बहिद्धा सब्बनिमित्तेसू”ति एत्थ आहारानम्पि सङ्गहितत्ता आहारा अत्थतो आगता एवाति अज्जे । अपरे पन रूपक्खन्धगहणेन कबळीकारो आहारो, सङ्खारक्खन्धगहणेन फस्साहारो, मनोसज्जेतनाहारगहणेन विज्जाणाहारो सरूपतोपि गहितोति वदन्ति ।

“छब्बिसोधन”न्ति इमस्स सुत्तस्स समञ्जाय अन्वत्थं दस्सेत्वा आयतिम्पि तादिसेन ब्याकरणेन भिक्खून् पटिपत्तिम्पि दस्सनत्थं, “इमे पना”तिआदि आरब्धं । विनयनिद्देसपरियायेनाति विनयनिद्देसे आगतेन कारणेन । विनये वा आगतनिद्देसानुक्कमेन ।

अधिगन्तब्बतो अधिगमो, ज्ञानादिअधिगमपुच्छा । तेनाह — “ज्ञानविमोक्खादीसू”तिआदि । उपायपुच्छाति अधिगमोपायपुच्छा । किन्तीति केन पकारेन विधिनाति अत्थो ।

कतमेसं त्वं धम्मानं लाभीति इदं पन पुब्बे “किं ते अधिगत”न्ति अनिद्धारितभेदा ज्ञानादिविसेसा पुच्छिताति इदानीं तेसं निद्धारित्वा पुच्छनाकारदस्सनं । तस्माति यस्मा यथावुत्तेहि आकारेहि अधिगमब्याकरणं सोधेतब्बं, तस्मा । एत्तावतावाति एतकेन ब्याकरणमत्तेनेव न सक्कारो कातब्बो । ब्याकरणज्झि एकच्चस्स अयाथावतोपि होति, यथा नाम जातरूपपतिरूपं जातरूपं विय खायतीति जातरूपं निघंसनतापनछेदनेहि सोधेतब्बं एवमेवं इमेसु इदानीं वुत्तेसु छसु ठानेसु पक्खिपित्वा सोधनत्थं वत्तब्बो विमोक्खादीसूति आदि-सद्देन समाधि-समापत्ति-जाणदस्सन-मग्गभावना-फलसच्छिकिरिया सङ्गहाति ।

पाकटो होति अधिगतविसेसस्स सतिसम्मोसाभावतो । सेसपुच्छासुपि “पाकटो होती”ति पदे एसेव नयो । उग्गहपरिपुच्छाकुसलाति सज्झायमग्गसंवण्णनासु निपुणा । याय पटिपदाय यस्स अरियमग्गो आगच्छति, सा पुब्बभागपटिपत्ति आगमनपटिपदा । सोधेतब्बाति सुद्धा उदाहु असुद्धाति विचारणवसेन सोधेतब्बा । न सुज्झतीति तत्थ तत्थ पमादपटिपत्तिभावतो । अपनेतब्बो अत्तनो पटिज्जाय । “सुज्झती”ति वत्वा सुज्झनाकारं दस्सेतुं, “दीघरत्त”न्तिआदि वुत्तं । पज्जायतीति एत्थ “यदी”ति पदं आनेत्वा यदि सो भिक्खु ताय पटिपदाय यदि पज्जायतीति सम्बन्धो । खीणासवपटिपत्तिसदिसा पटिपदा होति दीघरत्तं विक्खम्भितकिलेसत्ता ।

नदिया समुद्धं पक्खन्दनद्धानं नदीमुखद्वारं । मद्दमानोति बदरसाळवं सरसं पत्ते पक्खित्तो हुत्वा मद्दमानो । सेसं सुविज्जेय्यमेव ।

छब्बिसोधनसुत्तवण्णनाय लीनत्थप्पकासना समत्ता ।

३. सप्पुरिसधम्मसुत्तवण्णना

१०५. सप्पुरिसधम्मन्ति सप्पुरिसभावकरं धम्मं । सो पन यस्मा सप्पुरिसानं पवेणिको धम्मो होति । तस्मा आह — “सप्पुरिसानं धम्म”न्ति, एस नयो असप्पुरिसधम्मन्ति एत्थापि । एवं पधानं अनुद्घातब्बच्च सप्पुरिसधम्मं आदिं कत्वा मातिकं ठपेत्वा अयथानुपुब्बिया निद्दिसन्तो “कतमो च, भिक्खवे, असप्पुरिसधम्मो”तिआदिमाह । तथा पन निद्दिसन्तो उदाहरणपुब्बकं हेतुं दस्सेतुं, “यथा नामा”तिआदि वुत्तं । तेन इच्छितब्बपरिच्चागपुब्बकं गहेतब्बगहणं नाम जायपटिपत्ति, तस्मा सप्पुरिसधम्मा सम्पादेतब्बाति दीपेन्तो सत्था अयथानुपुब्बिया निद्धारियतीति इममत्थं दस्सेति । तथा अज्जत्थापि “असेवना च बालानं, पण्डितानञ्च सेवना”ति । एतदेव हि कुलद्वयं “उच्चकुल”न्ति वुच्चति निप्परियायतो । तथाहि अन्तिमभविका बोधिसत्ता तत्थेव पटिसन्धिं गणहन्ति । सोति सामीचिप्पटिपन्नो भिक्खु । अन्तरं करित्वाति तं कारणं कत्वा । पटिपदा हि विज्जूनं पूजाय कारणं, न उच्चकुलीनता । महाकुलाति विपुलकुला उपादितोदितकुलसम्पवत्तिकाति अत्थो ।

१०६. यससद्दो परिवारवाचको । यसस्सीति च सातिसयपरिवारवन्तता वुच्चतीति आह “परिवारसम्पन्नो”ति । आधिपतेय्याभावतो परेसं उपरिनत्ति एतेसं ईसो ईसनं इस्सरियन्ति अक्खातब्बाति अप्पेसक्खा । तेनाह “अप्पपरिवारा”ति । अभावत्थो हि इध अप्प-सद्दो ।

१०७. नवेव धुतङ्गानि आगतानीति एत्थ यथा उक्कट्टपंसुकूलिकस्स तेचीवरिकता सुकरा । एवं उक्कट्टपिण्डपातिकस्स सपदानचारिकता सुकरा । एकासनिकस्स च पत्तपिण्डकखलुपच्छाभक्तिकता सुकरा एवाति — “पंसुकूलिको होती”ति आदिवचनेनेव पाळिया अनागतानम्पि आगतभावो वेदितब्बो परिहरणसुकरताय तेसम्पि समादानसम्भवतो । तेनाह “तेरस होन्ती”ति ।

१०८. कामतण्हादिकाय ताय तण्हाय निब्बत्ताति तम्मया, पुथुज्जना, पकतिभावूपगमनेन तेसं भावो तम्मयता, तप्पटिक्खेपतो अतम्मयता, नित्तण्हाता । तंयेव कारणं कत्वाति पठमज्झानेपि तण्हापहानंयेव कारणं कत्वा । चित्ते उप्पादेत्वाति अतम्मयतापरियायेन वुत्ते तण्हाय पटिपक्खधम्मो सम्पादेत्वा । न मज्जतीति मज्जनानं अरियमग्गेन सब्बसो समुच्छिन्नत्ता किस्मिञ्च ओकासे कामभवादिके केनचि वत्थुना हत्थिअस्सखेत्तवत्थादिना पत्तचीवरविहारपरिवेणादिना च पुगलं न मज्जति । सेसं सुविज्जेय्यमेव ।

सप्पुरिसधम्मसुत्तवण्णनाय लीनत्थप्पकासना समत्ता ।

४. सेवितब्बासेवितब्बसुत्तवण्णना

१०९. अज्जमज्जन्ति अज्जं अज्जं । तेनाह “अज्जं सेवितब्ब”न्ति आदि । सत्तहि पदेहीति सत्तहि वाक्येहि । पज्जति एतेन यथाधिप्पेतो अत्थोति पदं, वाक्यं । सारिपुत्तत्थेरस्स ओकासकरणं धम्मदायादे (म० नि० १.३१) वुत्तनयेन वेदितब्बं ।

११३. दिट्ठियेव पच्चयवसेन पटिलद्धताय दिट्ठिपटिलाभो । सज्जापटिलाभेपि एसेव नयो । मिच्छादिट्ठिसम्मादिट्ठियो... पे०... न गहिता कम्मपथप्पत्तानं तेसं मनोसमाचारभावेन गहितत्ता । यदि एवं कस्मा दिट्ठि चित्तुप्पादवारे न गहिताति? कामं मिच्छादिट्ठिया अवयविभावो लब्धति, तथापि चित्तुप्पादक्खणे लोकियलोकुत्तरचित्तुप्पादेसु कम्मपथकोट्टासो न उद्धटो ।

११५. कामसज्जादीनन्ति एत्थ आदि-सद्देन यथा ब्यापादविहिंसासज्जा सङ्गहिता, एवं अनभिज्झाअब्यापादअविहिंसासज्जा सङ्गहिता पठमेन आदिसद्देन “अनभिज्झासहगताय सज्जाया”ति आदिपाठस्स सङ्गहितत्ता ।

११७. ति कामभवादीनं अपरियोसानाय परियोसानं इच्छतोपि तादिसस्स भवानं अपरियोसानमेव होति । चत्तारो होन्ति पुगलवसेन । तेनाह “पुथुज्जनोपि ही”ति आदि । अकुसला धम्मा वड्ढन्तीति तेसं पहानाय अप्पटिपज्जमानस्साति अधिप्पायो, ततो एव कुसला धम्मा परिहायन्ति । तेनस्स किलेसदुक्खेन विपाकदुक्खेन च सदुक्खमेव अत्तभावं अभिनिब्बत्तेति । ओरम्भागियसंयोजनानि पहाय सुद्धावासेसु निब्बत्तनारहो अनागामी कथं... पे०... अभिवड्ढन्तीति आह “अनागामीपी”ति आदि । सदुक्खमेव अत्तभावं अभिनिब्बत्तेति, याय लब्धमानअकुसलाभिवुद्धिं कुसलपरिहानिञ्च गहेत्वा अनागामिनोपि सब्याबज्झअत्तभावाभिनिब्बत्तनं वुत्तं । एवं यथालब्धमानं अकुसलपरिहानिं कुसलाभिवुद्धिञ्च गहेत्वा पुथुज्जनस्सपि अन्तिमभविकस्स अब्याबज्झअत्तभावाभिनिब्बत्तनं वुत्तन्ति दट्ठब्बं । तेनाह “पुथुज्जनोपी”ति आदि ।

अकुसलमेव हायति, न कुसलं तस्स बुद्धिपक्खे ठितत्ता । तत्थापि विपस्सनमेव गब्भं गणहापेति, न वट्टगब्भं अन्तिमभविकताय विवट्ठपनिस्सितत्ता अज्झासयस्स, जाणस्स च पाकगमनतो ।

११९. एकच्चस्साति सामिवचनं “अभिनन्दती”ति आदीसु पच्चत्तवसेन परिणामेतब्बं, तथा “निब्बिन्दती”ति आदीसुपि । उग्गणिहत्वापीति पि-सद्धो लुत्तनिद्धिद्वो । भगवतो भासितस्स अत्थं अजानन्ता ताव दीघरत्तं हितसुखतो परिबाहिरा होन्तु जानन्तानम्पि सब्बेसं दीघरत्तं हिताय सुखाय होतीति अनेकंसिकतं चोदेन्तो “एवं सन्तेपी”ति आदिमाह । इतरो सब्बेसम्पि दीघरत्तं हिताय सुखाय होतियेवाति, “अप्पटिसन्धिका”ति आदिना अनेकंसिकतं परिहरति । सेसं सुविज्जेय्यमेव ।

सेवितब्बासेवितब्बसुत्तवण्णनाय लीनत्थप्पकासना समत्ता ।

५. बहुधातुकसुत्तवण्णना

१२४. भयन्ति (अ० नि० टी० २.३.१) चित्तसंसप्पताति आह “चित्तुत्रासो”ति । उपद्वोति अन्तरायो । तस्स पन विक्खेपकारणत्ता वुत्तं “अनेकगताकारो”ति । उपसग्गोति उपसज्जनं । ततो अप्पतीकारविधातापत्ति यस्मा पतीकाराभावेन विहज्जमानस्स किञ्चि कातुं असमत्थस्स ओसीदनकारणं, तस्मा वुत्तं — “तत्थ तत्थ लग्गनाकारो”ति । वज्जेत्वा आगन्तुं यथावुत्ते दिवसे अनागच्छन्तेसु । बहि अनिक्खमनत्थाय द्वारे अग्गिं दत्वा ।

नळेहीति नळच्छन्नसङ्खेपेन उपरि छादेत्वा तेहि येव दारुकच्छदननियामेन परितोपि छादिता । एसेव नयोति इमिना तिणेहि छन्नतं, सेससम्भारानं रुक्खमयतज्ज अतिदिसति । विधवापुत्तेति अदन्तभावोपलक्खणं । ते हि निष्पितिका अविनीता असंयता अकिच्चकारिनो होन्ति ।

मत्थकं अपापेत्वाव निट्ठापिताति कस्मा भगवा एवमकासीति? आनन्दत्थेरस्स पुच्छाकोसल्लदीपनत्थमेव, तत्थ निसिन्नानं सन्निपतितभिक्षूनां देसनाय जाननत्थज्ज । ते किर सङ्खेपतो वुत्तमत्थं अजानन्ता अन्धकारं पविट्ठा विय ठिता । पुच्छानुसन्धिवसेन परिग्गह जानिस्सन्तीति ।

१२५. रूपपरिग्गहोव कथितो, न अज्जं किञ्चीति अत्थो । इदानि ततो सच्चानि निद्दारेत्वा चतुसच्चकम्मट्टानं दस्सेतुं, “सब्बापी”ति आदि वुत्तं । पञ्चक्खन्धा होन्तीति अद्धेकादस धातुयो रूपक्खन्धो, अद्धट्ठमा धातुयो यथारहं वेदनादयो चत्तारो अरूपिनो खन्धाति एवं अट्ठारस धातुयो पञ्चक्खन्धा होन्ति । पञ्चपि खन्धा तण्हावज्जा दुक्खसच्चं । अप्पवत्तीति अप्पवत्तिनिमित्तं । निरोधपजाननाति पज्जासीसेन मग्गकिच्चमाह । सम्मादिट्ठिपमुखो हि अरियमग्गो । मत्थकं पापेत्वा कथितं होति सम्मसनस्स भूमिया निष्फत्तिया च कथितत्ता । जानाति पस्सतीति इमिना जाणदस्सनं कथितं तं पन लोकियं लोकुत्तरन्ति दुविधन्ति तदुभयम्पि दस्सेन्तो आह — “सह विपस्सनाय मग्गो वुत्तो”ति ।

एत्तावतापि खोति पि-सद्दग्गहणेन अज्जेन परियायेन सत्था धातुकोसल्लं देसेतुकामोति थेरो, “सिया पन, भन्ते”ति पुच्छतीति भगवा पथवीधातुआदिवसेनपि धातुकोसल्लं विभावेति । तत्थ पथवीधातुआदिसदेन देसनाकारणं विभावेन्तो, “पथवीधातु... पे०... वुत्ता”ति आह । तापि हि आदितो छ धातुयो । “विज्जाणधातुतो नीहरित्वा पूरेतब्बा”ति वत्वा कथं रूपधातुयो नीहरीयन्तीति चोदनं सन्धाय तं नयं दस्सेतुं, “विज्जाणधातू”ति आदि वुत्तं । कामज्जेत्थ कायविज्जाणधातुया आरम्मणं फोट्टब्बधातुपथवीधातु आदिवसेन देसनारुळमेव, कायधातु पन नीहरितब्बाति एकंसमेव नीहरणविधिं दस्सेन्तो,

“एस नयो सब्बत्था”ति आह । पुरिमपच्छिमवसेन मनोधातूति पच्छिमभागवसेन किरियामनोधातु गहेतब्बा तस्सानुरूपभावतो । ननु चेत्थ मनोधातु नामायं मनोविज्जाणधातुया असंसङ्गा, विसुंयेव चेसा धातूति? सच्चमेतं अट्टारसधातुदेसनाय, चित्तविभक्तिनिद्वेसे छविज्जाणकायदेसनायं पन सा मनोविज्जाणकायसङ्गहितावाति दट्ठब्बं । यं पनेत्थ वत्तब्बं तं विसुद्धिमग्गसंवण्णनायं (विसुद्धि० महाटी० २.५१७) वुत्तनयेन वेदितब्बं । अथ वा पुरिमपच्छिमवसेनाति पुरेचरानुचरवसेन । मनोधातूति विपाकमनोधातु गहेतब्बा पुरेचरणतो, परतो उप्पज्जनकिरियामनोविज्जाणधातुया अनन्तरं मनोधातुया, किरियामनोधातुया अनन्तरं मनोविज्जाणधातुया अनुप्पज्जनतो च ।

धम्मनं यावदेव निस्सत्तनिज्जीवविभावनत्थाय सत्थु धातुदेसनाति अज्जेसु सभावधारणादिअत्थेसु लब्भमानेसुपि अयमेत्थ अत्थो पधानोति आह — “एसनयो सब्बत्था”ति । सप्पटिपक्खवसेनाति सप्पटिभागवसेन सुखं दुक्खेन सप्पटिभागं, दुक्खं सुखेन, एवं सोमनस्सदोमनस्साति । यथा सुखादीनंयेव समुदाचारो विभूतो, न उपेक्खाय, एवं रागादीनंयेव समुदाचारो विभूतो, न मोहस्स, तेन वुत्तं “अविभूतभावेना”ति । कायविज्जाणधातु परिग्गहिताव होति तदविनाभावतो । सेसासु सोमनस्सधातुआदीसु, परिग्गहिताव होति अविनाभावतो एव । न हि सोमनस्सादयो मनोधातुया विना वत्तन्ति । उपेक्खाधातुतो नीहरित्वाति एत्थ चक्खुविज्जाणधातुआदयो चतस्सो विज्जाणधातुयो तासं वत्थारम्मणभूता चक्खुधातुआदयो चाति अट्ठ रूपधातुयो, मनोधातु, उपेक्खासहगता मनोविज्जाणधातु, उपेक्खासहगता एव धम्मधातूति एवं पन्नरस धातुयो उपेक्खाधातुतो नीहरितब्बा । सोमनस्सधातुआदयो पन चतस्सो धातुयो धम्मधातुअन्तोगधा, एवं सुखधातुतो कायविज्जाणधातुया तस्सा वत्थारम्मणभूतानं कायधातुफोड्ढब्बधातूनज्ज नीहरणा हेट्ठा दस्सितनयाति, “उपेक्खाधातुतो नीहरित्वा पूरेतब्बा”इच्चेव वुत्तं ।

कामवितक्कादयो इध कामधातुआदिपरियायेन वुत्ताति “कामधातुआदीनं द्वेधावितक्के कामवितक्कादीसु वुत्तनयेन अत्थो वेदितब्बो”ति आह । तत्थ हि “कामवितक्कोति कामपटिसंयुत्तो वितक्को, ब्यापादवितक्कोति ब्यापादपटिसंयुत्तो वितक्को, विहिंसावितक्कोति विहिंसापटिसंयुत्तो वितक्को, नेक्खम्मपटिसंयुत्तो वितक्को नेक्खम्मवितक्को, सो याव पठमज्झाना वट्ठति । अब्यापादपटिसंयुत्तो वितक्को अब्यापादवितक्को, सो मेत्तापुब्बभागतो पट्टाय याव पठमज्झाना वट्ठति । अविहिंसापटिसंयुत्तो वितक्को अविहिंसावितक्को, सो करुणाय पुब्बभागतो पट्टाय याव पठमज्झाना वट्ठती”ति वुत्तं । अयं पनत्थो अभिधम्मे वित्थारतो आगतो एवाति दस्सेतुं, “अभिधम्मे”तिआदि वुत्तं । कामधातुतो नीहरित्वाति एत्थ कामग्गहणेन गहिता रूपधातुआदयो छ, तं विसया सत्तविज्जाणधातुयो, तत्थ पच्चन्नं विज्जाणधातूनं चक्खुधातुआदयो पच्चति अट्टारस । नेक्खम्मधातुआदयो पन धम्मधातुअन्तोगधा एव ।

कामतण्हाय विसयभूता धम्मा कामधातूति आह — “पच्च कामावचरक्खन्धा कामधातू”ति । तथा रूपतण्हाय विसयभूता धम्मा रूपधातु, अरूपतण्हाय विसयभूता धम्मा अरूपधातूति आह — “चत्तारो अरूपावचरक्खन्धा”तिआदि । कामतण्हा कामो उत्तरपदलोपेन, एवं रूपारूपतण्हा रूपारूपं । आरम्मणकरणवसेन ता यत्थ अवचरन्ति, ते कामावचरादयोति एवं कामावचरक्खन्धादीनं कामतण्हादिभावो वेदितब्बो । आदिना नयेनाति एतेन “उपरितो परनिम्मितवसवत्तिदेवे अन्तोकरित्वा एत्थावचरा”तिआदिपाळिं (विभ० १०२०) सङ्गण्हाति । एत्थावचराति अवीचिपरनिम्मितपरिच्छिन्नोकासाय कामतण्हाय विसयभावं सन्धाय वुत्तं, तदोकासता च तण्हाय तन्निन्नता वेदितब्बा । सेसपदद्वयेपि एसेव नयो । परिपुण्णअट्टारसधातुक्ता कामावचरधम्मनं “कामधातुतो नीहरित्वा पूरेतब्बा”ति वुत्तं । मनोविज्जाणधातुधम्मधातु एकदेसमत्तमेव हि रूपारूपावचरधम्माति ।

समागन्त्वाति सहिता हुत्वा । यत्तकञ्चि पच्चयधम्मा अत्तनो फलस्स कारणं, तत्थ तन्निब्बत्तने समागता विय होति वेकल्ले तदनिब्बत्तनतो । सङ्घतधातुतो नीहरित्वा पूरेतब्बा असङ्घताय धातुया धम्मधातुएकदेसभावतो ।

१२६. एवं पवत्तमाना मयं अत्ताति गहणं गमिस्सामाति इमिना विय अधिप्पायेन अत्तानं अधिकिच्च उद्दिस्स पवत्ता अज्झत्ता, तेसु भवा तप्परियापन्नत्ताति अज्झत्तिकानि । ततो बहिभूतानि बाहिरानि । आयतनकथा पटिच्चसमुप्पादकथा च विसुद्धिमग्गे (विसुद्धि० २.५१०, ५७०, ५७१) वुत्तनयेनेव वेदितब्बाति न वित्थारिता ।

१२७. अविज्जमानं ठानं अट्टानं (अ० नि० टी० १.१.२६८; विभ० मूलटी० ८०९), नत्थि ठानन्ति वा अट्टानं । अनवकासोति एत्थ एसेव नयो । तदत्थनिगमनमेव हि “नेतं ठानं विज्जती”ति वचनन्ति । तेनाह “उभयेनपी”तिआदि । यन्ति कारणे पच्चत्तवचनं, हेतुअत्थो च कारणत्थोति आह — “यन्ति येन कारणेना”ति । उक्कट्टुनिद्देसेन एत्थ दिट्ठिसम्पत्ति वेदितब्बाति वुत्तं “मग्गदिट्ठिया सम्पन्नो”ति । कुतो पनायमत्थो लब्धतीति? लिङ्गतो । लिङ्गज्हेतं, यदिदं निच्चतो उपगमनपटिक्खेपो । चतुभूमकेसूति इदं चतुत्थभूमकसङ्खारानं अरियसावकस्स विसयभावूपगमनतो वुत्तं; न पन ते आरब्ध निच्चतो उपगमनसम्भावतो । वक्खति च “चतुत्थभूमकसङ्खारा पना”तिआदिना । अभिसङ्घतसङ्खारअभिसङ्खरणकसङ्खारानं सप्पदेसत्ता निष्पदेससङ्खारगहणत्थं “सङ्घतसङ्खारेसू”ति वुत्तं । लोकुत्तरसङ्खारानं पन निवत्तने कारणं सयमेव वक्खति । एतं कारणं नत्थि सेतुधातत्ता । तेजुस्सदत्ताति संकिलेसविधमनतेजस्स अधिकभावतो । तथा हि ते गम्भीरभावेन दुद्दसा । अकुसलानं आरम्भणं न होन्तीति इदं पकरणवसेन वुत्तं । अप्पहीनविपल्लासानं सत्तानं कुसलधम्मानम्पि ते आरम्भणं न होन्ति ।

असुखे “सुख”न्ति विपल्लासो च इध सुखतो उपगमनस्स ठानन्ति अधिप्पेतन्ति दस्सेन्तो, “एकन्त...पे०... वुत्त”न्ति । अत्तदिट्ठिवसेनाति पधानदिट्ठिमाह । दिट्ठिया निब्बानस्स अविषयभावो हेट्ठा वुत्तो एवाति “कसिणादिपण्णत्तिसङ्गहत्थ”न्ति वुत्तं । परिच्छेदोति सङ्खारानं परिच्छेदो सङ्खारानं परिच्छिज्जगहणं । स्वायं येसं निच्चादितो उपगमनं भवति तेसंयेव वसेन कातब्बोति दस्सेन्तो “सब्बवारेसू”तिआदिमाह । सब्बवारेसूति निच्चादिसब्बवारेसु । पुथुज्जनो हीति हि-सद्दो हेतुअत्थो । यस्मा यं यं सङ्खारं निच्चादिवसेन पुथुज्जनकाले उपगच्छति, तं तं अरियमग्गाधिगमेन अनिच्चादिवसेन गणहन्तो याथावतो जानन्तो तं गाहं तं दिट्ठिं विनिवेठेति विस्सज्जेति । तस्मा यत्थ गाहो तत्थ विस्सज्जनाति चतुत्थभूमकसङ्खारा इध सङ्खारगहणेन न गह्णीति अत्थो ।

१२८. पुत्तसम्बन्धेन मातापितुसमज्जा, दत्तकित्तिमादिवसेनपि पुत्तवोहारो लोके दिस्सति, सो च खो परियायतो निप्परियायसिद्धं तं दस्सेतुं, “जनिका व माता जनको पिता”ति वुत्तं । तथा आनन्तरियकम्मस्स अधिप्पेतत्ता “मनुस्सभूतोव खीणासवो अरहाति अधिप्पेतो”ति वुत्तं । “अट्टानमेत”न्तिआदिना मातुआदीनंयेव जीविता वोरपेने अरियसावकस्स अभवभावदस्सनतो तदज्जं अरियसावको जीविता वोरपेतीति इदं अत्थतो आपन्नमेवाति मज्जमानो वदति — “किं पन अरियसावको अज्जं जीविता वोरपेय्या”ति? “अट्टानमेतं, भिक्खवे, अनवकासो, यं दिट्ठिसम्पन्नो पुग्गलो सज्चिच्च पाणं जीविता वोरपेय्य, नेतं ठानं विज्जती”ति वचनतो, “एतम्पि अट्टान”न्ति वुत्तं । तेनाह “सचेपि ही”तिआदि । बलदीपनत्थन्ति सद्धादिबलसमन्नागमदीपनत्थं । अरियमग्गेनागतसद्धादिबलवसेन हि अरियसावको तादिसं सावज्जं न करोति ।

पज्चहि कारणेहीति इदं अत्थनिष्पादकानि तेसं पुब्बभागियानि च कारणानि कारणभावसामज्जेन एकज्जं गहेत्वा वुत्तं, न पन सब्बेसं पज्चन्नं सहयोगक्खमतो । आकारेहीति कारणेहि । अनुस्सावनेनाति अनुरूपं सावनेन । भेदस्स

अनुरूपं यथा भेदो होति, एवं भिन्दितब्बानं भिक्खून् अत्तनो वचनस्स सावनेन विज्जापनेन । तेनाह “ननु तुम्हे”तिआदि । **कण्णमूले वचीभेदं कत्वा**ति एतेन “पाकटं कत्वा भेदकरवत्थुदीपनं **वोहारो**, तत्थ अत्तनो निच्छित्तमत्थं रहस्सवसेन विज्जापनं **अनुस्सावनं**”न्ति दस्सेति ।

कम्ममेव उद्देशो वा पमाणन्ति तेहि सङ्खभेदसिद्धितो वुत्तं, इतरे पन तेसं पुब्बभागभूता । तेनाह “**वोहारा**”तिआदि । तत्थाति वोहारे । चुतिअनन्तरं फलं अनन्तरं नाम, तस्मिं अनन्तरे नियुत्तानि तन्निब्वत्तनेन अनन्तरकरणसीलानि, अनन्तरप्पयोजनानि चाति आनन्तरियानि, तानि एव “**आनन्तरियकम्मानी**”ति वुत्तानि ।

कम्मतोति “एवं आनन्तरियकम्मं होति, एवं अनन्तरियकम्मसदिसं”न्ति एवं कम्मविभागतो । **द्वारतो**ति कायादिद्वारतो । **कप्पट्टितियतो**ति “इदं कप्पट्टितिकविपाकं, इदं न कप्पट्टितिकविपाकं”न्ति एवं कप्पट्टितियविभागतो । **पाका**ति “इदमेत्थ विपच्चति, इदं न विपच्चती”ति विपच्चनविभागतो । **साधारणादीही**ति गहट्टपब्बजितानं साधारणासाधारणतो, **आदि-**सद्देन वेदनादिविभागतो च ।

यस्मा मनुस्सत्तभावे ठितस्सेव च कुसलधम्मानं तिक्खविसदसूरभावापत्ति, यथा तं तिण्णम्पि बोधिसत्तानं बोधित्तयनिब्वत्तियं, एवं मनुस्सभावे ठितस्सेव अकुसलधम्मानम्पि तिक्खविसदसूरभावापत्तीति आह “**मनुस्सभूतस्सेवा**”ति । पाकतिकमनुस्सानम्पि च कुसलधम्मानं विसेसप्पत्ति **विमानवत्थुअट्टकथायं** (वि० व० अट्ट० ३) वुत्तनयेन वेदितब्बा । यथा वुत्तो च अत्थो समानजातियस्स विकोपने कम्मं गरुतरं, न तथा विजातियस्साति वुत्तं — “**मनुस्सभूतं मातरं वा पितरं वा**”ति । लिङ्गे परिवत्ते च सो एव एककम्मनिब्वत्तो भवङ्गप्पबन्धो, जीवितिन्द्रियप्पबन्धो च, न अज्जोति आह “**अपि परिवत्तलिङ्गं**”न्ति । अरहन्तेपि एसेव नयो । **तस्स विपाकन्ति**आदि कम्मस्स आनन्तरियभावसमत्थनं, चतुकोटिकज्जेत्थ सम्भवति । तत्थ पठमा कोटि दस्सिता, इतरासु विसङ्केतं दस्सेतुं, “**यो पना**”तिआदि वुत्तं । यदिपि तत्थ विसङ्केतो, कम्मं पन गरुतरं आनन्तरियसदिसं भायितब्बन्ति आह — “**आनन्तरियं आहच्चेव तिट्ठती**”ति । अयं पज्जोति आपनिच्छानिब्वत्ता कथा ।

आनन्तरियं फुसति मरणाधिप्पायेनेव आनन्तरियवत्थुनो विकोपितत्ता । **आनन्तरियं न फुसति** आनन्तरियवत्थुअभावतो । सब्बत्थ हि पुरिमं अभिसन्धिचित्तं अप्पमाणं, वधकचित्तं पन तदारम्मणं जीवितिन्द्रियज्ज आनन्तरियनानन्तरियभावे पमाणन्ति दट्ठब्बं । सङ्गामचतुक्कं सम्पत्तवसेन योजेतब्बं ।

तेनेवाति तेनेव पयोगेन । **अरहन्तघातो होतियेव** अरहतो मारितत्ता । **पुथुज्जनस्सेव दिन्नं होतीति** यस्मा यथा वधकचित्तं पच्चुप्पन्नारम्मणम्पि पबन्धविच्छेदवसेन च जीवितिन्द्रियं आरम्मणं कत्वा पवत्तति, न एवं चागचेतना, सा हि चजितब्बवत्थुं आरम्मणं कत्वा चजनमत्तमेव होति, अज्जसन्तकभावकरणज्ज तस्स चजनं, तस्मा यस्स तं सन्तकं कतं । तस्सेव दिन्नं होतीति ।

लोहितं समो सरतीति अभिघातेन पकुप्पमानं सज्चितं होति । **महन्तरन्ति** गरुतरं । **सरीरपटिजग्गने वियाति** सत्थुरूपकायपटिजग्गने विय ।

असन्निपतितेति इदं सामगियदीपनं । **भेदो च होतीति** सङ्खस्स भेदो होति । **वट्टतीति सज्जायाति** ईदिसकरणं सङ्खस्स भेदाय न होतीति सज्जाय । **नवतो ऊनपरिसायं** करोन्तस्स तथाति योजेतब्बं, तथाति इमिना “न

आनन्तरियकम्मन्ति” इमं आकङ्क्षति, न पन “भेदो होती”ति इदं । हेट्ठिमन्तेन हि नवन्नमेव वसेन सङ्गभेदो ।
धम्मवादिनो अनवज्जा यथाधम्मं अवद्वानतो । सङ्गभेदस्स पुब्बभागो सङ्गराजि ।

कायद्वारमेव पूरेन्ति कायकम्मभावेनेव लक्खितब्बतो ।

“सण्ठहन्ते हि...पे०... मुच्चती”ति इदं कप्पट्टकथाय न समेति । तथा हि कप्पट्टकथायं (कथा० अट्ठ० ६५४-६५७) वुत्तं — “आपायिकोति इदं सुत्तं यं सो एकं कप्पं असीतिभागे कत्वा ततो एकभागमत्तं कालं तिट्ठेय्य, तं आयुकप्पं सन्धाय वुत्तं”न्ति । **कप्पविनासेयेवाति** पन आयुकप्पविनासेयेवाति अत्थे सति नत्थि विरोधो । एत्थ च **सण्ठहन्तेति** इदम्पि “स्वेवविनस्सिस्सती”ति विय अभूतपरिकप्पवसेन वुत्तं । **एकदिवसमेव निरये पच्चति** ततो परं कप्पाभावे आयुकप्पस्सपि अभावतोति अविरोधतो अत्थयोजना दट्ठब्बा । **सेसानीति** सङ्गभेदतो अज्जानि आनन्तरियकम्मनि ।

अहोसिकम्मं...पे०... सङ्ख्यं गच्छन्ति, एवं सति कथं नेसं आनन्तरियता चुतिअनन्तरं विपाकदानाभावतो । अथ सति फलदाने चुतिअनन्तरो एव एतेसं फलकालो, न अज्जोति फलकालनियमेन नियतता निच्छिता, न फलदाननियमेन, एवम्पि नियतफलकालानं अज्जेसम्पि उपपज्जवेदनीयानं दिट्ठधम्मवेदनीयानञ्च नियतता आपज्जेय्य । तस्मा विपाकधम्मधम्मानं पच्चयन्तरविकलतादीहि अविपच्चमानानम्पि अत्तनो सभावेन विपाकधम्मता विय बलवता आनन्तरियेन विपाके दिन्ने अविपच्चमानानम्पि आनन्तरियानं फलदाने नियतसभावा आनन्तरियसभावा च पवत्तीति अत्तनो सभावेन फलदाननियमेनेव नियतता आनन्तरियता च वेदितब्बा । अवस्सञ्च आनन्तरियसभावा ततो एव नियतसभावा च तेसं पवत्तीति सम्पटिच्छितब्बमेतं अज्जस्स बलवतो आनन्तरियस्स अभावे चुतिअनन्तरं एकन्तेन फलदानतो ।

ननु एवं अज्जेसम्पि उपपज्जवेदनीयानं अज्जस्मिं विपाकदायके असति चुतिअनन्तरमेकन्तेन फलदानतो नियतसभावा अनन्तरियसभावा च पवत्ति आपज्जतीति? नापज्जति । असमानजातिकेन चेतोपणिधिवसेन उपघातकेन च निवत्तेतब्बविपाकत्ता अनन्तरे एकन्तफलदायकत्ताभावा । न पन आनन्तरियकानं पठमज्झानादीनं दुतियज्झानादीनि विय असमानजातिकं फलनिवत्तकं अत्थि सब्बानन्तरियानं अवीचिफलत्ता । न च हेट्ठूपपत्तिं इच्छतो सीलवतो चेतोपणिधि विय उपरूपपत्तिजनककम्मफलं आनन्तरियफलं निवत्तेतुं समत्थो चेतोपणिधि अत्थि अनिच्छन्तस्सेव अवीचिपातनतो, न च आनन्तरियोपघातकं किञ्चि कम्मं अत्थि, तस्मा तेसंयेव अनन्तरे एकन्तविपाकजनकसभावा पवत्तीति । अनेकानि च आनन्तरियानि कतानि एकन्तेनेव विपाके नियतसभावत्ता उपरताविपच्चनसभावासङ्गत्ता निच्छितानि सभावतो नियतानेव । तेसु पन समानसभावेसु एकेन विपाके दिन्ने इतरानि अत्तना कातब्बकिच्चस्स तेनेव कतत्ता न दुतियं ततियं वा पटिसन्धिं करोन्ति । न समत्थताविघातत्ताति नत्थि तेसं आनन्तरियकता निवत्ति; गरुतरभावो पन तेसु लब्भतेवाति सङ्गभेदस्स सिया गरुतरभावोति, “येन...पे०... विपच्चती”ति आह । एकस्स पन अज्जानि उपत्थम्भकानि होन्तीति दट्ठब्बानि । **पटिसन्धिवसेन विपच्चतीति** वचनेन इतरेसं पवत्तिविपाकदायिता अनुज्जाता विय दिस्सति । **नो वा तथा सीलवतीति** यथा पिता सीलवा, तथा सीलवती नो वा होतीति योजना । सचे माता सीलवती, मातुघातो पटिसन्धिवसेन विपच्चतीति योजना ।

पकतत्तोति अनुक्खितो । **समानसंवासकोति** अपाराजिको । **समानसीमायन्ति** एकसीमायं ।

सत्थुकिच्चं कातुं असमत्थोति यं सत्थारा कातब्बकिच्चं अनुसासनादि, तं कातुं असमत्थोति भगवन्तं पच्चक्खाय ।

अञ्जं तित्थकरन्ति अञ्जं सत्थारं ।

१२९. अभिजातिआदिसु (अ० नि० टी० १.१.२७७) पकप्पनेन देवतूपसङ्कमनादिना जातचक्कवाळेन समानयोगक्खेमं दससहस्सपरिमाणं ठानं **जातिखेत्तं**, सरसेनेव आणापवत्तिट्ठानं **आणाखेत्तं**, विसयभूतं ठानं **विसयखेत्तं** । **दससहस्सी लोकधातू**ति इमाय लोकधातुया सद्धिं इमं लोकधातुं परिवारेत्वा ठिता दससहस्सी लोकधातु । तत्तकानंयेव जातिखेत्तभावो धम्मतावसेन वेदितब्बो । “परिग्गहवसेना”ति केचि । “सब्बेसम्पि बुद्धानं तत्तकं एव जातिखेत्तं तन्निवासीनंयेव च देवतानं धम्माभिसमयो”ति च वदन्ति । मातुकुच्छिओक्कमनकालादीनं छन्नं एव गहणं निदस्सनमत्तं महाभिनीहारादिकालेपि तस्स पकम्पनस्स लब्भमानतो । **आणाखेत्तं नाम** यं एकज्झं संवट्ठति च विवट्ठति च । **आणा वत्तति** आणाय तन्निवासीनं देवतानं सिरसा सम्पटिच्छनेन, तच्च खो केवलं बुद्धानं आनुभावेनेव, न अधिप्पायवसेन, अधिप्पायवसेन पन “यावता वा पन आकङ्खेय्या”ति (अ० नि० ३.८१) वचनतो ततो परम्पि आणा पवत्तेय्य ।

न उप्पज्जन्तीति पन अत्थीति, “न मे आचरियो अत्थि, सदिसो मे न विज्जती”तिआदिं (म० नि० १.२८५; २.३४१; महाव० ११; कथा० ४०५; मि० प० ४.५.११) इमिस्सं लोकधातुयं ठत्वा वदन्तेन भगवता, “किं पनावुसो सारिपुत्त, अत्थेतरहि अञ्जे समणा वा ब्राह्मणा वा भगवता समसमा सम्बोधियन्ति, एवं पुट्ठो अहं, भन्ते, नोति वदेय्य”न्ति (दी० नि० ३.१६१), वत्वा तस्स कारणं दस्सेतुं, “अट्ठानमेतं अनवकासो, यं एकस्सा लोकधातुया द्वे अरहन्तो सम्मासम्बुद्धा”ति इमं सुत्तं (दी० नि० ३.१६१; मि० प० ५.१.१) दस्सेन्तेन धम्मसेनापतिना च बुद्धखेत्तभूतं इमं लोकधातुं ठपेत्वा अञ्जत्थ अनुप्पत्ति वुत्ता होतीति अधिप्पायो ।

एकतोति सह, एकस्मिं कालेति अत्थो । सो पन कालो कथं परिच्छिन्नोति चरिमभवे पटिसन्धिग्गहणतो पट्टाय याव धातुपरिनिब्बानाति दस्सेन्तो “तत्था”तिआदिमाह । **निसिन्नकालतो पट्टायाति** पटिलोमक्कमेन वदति । **परिनिब्बानतो पट्टायाति** अनुपादिसेसाय निब्बानधातुया परिनिब्बानतो पट्टाय । **एत्थन्तरेति** चरिमभवे बोधिसत्तस्स पटिसन्धिग्गहणं धातुपरिनिब्बानन्ति एतेसं अन्तरे ।

अञ्जस्स बुद्धस्स उप्पत्ति न निवारिता, तत्थ कारणं दस्सेतुं “तीणि ही”तिआदि वुत्तं । पटिपत्तिअन्तरधानेन हि सासनस्स ओसक्कितत्ता अपरस्स बुद्धस्स उप्पत्ति लद्धावसरा होति । **पटिपदाति** पटिवेधावहा पुब्बभागपटिपदा । “परियत्ति पमाण”न्ति वत्वा तमतथं बोधिसत्तं निदस्सनं कत्वा दस्सेतुं, “यथा”तिआदि वुत्तं तयिदं हीनं कतन्ति दट्ठब्बं । निय्यानिकधम्मस्स ठितिहि दस्सेन्तो अनिय्यानिकधम्मं निदस्सेति ।

मातिकाय अन्तरहितायाति, “यो पन भिक्खू”तिआदिनयप्पत्ता सिक्खापदपाळि मातिका, ताय अन्तरहिताय निदानुद्देससङ्घाते पातिमोक्खुद्देसे पब्बज्जायुपसम्पदाकम्मेसु च सासनं तिट्ठतीति अत्थो । अथ वा पातिमोक्खे धरन्तेयेव पब्बज्जा उपसम्पदा च, एवं सति तदुभयं पातिमोक्खे अन्तोगधं तदुभयाभावे पातिमोक्खाभावतो, तस्मा तयिदं तयं सासनस्स ठितिहेतूति आह — “**पातिमोक्खपब्बज्जाउपसम्पदासु ठितासु सासनं तिट्ठती**”ति । यस्मा वा उपसम्पदाधीनं पातिमोक्खं, उपसम्पदा च पब्बज्जाधीना, तस्मा पातिमोक्खे सिद्धे, सिद्धासु पब्बज्जाउपसम्पदासु च सासनं तिट्ठति । पच्छिमपटिवेधतो हि परं पटिवेधसासनं, पच्छिमसीलतो च परं पटिपत्तिसासनं विनट्ठं नाम होति । **ओसक्कितं नामाति** पच्छिमकपटिवेधसीलभेदद्वयं एकतो कत्वा ततो परं विनट्ठं नाम होतीति अत्थो ।

तेन कामं “सासनट्ठितिया परियत्ति पमाण”न्ति वुत्तं, परियत्ति पन पटिपत्तिहेतुकाति पटिपत्तिया असति अप्पत्तिट्ठा

होति, तस्मा पटिपत्तिअन्तरधानं सासनोसक्कनस्स विसेसकारणन्ति दस्सेत्वा तयिदं सासनोसक्कनं धातुपरिनिब्बानोसानन्ति दस्सेतुं, “तीणि परिनिब्बानानी”ति वुत्तं ।

कारुञ्जन्ति परिदेवनकारुञ्जं । जम्बुदीपे दीपन्तरेसु देवनागब्रह्मलोकेसु च विष्पकिरित्वा ठितानं धातूनं महाबोधिपल्लङ्के एकज्झं सन्निपतनं, रस्मिविस्सज्जनं, तत्थ तेजोधातुया उट्ठानं, एकजालीभावो चाति सब्बमेतं सत्थु अधिट्ठानवसेनेव वेदितब्बं ।

अनच्छरियत्ताति द्वीसुपि उप्पज्जमानेसु अच्छरियत्ताभावदोसतोति अत्थो । बुद्धा नाम मज्झे भिन्नं सुवण्णं विय एकसदिसाति तेसं देसनापि एकरसा एवाति आह — “देसनाय च विसेसाभावतो”ति । एतेनपि अनच्छरियत्तमेव साधेति । विवादभावतोति एतेन विवादाभावत्थं द्वे एकतो न उप्पज्जन्तीति दस्सेति ।

तत्थाति मिलिन्दपञ्चे । एकं बुद्धं धारेतीति एकबुद्धधारणी । एतेन एवं सभावा एते बुद्धगुणा, येन दुतियबुद्धगुणे धारेतुं असमत्था अयं लोकधातूति दस्सेति । पच्चयविसेसनिष्फन्नानज्झि गुणधम्मानं भारियो विसेसो न सक्का धारेतुन्ति, “न धारेय्या”ति वत्त्वा तमेव आधारणं परियायन्तरेनपि पकासेन्तो “चलेय्या”तिआदिमाह । तत्थ चलेय्याति परिष्फन्देय्य । कप्पेय्याति पवेधेय्य । नमेय्याति एकपस्सेन नमेय्य । ओनमेय्याति ओसीदेय्य । विनमेय्याति विविधं इतोचितो च नमेय्य । विकिरेय्याति वातेन थुसमुट्ठि विय विष्पकिरेय्य । विधमेय्याति विनस्सेय्य । विद्धंसेय्याति सब्बसो विद्धस्ता भवेय्य । तथाभूता च कत्थचि न तिट्ठेय्याति आह “न ठानमुपगच्छेय्या”ति ।

इदानी तत्थ निदस्सनं दस्सेन्तो, “यथा, महाराजा”तिआदिमाह । तत्थ समुपादिकाति समं उद्धं पज्जति पवत्ततीति समुपादिका, उदकस्स उपरि समं गामिनीति अत्थो । वण्णेनाति सण्ठानेन । पमाणेनाति आरोहेन । किसथूलेनाति किसथूलभावेन, परिणाहेनाति अत्थो ।

छादेन्तन्ति रोचेन्तं रुचिं उप्पादेन्तं । तन्दीकतोति तेन भोजनेन तन्दीभूतो । अनोनमितदण्डजातोति यावदत्थं भोजनेन ओनमितुं असक्कुण्येय्यताय अनोनमितदण्डो विय जातो । सकिं भुत्तो वमेय्याति एकम्पि आलोपं अज्झोहरित्वा वमेय्याति अत्थो ।

अतिधम्मभारेन पथवी चलतीति धम्मेन नाम पथवी तिट्ठेय्य । सा किं तेनेव चलति विनस्सतीति अधिप्पायेन पुच्छति । पुन थेरो “रतनं नाम लोके कुटुम्बं सन्धारेन्तं अभिमतज्ज लोकेन अत्तनो गरुसभावताय सकटभङ्गस्स कारणं अतिभारभूतं दिट्ठं । एवंधम्मो च हितसुखविसेसेहि तंसमङ्गिनं धारेन्तो अभिमतो च विज्जूनं गम्भीरप्पमेय्यभावेन गरुसभावत्ता अतिभारभूतो पथवीचलनस्स कारणं होती”ति दस्सेन्तो, “इध, महाराज, द्वे सकटा”तिआदिमाह । एतेनेव तथागतस्स मातुकुच्छिओक्कमनादिकाले पथवीकम्पनकारणं संवण्णितन्ति दट्ठब्बं । एकसकटतो रतनन्ति एकस्मा, एकस्स वा सकटस्स रतनं, तस्मा सकटतो गहेत्वाति अत्थो ।

ओसारितन्ति उच्चारितं, वुत्तन्ति अत्थो । अगोति सब्बसत्तेहि अगो ।

सभावपकतीति सभावभूता अकित्तिमा पकति । कारणमहन्ततायाति महन्तेहि बुद्धकारकधम्मेहि पारमितासङ्घातेहि कारणेहि बुद्धगुणानं निब्बत्तितोति वुत्तं होति । पथविआदीनि महन्तानि वत्थूनि, महन्ता च सक्कभावादयो अत्तनो अत्तनो

विसये एकेका एव, सम्मासम्बुद्धोपि महन्तो अत्तनो विसये एकोव, को च तस्स विसयो? बुद्धभूमि, यावतकं वा जेय्यं। एवं “आकासो विय अनन्तविसयो भगवा एकोव होती”ति वदन्तो परचक्कवाळेसु दुतियस्स बुद्धस्स अभावं दस्सेति।

इमिनाव पदेनाति “एकिस्सा लोकधातुया”ति इमिना एव पदेन। **दसचक्कवाळसहस्सानि गहितानि** जातिखेत्तत्ता। **एकचक्कवाळेनेवाति** इमिना एकचक्कवाळेनेव। यथा — “**इमस्मियेव चक्कवाळे उप्पज्जन्ती**”ति वुत्ते इमस्मिम्पि चक्कवाळे जम्बुदीपेयेव, तत्थपि मज्झिमपदेसे एवाति परिच्छिन्दितुं वट्टति; एवं “एकिस्सा लोकधातुया”ति जातिखेत्ते अधिप्पेतेपि इमिनाव चक्कवाळेन परिच्छिन्दितुं वट्टति।

विवादूपच्छेदतोति विवादूपच्छेदकारणा। द्वीसु उप्पन्नेसु यो विवादो भवेय्य, तस्स अनुप्पादोयेवेत्थ विवादूपच्छेदो। **एकस्मिं दीपेति** आदिना दीपन्तरेपि एकज्झं न उप्पज्जन्ति, पगेव एकदीपेति दस्सेति। **सो परिहायेथाति** चक्कवाळस्स पदेसे एव वत्तितब्बत्ता परिहायेय्य।

१३०. मनुस्सत्तन्ति मनुस्सभावो तस्सेव पब्बज्जादिगुणसम्पत्तिआदीनं योग्गभावतो। **लिङ्गसम्पत्तीति** पुरिसभावो। हेतूति मनोवचीपणिधानपुब्बिका हेतुसम्पदा। **सत्थारदस्सनन्ति** सत्थुसम्मुखीभावो। **पब्बज्जाति** कम्मकिरियवादीसु तापसेसु, भिक्खूसु वा पब्बज्जा। **गुणसम्पत्तीति** अभिज्जादिगुणसम्पदा। **अधिकारोति** बुद्धं उद्दिस्स अधिको सक्कारो। **छन्दताति** सम्मासम्बोधिं उद्दिस्स सातिसयो कत्तुकम्प्यताकुसलच्छन्दो। **अट्ठधम्मसमोधानाति** एतेसं अट्ठन्नं धम्मानं समायोगेन। **अभिनीहारोति** कायपणिधानं। **समिज्झतीति** निष्फज्जतीति अयमेत्थ सङ्खेपो, वित्थारो पन परमत्थदीपनिया **चरियापिटकवण्णनाय** (चरिया० अट्ठ० पकिण्णककथा) वुत्तनयेनेव वेदितब्बो।

सब्बाकारपरिपूरमेवाति परिपुण्णलक्खणताय सत्तुस्सदादीहि सब्बाकारेहि सम्पन्नमेव। न हि इत्थिया कोसोहितवत्थगुह्यता सम्भवति, दुतियपकति च नाम पठमपकतितो निहीना एव। तेनेवाह अनन्तरवारे “**यस्मा**”तिआदि।

इध पुरिसस्स तत्थ निब्बत्तनतोति इमस्मिं मनुस्सलोके पुरिसभूतस्स तत्थ ब्रह्मलोके ब्रह्मत्तभावेन निब्बत्तनतो। तेन असतिपि पुरिसलिङ्गे पुरिसाकारा ब्रह्मानो होन्तीति दस्सेति। तंयेव हि पुरिसाकारं सन्धाय वुत्तं — “**यं पुरिसो ब्रह्मत्तं करेय्या**”ति। तेनेवाह “**समानेपी**”तिआदि। यदि एवं इत्थियो ब्रह्मलोके न उप्पज्जन्तीति आह “**ब्रह्मत्त**”न्तिआदि।

१३१. कायदुच्चरितस्साति आदिपाळिया कम्मनियामो नाम कथितो। समज्जनं समङ्गो, सो एतस्स अत्थीति **समङ्गी**, समन्नागतो। समज्जनसीलो वा **समङ्गी**। पुब्बभागे **आयूहनसमङ्गिता**, सन्निट्ठापकचेतनावसेन **चेतनासमङ्गिता**। चेतनासन्ततिवसेन वा **आयूहनसमङ्गिता**, तंतंचेतनाखणवसेन **चेतनासमङ्गिता**। कतूपचितस्स अविपक्कविपाकस्स कम्मस्स वसेन **कम्मसमङ्गिता**, कम्मे पन विपच्चित्तुं आरब्धे विपाकप्पवत्तिवसेन **विपाकसमङ्गिता**। कम्मादीनं उपट्ठानकालवसेन **उपट्ठानसमङ्गिता**। **कुसलाकुसलकम्मायूहनक्खणेति** कुसलकम्मस्स च अकुसलकम्मस्स च समीहनक्खणे। **तथाति** इमिना कुसलाकुसलकम्मपदं आकट्ठति। यथा कतं कम्मं फलदानसमत्थं होति, तथा कतं **उपचितं**। **विपाकारहन्ति** दुतियभवादीसु विपच्चनारहं। उप्पज्जमानानं उपपत्तिनिमित्तं उपट्ठातीति योजना। **चलतीति** परिवत्तति। एकेन हि कम्मुना तज्जे निमित्ते उपट्ठापिते पच्चयविसेसवसेन ततो अज्जेन कम्मुना अज्जस्स निमित्तस्स उपट्ठानं परिवत्तनं।

सुनखजीविकोति सुनखेहि जीवनसीलो । तलसन्थरणपूजन्ति भूमितलस्स पुप्फेहि सन्तरणपूजं ।
आयूहनचेतनाकम्मसमङ्गितावसेनाति कायदुच्चरितस्स अपरापरं आयूहनेन सन्निष्ठापकचेतनाय तस्सेव पक्कप्पने
कम्मकखयकरजाणेन अखेपितत्ता यथूपचितकम्मुना च समङ्गिभावस्स वसेन ।

१३२. एवं सस्सरिकन्ति वुत्तप्पकारेन अनेकधातुविभजनादिना नानानयविचित्तताय परमनिपुणगम्भीरताय च
अत्थतो व्यञ्जनतो च ससोभं कत्वा ।

नं धारेहीति एत्थ नन्ति निपातमत्तं । धातुआदिवसेन परिवट्ठीयन्ति अत्था एतेहीति परिवट्ठा, देसनाभेदा । चत्तारो
परिवट्ठा एतस्स, एतस्मिं वाति चतुपरिवट्ठो, धम्मपरियायो । धम्मो च सो परियत्तिभावतो यथावुत्तेनत्थेन आदासोति
धम्मादासो । उपट्ठानट्ठेन यथाधम्मानं आदासोतिपि धम्मादासो । यथा हि आदासेन सत्तानं मुखे मलदोसहरणं, एवं इमिनापि
सुत्तेन योगीनं मुखे मलदोसहरणं । तस्माति यस्मा इमिना सुत्तेन किलेसे मद्वित्वा समथाधिगमेन योगिनो जयप्पत्ता; तस्मा
अमतपुरप्पवेसने उग्घोसनमहाभेरिताय च अमतदुन्दुभि । इध वुत्तन्ति इमस्मिं सुत्ते वुत्तं । अनुत्तरो सङ्गामविजयोति
अनुत्तरभावतो किलेससङ्गामविजयो, “विजेति एतेना”ति कत्वा । सेसं सुविज्जेय्यमेव ।

बहुधातुकसुत्तवण्णनाय लीनत्थप्पकासना समत्ता ।

६. इसिगिलिसुत्तवण्णना

१३३. समञ्जायति एतायाति समञ्जा, नामन्ति अत्थो । अयमयं नामाति पञ्जापेन्ति एताय, तथापञ्जापनमत्तन्ति वा
पञ्जत्ति, नाममेव । तेनाह “पुरिमपदस्सेव वेवचन”न्ति । सेसेसुपीति “पण्डवस्स पब्बतस्सा”तिआदीसु तीसु वारेसुपि ।

समुट्ठानं ताव सुत्तस्स कथेत्वा अत्थसंवण्णनं कातुं “तदा किरा”तिआदि वुत्तं । न पब्बतेहि अत्थोति न भगवतो
पब्बतेहि कथितेहि अत्थो अत्थि । इसिगिलिभावोति इसिगिलिनामता । इतीति इमिना कारणेन, इमं अट्ठुप्पत्तिं
अवेक्खन्तोति अत्थो ।

चेतियगम्भेति चेतियघरे चेतियस्स अब्भन्तरे । यमकमहाद्वारन्ति यमककवाटयुत्तं महन्तं द्वारं । द्वेधा कत्वाति
पब्बतस्स अब्भन्तरे मण्डपसङ्केपेन लेणं निम्मिनित्वा द्वेधा कत्वा तदा ते तत्थ वसिंसु ।

वसितकालञ्च कथेन्तो तेसं मातुया याव ततियभवतो पट्ठाय समुदागमं दस्सेतुं, “अतीते किरा”तिआदि वुत्तं ।
पत्थेसीति तस्सा किर खेत्तकुटिया वीहयो भज्जन्तिया तत्थ महाकरञ्जपुप्फप्पमाणा महन्ता मनोहरा पञ्चसतमत्ता लाजा
जायिंसु । सा ता गहेत्वा महन्ते पदुमिनिपत्ते ठपेसि । तस्मिञ्च समये एको पच्चेकबुद्धो तस्सा अनुगहत्थं अविदूरे
खेत्तपाळिया गच्छति । सा तं दिस्वा पसन्नमानसा सुपुप्फितं महन्तं एकं पदुमं गहेत्वा तत्थ लाजे पक्खिपित्वा पच्चेकबुद्धं
उपसङ्कमित्वा पञ्चपतिट्ठितेन वन्दित्वा, “इमस्स, भन्ते, पुञ्जस्स आनुभावेन आनुभावसम्पन्ने पञ्चसतपुत्ते लभेय्य”न्ति
पञ्च पुत्तसतानि पत्थेसि । तस्मिंयेव खणेति यदा सा यथावुत्तं पत्थनं पट्ठपेसि; तस्मिंयेव खणे पञ्चसता मिगलुद्दका
सम्भतसम्भारा परिपक्कपच्चेकबोधिजाणा तस्सेव पच्चेकबुद्धस्स मधुरमंसं दत्वा, “एतिस्सा पुत्ता भवेय्यामा”ति
पत्थयिंसु । अतीतासु अनेकजातीसु तस्सा पुत्तभावेन आगतत्ता तथा तेसं अहोसीति वदन्ति । पादुद्दारेति पादुद्दारे
पादुद्दारे । पादुद्दारसीसेन चेत्य निक्खिपनं आह ।

गब्भमलं निस्सायाति बहि निक्खन्तं गब्भमलं निस्सयं कत्वा संसेदजभावेन निब्बत्ता । ओपपातिकभावेनाति केचि । खयवयं पट्टपेत्वाति विपस्सनं आरभित्वा । विपस्सनाति अनिच्चानुपस्सनापुब्बिका सप्पच्चयनामरूपदस्सनपुब्बिका च, सङ्खारे सम्मसन्तस्स अनिच्चलक्खणे दिट्ठे, “यदनिच्चं तं दुक्खं, यं दुक्खं तदनत्ता”ति सेसलक्खणानि सुविज्जेय्यानेव होन्ति । पच्चेकबोधिजाणं निब्बत्तयिंसूति द्वे असङ्ख्येय्यानि कप्पानं सतसहस्सञ्च पच्चेकबोधिपारमिताय परिनिष्पन्नत्ता जाणस्स परिपाकत्ता वुत्तनयेन सयमेव विपस्सनं पवत्तेत्वा मत्थकं पापेत्वा पच्चेकबोधिजाणं अधिगच्छिंसु । सब्बेपि ते तंयेव गाथं अभासिंसूति आह — “अयं तेसं ब्याकरणगाथा अहोसी”ति ।

सरोरुहन्ति सरसि जातं । पदुमपलासपत्तजन्ति खुद्दकमहन्तेहि कमलदलेहि सहजातं । खुद्दकमहन्तकमलदलसङ्घातानि वा पदुमपलासपत्तानि एत्थ सन्तीति पदुमपलासपत्तं, पदुमगच्छं । तत्थ जातन्ति पदुमपलासपत्तजं । सुपुष्फितन्ति सुट्ठु पुष्फितं सम्मा विकसितं । भमरगणानुचिण्णन्ति भमरगणेहि अनुकुलञ्चेव अनुपरिभमितञ्च । अनिच्चतायुपगतन्ति खणे खणे वण्णभेदादिवसेन अनिच्चताय उपगतं । विदित्वाति विपस्सनापज्जासहिताय मग्गपज्जाय जानित्वा । एको चरेति तस्मा अज्जोपि मादिसो होतुकामो एवं पटिपज्जित्वा एको चरे खग्गविसाणकप्पोति ।

१३५. सतिसारसीलसारादिसमन्नागमनेन सत्तेसु सारभूता । सब्बसो वट्टदुक्खस्स विगतत्ता निहुक्खा । समुच्छिन्नतण्हाय नित्तण्हा । मानच्छिदोति थुतिवचनं ।

एतेसं एकनामकायेवाति एतेसं आगतानं पच्चेकबुद्धानं पाळियं अनागता अज्जे पच्चेकबुद्धा समाननामका एव । वुत्तमेवत्थं पाकटीकरणत्थं “इमेसु ही”तिआदि वुत्तं । विसुं विसुं अवत्वाति पच्चेकं सरूपतो अवत्वा । अज्जे चाति असाधारणत्ता आह । सेसं सुविज्जेय्यमेव ।

इसिगिलिसुत्तवण्णनाय लीनत्थप्पकासना समत्ता ।

७. महाचत्तारीसकसुत्तवण्णना

१३६. दोसेहि आरकाति अरियं । तेनाह “निद्वोस”न्ति । सा पन निद्वोसता लोकुत्तरभावेन सविसेसाति आह “लोकुत्तर”न्ति । सम्मा सुन्दरो पसत्थो नित्थानिको समाधि सम्मासमाधीति आह — “सम्मासमाधिन्ति मग्गसमाधि”न्ति । उपनिसीदति एत्थ फलं तप्पटिबद्धवुत्तित्तायाति उपनिसं, कारणन्ति आह — “सउपनिसन्ति सप्पच्चय”न्ति । परिकरोति परिवारेतीति परिक्रारोति आह — “सपरिक्रारन्ति सपरिवार”न्ति ।

परिवारिताति सहजातादिपच्चयभावेन परिवारन्तेहि विय उपगता । पुरेचारिकाति वुट्ठानगामिनिभावना सहजातादिपच्चयवसेन पच्चयत्ता पुरस्सरा । तेनाह — “विपस्सनासम्मादिट्ठि चा”ति । इदानि तानि किच्चतो दस्सेतुं, “विपस्सनासम्मादिट्ठि”तिआदि वुत्तं । तत्थ परिवीमंसग्गहणं तत्थ तत्थ चित्तुप्पादे वीमंसाधिपतेय्येन पवत्तिया सम्मादिट्ठिया पुब्बङ्गमभावदस्सनत्थं । तेनस्स मग्गसमाधिस्स नानाखणिकं पुब्बङ्गमभावं दस्सेति । वीमंसनपरियोसानेति तथापवत्तनुलोमजाणस्स ओसाने । भूमिलद्धं वट्ठं समुग्घाटयमानाति अत्तनो सन्ताने दीघरत्तं अनुसयितं किलेसवट्ठं समुच्छिन्दन्ति । वूपसमयमानाति तस्सेव वेवचनं । वूपसमयमानाति वा ततो एव अवसिट्ठम्पि वट्ठं अप्पवत्तिकरणवसेन वूपसमेन्ति । तेनेवाह — “मग्गसम्मादिट्ठि...पे०... उप्पज्जती”ति । साति सम्मादिट्ठि । दुविधापीति यथावुत्ता दुविधापि ।

इध अधिप्पेता विपस्सनापज्जासहिताय मग्गपज्जाय किच्चस्स दस्सितत्ता ।

लक्खणे पटिविज्झमाने लक्खणिको धम्मो पटिविद्धो होतीति आह — “मिच्छादिट्ठिं... पे०... आरम्मणतो पजानाती”ति । विपस्सनासम्मादिट्ठियम्पि एसेव नयो । किच्चतोति भावनाकिच्चतो । सम्मादिट्ठियं तदधिगतअसम्मोहताय असम्मोहतो पजानाति । किच्चतोति पटिवेधकिच्चतो । तं पन सब्बथा असम्मय्हनमेवाति आह “असम्मोहतो”ति । एवं पजाननाति मिच्छादिट्ठि मिच्छादिट्ठीति याथावतो अवबोधो । अस्साति तंसमङ्गिनो पुग्गलस्स ।

द्वायन्ति -कारो दीघं कत्वा वुत्तो । तेनाह “द्वयं वदामी”ति । द्वे अवयवा एतस्साति द्वयं । तेनाह “दुविधकोट्टासं वदामी”ति । पुज्जस्स एको भागो सो एव पुज्जभागिको, क-कारस्स य-कारं कत्वा इत्थिलिङ्गवसेन “पुज्जभागिया”ति वुत्तं । उपधिसङ्घातस्साति खन्धपबन्धसङ्घातस्स ।

अमतद्वारन्ति अरियमग्गं । पज्जपेतीति निय्यानादिपकारतो पज्जपेति । तेनाह “विभजित्वा दस्सेती”ति । तत्थ सम्मोहस्स विद्धंसनेन असम्मोहतो दस्सेति । तस्मिं अत्थेति अमतद्वारपज्जापने अत्थे । बोज्झङ्गप्पत्ताति बोज्झङ्गभावप्पत्ता । मग्गभावेन निय्यानभावेन पवत्तिया मग्गपज्जाय अटुन्नम्पि साधारणत्ता समुदायस्स च अवयवो अङ्गन्ति कत्वा सेसधम्मो अङ्गिकभावेन दस्सेन्तो “अरियमग्गस्स अङ्ग”न्ति आह । सो भिक्खूति मिच्छादिट्ठिं “मिच्छादिट्ठी”ति सम्मादिट्ठिं “सम्मादिट्ठी”ति जानन्तो भिक्खु । पजहनत्थायाति समुच्छेदवसेन पजहनाय । पटिलाभत्थायाति मग्गसम्मादिट्ठिया अधिगमाय । कुसलवायामोति विपस्सनासम्पयुत्तोव कोसल्लसम्भूतो वायामो । सरतीति सतो, तं पनस्स सरणं सतिसमङ्गितायाति आह “सतिया समन्नागतो”ति । कामञ्चेत्थ विपस्सनासम्मादिट्ठिं यथाभूता सम्मावायामसतियो सहजाता च पुरेजाता च हुत्वा परिवारेन्ति, “इतियिमे तयो धम्मा सम्मादिट्ठिं अनुपरिधावन्ति अनुपरिवत्तन्ती”ति पन वचनतो, “एत्थ ही”ति आदिना मग्गसम्मादिट्ठिया एव सेसधम्मानं यथारहं सहचरणभावेन परिवारणं योजितं । सम्मासङ्कप्पादीनन्ति आदि-सद्देन सम्मावाचाकम्मन्ताजीवानं गहणं इतरेसं परिवारभावेन गहितत्ता । न हि सक्का ते एव परिवारे परिवारवन्ते च कत्वा वत्तुं सङ्करतो सम्मोहजननतो च । तयोति सम्मादिट्ठिवायामसतियो सहजातपरिवाराव होन्ति मग्गक्खणिकानं तेसं अधिप्पेतत्ता विपस्सनाखणविरतीनं असम्भवतो ।

१३७. तक्कनवसेन लोकसिद्धेनाति अधिप्पायो । “एवञ्चेवञ्च भवितब्ब”न्ति विविधं तक्कनं कूपे विय उदकस्स आरम्मणस्स आकट्ठनं वितक्कनं वितक्को । सङ्कप्पनवसेनाति तं तं आरम्मणं गहेत्वा कप्पनवसेन । तक्कनं कप्पनन्ति च अतंसहजातानमेवाति दट्ठब्बं । एकगोति इमिना समाधिना लब्धुपकारस्सेव वितक्कस्स अप्पनापरियायो होतीति दस्सेति । विसेसेन वा अप्पना वितक्कस्स वसेन चित्तं आरम्मणं अभिरोपेति, वितक्के असति कथन्ति आह “वितक्के पना”ति आदि । अत्तनोयेव धम्मताय चित्तं आरम्मणं अभिरुहतीति, एतेन आरम्मणधम्मानं गहणं नाम सभावसिद्धं, न धम्मन्तरमपेक्खति, वितक्को पन पवत्तमानो आरम्मणाभिनिरोपनवसेनेव पवत्ततीति दस्सेति । एवं सन्तेपि सभाववितक्कचित्तुप्पादतो सवितक्कचित्तुप्पादस्स आरम्मणगहणविसेसो वितक्केन जातोति कत्वा वितक्को चित्तस्स आरम्मणगहणे विसेसपच्चयोति पाकटोयमत्थो । अपरे पन भणन्ति — यथा कोचि राजवल्लभं, तंसम्बन्धीनं मित्तं वा निस्साय राजगेहं आरोहति अनुपविसति, एवं वितक्कं निस्साय चित्तं आरम्मणं आरोहति वितक्कस्स आरम्मणाभिनिरोपनसभावत्ता, अज्जेसं धम्मानञ्च अवितक्कसभावतो । तेनाह भगवा — “चेतसो अभिनिरोपना”ति (ध० स० ७) ।

यदि एवं कथं अवितक्कचित्तं आरम्मणं आरोहतीति? वितक्कबलेनेव । यथा हि सो पुरिसो परिचयेन तेन विनापि

निरासङ्को राजगेहं पविसति, एवं परिचयेन वितक्केन विनापि अवितक्कं चित्तं आरम्भणं आरोहति । **परिचयेनाति** च सन्ताने पवत्तवितक्कभावनासङ्घातेन परिचयेन । वितक्कस्स हि सन्ताने अभिण्हं पवत्तस्स वसेन चित्तस्स आरम्भणाभिरुहणं चिरपरिचितं; तेन तं कदाचि वितक्केन विनापि तत्थ पवत्ततेव; यथा जाणसहगतं चित्तं सम्मसनवसेन चिरपरिचितं कदाचि जाणरहितम्पि सम्मसनवसेन पवत्तति; यथा वा किलेससहितं हुत्वा पवत्तं सब्बसो किलेसरहितम्पि परिचयेन किलेसवासनावसेन पवत्तति, एवं सम्पदमिदं ददुब्बं ।

वाचं सङ्खरोतीति वाचं उप्पादेति, वचीघोसुप्पत्तिया विसेसपच्चयो होतीति अत्थो । **लोकिवितक्को** द्वत्तिसचित्तसहगतो **वाचं सङ्खरोति** वचीविज्जत्तिजननतो । **वचीसङ्खारोत्वेव पनस्स नामं होति** रुळ्हतो, तंसमत्थतानिरोधतो वा सम्भवतो पन सङ्खरोति । “**लोकुत्तरसम्मासङ्कप्यं परिवारेन्ती**”ति वत्वा तिविधे सम्मासङ्कपे कदाचि कतमं परिवारेन्तीति? चोदनं सन्धायाह “**एत्था**”तिआदि । **नानाचित्तेसु लब्धन्ति** नानासमन्नाहारहेतुकत्ता, पुब्बभागेयेव च ते उप्पज्जन्तीति । **तीणि नामानि लभति** तिविधस्सपि पटिपक्खस्स समुच्छिन्दनेन सातिसयं तिण्णम्पि किच्चकरणतो । एस नयो सम्मावाचादीसुपि ।

१३८. विरमति एतायाति **वेरमणी** विरति वुच्चति । सा मुसावादतो विरमणस्स कारणभावतो चेतनापि वेरस्स मणनतो विनासनतो विरतिपीति आह — “**विरतिपि चेतनापि वट्टती**”ति । **आरका रमतीति** समुच्छिन्नेहि दूरतो समुस्सारेति । **विना तेहि रमतीति** अच्चन्तमेव तेहि विना भवति । **ततो ततोति** दिट्ठे अदिट्ठवादादितो मुसावादा । विसेसतो अनुप्पत्तिधम्मत्ता **पटिनिवत्ता हुत्वा** ।

१४०. **तिविधेन कुहनवत्थुनाति** पच्चयपटिसेवन-सामन्तजप्पन-इरियापथपवत्तनसङ्घातेन पापिच्छता निब्बत्तेन तिविधेन कुहनवत्थुना । **एताय** कुहनाय करणभूताय पच्चयुप्पादनत्थं **निमित्तं** सीलं एतेसन्ति योजना । अत्तविसयलाभहेतु अक्कोसनखुंसनवम्भनादिवसेन पिसनं घट्टनं विहेठनं **निप्पेसो** । इतो लद्धं अज्जस्स, ततो लद्धं परस्स दत्त्वा एवं लाभेन लाभं निजिगीसतीति **लाभेन लाभं निजिगीसना** । **पाळियं आगतो** कुहनादिवसेन **मिच्छाआजीवो** । को पन सोति आह “**आजीवहेतू**”तिआदि । **तासंयेवाति** अवधारणं, “आजीवो कुप्पमानो कायवचीद्वारेसु एव कुप्पती”ति कत्वा वुत्तं ।

१४१. सम्मा पसत्था सोभना निरय्यानिका दिट्ठि एतस्साति **सम्मादिट्ठि**, पुगगलो । तस्स पन यस्मा सम्मादिट्ठि सच्चाभिसमयस्स निब्बानसच्छिकिरियाय अवस्सयो, तस्मा वुत्तं — “**मग्गसम्मादिट्ठियं ठितस्सा**”ति । **पहोति** भवति ताय सहेव उप्पज्जति पवत्तति । पच्चवेक्खणजाणं याथावतो जाननट्ठेन सम्माजाणन्ति इधाधिप्पेतं, तज्ज खो मग्गसमाधिम्हि ठिते एव होतीति इममत्थं दस्सेतुं आह — “**मग्गसम्मासमाधिम्हि...पे०... सम्माजाणं पहोती**”तिआदि । इमिना किं दस्सेतीति? यथा मग्गसम्मादिट्ठियं ठितो पुगगलो, “सम्मादिट्ठी”ति वुत्तो, एवं मग्गफलपच्चवेक्खणजाणे ठितो, “सम्माजाणो”ति वुत्तो, तस्स च मग्गफलसम्मासमाधिपवत्तिया पहोति सम्माजाणस्स सम्माविमुत्तिया पहोतीति इममत्थं दस्सेति । फलसमाधि ताव पवत्ततु, मग्गसमाधि पन कथन्ति? तम्पि अकुप्पभावताय अच्चन्तसमाधिभावतो किच्चनिष्फत्तिया पवत्ततेवाति वत्तब्बतं लभति । **ठपेत्वा अट्ठफलङ्गानीति** फलभूतानि सम्मादिट्ठिआदीनि अट्ठङ्गानि, “सम्मादिट्ठिस्स सम्मासङ्कपो पहोती”तिआदिना विसुं गहितत्ता ठपेत्वा । **सम्माजाणं पच्चवेक्खणं कत्वाति** पच्चवेक्खणजाणं सम्माजाणं कत्वा । **फलं कातुन्ति** फलधम्मसहचरितताय विपाकसभावताय च “फल”न्ति लद्धनामे फलसम्पयुत्तधम्मे सम्माविमुत्तिं कातुं वट्टतीति वुत्तं । तथा च वुत्तं **सल्लेखसुत्तवण्णनायं** (म० नि० अट्ठ० १.८३) “फलसम्पयुत्तानि पन सम्मादिट्ठिआदीनि अट्ठङ्गानि ठपेत्वा सेसधम्मा सम्माविमुत्तीति वेदितब्बा”ति ।

१४२. निज्जिण्णाति निज्जीरिता, विद्धस्ता विनासिताति अत्थो । **फलं कथितन्ति** “सम्मादिट्ठिस्स, भिक्खवे, मिच्छादिट्ठि निज्जिण्णा होती”ति इमिना वारेन सामञ्जफलं कथितन्ति वदन्ति, निज्जीरणं पटिप्पस्सम्भनन्ति अधिप्पायो । निज्जीरणं पन समुच्छिन्दन्ति कत्वा, **मज्झिमभाणका...पे०... मग्गो कथितोति वदन्ति । दस्सनट्टेनाति** परिज्जाभिसमयादिवसेन चतुन्नं सच्चानं पच्चक्खतो दस्सनट्टेन । **विदितकरणट्टेनाति** पच्चक्खेन यथादिट्ठानं मग्गफलानं पाकटकरणट्टेन । **तदधिमुत्तट्टेनाति** तस्मिं यथासच्छिकते निब्बाने अधिमुच्चनभावेन ।

कुसलपक्खाति अनवज्जकोट्टासा । **महाविपाकदानेनाति** महतो विपुलस्स लोकुत्तरस्स सुखविपाकस्स चैव कायिकादिदुक्खविपाकस्स च दानेन ।

यथा महाविपाकस्स दानेन महाचत्तारीसकं, तथा बहुतायपि महाचत्तारीसकोति दस्सेतुं, “**इमस्मिञ्च पन सुत्ते पञ्च सम्मादिट्ठियो कथिता**”तिआदि वुत्तं । बहुअत्थोपि हि **महा-सद्दो** होति “महाजनो”तिआदीसु (म० नि० २.६५) । एत्थ च “नत्थि दिन्न”न्तिआदिना वत्थुभेदेन दस मिच्छादिट्ठिधम्मा कथिता, वत्थुभेदेनेव, “अत्थि दिन्न”न्तिआदिना दस सम्मादिट्ठिधम्माति वीसति होति । यथा “सम्मादिट्ठिस्स, भिक्खवे, सम्मासङ्कप्पो पओती”तिआदिना मग्गवसेन दस सम्मत्तधम्मा, तप्पटिपक्खभूता “मिच्छादिट्ठिस्स मिच्छासङ्कप्पो पओती”तिआदिना अत्थतो दस मिच्छत्तधम्माति वीसति, तथा फलवसेन तेसु एवं वीसति । कथं वारेपि सम्मादिट्ठिआदयो दसाति वीसति? एवमेते द्वे चत्तारीसकानि पुरिमेन सद्धिं तयो चत्तारीसका विभाविताति वेदितब्बा ।

१४३. पसंसियस्स उजुविपच्चनीकं निन्दियं पसंसन्तोपि अत्थतो पसंसियं निन्दन्तो नाम होति । पसंसियस्स गुणपरिधंसनमुखेनेव हि निन्दियस्स पसंसाय पवत्तनतोति आह — “**मिच्छादिट्ठिनामायं सोभनाति वदन्तोपि सम्मादिट्ठिं गरहति नामा**”तिआदि । **एवमादीति आदिसद्देन** “नत्थि हेतु नत्थि पच्चयो सत्तानं संकिलेसाया”ति (दी० नि० १.१६८; म० नि० २.२२७) एवमादिं सङ्गण्हाति; तस्मा **एवंवादिनोति** एवं हेतु पटिक्खेपवादिनोति अत्थो । **ओक्कन्तनियामाति** ओगाळ्हमिच्छत्तनियामा । **एवरूपं लद्धिं गहेत्वाति**आदीसु यं वत्तब्बं, तं **चूळपुण्णमसुत्तवण्णनायं** वुत्तनयमेव तस्मा तत्थ वुत्तनयेनेव वेदितब्बं । एदिसो हि “बुद्धानम्पि अतेकिच्छो”तिआदि वुत्तसदिसो ।

अत्तनो निन्दाभयेनाति “सम्मादिट्ठिञ्च नामेते गरहन्ती”आदिना उपरि परेहि वत्तब्बनिन्दाभयेन । **घट्टनभयेनाति** तथा परेसं आसादनाभयेन । सहधम्मेन परेन अत्तनो उपरि कातब्बनिग्गहो उपारम्भो, गरहतो परित्तासो उपारम्भभयं, तं पन अत्थतो उपवादभयं होतीति आह “**उपवादभयेना**”ति । सेसं सुविज्जेय्यमेव ।

महाचत्तारीसकसुत्तवण्णनाय लीनत्थप्पकासना समत्ता ।

८. आनापानस्सतिसुत्तवण्णना

१४४. पुब्बेनाति निस्सक्के करणवचनं । “अपरं विसेस”न्ति वुत्तत्ता विसेसविसयो च पुब्बसद्दोति आह — “**सीलपरिपूरणादितो पुब्बविसेसतो**”ति ।

१४५. आरब्धो यथानुसिद्धं पटिपत्तिया आराधितो । यदत्थाय सासने पब्बज्जा, विसेसापत्ति च, तदेवेत्थ अप्पत्तन्ति अधिप्पेतं, तं ज्ञानविपस्सनानिमित्तन्ति आह — “**अप्पत्तस्स अरहत्तस्सा**”ति । **कोमुदीति** कुमुदवती । तदा किर कुमुदानि सुपुष्फितानि होन्ति । तेनाह — “**कुमुदानं अत्थिताय कोमुदी**”ति । कुमुदानं समूहो, कुमुदानि एव वा कोमुदा, ते एत्थ

अथीति कोमुदीति । पवारणसङ्ग्रहन्ति महापवारणं अकत्वा आगमनीयसङ्ग्रहणं ।

आरब्धविपस्सकस्साति आरभितविपस्सनस्स, विपस्सनं वड्ढेत्वा उस्सुक्कापेत्वा विपस्सिस्स । भिक्खू इध ओसरिस्सन्ति वुत्थवस्सा पवारितपवारणा “भगवन्तं वन्दिस्साम, कम्मट्ठानं सोधेस्साम, यथालब्धं विसेसञ्च पवेदिस्सामा”ति अज्झासयेन । इमे भिक्खूति इमे तरुणसमथविपस्सना भिक्खू । विसेसं निब्बत्तेतुं न सक्खिस्सन्ति सेनासनसप्पायादिअलाभेन । अपलिबुद्धन्ति अज्जेहि अनुपद्दुतं । सेनासनं गहेतुं न लभन्ति अन्तोवस्सभावतो । एकस्स दिन्नोपि सब्बेसं दिन्नोयेव होति, तस्मा सुतसुतट्ठानेयेव एकमासं वसित्वा ओसरिंसु ।

१४६. अलन्ति युत्तं, ओपायिकन्ति अत्थो, “अलमेव निब्बिन्दितु”न्तिआदीसु (दी० नि० २.२७२; सं० नि० २.१२४, १२८, १३४, १४३) विय । पुटबद्धं परिहरित्वा असितं पुटोसं अ-कारस्स ओ-कारं कत्वा । तेनाह “पाथेय्य”न्ति ।

१४७. विपस्सना कथिताति अनिच्चसज्जामुखेनेव विपस्सनाभावना कथिता । न हि केवलाय अनिच्चानुपस्सनाय विपस्सनाकिच्चं समिज्जति । बहू भिक्खू ते च वित्थाररुचिकाति अधिप्पायो । तेनाह “तस्मा”तिआदि ।

१४९. सब्बत्थाति सब्बवारेसु । “तस्मा तिह, भिक्खवे, वेदनानुपस्सी”तिआदीसुपि पीतिपटिसंवेदितादिवसेनेव वेदनानुपस्सनाय वुत्तत्ता, “सुखवेदनं सन्धायेतं वुत्त”न्ति आह । सतिपट्टानभावनामनसिकारताय वुत्तं — “साधुकं मनसिकार”न्ति । सज्जानामेन पज्जा वुत्ता तेसं पयोगत्ता । मनसिकारनामेन वेदना वुत्ता, भावनाय परिचितत्ता आरम्मणस्स मनसिकारन्ति कत्वा । वितक्कविचारे ठपेत्वाति वुत्तं वचीसङ्खारत्ता तेसं ।

एवं सन्तेपीति यदिपि मनसिकारपरियापन्नताय “मनसिकारो”ति वुत्तं, एवं सन्ते वेदनानुपस्सनाभावो न युज्जति, अस्सासपस्सासा हिस्स आरम्मणं । वत्थुन्ति सुखादीनं वेदनानं पवत्तिट्ठानभूतं वत्थुं आरम्मणं कत्वा वेदनाव वेदियति, वेदनाय एकन्तभावदस्सनेन तस्स वेदनानुपस्सनाभावो युज्जति एवाति इममत्थं दस्सेति । एतस्स अनुयोगस्स ।

द्वीहाकारेहीति ये सन्धाय वुत्तं, ते दस्सेन्तो “आरम्मणतो असम्मोहतो चा”ति आह । सप्पीतिके द्वे ज्ञानेति पीतिसहगतानि पठमदुतियज्झानानि पटिपाटिया समापज्जति । समापत्तिक्खणेति समापज्जनक्खणे । ज्ञानपटिलाभेनाति ज्ञानेन समङ्गीभावेन । आरम्मणतो आरम्मणमुखेन तदारम्मणज्ञानपरियापन्ना पीति पटिसंविदिता होति आरम्मणस्स पटिसंविदितत्ता । यथा नाम सप्पपरियेसनं चरन्तेन तस्स आसये पटिसंविदिते सोपि पटिसंविदितोव होति मन्तागदबलेन तस्स गहणस्स सुकरत्ता; एवं पीतिया आसयभूते आरम्मणे पटिसंविदिते सा पीति पटिसंविदिता एव होति सलक्खणतो सामज्जलक्खणतो च तस्सा गहणस्स सुकरत्ता । विपस्सनाक्खणेति विपस्सनापज्जापुब्बङ्गमाय मग्गपज्जाय विसेसतो दस्सनक्खणे । लक्खणपटिवेधाति पीतिया सलक्खणस्स सामज्जलक्खणस्स च पटिविज्जनेन । यज्झि पीतिया विसेसतो सामज्जतो च लक्खणं, तस्मिं विदिते सा याथावतो विदिता होति । तेनाह — “असम्मोहतो पीति पटिसंविदिता होती”ति ।

इदानीं तमत्थं पाळिया विभावेतुं, “वुत्तम्पि चेत”न्तिआदि वुत्तं । तत्थ दीघं अस्सासवसेनाति दीघस्स अस्सासस्स आरम्मणभूतस्स वसेन । चित्तस्स एकगतं अविकखेपं पजानतोति ज्ञानपरियापन्नं अविकखेपोति लद्धनामं चित्तस्सेकगतं तंसम्पयुत्ताय पज्जाय पजानतो । यथेव हि आरम्मणमुखेन पीति पटिसंविदिता होति, एवं तंसम्पयुत्तधम्मापि आरम्मणमुखेन पटिसंविदिता एव होन्ति । सति उपट्ठिता होतीति दीघं अस्सासवसेन ज्ञानसम्पयुत्ता सति तस्मिं आरम्मणे

उपड्विते आरम्भणमुखेन ज्ञानेपि उपड्विता एव नाम होति । **ताय सतियाति** एवं उपड्विताय ताय सतिया यथावुत्तेन तेन **जाणेन** सुप्पटिविदितत्ता आरम्भणस्स तस्स वसेन तदारम्भणा **सा पीति पटिसंविदिता होति । अवसेसपदानिपीति** “दीघं पस्सासवसेना”ति आदिपदानिपि ।

एवं **पटिसम्भिदामग्गे** वुत्तमत्थं इमस्मिं सुत्ते योजेत्वा दस्सेतुं, “**इती**”ति आदि वुत्तं । इमिनापि योगिना मनसिकारेण पटिलभितब्बतो पटिलाभोति वुत्तं — “**ज्ञानसम्पयुत्ते वेदनासङ्घातमनसिकारपटिलाभेना**”ति ।

अस्सासपस्सासनिमित्तन्ति अस्सासपस्सासे निस्साय पटिलद्वपटिभागनिमित्तं आरम्भणं किञ्चापि करोति; सतिञ्च सम्पजञ्जच्च उपट्टपेत्वा पवत्तनतो आरम्भणमुखेन तदारम्भणस्स पटिसंविदितत्ता चित्ते चित्तानुपस्सीयेव नामेस होति । एवं चित्तानुपस्सनापि सतिसम्पजञ्जबलेनेव होतीति आह “**न ही**”ति आदि । पजहति एतेन, सयं वा पजहतीति **पहानं**, जाणं । **दोमनस्सवसेन व्यापादनीवरणं दस्सितं** तदेकद्वुभावतो । **तस्साति** नीवरणपब्बस्स । **पहानकरजाणन्ति** पजहनजाणं । **विपस्सनापरम्परन्ति** पटिपाटिया विपस्सनमाह । **समथपटिपन्नन्ति** मज्झिमसमथनिमित्तं पटिपन्नचित्तं अज्झुपेक्खति । **एकतो उपट्टानन्ति** पटिपक्खविगमेन एकभावेन उपट्टानं । **सहजातानं अज्झुपेक्खना** होतीति पग्गहनिग्गहसम्पहंसनेसु व्यापारस्स अनापज्जितत्ता आरम्भणानं अज्झुपेक्खना, “यदत्थि यं भूतं तं पजहति उपेक्खं पटिलभती”ति, एवं वुत्तअज्झुपेक्खना पवत्ताति पटिपन्ना । **केवलं नीवरणादिधम्मे**ति नीवरणादिधम्मे एव पहीने दिस्वा, अथ खो तेसं पजहनजाणम्पि याथावतो पज्जाय दिस्वा अज्झुपेक्खिता होति । वुत्तज्हेतं भगवता “धम्मापि खो, भिक्खवे, पहातब्बा, पगेव अधम्मा”ति (म० नि० १.२४०) ।

१५०. अनिच्चादिवसेन पविचिनतीति अनिच्चादिप्पकारेहि विचिनति पस्सति । **निरामिसाति** किलेसामिसरहिता । **काथिकचेतसिकदरथपटिप्पस्सद्धियाति** कायचित्तानं साधुभावूपगमनेन विक्खम्भितत्ता । सहजातधम्मानं एकसभावेन पवत्तिया सहजातअज्झुपेक्खनाय अज्झुपेक्खिता होति ।

तस्मिं काये पवत्ता कायारम्भणा **सति**, पुब्बभागियो **सतिसम्बोज्झङ्गो** । एस नयो सेसेसुपि । सोमनस्ससहगतचित्तुप्पादवसेन चेतं ओक्कमनं ओलियनं कोसज्जं, ततो अतिवत्तनं अतिधावनं उद्धच्चं, तदुभयविधुरा बोज्झङ्गुपेक्खाभूता अनोसक्कनअनतिवत्तनसङ्घाता मज्झत्ताकारता । इदानीं **यथेव** हीति आदिना तमेव मज्झत्ताकारं उपमाय विभावेति । **तुदनं वा** पतोदेन । **आकड्डनं वा** रस्मिना । **नत्थि** न कातब्बं अत्थि । **एकचित्तक्खणिकाति** एकेकस्मिं चित्ते विपस्सनावसेन सह उप्पज्जनका । **नानारसलक्खणाति** नानाकिच्चा चेव नानासभावा च ।

१५२. वुत्तथानेव सब्बासवसुत्तवण्णनायं (म० नि० अट्ठ० २७) आनापानारम्भणा अपरापरं पवत्तसतियो आरम्भणसीसेन तदारम्भणा धम्मा गहिता, ता पनेकसन्ताने लोकियचित्तसम्पयुत्ताति **लोकिया**, ता वड्डमाना **लोकियं** चतुब्बिधम्पि **सतिपट्टानं परिपूरेन्ति** । **विज्जाविमुत्तिफलनिब्बानन्ति** विमुत्तीनं फलभूतं तेहियेव वेदितब्बं किलेसनिब्बानं, अमतमहानिब्बानमेव विज्जाविमुत्तीनं अधिगमेन अधिगन्तब्बताय तथा वुत्तं । परिपूरणञ्चस्स आरम्भणं कत्वा अमतस्सानुभवनमेव । इध सुत्ते लोकियापि बोज्झङ्गा कथिता लोकुत्तरापीति एत्तकं गहेत्वा, “**इति लोकियस्स आगतट्टाने लोकियं कथितं**”न्ति च अत्थवण्णनावसेन अट्ठकथायं कथितं । **थेरोति** महाधम्मरक्खितत्थेरो । **अज्जत्थ एवं** होतीति अज्जस्मिं लोकियलोकुत्तरधम्मानं तत्थ तत्थ वोमिस्सकनयेन आगतसुत्ते एवं लोकियं आगतं, इध लोकुत्तरं आगतन्ति कथेतब्बं होति । **लोकुत्तरं उपरि आगतन्ति** विज्जाविमुत्तिं परिपूरेन्तीति एवं लोकुत्तरं उपरि देसनायं आगतं; तस्मा लोकिया एव बोज्झङ्गा विज्जाविमुत्तिं परिपूरिका कथेतब्बा लोकुत्तरानं बोज्झङ्गानं विज्जागहणेन गहितत्ता, तस्मा थेरेन

वुत्तोयेवेत्थ अत्थो गहेतब्बो । सेसं वुत्तनयत्ता सुविज्जेय्यमेव ।

आनापानस्सतिसुत्तवण्णनाय लीनत्थप्पकासना समत्ता ।

९. कायगतासतिसुत्तवण्णना

१५३-४. तप्पटिसरणानं कामावचरसत्तानं पटिसरणद्वेन गेहा कामगुणा, गेहे सिता आरब्ध पवत्तिया अल्लीनाति गेहस्सिता । सरन्तीति वेगसा पवत्तन्ति । वेगेन हि पवत्ति धावतीति वुच्चति । सङ्कप्पाति ये केचि मिच्छासङ्कप्पा, ब्यापादविहिंसासङ्कप्पादयोपि कामगुणसिता एवाति । गोचरज्झत्तस्मिंयेवाति परिगगहिते कम्मद्वाने एव वत्तन्ति । तज्झि धम्मवसेन उपट्ठिताय भावनाय गोचरभावतो “गोचरज्झत्त”न्ति वुत्तं । अस्सासपस्सासकाये गता पवत्ताति कायगता, तं कायगतासतिं । सतिसीसेन तंसहगते भावनाधम्मे वदति अस्सासपस्सासकायादिके तंतंकोट्टासे समथवत्थुभावेन परिगगहेत्वा सतिया परिगगहितत्ता; तथापरिगगहिते वा ते आरब्ध अनिच्चादिमनसिकारवसेन पवत्ता कायारम्मणा सती सतिभावेन वत्वा एकज्झं दस्सेन्तो “कायपरिगगाहिक”न्ति आदिमाह ।

सतिपट्टानेति महासतिपट्टानसुत्ते (दी० नि० २.३७८; म० नि० १.१११), चुदसविधेन कायानुपस्सना कथिता, चुण्णकजातानि अट्टिकानि परियोसानं कत्वा कायानुपस्सना निद्विद्धा, इध पन केसादीसु वण्णकसिणवसेन निब्बत्तितानं चतुन्नं ज्ञानानं वसेन उपरिदेसनाय वड्ढितत्ता अट्टारसविधेन कायगतासतिभावना ।

१५६. तस्स भिक्खुनोति यो कायगतासतिभावनाय वसीभूतो, तस्स भिक्खुनो । सम्पयोगवसेन विज्जं भजन्तीति सहजात-अज्जमज्ज-निस्सय-सम्पयुत्त-अत्थि-अविगतपच्चयवसेन विज्जं भजन्ति, तां सह एकीभावमिव गच्छन्तीति अत्थो । विज्जाभागे विज्जाकोट्टासे वत्तन्तीति विज्जासभागताय तदेकदेसे विज्जाकोट्टासे वत्तन्ति । ताहि सम्पयुत्तधम्मा फस्सादयो । ननु चेत्थ विज्जानं विज्जाभागियता न सम्भवतीति? नो न सम्भवति । याय हि विज्जाय विज्जासम्पयुत्तानं विज्जाभागियता, सा तंनिमित्ताय विज्जाय उपचरीयतीति । एका विज्जा विज्जा, सेसा विज्जाभागियाति अट्टसु विज्जासु एकं “विज्जा”ति गहेत्वा इतरा तस्सा भागताय “विज्जाभागिया”ति वेदितब्बा । सद्धिं पवत्तनसभावासु अयमेव विज्जाति वत्तब्बाति नियमस्स अभावतो विज्जाभागो विय विज्जाभागियापि पवत्तति एवाति वत्तब्बं । आपोफरणन्ति पटिभागनिमित्तभूतेन आपोकसिणेन सब्बसो महासमुदफरणं आपोफरणं नाम । दिब्बचक्खुजाणस्स किच्चं फरणन्ति कत्वा, दिब्बचक्खुअत्थं वा आलोकफरणं दिब्बचक्खुफरणन्ति दट्टब्बं । उभयस्मिम्पि पक्खे समुदङ्गमानं कुन्दीनं समुदन्तो गधत्ता तेसं चेतसा फुटता वेदितब्बा । कुन्दिग्गहणज्वेत्थ कज्जिमेव कालं सन्दित्वा तासं उदकस्स समुदपरियापन्नभावूपगमनत्ता, न बहि महानदियो विय परित्तकालट्टितिकाति ।

ओतारन्ति किलेसुप्पत्तिया अवसरं, तं पन विवरं छिद्वन्ति च वुत्तं । आरम्मणन्ति किलेसुप्पत्तिया ओलम्बनं । याव परियोसानाति मत्तिकापुज्जस्स याव परियोसाना ।

१५८. अभिज्जायाति इद्धिविधादिअभिज्जाय । सच्छिकातब्बस्साति पच्चक्खतो कातब्बस्स अधिद्वानविकुब्बनादिधम्मस्स । अभिज्जाव कारणन्ति आह — “सच्छिकिरियापेक्खाय, अभिज्जाकारणस्स पन सिद्धिया पाकटा”ति । मरियादबद्धाति उदकमातिकामुखे कता ।

युत्तयानं विय कताय इच्छितिच्छिते काले सुखेन पच्चवेक्खितब्बत्ता । पतिट्ठाकतायाति सम्पत्तीनं पतिट्ठाभावं

पापिताय । अनुप्पवत्तितायाति भावनाबहुलीकारेहि अनुप्पवत्तिताय । परिचयकतायाति आसेवनदळ्हाताय सुचिरं परिचयाय । सुसम्पग्गहितायाति सब्बसो उक्कंसं पापिताय । सुसमारद्धायाति अतिविय सम्मदेव निब्बत्तिकताय । सेसं सुविज्जेय्यमेव ।

कायगतासतिसुत्तवण्णनाय लीनत्थप्पकासना समत्ता ।

१०. सङ्घारुपपत्तिसुत्तवण्णना

१६०. सङ्घारुपपत्तिन्ति विपाकक्खन्धसज्जितानं सङ्घारानं उप्पत्तिं, निब्बत्तिन्ति अत्थो । यस्मा अवधारणं एतस्मिं पदे इच्छितब्बन्ति, “सङ्घारानयेव उपपत्ति”न्ति वत्वा तेन निवत्तितं दस्सेन्तो, “न सत्तस्सा”ति आह । तेन सत्तो जीवो उप्पज्जतीति मिच्छावादं पटिक्खपति । एवं उप्पज्जनकधम्मवसेन उप्पत्तिं दस्सेत्वा इदानीं उप्पत्तिजनकधम्मवसेनपि तं दस्सेतुं, “पुज्जाभिसङ्घारेन वा”तिआदि वुत्तं । तत्थ कामेसु पुज्जाभिसङ्घारेनपि उपपत्तिं होति, सा पन इमस्मिं सुत्ते गहिताति । पुज्जाभिसङ्घारेन वाति वा-सद्दो अवुत्तत्थापेक्खणविकप्पत्थो, अवुत्तत्थापेक्खाय पन न आगतो “आनेज्जाभिसङ्घारेना”ति । अथ वा उपपत्ति आगता, एवं किच्चं आगतं, आनेज्जाभिसङ्घारो पनेत्थ सरूपेन अनागतोपि पुज्जाभिसङ्घारगहणेनेव गहितोति दट्ठब्बं । केचि पन “पुज्जानेज्जाभिसङ्घारेना”ति पठन्ति । भवूपगक्खन्धानन्ति सुगतिभवूपगानं उपादानक्खन्धानं ।

१६१. लोकिका वट्टन्ति कम्मवट्टस्स गहणतो । भवूपपत्तिहेतुभूता ओकप्पनीयसद्दा चतुपारिसुद्धिसीलं तादिसं बुद्धवचनबाहुसच्चं आमिसपरिच्चागो कम्मस्सकताजाणं कम्मफलदिट्ठि च इमे सद्दादयो वेदितब्बा । ठपेतीति पणिदहनवसेन ठपेति । पणिदहतीति हि अयमेत्थ अत्थो । पत्तिट्ठापेतीति तत्थ सुप्पत्तिट्ठितं कत्वा ठपेति । सहपत्थनायाति, “अहो वताहं...पे०... उपपज्जेय्य”न्ति एवं पवत्तपत्थनाय सह । सद्दादयोवाति यथावुत्ता सद्दादयो एव पच्च धम्मा उपपत्तिया सङ्खरणट्ठेन सङ्घारा, तस्मा एव अज्जेहि विसिट्ठभवूपहरणट्ठेन विहारा नामाति । तस्मिं ठानेति तस्मिं उपपत्तिट्ठाने ।

पच्चधम्माव तंसमङ्गीपुग्गलो उपपत्तिं मग्गति गवेसति एतेनाति मग्गो । पटिपज्जति एतायाति पटिपदा । चेतना पनेत्थ सुद्धसङ्खारताय सद्दादिगहणेनेव गहिता, तस्मा अवधारणं कतं । उपपत्तिपक्कप्पनवसेनेव पवत्तिया पत्थनागहणेनेव तस्सा गहणन्ति केचि । चित्तकरयुत्तगतिनिब्बत्तनधम्मवसेन अवधारणस्स कतत्ता । चेतना हि नाम कम्मं, तस्सा उपपत्तिनिब्बत्तने वत्तब्बमेव नत्थि, तस्सा पन किच्चकरणा सद्दादयो पत्थना चाति इमे धम्मा सहकारिनो भवूपपत्तिया नियामका होन्तीति ततूपपत्तिया पवत्तन्तीति तेसं मग्गादिभावो वुत्तो । तेनाह “यस्स ही”तिआदि । तेन सद्दा पत्थना चाति उभये धम्मा सहिता हुत्वा कम्मं विसेसेन्ता गतिं नियमेन्तीति दस्सेति, पटिसन्धिगहणं अनियतं केवलस्स कम्मस्स वसेनाति अधिप्पायो । कामज्जेत्थ “कम्मं कत्वा”ति वुत्तं, कम्मायूहनतो पन पगेव पत्थनं ठपेतुम्पि वट्टितियेव । कम्मं कत्वाति चेत्थ “तापेत्वा भुज्जति, भुत्वा सयती”तिआदीसु विय न कालनियमो, कम्मं कत्वा यदा कदाचि पत्थनं कातुं वट्टतीति च इदं चारित्तदस्सनं विय वुत्तं । यथा हि भवपत्थना याव मग्गेन न समुच्छिज्जति, ताव अनुप्पन्नाभिनवकतूपचितस्स कम्मस्स पच्चयो होतियेव । पुन तथा विसेसपच्चयो, यथा नियमेत्वा उप्पादिता । तेन वुत्तं — “यस्स पच्च धम्मा अत्थि, न पत्थना तस्स गति अनिबद्धा”ति ।

१६५. सब्बसोवाति “इदं काळकं सामं सेतं हरितं मण्डलं अपरिमण्डलं चतुरंसं परिपुण्णं खुद्दकं महन्त”न्तिआदिना सब्बसोव पाकटं होति ।

१६७. सुन्दरोति काळकादिदोसरहितताय सोभनो । आकरसम्पन्नो सम्पन्नआकरुप्पत्तिया । धोवनादीहीति धोवनतापनमज्जनादीहि ।

१६८. लोकधातूनं सतसहस्सं अत्तनो वसे वत्तनतो सतसहस्सो । तस्स पन तत्थ ओभासकरणं पाकटन्ति आह “आलोकफरणब्रह्मा”ति । अयमेव नयो हेट्ठा “सहस्सो ब्रह्मा”ति आदीसुपि । निक्खेन कतन्ति निक्खपरिमाणेन जम्बोनदेन कतं । निक्खं पन वीसतिसुवण्णन्ति केचि । पञ्चवीसतिसुवण्णन्ति अपरे । सुवण्णं नाम चतुधरणन्ति वदन्ति । घट्टनमज्जनकखमं न होति परित्तभावतो । अतिरेकेनाति पञ्चसुवण्णअतिरेकेन निक्खप्पमाणं असम्पत्तेन । वण्णवन्तं पन न होति अविपुलताय उळारं हुत्वा अनुपट्टानतो । अवण्णवन्तताय एव फरुसधातुकं खायति । तासूति तासु भूमीसु, यत्थ साखा वट्टित्वा ठिता । तेति सुवण्णङ्कुरा । पचित्वाति तापेत्वा । सम्पहट्टन्ति समुज्जलीकतन्ति आह — “धोतघट्टितपमज्जित”न्ति, तम्बमत्तिकलेपं कत्वा धोतञ्चेव पासाणादिना घट्टितञ्च एळकलोमादिना पमज्जितञ्चाति अत्थो ।

एतदेवाति आलोकं वट्टेत्वा एत्थ आलोकफरणमेव । अथ वा यं दिब्बचक्खुफरणं, आलोकफरणम्पि एतदेव । यत्तकज्झि ठानं योगी कसिणालोकेन फरति; तत्तकं ठानं दिब्बचक्खुजाणं फुसतीति दिब्बचक्खुफरणे दस्सिते आलोकफरणं दस्सितमेवाति अत्थो । सब्बत्थाति सब्बस्मिं “फरित्वा”ति आगतट्टाने । अविनासेन्तेनाति असम्भिन्नेन ।

कसिणफरणं वियाति कसिणोभासेन फरणं विय दिस्सति उपट्टाति, मणिपभाफरणस्स विय ब्रह्मलोके धातुफरणस्स दस्सितत्ताति अधिप्पायो । सरीरपभा पन निक्खपभासदिसाति, “निक्खोपम्मे सरीरफरणं विय दिस्सती”ति वुत्तं । अट्टकथा नाम नत्थीति पाळिपदस्स अत्थवण्णनाय नाम निच्छिताय भवितब्बं, अविनिच्छिताय पन नत्थि वियाति अकथनं नाम अट्टकथाय अनाचिण्णन्ति तस्स वादं पटिक्खित्वा । यथा हि वत्तब्बं, तथा अवत्वा “विया”ति वचनं किमत्थियन्ति अधिप्पायो । बुद्धानं ब्यामप्पभा ब्यामप्पदेसे सब्बकालं अधिट्टाति विय तस्स ब्रह्मनो सरीरफरणं सरीराभाय पत्थरणं सब्बकालिकं । चत्तारिमानि इतरानि फरणानि अविनासेत्वा अज्जमज्जमभिन्दित्वा कथेतब्बं । फरणपदस्सेव वेवचनं “अधिमुच्चनेनेव फरण”न्ति । पत्थरतीति यथावुत्तं फरणवसेन पत्थरति । जानातीति अधिमुच्चनवसेन जानाति ।

१६९. आदयोति आदि-सद्देन सुभे सङ्गणहाति । आभाति दितियज्झानभूमिके देवे एकज्झं गहेत्वा साधारणतो वुत्तं । ततो सुभाति ततियज्झानभूमिके । तेनाह — “पाटियेक्का देवा नत्थी”ति आदि । साधारणतो कतायपि पत्थनाय ज्ञानङ्गं परित्तं भावितञ्चे, परित्ताभेसु उपपत्ति होति, मज्झिमञ्चे, अप्पमाणाभेसु, पणीतञ्चे, आभस्सरेसु उपपत्ति होतीति दट्ठब्बं । सुभाति एत्थापि एसेव नयो । हेट्ठा वुत्तनयेनेव सुविज्जेय्योति आह — “वेहप्फलादिवारा पाकटायेवा”ति ।

कामावचरेसु निब्बत्ततूति आदिना सब्बादीनं अज्झानविपस्सनानं कथं तदधिट्टानं होतीति आसङ्कति । इतरो सब्बादीनं अज्झानसभावत्तेपि ज्ञानविपस्सनानं अधिट्टानं निस्सयपच्चयादिवसेन सप्पच्चयत्ता ब्रह्मलोकूपपत्तिं निब्बानञ्च आवहन्तीति दस्सेन्तो, “इमे पञ्च धम्मा”ति आदिमाह । तत्थ सीलन्ति सम्भारसीलं । अनागामी समुच्छिन्नओरम्भागियसंयोजनो समानो सचे सब्बसो उपपत्तियो अतिक्कमितुं न सक्कोति, अरियभूमीसु एव निब्बत्तति यथूपचित्तज्ञानकम्मुनाति आह — “अनागामि...पे०... निब्बत्तती”ति । उपरिमग्गन्ति अगमग्गं भावेत्वा । आसवक्खयन्ति सब्बसो आसवानं खयं प्हानं पापुणाति । सेसं सुविज्जेय्यमेव ।

सङ्घारुपपत्तिसुत्तवण्णनाय लीनत्थप्पकासना समत्ता ।

निद्रिता च अनुपदवग्गवण्णना ।

३. सुञ्जतवग्गो

१. चूळसुञ्जतसुत्तवण्णना

१७६. कालपरिच्छेदं कत्वाति समापज्जन्तोहि नाम कालपरिच्छेदो कातब्बो । थेरो पन भगवतो वत्तकरणत्थं कालपरिच्छेदं करोति, “एत्तके काले वीतिवत्ते इदं नाम भगवतो कातब्ब”न्ति । सो तत्थकंयेव समापत्तिं समापज्जित्वा वुट्ठाति, तं सन्धाय वुत्तं “कालपरिच्छेदं कत्वा”ति । सुञ्जताफलसमापत्तिं अप्पेत्वाति एतेन इतरे, “न सोतापन्नसकदागामी फलसमापत्तिं समापज्जन्ती”ति वदन्ति, तं वादं पटिसेधेति । सुञ्जतोति अत्तसुञ्जतो च निच्चसुञ्जतो च सङ्खारा उपट्ठहिंसु । सेक्खानज्झि सुञ्जतापटिवेधो पादेसिको सुभसुखसञ्जानं अप्पहीनत्ता, तस्मा सो थेरो सुञ्जताकथं सोतुकामो जातो । धुरेन धुरं पहरन्तेन वियाति रथधुरेन रथधुरं पहरन्तेन विय कत्वा उज्जुमेव सुञ्जता... पे०... वत्थुं न सक्काति योजना । एकं पदन्ति एकं सुञ्जतापदं ।

पुब्बेपाहन्तिआदिना भगवा पठमबोधियम्पि अत्तनो सुञ्जताविहारबाहुल्लं पकासेतीति दस्सेन्तो “पठमबोधियम्पी”ति आह । एकोतिआदि थेरस्स सुञ्जताकथाय भाजनभावदस्सनत्थं । सोतुन्ति अट्ठिं कत्वा मनसि कत्वा सब्बचेतसा समन्नाहरित्वा सोतुम्पि । उग्गहेतुम्पिति यथाभूतं धम्मं धारणपरिपुच्छापरिचयवसेन हृदयेन उग्गहितं सुवण्णभाजने पक्खित्तसीहवसा विय अविनट्ठे कातुम्पि । कथेतुम्पीति वित्थारेन परेसं दस्सेतुम्पि सक्का । तत्थाति मिगारमातुपासादे । कट्ठरूपपोत्थकरूपचित्तरूपवसेन कताति थम्भादीसु उत्तिरित्वा कतानं कट्ठरूपानं, निव्यूहादीसु पटिमावसेन रचितानं पोत्थकरूपानं, सित्तिपस्से चित्तकम्मवसेन विरचितानं चित्तरूपानञ्च कता निद्रुपिता । वेस्सवणमन्धातादीनन्ति पटिमारूपेन कतानं वेस्सवणमन्धातुसक्कादीनं । चित्तकम्मवसेनाति आरामादिचित्तकम्मवसेन । सण्ठितम्पीति अवयवभावेन सण्ठितं हुत्वा ठितम्पि । जिण्णपटिसङ्करणत्थन्ति जिण्णानं निव्यूहकूटागारपासादावयवानं अभिसङ्करणत्थाय तस्मिं तस्मिं ठाने रहस्ससञ्जाणेन ठपितं । “परिभुज्जिस्सामी”ति तस्मिं तस्मिं किच्चे विनियुज्जनवसेन परिभुज्जितब्बस्स । एतं वुत्तन्ति, “अयं मिगारमातुपासादो सुञ्जो”तिआदिकं वुत्तं ।

निच्चन्ति सब्बकालं रत्तिञ्च दिवा च । एकभावं एकं असुञ्जतन्ति पच्चत्ते उपयोगवचनं, एकत्तं एको असुञ्जतोति अत्थो । गामोति पवत्तनवसेनाति गेहसन्निवेसवीथिचच्चरसिङ्घाटकादिके उपादाय गामोति लोकुप्पत्तिवसेन । किलेसवसेनाति तत्थ अनुनयपटिघवसेन । एसेव नयोति इमिना “पवत्तवसेन वा किलेसवसेन वा उप्पन्नं मनुस्ससज्ज”न्ति इममत्थं अतिदिसति । एत्थ च यथा गामगहणेन घरादिसज्जा सङ्गहिता, एवं मनुस्सगहणेन इत्थिपुरिसादिसज्जा सङ्गहिता । यस्मा रुक्खादिके पटिच्च अरज्जसज्जा तत्थ पब्बतवनसण्डादयो अन्तोगधा, तस्मा तत्थ विज्जमानम्पि तं विभागं अगगहेत्वा एकं अरज्जंयेव पटिच्च अरज्जसज्जं मनसि करोति । ओतरतीति अनुप्पविसति । अधिमुच्चतीति निच्छिनोति । पवत्तदरथाति तथारूपाय पस्सद्दिया अभावतो ओळारिकधम्मप्पवत्तिसिद्धा दरथा । किलेसदरथाति अनुनयपटिघसम्भवा किलेसदरथा । दुतियपदेति “ये अस्सु दरथा मनुस्ससज्जं पटिच्चा”ति इमस्मिं पदे । मनसिकारसन्तताय, — “नायं पुब्बे विय ओळारिका, धम्मप्पवत्ती”ति सङ्खारदस्सनदरथानं सुखुमता सल्लहुकता च चरितत्थाति आह “पवत्तदरथमत्ता अत्थी”ति ।

यं किलेसदरथजातं, तं इमिस्सा दरथसज्जाय न होतीति योजना । पवत्तदरथमत्तं अवसिट्ठं होति, विज्जमानमेव अत्थि

इदन्ति पजानातीति योजना । सुज्जता निब्बत्तीति सुज्जतन्ति पवन्ति । सुज्जता सहचरितञ्चि सुज्जं, इध सुज्जताति वुत्ता ।

१७७. अस्साति भगवतो एवं इदानीं वुच्चमानाकारेण चित्तप्पवन्ति अहोसि । अच्चन्तसुज्जतन्ति “परमानुत्तर”न्ति वुत्तं अरहत्तं देसेस्सामीति । अरज्जसज्जाय विसेसानधिगमनतोति, “अरज्जं अरज्ज”न्ति मनसिकारेण ज्ञानादिविसेसस्स अधिगमाभावतो, “पथवी”ति मनसिकारेण विसेसाधिगमनतो । इदानीं तमेवत्थं उपमाय विभावेतुं “यथा ही”तिआदि वुत्तं । एवं सन्तेति एवं वपिते सालिआदयो सम्पज्जन्ति । धुवसेवनन्ति नियतसेवनं पारिहारियकम्मट्ठानं । पटिच्चाति एत्थ “सम्भूत”न्ति वचनसेसो इच्छितोति आह “पटिच्च सम्भूत”न्ति । पथविं पटिच्च सम्भूता हि सज्जाति ।

पथवीकसिणे सो पथवीसज्जी होति, न पकतिपथवियं । तस्साति पथवीकसिणस्स । तेहीति गण्डादीहि । सुट्ठु विहतन्ति यथा वलीनं लेसोपि न होति, एवं सम्मदेव आकोटितं । नदीतळाकादीनं तीरप्पदेसो उदकस्स आकरट्ठेन कूलं, उन्नतभावतो उगतं कूलं वियाति उक्कूलं, भूमिया उच्चट्ठानं । विगतं कूलन्ति विक्कूलं, नीचट्ठानं । तेनाह “उच्चनीच”न्ति । एकं सज्जन्ति एकं पथवीतिसज्जंयेव ।

१८२. सतिपि सङ्खारनिमित्तविरहे यादिसानं निमित्तानं अभावेन “अनिमित्त”न्ति वुच्चति, तानि दस्सेतुं, “निच्चनिमित्तादिविरहितो”ति वुत्तं । चतुमहाभूतिकं चतुमहाभूतनिस्सितं । सळायतनपटिसंयुत्तं चक्खायतनादिसळायतनसहितं ।

१८३. विपस्सनाय पटिविपस्सनन्ति धम्मानञ्च पुन विपस्सनं । इधाति अत्तनो पच्चक्खभूतयथाधिगतमग्गफलं वदतीति आह — “अरियमग्गे चेव अरियफले चा”ति । उपादिसेसरथदस्सनत्थन्ति सब्बसो किलेसुपधिया पहीनाय खन्धोपधि अविसिट्ठा, तप्पच्चया दरथा उपादिसेसरथा, तं दस्सनत्थं । यस्मा विसयतो गामसज्जा ओळारिका, मनुस्ससज्जा सुखुमा, तस्मा मनुस्ससज्जाय गामसज्जं निवत्तेत्वा । यस्मा पन मनुस्ससज्जापि सभागवत्थुपरिग्गहतो ओळारिका, सभागवत्थुतो अरज्जसज्जा सुखुमा, तस्मा अरज्जसज्जाय मनुस्ससज्जं निवत्तेत्वा । पथवीसज्जादिनिवत्तने कारणं हेट्ठा सुत्तन्तरेसु च वुत्तमेव । अनुपुब्बेनाति मग्गप्पटिपाटिया । निच्चसारादीनं सब्बसो अवत्थुताय अच्चन्तमेव सुज्जता अच्चन्तसुज्जता ।

१८४. सुज्जतफलसमापत्तिन्ति सुज्जतविमोक्खस्स फलभूतत्ता, सुज्जतानुपस्सनाय वसेन समापज्जितब्बत्ता च सुज्जतफलसमापत्तिन्ति लद्धनामं अरहत्तफलसमापत्तिं । यस्मा अतीते पच्चेकसम्बुद्धा अहेसुं, अनागते भविस्सन्ति, इदानीं पन बुद्धसासनस्स धरमानत्ता पच्चेकबुद्धा न वत्तन्ति, तस्मा पच्चेकबुद्धगहणं अकत्वा, “एतरहिपि बुद्धबुद्धसावकसङ्घाता”इच्चेव वुत्तं । न हि बुद्धसासने धरन्ते पच्चेकबुद्धा भवन्ति । सेसं सुविज्जेय्यमेव ।

चूळसुज्जतसुत्तवण्णनाय लीनत्थप्पकासना समत्ता ।

२. महासुज्जतसुत्तवण्णना

१८५. छविवण्णेन सो काळो, न नामेन । पलालसन्थारोति आदीनीति आदि-सद्देन कोच्छचिमिलिकाकटसारादीनं गहणं । गणभिक्षूनन्ति गणबन्धनवसेन भिक्षून् ।

यदि संसयो नाम नत्थि, “सम्बहुला नु खो”ति इदं कथन्ति आह “**वितक्कपुब्बभागा**”तिआदि । तत्थ वितक्को पुब्बभागो एतिस्साति **वितक्कपुब्बभागा, पुच्छा** । सा “सम्बहुला नो एत्थ भिक्खूविहरन्ती”ति वचनं, वितक्को पन “सम्बहुला नु खो इध भिक्खू विहरन्ती”ति इमिना आकारेन तदा भगवतो उप्पन्नो चित्तसङ्कप्पो, तस्स परिवितक्कस्स तब्भावजोतनोयं नु-कारो वुत्तोति दस्सेन्तो आह — “**वितक्कपुब्बभागे चायं नु-कारो निपातमत्तो**”ति । किञ्चापि गच्छन्तो दिस्वा, “सम्बहुला नो एत्थ भिक्खू विहरन्ती”ति पुच्छावसेन भगवता वुत्तो, अथ खो “न खो, आनन्द, भिक्खु सोभति सङ्गणिकारामो”तिआदि (म० नि० ३.१८५) उपरिदेसनावसेन मत्थकं गच्छन्ते अविनिच्छितो नाम न होति, अथ खो विसुं विनिच्छितो एव होति, दिस्वा निच्छितित्वाव कथासमुद्वापनत्थं तथा पुच्छति । तथा हि वुत्तं — “जानन्तापि तथागता पुच्छन्ती”ति (पारा० १६) । तेनाह “**इतो किरा**”तिआदि ।

यथा नदीओतिण्णं उदकं यथानिन्नं पक्खन्दति, एवं सत्ता धातुसो संसन्दन्ति, तस्मा “**गणवासो नदीओतिण्णउदकसदिसो**”ति वुत्तं । इदानीं तमत्थं वित्थारतो दस्सेतुं — “**निरयतिरच्छानयोनी**”तिआदि वुत्तं । कुरुविन्दादिन्हानीयचुण्णानि सण्हसुखुमभावतो नाळियं पक्खित्तानि निरन्तरानेव तिष्ठन्तीति आह — “**चुण्णभरिता नाळि विया**”ति । **सत्तपण्णास कुलसतसहस्सानीति** सत्तसतसहस्साधिकानि पज्जास कुलानयेव सतसहस्सानि, मनुस्सानं पन वसेन सत्त कोटियो तदा तत्थ वसिंसु ।

ततो चिन्तेसि, कथं? कामज्जायं लोकपकति, मय्हं पन सासने अयुत्तोव सोति आह — “**मया**”तिआदि । **धम्मन्ति** सभावसिद्धं । **संवेगोति** सहोत्तप्पजाणं वुच्चति । **न खो पनेतं सक्का** गिलानुपट्टानओवादानुसासनिआदिवसेन समागमस्स इच्छितब्बत्ता । **गणभेदनन्ति** गणसङ्गणिकाय विवेचनं ।

१८६. कतपरिभण्डन्ति पुब्बे कतसंविधानस्स चीवरस्स वुत्ताकारेन पटिसङ्खरणं । **नोति** अम्हाकं । **अनत्तमनोति** अनाराधितचित्तो ।

सकगणेन सहभावतो **सङ्गणिका**ति आह “**सकपरिससमोधान**”न्ति । **गणोति** पन इध जनसमूहोति वुत्तं “**नानाजनसमोधान**”न्ति । **सोभति** यथानुसिद्धं पटिपज्जमानतो । कामतो निक्खमतीति **निक्खमो**, एवं निक्खमवसेन उप्पन्नं **सुखं** । गणसङ्गणिकाकिलेससङ्गणिकाहि पविवित्ति **पविवेको** । पविवेकवसेन उप्पन्नं **सुखं** । रागादीनं उपसमावहं **सुखं उपसमसुखं** । मगसम्बोधावहं **सुखं सम्बोधिसुखं** । निकामेतब्बस्स, निकामं वा लाभी **निकामलाभी** । निदुक्खं सुखेनेव लभतीति **अदुक्खलाभी** । कसिरं वुच्चति अप्पकन्ति आह — “**अकसिरलाभीति विपुललाभी**”ति ।

सामायिकन्ति समये किलेसविमुच्चनं अच्चन्तमेवाति सामायिकं म-कारे अ-कारस्स दीघं कत्वा । तेनाह — “**अप्पितप्पितसमये किलेसेहि विमुत्त**”न्ति । **कन्तन्ति** अङ्गसन्तताय आरम्मणसन्तताय च कमनीयं मनोरम्मं । **असामायिकं** अच्चन्तविमुत्तं ।

एत्तावतातिआदिना सङ्गणिकारामस्स विसेसाधिगमस्स अन्तरायिकभावं अन्वयतो ब्यतिरेकतो च सह निदस्सनेन दस्सेति । तत्थ सा दुविधा अन्तरायिकता वोदानधम्मानं अनुप्पत्तिहेतुका, संकिलेसधम्मानं उप्पत्तिहेतुका च ।

ते पठमं “सङ्गणिकारामो”तिआदिना विभावेत्वा इतरं विभावेतुं, “**इदानीं दोसुप्पत्तिं दस्सेन्तो**”तिआदि वुत्तं । “अट्ठिञ्च पटिच्च न्हारुञ्च पटिच्च चम्मञ्च पटिच्च मंसञ्च पटिच्च आकासो परिवारितो रूपन्त्वेव सङ्खं

गच्छती'ति आदीसु (म० नि० १.३०६) विय इध रूपसद्वो करजकायपरियायोति “रूपन्ति सरीर”न्ति आह । “नाहं, आनन्द...पे०... दोमनस्सुपायासा”ति कस्मा वुत्तं? ननु काये च जीविते च अनपेक्खचित्तानं आरब्धविपस्सकानम्पि असप्पायवज्जनसप्पायसेवनवसेन कायस्स परिहरणं होतीति? सच्चं, तं पन यो कल्लसरीरं निस्साय धम्मसाधनाय अनुयुज्जितुकामो होति, तस्सेव धम्मसाधनतावसेन । धम्मसाधनभावज्झि अपेक्खित्वा असप्पायं वज्जेत्वा सप्पायवसेन पोसेत्वा सुदुतरं हुत्वा अनुयुज्जनतो कायस्स परिहरणं, न सो काये अभिरतो नाम होति पच्चवेक्खणायत्तत्ता अपेक्खाय विनोदितब्बो तादिसोति । **उपालिगहपतिनो**ति एत्थापि “दसबलसावकत्तुपगमनसङ्घातेना”ति आनेत्वा योजेतब्बं ।

१८७. महाकरुणावसेन परिवुताय **परिसाय मज्झे निसिन्नोपि** एकन्तविवेकज्झासयत्ता **एककोव** । एतेन सत्थुनो पविचित्तस्स पविवेकत्तेन विवित्तं दस्सेति । रूपारूपपटिभागनिमित्तेहि निवत्तनत्थं “रूपादीनं सङ्घतनिमित्तान”न्ति वुत्तं । अतिविय सन्ततरपणीततमभावेन विसेसतो सिनोति बन्धतीति **विसयो**, सो एव ससन्ततिपरियापन्नताय **अज्झत्तं** । किं पन तन्ति आह — “**सुज्जतन्ति सुज्जतफलसमापत्ति**”न्ति । उपधिविवेकताय असङ्घता धातु इध विवेकोति अधिप्पेतोति आह — “**विवेकनिन्नेना**”ति आदि । भङ्गमत्तम्पि असेसेत्वा आसवद्वानियानञ्च धम्मानं तत्थ विगतत्ता तेसं वसेन **विगतन्तेन**, एवंभूतं तेसं ब्यन्तिभावं पत्तन्ति पाळियं “**ब्यन्तिभूतेना**”ति वुत्तं । उय्योजनं विस्सज्जनं, तं एतस्स अत्थि, उय्योजेति विस्सज्जेतीति वा उय्योजनिकं । यस्मा न सब्बकथा उय्योजनवसेनेव पवत्तति, तस्मा वुत्तं “**उय्योजनिकपटिसंयुत्त**”न्ति ।

तेलपाकं गणहन्तो वियाति यथा तेलपाको नाम परिच्छिन्नकालो न अतिक्कमितब्बो, एवं अत्तनो समापत्तिकालं अनतिक्कमित्वा । यथा हि कुसलो वेज्जो तेलं पचन्तो तं तं तेलकिच्चं चिन्तेत्वा यदि वा पत्थिन्नपाको, यदि वा मज्झिमपाको, यदि वा खरपाको इच्छितब्बो, तस्स कालं उपधारेत्वा पचति, एवं भगवा धम्मं देसेन्तो वेनेय्यानं जाणपरिपाकं उपधारेत्वा तं तं कालं अनतिक्कमित्वा धम्मं देसेत्वा परिसं उय्योजेन्तो च **विवेकनिन्नेनेव चित्तेन उय्योजेति** । द्वे **पञ्चविज्जाणानिपि** तदभिनीहतमनोविज्जाणवसेन **निब्बाननिन्नेनेव** । बुद्धानज्झि सङ्घारानं सुदु परिज्जातताय पणीतानम्पि रूपादीनं आपाथगमने पगेव इतरेसं पटिकूलताव सुपाकटा हुत्वा उपट्ठाति, तस्मा घम्माभितत्तस्स विय सीतजलद्वाननिन्नता निब्बाननिन्नमेव चित्तं होति, तस्स अतिविय सन्तपणीतभावतो ।

१८८. **अज्झत्तमेवा**ति इध ज्ञानारम्भणं अधिप्पेतन्ति आह “**गोचरज्झत्तमेवा**”ति । इध **नियकज्झत्तं** सुज्जत्तं । अपगुणपादकज्झानज्झि एत्थ “**नियकज्झत्तं**”न्ति अधिप्पेतं विपस्सनाविसेसस्स अधिप्पेतत्ता, **नियकज्झत्तं** निज्जीवनस्सत्तं, अनत्ततन्ति अत्थो । **असम्पज्जनभावजाननेना**ति इदानीं मे कम्मद्वानं वीथिपटिपन्नं न होति, उप्पथमेव पवत्ततीति जाननेन ।

कस्मा पनेत्थ भगवता विपस्सनाय एव पादके ज्ञाने अवत्वा पादकज्झानं गहितन्ति आह — “**अप्पगुणपादकज्झानतो**”ति आदि । न **पक्खन्दति** सम्मा न समाहितत्ता । सो पन “अज्झत्तधम्मा मय्हं निज्जटा निगुम्बा हुत्वा न उपट्ठहन्ति, हन्दाहं बहिद्वाधम्मे मनसि करेय्यं एकच्चेसु सङ्घारेसु उपट्ठितेसु इतरेपि उपट्ठहेय्यमेवा”ति **परस्स...पे०... मनसि करोति** । पादकज्झानवसेन विय सम्मसितज्झानवसेनपि उभतोभागविमुत्तो होतियेवाति आह — “**अरूपसमापत्तियं नु खो कथन्ति आनेज्जं मनसि करोती**”ति । न मे **चित्तं पक्खन्दतीति** मय्हं विपस्सनाचित्तं वीथिपटिपन्नं हुत्वा न वहतीति । **पादकज्झानमेवा**ति विपस्सनाय पादकभूतमेव ज्ञानं । **पुनप्पुनं मनसि कातब्बन्ति** पुनप्पुनं समापज्जितब्बं विपस्सनाय तिक्खविसदतापादनाय । **अवहन्ते** निपुणाभावेन छेदनकिरियाय अप्पवत्तन्ते ।

समापज्जित्वा विपस्सनाय तिव्खकम्मकरणं समथविपस्सनाविहारेणाति आह — “कम्मट्टाने मनसिकारो वहती”ति ।

१८९. सम्पज्जति मेति वीथिपटिपत्तिया पुब्बेनापरं विसेसाभावतो सम्पज्जति मे कम्मट्टानन्ति जाननेन । इरियापथं अहापेत्वाति यथा परिस्समो नागच्छति, एवं अत्तनो बलानुरूपं तस्स कालं नेत्वा पमाणमेव पवत्तनेन इरियापथं अहोपेत्वा । सब्बवारेसूति ठाननिसज्जासयनवारेसु । कथावारेसु पन विसेसं तत्थ तत्थ वदन्ति । इदं वुत्तन्ति इदं, “इमिना विहारेना”ति आदिवचनं वुत्तं ।

१९०. कामवितक्कादयो ओळारिककामरागव्यापादसभागाति आह — “वितक्कपहानेन द्वे मग्गे कथेत्वा”ति । कामगुणेसूति निद्धारणे भुम्मं । किस्मिञ्चिदेव किलेसुप्पत्तिकारणेति तस्स पुग्गलस्स किलेसुप्पत्तिकारणं सन्धाय वुत्तं, अज्जथा सब्बेपि पच्च कामगुणा किलेसुप्पत्तिकारणमेव । समुदाचरतीति समुदाचारोति आह “समुदाचरणतो”ति । सो पन यस्मा चित्तस्स, न सत्तस्स, तस्मा वुत्तं पाळियं “चेतसो”ति । म-कारो पदसन्धिकरो ए-कारस्स च अकारो कतोति आह “एवं सन्ते एतन्ति ।

१९१. अनुसयोति मानानुसयो भवरागानुसयो अविज्जानुसयोति तिविधोपि अनुसयो पहीयति अरहत्तमग्गेन । वुत्तनयेनेवाति, “ततो मग्गानन्तरं फलं, फलतो वुट्ठाय पच्चवेक्खमानो पहीनभावं जानाति, तस्स जाननेन सम्पज्जानो होती”ति वुत्तनयेन ।

कुसलतो आयातीति आयतो, सो एतेसन्ति कुसलायतिका । तेनाह “कुसलतो आगता”ति । तं पन नेसं कुसलायतिकत्तं उपनिस्सयवसेन होति सहजातवसेनपीति तदुभयं दस्सेतुं, “सेय्यथिद”न्ति आदि वुत्तं ।

यस्मा पन यथावुत्तधम्मेसु केचि लोकिया, केचि लोकुत्तरा; अथ कस्मा विसेसेन “लोकुत्तरा”ति वुत्तन्ति आह — “लोके उत्तरा विसिट्ठा”ति । तेन लोकियधम्मेसु उत्तमभावेन ज्ञानादयो लोकुत्तरा वुत्ता, न लोकस्स उत्तरणतोति दस्सेति । यं किञ्चि महग्गतचित्तं मारस्स अविसयो अकामावचरत्ता, पगेव तं विपस्सनाय पादकभूतं सुविक्खालितमलन्ति आह — “जानितुं न सक्कोती”ति । एको आनिसंसो अत्थि भावनानुयोगस्स सप्पायधम्मकथापटिलाभो ।

१९२. एतदत्थन्ति केवलस्स सुतस्स अत्थाय । सप्पायासप्पायवसेनाति कस्मा वुत्तं? ननु सप्पायवसेन दसकथावत्थूनि आगतानीति? सच्चमेतं, असप्पायकथावज्जनपुब्बिकाय सप्पाय कथाय वसेन आगतत्ता “सप्पायासप्पायवसेन आगतानी”ति वुत्तं । सुतपरियत्तिवसेनाति सरूपेन तत्थ अनागतानिपि दसकथावत्थूनि सुत्तगेय्यादिअन्तोगधत्ता, “सुतपरियत्तिवसेन आगतानी”ति वुत्तं । परिपूरणवसेन सरूपतो आगतत्ता इमस्मिं ठाने ठत्वा कथेतब्बानि । अत्थोति सामज्जत्थो ।

१९३. अनुआवत्तन्तीति अनुअनु अभिमुखा हुत्वा वत्तन्ति, पयिरुपासनादिवसेन अनुकूलयन्ति । मुच्छनतण्हन्ति पच्चयेसु मुच्छनाकारं । तण्हाय पत्थना नाम तेनाकारेन पवत्तीति आह — “पत्थेति पवत्तेती”ति । किलेसूपद्वेनाति किलेससङ्घातेन उपद्वेन । किलेसा हि सत्तानं महानत्थकरणतो “उपद्वो”ति वुच्चन्ति । अत्तनो अब्भन्तरे उप्पन्नेन किलेसूपद्वेन अन्तेवासिनो, उपद्वो अन्तेवासूपद्वो, ब्रह्मचरियस्स उपद्वो ब्रह्मचारूपद्वोति इममत्थं “सेसुपद्वेसुपि एसेव नयो”ति इमिना अतिदिसति । गुणमरणं कथितं, न जीवितमरणं ।

अप्पलाभाति अप्पमत्तकलाभी विसेसानं । एवं वुत्तोति यथावुत्तब्रह्मचारुपद्वो दुक्खविपाकतरो चेव कटुकविपाकतरो चाति एवं वुत्तो । आचरियन्तेवासिकूपद्वो हि बाहिरकसमयवसेन वुत्तो, ब्रह्मचारुपद्वो पन सासनवसेन । दुरक्खाते हि धम्मविनये दुप्पटिपत्ति न महासावज्जा मिच्छाभिनिवेसस्स सिथिलवायामभावतो; स्वाख्याते पन धम्मविनये दुप्पटिपत्ति महासावज्जा महतो अत्थस्स बाहिरभावकरणतो । तेनाह “सासने पना”तिआदि ।

१९६. तस्माति इदं पुब्बपरापेक्खं पुरिमस्स च अत्थस्स कारणभावेन पच्चासन्नन्ति आह “यस्मा”तिआदि । मित्तं एतस्स अत्थीति मित्तवा, तस्स भावो मित्तवता, ताय । मित्तवसेन पटिपज्जनन्ति आह “मित्तपटिपत्तिया”ति । सपत्तवतायाति एत्थापि एसेव नयो ।

दुक्कटदुब्भासितमत्तम्पीति इमिना पगेव इतरं वीतिक्कमन्तोति दस्सेति । सावकेसु हितपरक्कमनं ओवादानुसासनीहि पटिपज्जनन्ति आह — “तथा न पटिपज्जिस्सामी”ति । आमकमत्तन्ति कुलालभाजनं वुच्चति । नाहं तुम्हेसु तथा पटिपज्जिस्सामीति कुम्भकारो विय आमकभाजनेसु अहं तुम्हेसु केवलं जानापेन्तो न पटिपज्जिस्सामि । निग्गण्हित्वाति नीहरित्वा । लोकियगुणापि इध सारोत्वेव अधिप्पेता लोकुत्तरगुणानं अधिद्वानभावतो । सेसं सुविज्जेय्यमेव ।

महासुज्जतसुत्तवण्णनाय लीनत्थप्पकासना समत्ता ।

३. अच्छरियब्भुतसुत्तवण्णना

१९७. विभत्तिपतिरूपका च निपाता होन्तीति यथारहं तंतंविभत्तिअत्थदीपका, इध पच्चत्तवचनो यत्रसद्वो, हिसद्वो हेतुअत्थो, नामसद्वो अच्छरियत्थो, पदत्तयस्स पन अच्छरियत्थनिद्विद्वताय “अच्छरियत्थे निपातो”ति वुत्तं । एकंसतो पनेतं पदत्तयं । तथा हि वक्खति, “यत्राति निपातवसेन अनागतवचन”न्ति । पपञ्चसद्वो हेट्ठा वुत्तो । छिन्नवटुमेति इमिना सब्बकिलेसवटुस्स अकुसलकम्मवटुस्स च छिन्नत्ता विपाकवटुस्स च उपरि वक्खमानत्ता आह — “वटुमन्ति कुसलाकुसलकम्मवटुं वुच्चती”ति । निपातवसेन यत्रसद्वयोगेन । अनागतवचनन्ति इदं अनागतवचनसदिसत्ता वुत्तं । अनागतत्थवाची हि अनागतवचनं, अत्थो चेत्थ अतीतोति । अनुस्सरीति इदं अनुस्सरितभावं सन्धाय वुत्तं — “न अनुस्सरिस्सती”ति सद्वपयोगस्स अतीतविसयत्ता । यदा पन तेहि भिक्खूहि या कथा पवत्तिता, ततो पच्छापि भगवतो तेसं बुद्धानं अनुस्सरणं होतियेव ।

खत्तियजच्चातिआदिकालतो पट्टाय असम्भिन्नाय खत्तियजातिया उदितोदिताय । ब्रह्मजच्चाति ब्राह्मणजच्चा । एवंगोत्तेपि एसेव नयो । लोकियलोकुत्तरसीलेनाति पारमितासम्भूतेन बुद्धावेणिकत्ता अनज्जसाधारणेन लोकियेन लोकुत्तरेन च सीलेन । एवंसीलाति अनवसेससीलानं विसुं पच्चवेक्खणकरणेन एवंसीलाति अनुस्सरिस्सति । एस नयो सेसेसु । यथा विज्जाभागिया विज्जासम्पयुत्तधम्मा, एवं समाधिपक्खा समाधिसम्पयुत्तधम्मापि सतिवीरियादयोति आह — “हेट्ठा समाधिपक्खानं धम्मानं गहितत्ता विहारो गहितोवा”ति । तस्मा समाधिपक्खधम्मविनिमुत्तो एव इध विहारो अधिप्पेतोति वुत्तं “इदं ही”तिआदि ।

यथा वा अट्टसमापत्तिविपस्सनामगगफलसङ्गहिता लोकियलोकुत्तरा समाधिपज्जा “एवंधम्मा एवंपज्जा”ति पदेहि हेट्ठा गहितापि यथासकं पटिपक्खतो मुच्चनस्स पवत्तिविसेसं उपादाय “एवंविमुत्ता”ति एत्थ पुन गहिता, तथा “एवंधम्मा”ति

एत्थ गहितापि समाधिपक्खधम्मा दिब्बब्रह्म आनेज्ज अरियविहारसङ्घातं अत्तनो पवत्तिविसेसं उपादाय,
 “एवंविहारी”ति एत्थ पुन गहिताति वुच्चमाने न कोचि विरोधो । फलधम्मानं पवत्तिकालेपि किलेसानं पटिप्पस्सद्धि न
 तं आनुभावजाता, अथ खो अरियमग्गेन किलेसानं समुच्छिन्नत्ताति आह — “मगगानुभावेन किलेसानं पटिप्पस्सद्धन्ते
 उप्पन्नत्ता”ति । यो यं पजहति, सो पहायको पहातब्बतो विमुत्तोति वुच्चति विसंसङ्गभावतोति पहानविभागेन वुच्चमाने
 अपहायकस्स निब्बानस्स कथं विमुत्तता? विसंसङ्गभावतो एव । तज्झि पकतियाव सब्बसो किलेसेहि विसंसङ्गं विनिस्सटं
 सुविदूरविदूरे ठितं, तस्मास्स ततो निस्सटत्ता निस्सरणविमुत्ति निस्सरणपहानन्ति वुच्चतीति आह “निब्बान”न्ति आदि ।

१९९. इमे तथागतस्स अच्छरियअब्भुतधम्मा, न सावकविसया, मम पन देसना तथा सुता एवाति ते थेरस्सेव भारं
 करोन्तो, “तं भिय्योसोमत्ताय पटिभन्तू”ति आह । सतो सम्पजानोति एत्थ कालभेदवसेन लब्धमानम्पि सम्पजानभावं
 अनामसित्वा गतिविभागेन तं दस्सेतुं, “द्वे सम्पजज्जानी”ति आदि वुत्तं — अट्ट वरे गणहन्तोति एत्थ कथं वरं देवता देति,
 परस्स दीयमानञ्च तं कथं परस्स समिज्झतीति? कम्मबलेनेव । यदि हि तं कम्मं कतोकासं यस्स तदपदेसेन फलं
 विपच्चति, एवं देवताय तस्स वरं दिन्नं, इतरेन च लब्धन्ति वोहारो होतीति । अपिच परस्स पत्थितवरानि नाम
 विपच्चमानस्स कम्मस्स पच्चयभूतो पयोगविसेसोति दट्टब्बं । तानि विपच्चने एकन्तिकानिपि अप्पेसक्खा देवता —
 “अयमस्स पत्थना समिज्झिस्सति, नो”ति न जानन्ति, सक्को पन पज्जवा तानि एकच्चं जानातियेव । तेन वुत्तं —
 “सक्केन पसीदित्वा दिन्ने अट्ट वरे गणहन्तो”ति आदि ।

पठमजवनवारेति उप्पन्नस्स सब्बपठमजवनवारे । सो हि पटिसन्धिया आसन्नभावतो अविसदो होति, देवभावे
 निकन्तिवसेन उप्पज्जनतो न जानाति । अज्जाहि देवताहि असाधारणजाननं होति दुतियजवनवारतो पट्टाय पवत्तनतो ।

अज्जेपि देवाति आदिना बोधिसत्तस्स तत्थ सम्पजज्जेनेव ठितभावं व्यतिरेकमुखेन विभावेति । आहारूपच्छेदेन
 कालङ्करोन्तीति इदं खिड्ढापदोसिकवसेन वुत्तं । इतरेसम्पि दिब्बभोगेहि मुच्छिततं अज्जापन्नानं तिड्ढन्तानं सम्पजज्जाभावो
 होतियेव । किं तथारूपं आरम्मणं नत्थीति यथारूपं उळारं पणीतञ्च आरम्मणं पटिच्च ते देवा संमुच्छिता
 आहारूपच्छेदम्पि करोन्ति, किं तथारूपं उळारं पणीतञ्च आरम्मणं बोधिसत्तस्स नत्थीति बोधिसत्तस्स सम्पजज्जानुभावं
 विभावेतुं चोदनं समुट्ठापेति? बोधिसत्तो हि यत्थ यत्थ निब्बत्तति, तत्थ तत्थ अज्जे सत्ते दसहि विसेसेहि अधिगणहाति,
 पगेव तत्थ देवभूतो, तथापि “सतो सम्पजानो”ति अयमेत्थ अच्छरियधम्मो वुत्तो ।

२००. सम्पत्तिभवे दीघायुक्ता नाम पज्जाबलेन होति, बोधिसत्तो च महापज्जो, तस्मा तत्थ तत्थ भवे तेन दीघायुकेन
 भवितव्वन्ति अधिप्पायेन, “सेसत्तभावेसु किं यावतायुकं न तिड्ढती”ति चोदेति । इतरो “आम न तिड्ढती”ति
 पटिजानित्वा, “अज्जदा ही”ति आदिना तत्थ कारणमाह । “इध न भविस्सामी”ति अधिमुच्चनवसेन कालकिरिया
 अधिमुत्तिकालकिरिया । पारमिधम्मानज्झि उक्कंसप्पत्तिया तस्मिं तस्मिं अत्तभावे अभिज्जासमापत्तीहि सन्तानस्स
 विसेसितत्ता अत्तसिनेहस्स तनुभावेन सत्तेसु च महाकरुणाय उळारभावेन अधिद्वानस्स तिक्खविसदभावापत्तिया
 बोधिसत्तानं अधिप्पाया समिज्झन्ति, चित्ते विय कम्मेसु च तेसं वसिभावो, तस्मा यत्थुपपन्नानं पारमियो सम्मदेव
 परिब्रूहेन्ति, वुत्तनयेन कालं कत्वा तत्थ उपपज्जन्ति । तथा हि अयं महासत्तो इमस्मियेव कप्पे नानाजातीसु अपरिहीनज्झानो
 कालं कत्वा ब्रह्मलोके निब्बत्तो अप्पकमेव कालं तत्थ ठत्वा ततो चवित्वा इध निब्बत्तो । तेनाह — “अयं कालकिरिया
 अज्जेसं न होती”ति । सब्बपारमीनं पूरितत्ताति इमिना पयोजनाभावतो तत्थ ठत्वा अधिमुत्तिकालकिरिया नाम न
 होतीति दस्सेति । अपिच चरिमभवे चतुमहानिधिसमुट्ठानपुब्बिकाय दिब्बसम्पत्तिसदिसाय महासम्पत्तिया निब्बत्ति विय

बुद्धभूतस्स असदिसदानादिवसेन अनज्जसाधारणलाभुप्पत्ति विय च इतो परं महापुरिसस्स दिब्बसम्पत्तिअनुभवनं नाम नत्थीति यावतायुकट्ठानं उस्साहजातस्स पुज्जसम्भारस्स वसेनाति दट्ठब्बं । अयज्हेत्थ धम्मता ।

मनुस्सगणनावसेन, न देवगणनावसेन । **पुब्बनिमित्तानीति** चुतिया पुब्बनिमित्तानि । **अमिलायित्वाति** एत्थ **अमिलातग्गहणेनेव** तासं मालानं वण्णसम्पदापि गन्धसम्पदापि सोभासम्पदापि दस्सिताति दट्ठब्बं । बाहिरब्भन्तरानं रजोजल्लानं लेसस्सपि अभावतो देवानं सरीरगतानि वत्थानि सब्बकालं परिसुद्धपभस्सरानेव हुत्वा तिट्ठन्तीति आह “**वत्थेसुपि एसेव नयो**”ति । **नेव सीतं न उण्हन्ति** यस्स सीतस्स पतीकारवसेन अधिकं सेवियमानं उण्हं, सयमेव वा खरतरं हुत्वा अधिभवन्तं सरीरे सेदं उप्पादेय्य, तादिसं नेव सीतं न उण्हं होति । **तस्मिं कालेति** यथावुत्ते मरणासन्नकाले । **बिन्दुबिन्दुवसेनाति** मुत्तगुळिका विय बिन्दु बिन्दु हुत्वा सेदा मुच्चन्ति । दन्तानं खण्डितभावो **खण्डिच्चं** । केसानं पलितभावो **पालिच्चं** । **आदि-सद्देन** वलित्तचतं सङ्गण्हाति । **किलन्तरूपो अत्तभावो होति**, न पन खण्डिच्चपालिच्चादीहीति अधिप्पायो । **उक्कण्ठिताति** अनभिरति, सा नत्थि उपरूपरि उळारुळारानमेव भोगानं विसेसतो रुचिजनकानं उपतिट्ठनतो ।

पण्डिता एवाति बुद्धिसम्पन्ना एव देवता । यथा देवता “सम्पत्ति जाता कीदिसेन पुज्जकम्मेन इध निब्बत्ता”ति चिन्तेत्वा, “इमिना नाम पुज्जकम्मेन इध निब्बत्ता”ति जानन्ति, एवं अतीतभवे अत्तना कतं एकच्चं अज्जम्पि पुज्जं जानन्तियेव महापुज्जाति आह — “**ये महापुज्जा**”तिआदि ।

न पज्जायन्ति चिरतरकालत्ता परमायुनो । **अनिय्यानिक्कन्ति** न निय्यानावहं सत्तानं अभाजनभावतो । सत्ता न परमायुनो होन्ति नाम पापुस्सन्नतायाति आह — “**तदा हि सत्ता उस्सन्नकिलेसा होन्ती**”ति । एत्थाह — “कस्मा सम्बुद्धा मनुस्सलोके एव उप्पज्जन्ति, न देवब्रह्मलोकेसू”ति । देवलोके ताव नुप्पज्जन्ति ब्रह्मचरियवासस्स अनोकासभावतो तथा अनच्छरियभावतो । अच्छरियधम्मा हि बुद्धा भगवन्तो, तेसं सा अच्छरियधम्मता देवत्तभावे ठितानं न पाकटा होति यथा मनुस्सभूतानं । देवभूते हि सम्मासम्बुद्धे दिस्समानं बुद्धानुभावं देवानुभावतोव लोको दहति, न बुद्धानुभावतो, तथा सति सम्मासम्बुद्धे नाधिमुच्चति न सम्पसीदति इस्सरकुत्तगाहं न विस्सज्जेति, देवत्तभावस्स च चिरकालपवत्तनतो एकच्चसस्सतवादतो न परिमुच्चति । “**ब्रह्मलोके नुप्पज्जन्ती**”ति एत्थापि एसेव नयो । सत्तानं तादिसगाहविमोचनत्थज्झि बुद्धा भगवन्तो मनुस्ससुगतियंयेव उप्पज्जन्ति; न देवसुगतियं, मनुस्ससुगतियं उप्पज्जन्तापि ओपपातिका न होन्ति, सति च ओपपातिकूपपत्तियं वुत्तदोसानतिवत्तनतो । धम्मवेनेय्यानं अत्थाय धम्मतन्तिया ठपनस्स विय धातुवेनेय्यानं अत्थाय धातूनं ठपनस्स इच्छितब्बत्ता च । न हि ओपपातिकानं परिनिब्बानतो उद्धं सरीरधातुयो तिट्ठन्ति, तस्मा न ओपपातिका होन्ति, चरिमभवे च महाबोधिसत्ता, मनुस्सभावस्स पाकटकरणाय दारपरिगहम्पि करोन्ता याव पुत्तमुखदस्सना अगारमज्झे तिट्ठन्ति । परिपाकगतसीलनेक्खम्मपज्जादिपारमिकापि न अभिनिक्खमन्ति, किं वा एताय कारणचिन्ताय? सब्बबुद्धेहि आचिण्णसमाचिण्णा, यदिदं मनुस्सभूतानंयेव अभिसम्बुज्झना, न देवभूतानन्ति अयमेत्थ धम्मता । तथा हि तदत्थो महाभिनीहारोपि मनुस्सभूतानंयेव इज्झति, न इतरेसं ।

कस्मा पन सम्मासम्बुद्धा जम्बुदीपेयेव उप्पज्जन्ति, न सेसदीपेसूति? केचि ताव आहु — “यस्मा पथविया नाभिभूता बुद्धानुभावसहिता अचलट्टानभूता बोधिमण्डभूमि जम्बुदीपेयेव उप्पज्जति, तस्मा जम्बुदीपेयेव उप्पज्जन्ती”ति; “तथा इतरेसम्पि अविजहितट्टानानं तत्थेव लब्भमानतो”ति । अयं पनेत्थ अम्हाकं खन्ति — यस्मा पुरिमबुद्धानं महाबोधिसत्तानं पच्चेकबुद्धानज्ज निब्बत्तिया सावकबोधिसत्तानं सावकबोधिया अभिनीहारो सावकपारमीनं सम्भरणं परिपाचनज्ज

बुद्धखेतभूते इमस्मिं चक्कवाळे जम्बुदीपेयेव इज्झति, न अज्जत्थ । वेनेय्यानं विनयनत्थो च बुद्धुप्पादोति अग्गसावकादिवेनेय्यविसेसापेक्खाय एकस्मिं जम्बुदीपेयेव बुद्धा निब्बत्तन्ति, न सेसदीपेसु । अयञ्च नयो सब्बबुद्धानं आचिण्णसमाचिण्णोति तेसं उत्तमपुरिसानं तत्थेव उप्पत्ति सम्पत्तिचक्कानं विय अज्जमज्जुपनिस्सयतो अपरापरं वत्ततीति दट्ठब्बं । तेनाह — “तीसु दीपेसु बुद्धा न निब्बत्तन्ति, जम्बुदीपेयेव निब्बत्तन्तीति दीपं पस्सती”ति । इमिना नयेन देसनियमेपि कारणं वत्तब्बं ।

इदानी च खत्तियकुलं लोकसम्मतं ब्राह्मणानाम्पि पूजनीयभावतो । राजा मे पिता भविस्सतीति कुलं पस्सि पितुवसेन कुलस्स निद्विसितब्बतो । **दसन्नं मासानं उपरि सत्त दिवसानीति पस्सि** तेन अत्तनो अन्तरायाभावं अज्जासि, तस्सा च तुसितभवे दिब्बसम्पत्तिपच्चनुभवनं ।

ता देवताति दससहस्सिचक्कवाळदेवता । कथं पन ता बोधिसत्तस्स पूरितपारमिभावं भाविनञ्च सम्बुद्धभावं जानन्तीति? महेसक्खानं देवतानं वसेन, येभ्य्येन च ता देवता अभिसमयभागिनो । तथा हि भगवतो च धम्मदानसंविभागे अनेकवारं दससहस्सचक्कवाळवासिदेवतासन्निपातो अहोसि ।

चवामीति पजानाति चुतिआसन्नजवनेहि जाणसहितेहि चुतिया उपट्ठितभावस्स पटिसंविदितत्ता । **चुतिचित्तं न जानाति** चुतिचित्तक्खणस्स इत्तरभावतो । तथा हि तं चुतूपपातजाणस्सपि अविश्यो एव । **पटिसन्धिचित्तेपि** एसेव नयो । **आवज्जनपरियायोति** आवज्जनक्कमो । यस्मा एकवारं आवज्जितमत्तेन आरम्मणं निच्छिन्तुं न सक्का, तस्मा तमेवारम्मणं दुतियं ततियञ्च आवज्जित्वा निच्छीयति, आवज्जनसीसेन चेत्थ जवनवारो गहितो । तेनाह — “दुतियततियचित्तवारेयेव जानिस्सती”ति । चुतिया पुरेतरं कतिपयचित्तवारतो पट्टाय मरणं मे आसन्नन्ति जाननतो, “चुतिक्खणेपि चवामीति पजानाती”ति वुत्तं । पटिसन्धिया पन अपुब्बभावतो **पटिसन्धिचित्तं न जानाति** । निकन्तिया उप्पत्तितो परतो असुक्खिं ठाने मया पटिसन्धि गहिताति पजानाति, दुतियजवनतो पट्टाय जानातीति वुत्तोवायमत्थो । **तस्मिं कालेति** पटिसन्धिगगहणकाले । **दससहस्सी कम्पतीति** एत्थ कम्पनकारणं हेट्ठा वुत्तमेव । महाकारुणिका बुद्धा भगवन्तो सत्तानं हितसुखविधानतप्परताय बहुलं सोमनस्सिकाव होन्तीति तेसं पठममहाविपाकचित्तेन पटिसन्धिगगहणं अट्ठकथायं (दी० नि० अट्ठ० २.१७; ध० स० ४९८; म० नि० अट्ठ० ३.१९९) वुत्तं । **महासीवत्थेरो पन** यदिपि महाकारुणिका बुद्धा भगवन्तो सत्तानं हितसुखविधानतप्परा, विवेकज्झासया पन विसङ्खारनिन्ना सब्बसङ्खारेसु अज्झुपेक्खणबहुलाति पञ्चमेन महाविपाकचित्तेन पटिसन्धिगगहणमाह ।

पुरे पुण्णमाय सत्तमदिवसतो पट्टायाति पुण्णमाय पुरे सत्तमदिवसतो पट्टाय, सुक्कपक्खे नवमितो पट्टायाति अत्थो । **सत्तमे दिवसेति** आसाळ्हीपुण्णमाय । **इदं सुपिनन्ति** इदानी वुच्चमानाकारं सुपिनं । **नेसं देवियोति** महाराजूनं देवियो ।

सो च खो पुरिसगब्भो, न इत्थिगब्भो, पुत्तो ते भविस्सतीति एत्तकमेव ते ब्राह्मणा अत्तनो सुपिनसत्थनयेन कथेसुं । **सचे अगारं अज्झावसिस्सतीति** आदि पन देवताविग्गहेन भाविनमत्थं याथावतो पवेदेसुं ।

गब्भावक्कन्तियोति एत्थ गब्भो वुच्चति मातुकुच्छि, तत्थ उप्पत्ति अवक्कन्ति, ताव गब्भावक्कन्ति, याव न निक्खमति । **ठितकाव निक्खमन्ति** धम्मासनतो ओतरन्तो धम्मकथिको विय ।

२०१. वत्तमानसमीपे वत्तमाने विय वोहरीयतीति **ओक्कमतीति** वुत्तन्ति आह — “ओक्कन्तो होतीति अत्थो”ति ।

एवं होतीति एवं वृत्तप्पकारेणस्स सम्पजानना होति । न ओक्कममाने पटिसन्धिकखणस्स दुविज्जेय्यता । तथा च वृत्तं — “पटिसन्धिकित्तं न जानाती”ति । दससहस्सचक्कवाळपत्थरणेन वा अप्पमाणो । अतिविय समुज्जलभावेन उळारो । देवानुभावन्ति देवानं पभानुभावं । देवानज्झि पभंसो ओभासो अधिभवति, न तेसं आधिपच्चं । तेनाह “देवान”न्तिआदि ।

रुक्खगच्छादिना केनचि न हज्जतीति अघा, अबाधा । तेनाह “निच्चविवटा”ति । असंवृताति हेट्ठा उपरि च केन चि न पिहिता । तेनाह “हेट्ठापि अप्पतिट्ठा”ति । तत्थ पि-सद्देन यथा हेट्ठा उदकस्स पिधायिका पथवी नत्थीति असंवृता लोकन्तरिका, एवं उपरिपि चक्कवाळेसु विय देवविमानानं अभावतो असंवृता अप्पतिट्ठाति दस्सेति । अन्धकारो एत्थ अत्थीति अन्धकारा । चक्खुविज्जाणं न जायति आलोकस्साभावतो, न चक्खुनो । तथा हि “तेन ओभासेन अज्जमज्जं सज्जानन्ती”ति वृत्तं । जम्बुदीपे ठितमज्झन्धिकवेलायं पुब्बविदेहवासीनं अत्थङ्गमनवसेन उपट्ठं सूरियमण्डलं पज्जायति, अपरगोयानवासीनं उगमनवसेन, एवं सेसदीपेसुपीति आह — “एकप्पहारेनेव तीसु दीपेसु पज्जायन्ती”ति । इतो अज्जथा पन द्वीसु एव दीपेसु एकप्पहारेनेव पज्जायतीति । एकेकाय दिसाय नव नव योजनसतसहस्सानि अन्धकारविधमनम्पि इमिना नयेन दट्ठब्बं । पभाय नप्पहोन्तीति अत्तनो पभाय ओभासितुं न अभिसम्भुणन्ति । युगन्धरपब्बतमत्थकप्पमाणे आकासे विचरणतो, “चक्कवाळपब्बतस्स वेमज्जेन चरन्ती”ति वृत्तं ।

वावटाति खादनत्थं गणितुं उपक्कमन्ता । विपरिवत्तित्वाति विवट्ठित्वा । छिज्जित्वाति मुच्छापत्तिया ठितट्ठानतो मुच्चित्वा, अङ्गपच्चङ्गच्छेदनवसेन वा छिज्जित्वा । अच्चन्तखारेति आतपसन्तापाभावेन अतिसीतभावं सन्धाय अच्चन्तखारता वृत्ता सिया । न हि तं कप्पसण्ठानउदकं सम्पत्तिकरमहामेघवुट्ठं पथवीसन्धारकं कप्पविनासकउदकं विय खारं भवितुमरहति । तथा हि सति पथवीपि विलीयेय्य । तेसं वा पापकम्मबलेन पेतानं पकतिउदकस्स पुब्बखेळभावापत्ति विय तस्स उदकस्स तदा खारभावापत्ति होतीति वृत्तं “अच्चन्तखारे उदके”ति । समन्ततोति सब्बभागतो छप्पकारम्पि ।

२०२. चतुन्नं महाराजूनं वसेनाति वेस्सवणादिचतुमहाराजभावसामज्जेन ।

२०३. सभावेनेवाति परस्स सन्तिके गहणेन विना अत्तनो सभावेनेव सयमेव अधिट्ठित्वा सीलसम्पन्ना ।

मनुस्सेसूति इदं पकतिचारित्तवसेन वृत्तं — “मनुस्सित्थिया नाम मनुस्सपुरिसेसु पुरिसाधिप्पायचित्तं उप्पज्जेय्या”ति, बोधिसत्तमातु पन देवेसूपि तादिसं चित्तं नुप्पज्जतेव । यथा बोधिसत्तस्स आनुभावेन बोधिसत्तस्स मातु पुरिसाधिप्पायचित्तं नुप्पज्जति, एवं तस्स आनुभावेनेव सा केनचि पुरिसेन अनतिक्कमनीयाति आह — “पादा न वहन्ति, दिब्बसङ्कलिका विय बज्झन्ती”ति ।

पुब्बे “कामगुणूपसंहितं चित्तं नुप्पज्जती”ति वृत्तं, पुन “पज्चहि कामगुणेहि समप्पिता समङ्गीभूता परिचारेती”ति वृत्तं, कथमिदं अज्जमज्जं न विरुज्जतीति आह “पुब्बे”तिआदि । वत्थुपटिक्खेपोति अब्रह्मचरियवत्थुपटिसेधो । तेनाह “पुरिसाधिप्पायवसेना”ति । आरम्भणपटिलाभोति रूपादिपज्चकामगुणारम्भणस्सेव पटिलाभो ।

२०४. किलमथोति खेदो । कायस्स हि गरुभावकठिनभावादयोपि तस्सा तदा न होन्ति एव । “तिरोकुच्छिगतं पस्सती”ति वृत्तं, कदा पट्ठाय पस्सतीति आह — “कललादिकालं अतिक्कमित्वा”तिआदि । दस्सने पयोजनं सयमेव वदति, तस्स अभावतो कललादिकाले न पस्सति । पुत्तेनाति दहरेन मन्देन उत्तानसेय्यकेन । यं तं मातूतिआदि पकतिचारित्तवसेन वृत्तं । चक्कवत्तिगम्भतोपि हि सविसेसं बोधिसत्तगम्भो परिहारं लभति पुज्जसम्भारस्स सातिसयत्ता,

तस्मा बोधिसत्तमाता अतिविय सप्पायाहाराचारा च हुत्वा सक्कच्चं परिहरति । **पुरत्थाभिमुखो**ति मातु पुरत्थाभिमुखो । इदानी तिरोकुच्छिगतस्स दिस्समानताय अब्भन्तरं बाहिरञ्च कारणं दस्सेतुं, “**पुब्बे कतकम्म**”न्तिआदि वुत्तं । **अस्सा**ति देविया । **वत्थु**न्ति कुच्छिं । फलिकअब्भपटलादिनो विय बोधिसत्तमातुकुच्छित्तचस्स पटलभावेन आलोकस्स विबन्धाभावतो यथा बोधिसत्तमाता कुच्छिगतं बोधिसत्तं पस्सति, किमेवं बोधिसत्तोपि मातरं अञ्जञ्च पुरतो रूपगतं पस्सति, नोति आह, “**बोधिसत्तो पना**”तिआदि । कस्मा पन सति चक्खुम्हि आलोके च न पस्सतीति आह — “**न हि अन्तोकुच्छियं चक्खुविज्जाणं उप्पज्जती**”ति । अस्सासपस्सासा विय हि तत्थ चक्खुविज्जाणम्पि न उप्पज्जति तज्जासमन्नाहारस्साभावतो ।

२०५. यथा अज्जा इत्थियो विजातपच्चया तादिसेन रोगेन अभिभूतापि हुत्वा मरन्ति, बोधिसत्तमातु पन बोधिसत्ते कुच्छिगते न कोचि रोगो उप्पज्जति; केवलं आयुपरिक्खयेनेव कालं करोति, स्वायमत्थो हेट्ठा वुत्तोयेव । **बोधिसत्तेन वसितट्ठानं** हीतिआदिना तत्थ कारणमाह । **अपनेत्वा**ति अगमहेसिट्ठानतो नीहरित्वा । **अनुरक्खितुं न सक्कोती**ति सम्मा गब्भपरिहारं नानुयुज्जति, तेन **गब्भो बद्धान्ना**धो होति । **वत्थुविसदं** होतीति गब्भासयो परिसुद्धो होति । मातु **मज्झिमवयस्स ततियकोट्ठासे** बोधिसत्तस्स गब्भोक्कमनम्पि तस्सा आयुपरिमाणविलोकनेनेव सङ्गहितं वयोवसेन उप्पज्जनकविकारस्स परिवज्जनतो, इत्थिसभावेन उप्पज्जनकविकारो पन बोधिसत्तस्स आनुभावेनेव वूपसम्मति ।

सत्तमासजातोति पटिसन्धिग्गहणतो सत्तमे मासे जातो । सो **सीतुण्हक्खमो न होति** अतिविय सुखुमालताय । अट्ठमासजातो कामं सत्तमासजाततो बुद्धिअवयवो, एकच्चे पन चम्मपदेसा बुद्धिं पापुणन्ता घट्टनं न सहन्ति, तेन **सो न जीवति** । सत्तमासजातस्स पन न ताव ते जाताति वदन्ति ।

ठिताव हुत्वाति निदुक्खताय ठिता एव हुत्वा । दुक्खस्स हि बलवभावतो तं दुक्खं असहमाना अज्जा इत्थियो निसिन्ना वा निपन्ना वा विजायन्ति । **उपविजज्जा**ति उपगतविजायनकाला । **सकलनगरवासिनो**ति कपिलवत्थुं परिवारेत्वा ठितेसु देवदहादीसु छसु नगरेसु वसन्ता ।

देवा नं पठमं पटिग्गणहन्तीति लोकनाथं महापुरिसं मयमेव पठमं पटिग्गणहामाति सज्जातगारवबहुमाना अत्तनो पीतिं पवेदेन्ता **खीणासवा सुद्धावासब्रह्मानो** आदितो पटिग्गणहन्ति । **सूतिवेसन्ति** सूतिजग्गनधातिवेसं । **एके**ति उत्तरविहारवासिनो । **मच्छक्खिसदिसं** छविवसेन ।

२०६. **अजिनप्पवेणिया**ति अजिनचम्मोहि सिब्बेत्वा कतपवेणिया । **महातेजो**ति महानुभावो । **महायसो**ति महापरिवारो विपुलकित्तिघोसो च ।

भग्गविभग्गाति सम्बाधट्ठानतो निक्खमनेन विभावितत्ता भग्गा विभग्गा विय च हुत्वा । तेन नेसं अविस्सदभावमेव दस्सेति । **अलग्गो हुत्वा**ति गब्भासये योनिपदेसे च कत्थचि अलग्गो असत्तो हुत्वा । **उदकेना**ति गब्भासयगतेन उदकेन **अमक्खितो निक्खमति** सम्मक्खितस्स तादिसस्स उदकसेम्हादिकस्सेव तत्थ अभावतो । बोधिसत्तस्स हि पुज्जानुभावेन पटिसन्धिग्गहणतो पट्टाय तं ठानं विसुद्धं परमसुगन्धगन्धकुटि विय चन्दनगन्धं वायन्तं तिड्ढति । **उदकवट्टियो**ति उदकक्खन्धा ।

२०७. **मुहुत्तजातो**ति मुहुत्तेन जातो हुत्वा मुहुत्तमत्तोव । **अनुधारियमाने**ति अनुकूलवसेन नीयमाने । **आगतानेवा**ति

तं ठानं उपगतानि एव ।

अनेकसाखन्ति रतनमयानेकसतपतिट्टानहीरकं । **सहस्समण्डलन्ति** तेसं उपरि पतिट्टितं अनेकसहस्समण्डलहीरकं ।
मरूति देवा ।

न खो पनेवं दट्टब्बन्ति सत्तपदवीतिहारतो पगेव दिसाविलोकनस्स कतत्ता । तेनाह “**महासत्तो ही**”तिआदि ।
एकङ्गणानीति विवटभावेन विहारङ्गणपरिवेणङ्गणानि विय एकङ्गणसदिसानि अहेसुं । **सदिसोपि नत्थीति** तुम्हाकं इदं
विलोकनं विसिट्ठे पस्सितुं इध तुम्हेहि सदिसोपि नत्थि, कुतो उत्तरितरोति आहंसु । **सब्बपठमोति** सब्बप्पधानो ।
पधानपरियायो हि इध पठमसद्वो । तेनाह “**इतरानी**”तिआदि । एत्थ च महेसक्खा ताव देवा तथा वदन्ति, इतरे पन कथन्ति?
महासत्तस्स आनुभावदस्सनेनेव । महेसक्खानज्झि देवानं महासत्तस्स आनुभावो विय तेन सदिसानम्पि आनुभावो पच्चक्खो
अहोसि । इतरे पन तेसं वचनं सुत्वा सद्वहन्ता अनुमिनन्ता तथा आहंसु ।

जातमत्तस्सेव बोधिसत्तस्स ठानादीनि येसं विसेसाधिगमानं पुब्बनिमित्तभूतानीति ते निद्वारेत्वा दस्सेन्तो, “**एत्थ
चा**”तिआदिमाह । तत्थ **पतिट्टानं चतुइद्धिपादपटिलाभस्स पुब्बनिमित्तं** इद्धिपादवसेन लोकुत्तरधम्मेसु
सुप्पतिट्टितभावसमिज्जनतो । **उत्तराभिमुखभावो** लोकस्स उत्तरणवसेन गमनस्स **पुब्बनिमित्तं** । **सत्तपदगमनं**
सत्तबोज्झङ्गादिगमनस्स **पुब्बनिमित्तं**, विसुद्धिचत्तधारणं सुविसुद्धिविमुत्तिचत्तधारणस्स **पुब्बनिमित्तं**,
पञ्चराजककुधभण्डानि पञ्चविधविमुत्तिगुणपरिवारताय **पुब्बनिमित्तं**, **अनावटदिसानुविलोकनं** अनावटज्जाणताय
पुब्बनिमित्तं, “अग्गोहमस्मी”तिआदिवचनं **अप्पटिवत्तियधम्मचक्कपवत्तनस्स पुब्बनिमित्तं**; **अयमन्तिमा जातीति**
आयतिं जातिया अभावकित्ता **अनुपादि...पे०... पुब्बनिमित्तन्ति वेदितब्बं**; तस्स तस्स अनागते लद्धब्बविसेसस्स तं तं
निमित्तं अब्बभिचारीनिमित्तन्ति दट्टब्बं । **न आगतोति** इमस्मिं सुत्ते अज्जत्थ च वक्खमानाय अनुपुब्बिया अनागततं सन्धाय
वुत्तं । **आहरित्वाति** तस्मिं तस्मिं सुत्ते अट्ठकथासु च आगतनयेन आहरित्वा दीपेतब्बो ।

दससहस्सिलोकधातु कम्पीति पन इदं सतिपि इध पाळियं आगतत्ते वक्खमानानमच्छरियानं मूलभूतं दस्सेतुं वुत्तं,
एवं अज्जम्पीदिसं दट्टब्बं । **तन्ति बद्धा वीणा, चम्मबद्धा भेरियोति** पञ्चङ्गिकतूरियस्स निदस्सनमत्तं, च-सद्देन वा
इतरेसम्पि सङ्गहो दट्टब्बो । **भिज्जिसूति** पादेसु बद्धद्वानेसुयेव भिज्जिसु । **विगच्छिसूति** वूपसमिसु । **सकतेजोभासितानीति**
अतिविय समुज्जलाय अत्तनो पभाय ओभासितानि अहेसुं । **न पवत्तीति** न सन्दी । **वातो न वायीति** खरो वातो न वायि,
मुदुसुखो पन सत्तानं सुखावहो वायि । **पथवीगता अहेसुं** उच्चद्वाने ठातुं अविसहन्ता । **उतुसम्पन्नोति**
अनुण्हासीततासङ्घातेन उतुना सम्पन्नो । वामहत्थं उरे ठपेत्वा दक्खिणेन पुथुपाणिना हत्थताळनेन सद्वकरणं **अप्फोटनं** ।
मुखेन उस्सेळनं सद्वमुच्चनं **सेळनं** । **एकद्धजमाला अहोसीति** एत्थ **इति**-सद्वो आदिअत्थो । तेन
विचित्तपुप्फसुगन्धपुप्फवस्सदेवा वस्सिसु, सूरिये दिब्बमाने एव तारका ओभासिसु, अच्छं विप्पसन्नं उदकं पथवितो
उब्भिज्जि, बिलासया दरिसया तिरच्छाना आसयतो निक्खमिसु; रागदोसमोहापि तनु भविसु, पथवियं रजो वूपसमि,
अनिट्ठगन्धो विगच्छि, दिब्बगन्धो वायि, रूपिनो देवा सरूपेनेव मनुस्सानं आपाथमगमंसु, सत्तानं चुतुपपाता नाहेसुन्ति इमेसं
सङ्गहो दट्टब्बो । यानि महाभिनीहारसमये उप्पन्नानि द्वत्तिस पुब्बनिमित्तानि, तानि अनवसेसानि तदा अहेसुन्ति ।

तत्रापीति तेसुपि पथविकम्पादीसु एवं पुब्बनिमित्तभावो वेदितब्बो, न केवलं सम्पतिजातस्स ठानादीसु एवाति
अधिप्पायो । **सब्बज्जुतज्जाणपटिलाभस्स पुब्बनिमित्तं** सब्बस्स जेय्यस्स तित्थकरमतस्स च चालनतो । केनचि
अनुस्साहितानंयेव इमस्मियेव एकचक्कवाळे सन्निपातो, केनचि अनुस्साहितानंयेव एकप्पहारेनेव सन्निपतित्वा

धम्मपटिग्गहणनस्स पुब्बनिमित्तं, पठमं देवतानं पटिग्गहणं दिब्बविहारपटिलाभस्स, पच्छा मनुस्सानं पटिग्गहणं तत्थेव ठानस्स निच्चलसभावतो आनेज्जविहारपटिलाभस्स पुब्बनिमित्तं । वीणानं सयं वज्जनं परूपदेसेन विना सयमेव अनुपुब्बविहारपटिलाभस्स पुब्बनिमित्तं । भेरीनं वज्जनं चक्कवाळपरियन्ताय परिसाय पवेदनसमत्थस्स धम्मभेरिया अनुसावनस्स अमतदुन्दुभिघोसनस्स पुब्बनिमित्तं । अन्दुबन्धनादीनं छेदो मानविनिबन्धछेदनस्स पुब्बनिमित्तं; सुपट्टनसम्पापुणनं अत्थादि अनुरूपं अत्थादीसु जाणस्स भेदाधिगमस्स पुब्बनिमित्तं ।

निब्बानरसेनाति किलेसानं निब्बायनरसेन । एकरसभावस्साति सासनस्स सब्बत्थ एकरसभावस्स । वातस्स अवायनं किस्स पुब्बनिमित्तन्ति आह “द्वासट्ठिदिट्ठिगतभिन्दनस्सा”ति । आकासादिअप्पतिट्ठविसमचञ्चलद्वानं पहाय सकुणानं पथवीगमनं तादिसं मिच्छागाहं पहाय सत्तानं पाणेहि रतनत्तयसरणगमनस्स पुब्बनिमित्तं । देवतानं अप्फोटनादीहि कीळनं पमोदनुप्पत्तिउदानस्स भववन्तगमनेन धम्मसभावबोधनेन च पमोदविभावनस्स पुब्बनिमित्तं । धम्मवेगवस्सनस्साति देसनाजाणवेगेन धम्मामतस्स वस्सनस्स पुब्बनिमित्तं । कायगतासतिवसेन लद्धज्झानं पादकं कत्वा उप्पादितमग्गफलसुखानुभवो कायगतासतिअमतपटिलाभो, तस्स पन कायस्सपि अतप्पकसुखावहत्ता खुदापिपासापीळनाभावो पुब्बनिमित्तं वुत्तो । अरियद्धजमालामालितायाति सदेवकस्स लोकस्स अरियमग्गबोज्झङ्गधजमालाहि मालितभावस्स पुब्बनिमित्तं । यं पनेत्थ अनुद्धटं, तं सुविज्जेय्यमेव ।

एत्थाति “सम्पतिजातो”तिआदिना आगते इमस्मिं ठाने । विस्सज्जितोव, तस्मा अम्हेहि इध अपुब्बं वत्तब्बं नत्थीति अधिप्पायो । तदा पथवियं गच्छन्तोपि महासत्तो आकासेन गच्छन्तो विय महाजनस्स उपट्ठासीति अयमेत्थ नियति धम्मनियामो बोधिसत्तानं धम्मताति इदं नियतिवादवसेन कथनं । “पुब्बे पुरिमजातीसु तादिसस्स पुज्जसम्भारकम्मस्स कतत्ता उपचितत्ता महाजनस्स तथा उपट्ठासी”ति इदं पुब्बेकतकम्मवादवसेन कथनं । इमेसं सत्तानं उपरि ईसनसीलताय यथासकं कम्ममेव इस्सरो नाम, तस्स निम्मानं अत्तनो फलस्स निब्बत्तनं, महापुरिसोपि सदेवकं लोकं अभिभवितुं समत्थेन उळारेन पुज्जकम्मुना निब्बत्तितो तेन इस्सरेन निम्मितो नाम, तस्स चायं निम्मानविसेसो, यदिदं महानुभावता । याय महाजनस्स तथा उपट्ठासीति इदं इस्सरनिम्मानवादवसेन कथनं । एवं तं तं बहुं वत्त्वा किं इमाय परियायकथायाति अवसाने उज्जुकेमेव एवं व्याकासि । सम्पतिजातो पथवियं कथं पदसा गच्छति, एवंमहानुभावो आकासेन मज्जे गच्छतीति परिकप्पनस्स वसेन आकासेन गच्छन्तो विय अहोसि । सीघतरं पन सत्तपदवीतिहारेन गतत्ता दिस्समानरूपोपि महाजनस्स अदिस्समानो विय अहोसि । अचेलकभावो खुदकसरीरता च तादिसस्स इरियापथस्स अननुच्छविकाति कम्मानुभावसज्जनितपाटिहारियवसेन अलङ्कारपटियत्तो विय; सोळसवस्सुदेसिको विय च महाजनस्स उपट्ठासीति वेदितब्बं; बुद्धभावानुच्छविकस्स बोधिसत्तानुभावस्स याथावतो पवेदितत्ता बुद्धेन विय...पे०... अत्तमना अहोसि ।

पाकटा हुत्वाति विभूता हुत्वा । बुद्धानं ये ये सङ्घारे ववत्थपेतुकामा, ते ते उप्पादक्खणेपि सब्बसो सुप्पटिविदिता सुपाकटा हत्थतले आमलकं विय सुट्ठु विभूता एव हुत्वा उपट्ठहन्ति । तेनाह “यथा ही”तिआदि । अनोकासगतेति परिग्गहस्स अनोकासकाले पवत्ते । निष्पदेसेति निरवसेसे । ओकासप्पत्तेति ठानगमनादिकाले उप्पन्ने, ते हि सम्मसनस्स योग्यकाले उप्पत्तिया ओकासप्पत्ताति अधिप्पायो । सत्तदिवसब्भन्तेरेति इदं बुद्धानं पाकतिकसम्मसनवसेन वुत्तं, आकङ्खन्ता पन ते यदा कदाचि उप्पन्नसङ्घारे सम्मसन्तियेव । सेसं सुविज्जेय्यमेव ।

अच्छरियब्भुतसुत्तवण्णनाय लीनत्थप्पकासना समत्ता ।

४. बाकुलसुत्तवण्णना

२०९. यथा “द्वितिसा”ति वत्तब्बे द्वि-सदस्स बा-आदेसं कत्वा **बात्तिसा**ति वुच्चति, एवं एत्थ बा-कारादेसं कत्वा बाकुलोति समज्जा अहोसि, सायं तस्स अन्वत्थसज्जाति दस्सेतुं, “**तस्स ही**”तिआदि वुत्तं। **सीसं न्हापेत्वा**ति मङ्गलत्थं महागङ्गाय सीसं न्हापेत्वा। **निमुज्जनवसेना**ति जण्णुपमाणे उदके थोकंयेव निमुज्जनवसेन। **छट्टेत्वा पलाता** मरणभयतज्जिता। **पहरियमाना मरन्ति**, न जालेन बन्धितमत्तेन। **दारकस्स तेजेना**ति दारकस्स पुज्जतेजेन। **नीहटमत्तोव मतो**, तस्स मरणत्थं उपक्कमो न कतो, येन उपक्कमेन दारकस्स बाधो सिया। तन्ति मच्छं। **सकलमेवा**ति परिपुण्णावयमेव।

न **केलायती**ति न ममायति किस्मिञ्चि न मज्जति। दारकस्स पुज्जतेजेन **पिटितो फालेन्ती**। **दारकं लभती**ति उग्घोसनवसेन भेरिं चरापेत्वा। **पवत्तिं आचिक्खि**, अत्तनो पुत्तभावं कथेसि। **कुच्छिया धारितत्ता अमाता कातुं न सक्का** जननीभावतो। **मच्छं गणहन्तापी**ति मच्छं किणित्वा गणहन्तापि। तथा गणहन्ता च तप्परियापन्नं सब्बं गणहाति नामाति आह — “**वक्कयकनादीनि बहि कत्वा गणहन्ता नाम नत्थी**”ति। अयम्पि अमाता कातुं न सक्का सामिकभावतो। **दारको उभिन्नम्पि कुलानं दायदो** होतु द्विन्नं पुत्तभावतो।

असीतिमेति जातिया असीतिमे वस्से। पब्बज्जामत्तेन किलेसानं असमुच्छिज्जनतो वीतिक्कमितुं कामसज्जा उप्पन्नपुब्बाति पुच्छा पन पुच्छितब्बा। तेनाह — “**एवञ्च खो मं, आवुसो कस्सप, पुच्छितब्ब**”न्ति।

२१०. **नियमेत्वा**ति तं तंवारे सेसवारेन नियमेत्वा। **कम्मपथभेदको**ति कम्मपथविसेसकरो। तत्थ कामवितक्को यथा कायवचीद्वारेसु चोपनप्पत्तो कम्मपथप्पत्तो नाम होति; मनोद्वारे परभण्डस्स अत्तनो परिणामनवसेन पवत्तअभिज्झासहगतो; एवं कामसज्जाति, तथा ब्यापादविहिंसावितक्कसज्जाति **थेरो**, “**उभयप्पेतं कम्मपथभेदकमेवा**”ति आह। कम्मपथं अप्पत्तं सज्जं सन्धाय, “**सज्जा उप्पन्नमत्तावा**”ति वुच्चमाने वितक्कितम्पि समानं कम्मपथं अप्पत्तमेव, उभयस्स पन वसेन सुत्तपदं पवत्तन्ति थेरस्स अधिप्पायो।

२११. **आयूहनकम्मन्ति** अत्तना आयूहितब्बकम्मं। **लोमकिलिट्टानी**ति किलिट्टलोमानि, किलिट्टंसूनीति अत्थो। किमेवं भोगेसु परनिमित्तभवे वसवत्तिदेवानं विय सब्बसो आयूहनकम्मेन विना अज्जस्सपि पब्बजितस्स पच्चयलाभो दिट्ठपुब्बो सुतपुब्बोति आह “**अनच्छरियज्जेत**”न्ति। कुलूपकथेरानमेतं कम्मं, थेरो पन कदाचिपि कुलूपको नाहोसि।

गहुहनमत्तन्ति गोदुहनमत्तकालं। इध पन सकलो गोदुहनो अधिप्पेतोति दस्सेन्तो, “**गाविं... पे०... कालमत्तम्पी**”ति आह। **निबन्धी**ति निबद्धदातब्बं कत्वा ठपेसि।

सकिलेसपुगलस्स असेरिभावकरणेन रणेन सदिसताय **रणो**, संकिलेसो। **अज्जा उदपादीति पनाह**, तस्मा अरहत्तं न पटिज्जातन्ति दस्सेति। ननु तथा वचनं पटिजाननं विय होतीति आह “**अपिचा**”तिआदि।

२१२. अवापुरति द्वारं एतेनाति **अवापुरणं**। पठमसङ्गहतो पच्छा देसितत्ता **दुतियसङ्गहे सङ्गितं**। सेसं सुविज्जेय्यमेव।

बाकुलसुत्तवण्णनाय लीनत्थप्पकासना समत्ता।

५. दन्तभूमिसुत्तवण्णना

२१३. फुसेय्याति जाणफुसना नाम अधिपेता, तस्मा लभेय्याति अधिगच्छेय्य । एवं पटिपन्नोति, “अप्पमत्तो आतापी पहितत्तो”ति वृत्तप्पकारेण पटिपन्नो । अजाननकोट्टासेयेवाति अवधारणेन अत्तनि कतं दोसारोपनं निवत्तेति ।

२१४. अप्पनाउपचारन्ति अप्पनञ्चेव उपचारञ्च पापेत्वा कथेसीति अत्थं वदन्ति, अप्पनासहितो पन उपचारो अप्पनाउपचारो, तं पापेत्वा कथेसीति अत्थो ।

निक्खमतीति निक्खमो, अवगाहकामतो निक्खमनं निक्खमो एव नेक्खम्मो, पठमज्झानादि । सति किलेसकामे अत्तनो उपहारं उपचारेत्वा अस्सादेत्वा परिभुञ्जति नामाति आह — “दुविधेपि कामे परिभुञ्जमानो”ति । दुविधेपीति हीनपणीतादिवसेन दुविधे ।

२१५. कूटाकारन्ति गाळहसाठेय्यं अप्पतिरूपे ठाने खन्धगतपातनादि । दन्तगमनन्ति दन्तेहि निब्बिसेवनेहि गन्धब्बगतिं । पत्तब्बं भूमिन्ति सम्माकिरियाय लद्धब्बसम्पत्तिं ।

२१६. ब्यतिहरणवसेन लङ्घकं विलङ्घकं, अज्जमज्जहत्थगगहणं । तेनाह — “हत्थेन हत्थं गहेत्वा”ति ।

२१७. गहेतुं समत्थोति गणिकारहत्थिनीहि उपलापेत्वा अरञ्जहत्थिं वचनवसेन गहेतुं समत्थो । अतिपस्सित्वा अतिट्ठानवसेन पस्सित्वा । एत्थगेधाति एतस्मिं अरञ्जे नागवने पवत्तगेधा । सुखायतीति सुखं अयति पवत्तेति, “सुखं हरती”ति वा पाठो । डिण्डिमो आनको । निहितसब्बवङ्कदोसोति अपगतसब्बसाठेय्यदोसो । अपनीतकसावोति अपेतसारम्भकसावो ।

२१९. पञ्चकामगुणनिस्सितसीलानन्ति अकुसलानं । गेहस्सितसीलानन्ति वा वट्टसन्निस्सितसीलानं ।

२२२. एस नयो सब्बत्थाति, “मज्झिमो, दहरो”ति आगतेसु उपमावारेसु, “थेरो”ति आदिना आगतेसु उपमेय्यवारेसूति पञ्चसु संकिलेसपक्खियेसु वारेसु एस यथावुत्तोव नयोति वेदितब्बो । सेसं सुविज्जेय्यमेव ।

दन्तभूमिसुत्तवण्णनाय लीनत्थप्पकासना समत्ता ।

६. भूमिजसुत्तवण्णना

२२३. आसञ्चेपि करित्वाति, “इमिनाहं ब्रह्मचरियेन देवो वा भवेय्यं देवञ्जतरो वा, दुक्खतो वा मुच्चेय्य”न्ति पत्थनं कत्वा चेपि चरन्ति, अभब्बा फलस्स अधिगमाय तण्हाय ब्रह्मचरियस्स विदूसितत्ताति अधिप्पायो । अनासञ्चेपि करित्वाति वृत्तनयेन पत्थनं अकत्वा । अभब्बा फलस्स अधिगमाय अनियमितभावतो । पणिधानवसेन हि पुञ्जफलं नियतं नाम होति, तदभावतो कतं पुञ्जं न लभतीति अधिप्पायो । ततियपक्खे उभयट्ठानेहि वृत्तं, चतुत्थपक्खो सम्मावतारो इति चतुकोटिको पञ्हो जालवसेन आहटो, तत्थ आसा नाम पत्थना, मिच्छागाहस्मिं सति न विपच्चति, सम्मागाहस्मिं सति विपच्चति, उभयथापि उभयापेक्खानाम, यो मिच्छत्तधम्मो पुरक्खत्वा ब्रह्मचरियं चरति, तस्स यथाधिप्पायफलं समिज्झतीति न वत्तब्बं अयोनिस्सो ब्रह्मचरियस्स चिण्णत्ता; यो पन सम्मत्तं पुरक्खत्वा ब्रह्मचरियं चरति, तस्स यथाधिप्पायं ब्रह्मचरियफलं न समिज्झतीति न वत्तब्बं योनिस्सो ब्रह्मचरियस्स चिण्णत्ता । तेन वृत्तं — “आसञ्चेपि करित्वा अयोनिस्सो ब्रह्मचरियं चरन्ती”ति आदि । सेसं सुविज्जेय्यमेव ।

भूमिजसुत्तवण्णनाय लीनत्थप्पकासना समत्ता ।

७. अनुरुद्धसुत्तवण्णना

२३०. उपसङ्कमित्वा एवमाहंसूति वुत्तं उपसङ्कमनकारणं दस्सेन्तो, “तस्स उपासकस्स अफासुककालो अहोसी”ति आह । अविराधितन्ति अविरज्जनकं । यदि वा ते धम्मा नानत्था, यदि वा एकत्था, यं तत्थ अविरज्जनकं, तं तंयेव पटिभातूति योजना । ज्ञानमेवाति अप्पमाणज्ज्ञानमेव, “चेतोविमुत्ती”ति पन वुत्तत्ता चित्तेकग्गतायेव एवं वुच्चतीति उपासकस्स अधिप्पायो ।

२३१. यावता मज्झन्हिके काले छाया फरति, निवाते पण्णानि पतन्ति, एत्तावता “रुक्खमूल”न्ति वुच्चतीति एवं वुत्तं एकरुक्खमूलप्पमाणट्टानं । कसिणनिमित्तेन ओत्थरित्वाति कसिणारम्मणं ज्ञानं समापज्जन्तो तस्मिं कसिण...पे०... विहरतीति वुत्तो । आभोगो नत्थि ज्ञानक्खणे । कामं समापत्तिक्खणे आभोगो नत्थि ततो पन पुब्बे वा सिया सो आभोगो, तम्पि सन्धाय महग्गतन्ति केचि । इदानि तासं चेतोविमुत्तीनं सतिपि केनचि विसेसेन अभेदे विसयादितो लब्भमानभेदं दस्सेतुं, “एत्था”तिआदि वुत्तं । निमित्तं न वड्ढति वड्ढेतब्बस्स निमित्तस्सेव अभावतो । पथवीकसिणादीनं विय आकासभावनाय उग्घाटनं न जायति । तानि ज्ञानानीति ब्रह्मविहारज्ज्ञानानि । चुद्धसविधेन परिदमनाभावतो अभिज्ज्ञानं पादकानि न होन्ति । निमित्तुग्घाटस्सेव अभावतो अरूपज्ज्ञानानं अनधिद्वानताय निरोधस्स पादकानि न होन्तीति । कम्मवट्टभावेन किलेसवट्टविपाकवट्टानं तिण्णं वट्टानं पच्चयभावो वट्टपादकता । उपपज्जनवसेनेव तं तं भवं ओक्कमति एतेहीति भवोक्कमनानि । दुतियनयस्स वुत्तविपरियायेन अत्थो वेदितब्बो । उग्घाटनस्स लब्भनतो अरूपज्ज्ञानोपरि समतिक्कमो होतीति अयमेव विसेसो । एवन्ति यथावुत्तेन निमित्तावड्ढननिमित्तवड्ढनादिप्पकारेन । नानत्थाति नानासभावा । एवन्ति अप्पमाणमहग्गतसद्दवचनीयताय नानाव्यञ्जना । कामञ्चेत्थ अप्पमाणसमापत्तितोपि नीहरित्वा वक्खमानभवूपपत्तिकारणं दस्सेतुं सक्का, अट्ठकथायं पन कसिणज्ञानतोव नीहरित्वा योजना कताति तथा वुत्तं । अथ वा महग्गतगहणेनेत्थ अप्पमाणाति वुत्तब्रह्मविहारानम्पि सङ्गहो वेदितब्बो तस्सा समज्जाय उभयेसम्पि साधारणभावतो ।

२३२. एवं वुत्तोति असतिपि तथारूपे आभोगे “परित्ताभाति फरित्वा अधिमुच्चित्वा विहरती”ति वुत्तो । अप्पमाणं कत्वा कसिणं वड्ढेन्तस्स कसिणवड्ढनवसेन बहुलीकारसम्भवतो सिया ज्ञानस्स बलवतरता, तदभावे च दुब्बलता, आचिण्णवसिताय पन पच्चनीकधम्मानं सम्मा अपरिसोधने वत्तब्बमेव नत्थीति पञ्चहाकारेहि ज्ञानस्स अप्पगुणतं दस्सेन्तो, “सुप्पमत्ते वा”तिआदिमाह । ज्ञानस्स अप्पानुभावताय एव तन्निमित्ता पभापि अप्पतरा अपरिसुद्धाव होतीति आह — “वण्णो...पे०... संकिलिट्ठो चा”ति । दुतियनयो वुत्तविपरियायेन वेदितब्बो । तत्थापि कसिणस्स परित्तभावेन वण्णस्स परित्तता, परित्तारम्मणाय अनुरूपताय वा निमित्तं पभामण्डलकम्पि परित्तमेव सियाति अधिप्पायो । विपुलपरिकम्पन्ति विपुलभावेन परिकम्पं । सेसं ततियचतुत्थनयेसु वत्तब्बं पठमदुतियनयेसु वुत्तसदिसमेव ।

वण्णनानत्तन्ति यदि पीतं यदि लोहितं यदि वा ओदातन्ति सरीरवण्णनानत्तं । आभानानत्तन्ति परित्तविपुलतावसेन पभाय नानत्तं । अच्चिनानत्तन्ति तेजोधातुस्स दीधादिवसेन वेमत्तता । अभिनिविसन्तीति अभिरतिवसेन निविसन्ति निसीदन्ति तिड्ढन्ति । तेनाह “वसन्ती”ति ।

२३४. आभन्ति दिब्बन्तीति आभाति आह “आभासम्पन्ना”ति । तदङ्गेनाति वा तस्सा परित्तताय अप्पमाणताय च आभाकारणं, तं पन अत्थतो भवूपपत्तिकारणमेवाति आह — “तस्सा भवूपपत्तिया अङ्गेना”ति । कायालसियभावो

तन्दीआदीनं हेतुभूता कायस्स वित्थायितता ।

२३५. पारमियोति महासावकसंवत्तनिका सावकपारमियो पूरेन्तो । ब्रह्मलोकेति ब्रह्मत्तभावे, ब्रह्मलोके वा उप्पत्तिं पटिलभि, वुत्तम्पि चेतं थेरगाथासु । अवोकिण्णन्ति अज्जेहि असम्मिस्सन्ति अत्थो । पुब्बे सज्जरितन्ति अतीतभवेसु जातिवसेन सज्जरणं मम, सज्जरितन्ति तं ममस्साति अत्थो । सेसं सुविज्जेय्यमेव ।

अनुरुद्धसुत्तवण्णनाय लीनत्थप्पकासना समत्ता ।

८. उपक्विलेससुत्तवण्णना

२३६. तस्माति अत्थकामत्ता एवमाह, न भगवतो वचनं अनादियन्तो । ये पन तदा सत्थुवचनं न गण्हंसु, ते किञ्चि अवत्वा तुण्हीभूता मङ्कुभूता अट्ठंसु, तस्मा उभयेसम्पि सत्थरि अगारवपटिपत्ति नाहोसि ।

येनपि जनेन न दिट्ठोति येन उभयजनेन अज्जविहितताय कुट्टुकवाटादिअन्तरिकताय वा न दिट्ठो । दमनत्थन्ति तेहि उपासकेहि निम्मदभावं आपादितानं तेसं भिक्खूनं दमनत्थं । ठपयिंसूति यो इमेसं भिक्खूनं देति, तस्स सतं दण्डोति, सहस्सन्ति च वदन्ति ।

२३७. वग्गभावेनेव (सारत्थं टी० महावग्गो ३.४६४) नानासद्दो अस्साति पुत्थुसद्दो । समजनोति भण्डने समज्झासयो जनो । बाललक्खणे ठितोपि “अहं बालो”ति न मज्जति । भिय्यो चाति अत्तनो बालभावस्स अजाननतोपि भिय्यो च भण्डनस्स उपरि फोटो विय सङ्गभेदस्स अत्तनो कारणभावम्पि उप्पज्जमानं न मज्जि नज्जासि ।

कलहवसेन पवत्तवाचायेव गोचरो एतेसन्ति वाचागोचरा हुत्वा । मुखायामन्ति विवादवसेन मुखं आयमेत्वा भाणिनो । न तं जानन्तीति तं कलहं न जानन्ति । कलहं करोन्तो च तं न जानन्तो नाम नत्थि । यथा पन न जानन्ति, तं दस्सेतुं आह — “एवं सादीनवो अय”न्ति । अयं कलहो नाम अत्तनो परेसज्ज अत्थजापनतो अनत्थुप्पादनतो दिट्ठेव धम्मे सम्पराये च सादीनवो, सदोसोति अत्थो ।

उपनयन्तीति उपनाहवसेन अनुबन्धन्ति । पोराणोति पुरिमेहि बुद्धादीहि आचिण्णसमाचिण्णताय पुरातनो ।

न जानन्तीति अनिच्चसज्जं न पच्चुपट्ठापेन्ति ।

तथा पवत्तवेरानन्ति अट्ठिच्छिन्नादिभावं निस्साय उपनयवसेन चिरकालं पवत्तवेरानं ।

बालसहायताय इमे भिक्खू कलहपसुता, पण्डितसहायानं पन इदं न सियाति पण्डितसहायस्स बालसहायस्स च वण्णावण्णदीपनत्थं वुत्ता । सीहव्यग्घादिके पाकटपरिस्सये रागदोसादिके पटिच्छन्नपरिस्सये च अभिभवित्वा ।

मातङ्गो अरज्जे मातङ्गरज्जेति सरलोपेन सन्धि । मातङ्गसद्देनेव हत्थिभावस्स वुत्तत्ता नागवचनं तस्स महत्तविभावनत्थन्ति आह — “नागोति महन्ताधिवचनमेत”न्ति । महन्तपरियायोपि हि नाग-सद्दो होति “एवं नागस्स नागेन, ईसादन्तस्स हत्थिनो”तिआदीसु (उदा० २५; महाव० ४६७) ।

२३८. किरसद्वो अनुस्सवसूचनत्थो निपातो । तेन अयमेत्थ सुतिपरम्पराति दस्सेति । भगवता हि सो आदीनवो पगेव परिज्जातो, न तेन सत्था निब्बिण्णो होति; तस्मिं पन अन्तोवस्से केचि बुद्धवेनेय्या नाहेसुं; तेन अज्जत्थ गमनं तेसं भिक्खुनं दमनुपायोति पालिलेय्यकं उद्दिस्स गच्छन्तो एकविहारिं आयस्मन्तं भगुं, समग्गवासं वसन्ते च अनुरुद्धत्थेरादिके सम्पहंसेतुं अनुरुद्धत्थेरस्स च । इमं उपक्विलेसोवादं दातुं तत्थ गतो, तस्मा **कलहकारके किरस्साति** एत्थापि **किरसद्गगहणे** एसेव नयो । **वुत्तनयमेव** गोसिङ्गसालसुत्ते (म० नि० १.३२५ आदयो) ।

२४१. “यथा कथं पना”ति वुत्तपुच्छानं पच्छिमभावतो **“अत्थि पन वोति पच्छिमपुच्छाया”**ति वुत्तं, न पुन **“अत्थि पन वो”**ति पवत्तनस्स पुच्छनस्स अत्थिभावतो । **सो पन** लोकुत्तरधम्मो । **थेरानन्ति** अनुरुद्धत्थेरादीनं नत्थि । **परिकम्मोभासं पुच्छतीति** दिब्बचक्खुजाणे कताधिकारत्ता तस्स उप्पादनत्थं परिकम्मोभासं पुच्छति । **परिकम्मोभासन्ति** परिकम्मसमाधिनिब्बत्तं ओभासं, उपचारज्झानसज्जनितं ओभासन्ति अत्थो । चतुत्थज्झानलाभी हि दिब्बचक्खुपरिकम्मत्थं ओभासकसिणं भावेत्वा उपचारे ठपितो समाधि परिकम्मसमाधि, तत्थ ओभासो परिकम्मोभासोति वुत्तो । तं सन्धायाह — **“ओभासज्जेव सज्जानामाति परिकम्मोभासं सज्जानामा”**ति । यत्तके हि ठाने दिब्बचक्खुना रूपगतं दद्दुकामो, तत्तकं ठानं ओभासकसिणं फरित्वा ठितो । तं ओभासं तत्थ च रूपगतं दिब्बचक्खुजाणेन पस्सति, थेरा च तथा पटिपज्जिंसु । तेन वुत्तं — **“ओभासज्जेव सज्जानाम दस्सनज्ज रूपान”**न्ति । यस्मा पन तेसं रूपगतं पस्सन्तानं परिकम्मवरो अतिक्कमि, ततो ओभासो अन्तरधायि, तस्मिं अन्तरहिते रूपगतमि न पज्जायति । परिकम्मन्ति हि यथावुत्तकसिणारम्मणं उपचारज्झानं, रूपगतं पस्सन्तानं कसिणोभासवसेन रूपगतदस्सनं, कसिणोभासो च परिकम्मवसेनाति तदुभयमपि परिकम्मस्स अप्पवत्तिया नाहोसि, तयिदं कारणं आदिकम्मिकभावतो थेरा न मज्जिंसु, तस्मा वुत्तं **“नप्पटिविज्झामा”**ति ।

निमित्तं पटिविज्झितब्बन्ति कारणं पच्चक्खतो दस्सेत्वा सुविसुद्धदिब्बचक्खुजाणे थेरं पटिद्वापेतुकामो सत्था वदति । **किं न आळुलेस्सन्तीति** किं न ब्यामोहेस्सन्ति, ब्यामोहेस्सन्ति एवाति अत्थो । **विचिकिच्छा उदपादीति** दिब्बचक्खुनो यथाउपट्ठितेसु रूपगतेसु अपुब्बताय, **“इदं नु खो रूपगतं किं, इदं नु खो कि”**न्ति मग्गेन असमुच्छिन्नत्ता विचिकिच्छा संसयो उप्पज्जि । **समाधि चवीति** विचिकिच्छाय उप्पन्नत्ता परिकम्मसमाधि विगच्छि । ततो एव हि परिकम्मोभासोपि अन्तरधायि, दिब्बचक्खुनापि रूपं न पस्सि । **न मनसि करिस्सामीति** मनसिकारवसेन मे रूपानि उपट्ठहिंसु, रूपानि पस्सतो विचिकिच्छा उप्पज्जति, तस्मा इदानि किञ्चि न मनसि करिस्सामीति तुण्ही अहोसि तं पन तुण्हीभावप्पत्तिं सन्धायाह **“अमनसिकारो उदपादी”**ति ।

तथाभूतस्स अमनसिकारस्स अभावं आगम्म **उप्पिलं उदपादि** । **वीरियं गाळ्हं पग्गहितन्ति** थिनमिद्धछम्भितत्तानं वूपसमनत्थं अच्चारद्धवीरियं अहोसि, तेन चित्ते समाधिदूसिका गेहस्सिता बलवपीति उप्पन्ना । तेनाह **“उप्पिलं उप्पन्न”**न्ति । ततोति सिथिलवीरियत्ता । **पतमेय्याति** अतिविय खिन्नं भवेय्य । तं ममाति पत्थनाअभिभवनीयमनसीसेन जप्पेतीति **अभिजप्पा**, तण्हा । नानत्ता नानासभावा सज्जा **नानत्तसज्जा** । अतिविय उपरि कत्वा निज्झानं पेक्खनं **अतिनिज्झायितत्तं** ।

२४३. परिकम्मोभासमेवाति परिकम्मसमुद्भितं ओभासमेव । **न च रूपानि पस्सामीति** ओभासमनसिकारपसुतताय दिब्बचक्खुना रूपानि न पस्सामि । **विसयरूपमेवाति** तेन फरित्वा ठितद्धानेव दिब्बचक्खुनो विसयभूतं रूपगतमेव मनसि करोमि ।

कसिणरूपानं वसेनेत्थ ओभासस्स परित्तताति आह **“परित्तद्धाने ओभास”**न्ति । **परित्तानि रूपानीति** कतिपयानि,

सा च नेसं परित्तता ठानवसेनेवाति आह “परित्तकट्टाने रूपानी”ति । “अप्पमाणञ्चेवा”ति आदिना वुत्तो दुतियवारो । ओभासपरित्ततं सन्धाय परिकम्मसमाधि “परित्तो”ति वुत्तो तस्सेव ओभासस्स अप्पमाणताय अप्पमाणसमाधीति वचनतो । तस्मिं समयेति तस्मिं परित्तसमाधिनो उप्पन्नसमये । दिब्बचक्खुपि परित्तकं होति परित्तरूपगतदस्सनतो ।

२४५. दुकतिकज्झानसमाधिन्ति चतुक्कनये दुकज्झानसमाधिं, पञ्चकनये तिकज्झानसमाधिन्ति योजना । दुकज्झानसमाधिन्ति चतुक्कनये ततियचतुत्थवसेन दुकज्झानसमाधिं, पञ्चकनये चतुत्थपञ्चमवसेन दुकज्झानसमाधिं । तिकचतुक्कज्झानसमाधिन्ति चतुक्कनये तिकज्झानसमाधिं, पञ्चकनये चतुक्कज्झानसमाधिन्ति योजना ।

तिविधन्ति सप्पीतिकवसेन तिप्पकारं समाधिं । तदन्तोगधाति सप्पीतिकादिसभावा । कामं भगवा पुरिमयामे पुब्बेनिवासानुस्सतिजाणं, पच्छिमयामे दिब्बचक्खुजाणं निब्बत्तेन्तोपि इमानि जाणानि भावेसियेव । विपस्सनापादकानि पन जाणानि सन्धाय, “पच्छिमयामे”ति वुत्तं, तेनाह “भगवतो ही”ति आदि । पञ्चमज्झानस्साति पञ्चमज्झानिकस्स वसेन पठमज्झानिको मग्गो नत्थि । सोति पञ्चकनयो भगवतो लोकियो अहोसि । एतन्ति एतं, “सवितक्कम्पि सविचारं समाधिं भावेमी”ति आदिवचनं । लोकियलोकुत्तरमिस्सकं सन्धाय वुत्तं, न “लोकियं वा लोकुत्तरमेव वा”ति । सेसं सुविज्जेय्यमेवाति ।

उपक्किलेससुत्तवण्णनाय लीनत्थप्पकासना समत्ता ।

९. बालपण्डितसुत्तवण्णना

२४६. एतेहीति दुचिन्तितादीहि । एतेन लक्खणसदस्स करणत्थतमाह । तानेवाति लक्खणानि एव । तस्साति बालस्स । “अयं बालो”ति निमीयति सञ्चानीयति एतेहीति बालनिमित्तानि । अपदानं वुच्चति विख्यातं कम्मं । दुचिन्तितादीनि च बाले विख्यातानि, अवधारणभावे वा, तस्मा बालस्स अपदानानीति बालापदानानि । अभिज्झादीहि दुट्ठं दूसितं चिन्तेतीति दुचिन्तितचिन्ती । लोभादीहि दुट्ठं भासितं मुसावादादिं भासतीति दुब्भासितभासी । तेसं तेसंयेव वसेन कत्तब्बतो दुक्कटकम्मं पाणातिपातादिं करोतीति दुक्कटकम्मकारी । तेनाह “चिन्तयन्तो”ति आदि । तानि उपनिस्साय जातन्ति तज्जं । ततो एव तेसं सारुप्पं अनुरूपन्ति तस्सारुप्पं । तेनाह “तज्जातिक”न्ति आदि । कच्छमानायाति कथियमानाय ।

२४७. यस्मा सत्तानं यथूपचितानि कम्मनि कतोकासानि तदुपट्ठापितानि कम्मनिमित्तगतिनिमित्तानि मरणस्स आसन्नकाले चित्तस्स आपाथं आगच्छन्तानि, तदा ओलम्बन्तानि विय अभिभवन्तानि विय अज्झोत्थरन्तानि विय उपट्ठहन्ति, तस्मा वुत्तं — “ओलम्बनादिआकारेण हि तानि उपट्ठहन्ती”ति । उपट्ठानाकारो एव तदा चित्तस्स गोचरभावं गच्छतीति आह — “तस्मिं उपट्ठानाकारे आपाथगते”ति ।

२४९. न सक्काति न वदतीति एतेन द्वेपि पटिसेधा पकतिअत्थाति अयमत्थो वुत्तो होति । न सुकराति पन इमिना दुक्करभावो दीपितो, दुक्करञ्च ताव उपायेन सक्का कातुन्ति दस्सेन्तो आह — “न सुकरं पना”ति आदि । तेनाति विनिविज्झित्वा गमनेन अज्जमज्जं संविज्झनेन । अस्साति चोरस्स । इतो उत्तरिपीति मज्झन्हिकसमयं सायन्हसमयञ्च सत्तिसतेन ।

२५०. सङ्खम्पि न उपेतीति इमिना सङ्ख्वातब्वमत्तं नत्थीति दीपितं होतीति आह — “गणनामत्तम्पि न गच्छती”ति । उपनिक्खेपनमत्तम्पीति एत्थापि एसेव नयो । कलभागन्ति कलानं सङ्गणनकोट्टासं । तेनाह “सतिमं कल”न्तिआदि । ओलोकितमत्तम्पीति उपनिक्खेपनवसेन ओलोकनमत्तकम्पि । तं कम्मकारणन्ति तं पञ्चविधबन्धनकम्मकारणं चतुन्नम्पि पस्सानं वसेन सम्परिवत्तेत्वा करोन्तियेव, पाळियं पन एकपस्सवसेन आगता । गेहस्साति महतो गेहस्स । सव्वतोति सव्वावयवतो । सम्पज्जलिते एकजालीभूते । सुपक्वकुथितायाति सुट्ठु निपक्काय ।

विभत्तोति तत्थ निव्वत्तकसत्तानं साधारणकम्मुना विभत्तो विय निव्वत्तो । अयोपाकारेन परितो अत्तो गहितोति अयोपाकारपरियत्तो परिक्षित्तो ।

यमकगोळकाति दारकानं कीळनयुगळा । एवम्पि दुक्खोति यथावुत्तउस्सदनिरयवसेनपि सोत-घान-जिह्वा-काय-मनो-गोचरतावसेनपि इमिना आकारेन दुक्खोति ।

२५१. दन्तेहि उल्लेहित्वाति उत्तरदन्तेहि अज्झित्वा । रसवसेन अत्तित्तो अस्सादो रसादो । तेनाह “रसगेधेन परिभुत्तरसो”ति ।

२५२. दुरूपोति विरूपो । दुद्वसोति तेनेव विरूपभावेन अनिट्ठदस्सनो । लकुण्ठकोति रस्सो । पविट्ठगीवोति खन्धन्तरं अनुपविट्ठगीवो । महोदरोति विपुलकुच्छि । येभ्य्येन हि लकुण्ठका सत्ता रस्सगीवा पुथुलकुच्छिकाव होन्तीति तथा वुत्तं । काणो नाम चक्खुविकलोति वुत्तं — “एकक्खिकाणो वा उभयक्खिकाणो वा”ति । कुणीति हत्थविकलो वुच्चतीति आह — “एकहत्थकुणी वा उभयहत्थकुणी वा”ति । वातादिना उपहतकायपक्खो इध पक्खहतोति अधिप्पेतो, न पक्खहतोति आह — “पक्खहतोति पीठसप्पी”ति । दुक्खानुपबन्धदस्सनत्थन्ति अपरापरजातीसु विपाकदुक्खस्स अनुपबन्धवसेन पवत्तिदस्सनत्थं ।

कलीयति खलीयति अप्पहीयति सासनं एतेनाति कलि, जुतपराजयो । सो एव गहसदिसताय “कलिग्गहो”ति वुत्तो । अधिबन्धन्ति कुटुम्बस्स अधिवुत्थस्स मूलभूतस्स अत्तनो बन्धितव्वतं । तेनाह “अत्तनापि बन्धं निगच्छेय्या”ति । बालभूमिया बालभावस्स मत्थकप्पत्ति निरयगामिकम्मकारिताति “निरये निव्वत्तति”च्चेव वुत्तं । तग्गहणेनेव पन ततो मुदुमुदुतरादिकम्मवसेन सेसापायेसु अपरापरनिव्वत्तादिबालभूमि विभाविता होतीति ।

२५३. वुत्तानुसारेनाति “बालो अय”न्तिआदिना वुत्तस्स अत्थवचनस्स “पण्डितो अय”न्ति एतेहि लक्खीयतीतिआदिना अनुसारेन । मनोसुचरितादीनं वसेनाति चिन्तेन्तो अनभिज्झा-अव्यापाद-सम्मादस्सनं सुचिन्तितमेव चिन्तेतीतिआदिना मनोसुचरितानं तिण्णं सुचरितानं वसेन योजेतव्वानि ।

चक्करतनवण्णना

२५६. उपोसथं (दी० नि० टी० २.२४३) वुच्चति अट्ठङ्गसमन्नागतं सव्वदिवसेसु गहट्ठेहि रक्खितव्वसीलं, समादानवसेन तं एतस्स अत्थीति उपोसथिको, तस्स । तेनाह “समादिन्नउपोसथङ्गस्सा”ति । तदाति तस्मिं काले, यस्मिं पन काले चक्कवत्तिभावसंवत्तनिय-दान-सीलादि-पुज्जसम्भारसमुदागमसम्पन्नो पूरितचक्कवत्तिवत्तो कादीपदेसविसेसपच्चाजातिया चेव कुलरूपभोगाधिपतेय्यादिगुणविसेससम्पत्तिया च तदनुरूपे अत्तभावे ठितो होति, तस्मिं काले । तादिसे हि काले चक्कवत्तिभावी पुरिसुत्तमो यथावुत्तगुणसमन्नागतो राजा खत्तियो हुत्वा मुद्दावसित्तो विसुद्धसीलो

अनुपोसथं सतसहस्सविस्सज्जनादिना सम्मापटिपत्तिं पटिपज्जति, न यदा चक्करतनं उप्पज्जति, तदा एव । तेनाह — “पातो...पे०... धम्मता”ति । (तत्थ दमो इन्द्रियसंवरो, संयमो सीलसंवरो ।)

वुत्तप्पकारपुञ्जकम्मपच्चयन्ति चक्कवत्तिभावावहदानदमसंयमादिपुञ्जकम्महेतुकं । नीलमणिसङ्घाटसदिसन्ति इन्दनीलमणिसञ्चयसमानं । दिब्बानुभावयुत्तत्ताति दस्सनीयता मनुञ्जघोसता आकासगामिता ओभासविस्सज्जना अप्पटिघातता रज्जो इच्छितत्थनिप्फत्तिकारणताति एवमादीहि दिब्बसदिसेहि आनुभावेहि समन्नागतत्ता । सब्बेहि आकारेहीति सब्बेहि सुन्दरेहि आकारेहि । परिपूरन्ति परिपुण्णं । सा चस्स पारिपूरि इदनेव वित्थारीयति ।

पनाळीति छिदं । सुद्धसिनिद्धदन्तपत्तिया निब्बिवरायाति अधिप्पायो । नाभिपनाळि परिकखेपपट्टेसूति नाभिपरिकखेपपट्टे चेव नाभिया पनाळिपरिकखेपपट्टे च । सुविभत्तावाति अज्जमज्जं असंकिण्णत्ता सुद्ध विभत्ता । परिच्छेदलेखन्तरेसु मणिका सुविभत्ता हुत्वा पज्जायन्तीति वदन्ति ।

परिच्छेदलेखादीनीति आदि-सद्देन मालाकम्मादिं सङ्गह्णाति । सुरत्ताति आदीसु सुरत्तग्गहणेन महानामवण्णतं पटिक्खिपति, सुद्धग्गहणेन संकिलिडुतं, सिनिद्धग्गहणेन लूखतं । कामं तस्स चक्करतनस्स नेमिमण्डलं असन्धिकंव निब्बत्तं, सब्बत्थकमेव पन केवलं पवाळवण्णोव न सोभतीति पकतिचक्कस्स सन्धियुत्तेसु ठानेसु रत्तजम्बुनदपरिक्खतं अहोसि, तं सन्धाय वुत्तं “सन्धीसु पनस्सा”ति आदि ।

नेमिमण्डलपिट्ठियन्ति नेमिमण्डलस्स पिट्ठिपदेसे । दसन्नं दसन्नं अरानमन्तरेति दसन्नं दसन्नं अरानं अन्तरसमीपे पदेसे । छिदमण्डलचित्तोति मण्डलसण्ठानछिद्विचित्तो । सुकुसलसमन्नाहतस्साति सुद्ध कुसलेन सिप्पिना पहतस्स, वादितस्साति अत्थो । वग्गूति मनोरमो रजनीयोति सुणन्तानं रागुप्पादको । कमनीयोति कन्तो । समोसरितकुसुमदामाति ओलम्बितसुगन्धकुसुमदामा । नेमिपरिकखेपस्साति नेमिपरियन्तपरिकखेपस्स । नाभिपनाळिया द्विन्नं पस्सानं वसेन “द्विन्नम्पि नाभिपनाळीन”न्ति वुत्तं । एका एव हि सा पनाळि । येहीति येहि द्वीहि सीहमुखेहि । पुन येहीति मुत्ताकलापेहि ।

ओधापयमानन्ति सोतुं अवहितानि कुरुमानं । चन्दो पुरतो, चक्करतनं पच्छाति एवं पुब्बापरियेन पुब्बापरभागेन ।

अन्ते पुरस्साति अनुराधपुरे रज्जो अन्तेपुरस्स उत्तरसीहपज्जरआसन्ने तदा रज्जो पासादे तादिसस्स उत्तरदिसाय सीहपज्जरस्स लब्धमानत्ता वुत्तं । सुखेन सक्काति किञ्चि अनारुहित्वा सरीरज्ज अनुल्लङ्घित्वा यथाठितेनेव हत्थेन पुप्फमुट्ठियो खिपित्वा सुखेन सक्का होति पूजेतुं ।

नानाविरागरतनप्पभासमुज्जलन्ति नानाविधचित्तवण्णरतनोभासपभस्सरं । आकासं अब्भुगन्त्वा पवत्तेति । आगन्त्वा ठितट्ठानतो उपरि आकासं अब्भुगन्त्वा पवत्ते ।

सन्निवेसक्खमोति खन्धवारसन्निवेसयोग्यो । सुलभाहारूपकरणोति सुखेनेव लद्धब्बधज्जगोरसदारुतिणादिभोजनसाधनो । परचक्कन्ति परस्स रज्जो सेना, आणा वा ।

आगतनन्दनोति आगतो हुत्वा नन्दिजननो । आगतं वा आगमनं, तेन नन्दीति आगतनन्दनो । गमनेन सोचेतीति गमनसोचनो । उपकप्पेथाति उपरूपरि कप्पेथ संविदहथ, उपनेथाति अत्थो । उपपरिक्खित्वाति हेतुतोपि सभावतोपि फलतोपि दिट्ठधम्मिकसम्परायिकआदीनवतोपि वीमंसित्वा ।

विभावेन्ति पञ्चाय अत्थं विभूतं करोन्तीति विभाविनो, पञ्चवन्तो । अनुयन्ताति अनुवत्तका । ओगच्छमानन्ति ओसीदन्तं । योजनमत्तन्ति वित्थारतो योजनमत्तं पदेसं । गम्भीरभावेन पन यथा भूमि दिस्सति, एवं ओगच्छति । तेनाह “महासमुद्वतल”न्तिआदि । अन्ते चक्करतनं उदकेन सेनाय अनज्झोत्थरणत्थं ।

२५७. पुरत्थिमो समुद्धो परियन्तो अस्साति पुरत्थिमसमुद्धपरियन्तो, पुरत्थिमसमुद्धं परियन्तं कत्वा । चातुरन्तायाति चातुसमुद्वन्ताय पुब्बविदेहादिचतुकोट्टासन्ताय ।

हत्थिरतनवण्णना

२५८. हरिचन्दनादीहीति आदि-सद्देन चतुज्जातियगन्धादिं सङ्गणहाति । आगमनं चिन्तेथाति वदन्ति चक्कवत्तिवत्तस्स पूरितताय परिचितत्ता । भूमिफुसनकेहि वालधि, वरङ्गं हत्थोति इमेहि च तीहि, चतूहि पादेहि चाति सत्तहि अवयवेहि ठितत्ता सत्तपतिट्ठो । इतरेसं अमच्चादीनं चिन्तयन्तानं न आगच्छति । अपनेत्वाति अत्तनो आनुभावेन अपनेत्वा । गन्धमेव हि तस्स इतरे हत्थिनो न सहन्ति ।

अस्सरतनवण्णना

सिन्धवकुलतोति सिन्धवस्साजानीयकुलतो ।

मणिरतनवण्णना

सकटनाभिसमप्पमाणन्ति परिणाहतो महासकटस्स नाभिया समप्पमाणं । उभोसु अन्तेसूति हेट्ठा उपरि चाति द्वीसु अन्तेसु । कण्णिकपरियन्ततोति द्विन्नं कञ्चनपदुमानं कण्णिकाय परियन्ततो । मुत्ताजालके ठपेत्वाति सुविसुद्धे मुत्तामये जालके पतिट्ठपेत्वा ।

इत्थिरतनवण्णना

“इत्थिरतनं पातुभवती”ति वत्वा अस्स पातुभवनाकारं दस्सेतुं, “महाराजकुलतो वा”तिआदि वुत्तं । महारट्ठं किर अभिरूपानं इत्थीनं उप्पत्तिट्ठानं । सण्ठानपारिपूरियाति हत्थपादादिसरीरावयवानं सुसण्ठितताय । अवयवपारिपूरिया हि समुदायपारिपूरिसिद्धि । रूपन्ति सरीरं । दस्सनीयाति सुरूपभावेन पस्सितब्बयुत्ता । सोमनस्सवसेन चित्तं पसादेति योनिस्सो चिन्तेन्तानं कम्मफलसद्भाय वसेन । पसादावहत्ताति कारणवचनेन यथा पासादिकताय वण्णपोक्खरतासिद्धि वुत्ता, एवं दस्सनीयताय पासादिकतासिद्धि, अभिरूपताय च दस्सनीयतासिद्धि वत्तब्बाति नयं दस्सेति । पटिलोमतो वा वण्णपोक्खरताय पासादिकतासिद्धि, पासादिकताय दस्सनीयतासिद्धि, दस्सनीयताय अभिरूपतासिद्धि योजेतब्बा । एवं सरीरसम्पत्तिवसेन अभिरूपतादिके दस्सेत्वा इदानीं सरीरे दोसाभाववसेनपि ते दस्सेतुं, “अभिरूपा वा”तिआदि वुत्तं । तत्थ यथा पमाणयुत्ता, एवं आरोहपरिणाहयोगतो च पासादिका नातिदीघतादयो । एवं मनुस्सानं दिब्बरूपतासम्पत्तिपीति “अप्पत्ता दिब्बवण्ण”न्ति वुत्तं । कायविपत्तियाति सरीरदोसस्स । अभावोति अच्चन्तमेव दूरीभावो ।

सतविहतस्साति सतक्खत्तुं विहतस्स । सतविहतस्साति च इदं कप्पासपिचुवसेन वुत्तं, तूलपिचुनो पन विहननमेव नत्थि । कुङ्कुमतगरतुरुक्खयवनपुष्फानि चतुज्जाति । तमालतगरतुरुक्खयवनपुष्फानीति अपरे ।

अग्निदद्धा वियाति आसनगतेन अग्निना दद्धा विय । **पठममेवाति** अज्जकिच्चतो पठममेव, दस्सनसमकालमेवाति अत्थो । तं तं अत्तना रज्जो कातब्बकिच्चं किं करोमीति पुच्छितब्बताय किं करणन्ति पटिस्सावेतीति **किङ्कारपटिस्साविनी** ।

मातुगामो नाम येभ्य्येन सठजातिको, इत्थिरतनस्स पन तं नत्थीति दस्सेतुं, “**स्वास्सा**”तिआदि वुत्तं । **गुणाति** रूपगुणा चेव आचारगुणा च । **पुरिमकम्मानुभावेनाति** तस्सा पुरिमकम्मानुभावेन । इत्थिरतनस्स तब्भासंवत्तनियपुरिमकम्मस्स आनुभावेन, चक्कवत्तिनोपि परिवारसंवत्तनियं पुज्जकम्मं तादिसस्स फलविसेसस्स उपनिस्सयो होतियेव । तेनाह “**चक्कवत्तिनो पुज्जं उपनिस्साया**”ति । एतेन सेसरतनेसुपि तेसं विसेसानं तदुपनिस्सयता विभाविता एवाति दद्धब्बं । पुब्बे एकदेसवसेन लब्धमानपारिपूरी रज्जो **चक्कवत्तिभावूपगमनतो पट्टाय सब्बाकारपारिपूरा जाता** ।

गहपतिरतनवण्णना

पकतियावाति सभावेनेव, चक्करतनपातुभावतो पुब्बेपि ।

परिणायकरतनवण्णना

निस्सायाति उपनिस्साय ।

२६०. कटग्गहो वुच्चति जयग्गहो सकानं पणानं कटभावेन अत्थसिद्धिवसेन सङ्गणहन्ति कत्वा । तेनाह “**जयग्गाहेना**”ति । **एकप्पहारेनेवाति** एकप्पयोगेनेव सतसहस्सानि अधिगच्छेय्याति योजना । सेसं वुत्तनयत्ता सुविज्जेय्यमेव ।

बालपण्डितसुत्तवण्णनाय लीनत्थप्पकासना समत्ता ।

१०. देवदूतसुत्तवण्णना

२६१. द्वे अगारातिआदीति आदि-सद्देन “सद्दारा... पे०... अनुविचरन्तेपी”ति एतमत्थं सङ्गणहाति । एत्तकमेव हि अस्सपुरसुत्ते (म० नि० १.४३२; म० नि० अट्ठ० १.४३२) वित्थारितं वेदितब्बं । “दिब्बेन चक्खुना”तिआदि पन विसुद्धिमग्गे (विसुद्धि० २.३९७) तथा वित्थारितम्पि सुत्तसंवण्णना होतीति कत्वा, “**अस्सपुरसुत्ते वित्थारितमेवा**”ति वुत्तं ।

२६२. निरयतो पट्टाय देसनं देवलोकेन ओसापेतीति संकिलेसधम्मोहि संवेजेत्वा वोदानधम्मोहि निट्ठापेन्तो । दूतियं पन वुत्तविपरियायेन वेदितब्बं, तदिदं वेनेय्यज्झासयविसिद्धन्ति दद्धब्बं । इदानि सङ्घिपित्वा वुत्तमत्थं विवरितुं, “**सचे**”तिआदि वुत्तं । **सोति** भगवा ।

एकच्चे थेराति (कथा० अनुटी० ८६६-८६८; अ० नि० टी० २.३.३६) अन्धकादिके, विज्जाणवादिनो च सन्धाय वदति । नेरयिके निरये पालेन्ति ततो निगगन्तुमप्पदानवसेन रक्खन्तीति **निरयपाला** । नेरयिकानं नरकदुक्खेन परियोनद्धाय

अलं समत्थाति वा **निरयपाला**। तन्ति “नत्थि निरयपाला”तिवचनं। **पटिसेधितमेवाति** “अत्थि निरये निरयपाला, अत्थि च कारणिका”तिआदिना नयेन **अभिधम्मे** (कथा० ८६६) पटिसेधितमेव। यदि निरयपाला नाम न सियुं, कम्मकारणापि न भवेय्य। सति हि कारणिके कम्मकारणाय भवितव्वन्ति अधिष्पायो। तेनाह “**यथा ही**”तिआदि। एत्थाह — “किं पनेते निरयपाला नेरयिका, उदाहु अनेरयिका”ति। किञ्चेत्थ — यदि ताव नेरयिका, इमे निरयसंवत्तनियेन कम्मुना निब्बत्ताति सयम्पि निरयदुक्खं अनुभवेय्युं, तथा सति अज्जेसं नेरयिकानं यातनाय असमत्था सियुं, “इमे नेरयिका, इमे निरयपाला”ति ववत्थानञ्च न सिया, ये च ये यातेन्ति, तेहि समानरूपबलप्पमाणेहि इतरेसं भयसन्तासा न सियुं। अथ अनेरयिका, नेसं तत्थ कथं सम्भवोति वुच्चते — अनेरयिका निरयपाला अनिरयगतिसंवत्तनियकम्पनिब्बत्तितो। निरयूपपत्तिसंवत्तनियकम्मतो हि अज्जेनेव कम्मुना ते निब्बत्तन्ति रक्खसजातिकत्ता। तथा हि वदन्ति सब्बत्थिवादिनो —

“कोधना कुरुरकम्मन्ता, पापाभिरुचिनो सदा।

दुक्खितेसु च नन्दन्ति, जायन्ति यमरक्खसा”ति॥ (कथा० अनुटी० ८६६-८६८; अ० नि० टी० २.३.३६)।

तत्थ यदेके वदन्ति “यातनादुक्खं पटिसंवेदेय्युं, अथ वा अज्जमज्जं यातेय्युं”न्तिआदि, तयिदं असारं निरयपालानं नेरयिकभावस्सेव अभावतो। यदिपि अनेरयिका निरयपाला, अयोमयाय पन आदित्ताय सम्पज्जलिताय सजोतिभूताय निरयभूमिया परिवक्कममाना कथं दाहदुक्खं नानुभवन्तीति? कम्मानुभावतो। यथा हि इद्धिमन्तो चेतोवसिप्पत्ता महामोगल्लानादयो नेरयिके अनुकम्पन्ता इद्धिबलेन निरयभूमिं उपगता दाहदुक्खेन न बाधीयन्ति, एवंसम्पदमिदं दट्ठब्बं।

इद्धिविसयस्स अचिन्तेय्यभावतोति चे? इदम्पि तंसमानं कम्मविपाकस्स अचिन्तेय्यभावतो। तथारूपेन हि कम्मुना ते निब्बत्ता। यथा निरयदुक्खेन अबाधिता एव हुत्वा नेरयिके यातेन्ति, न चेत्तकेन बाहिरविसयाभावो युज्जति इट्ठानिट्ठताय पच्चेकं द्वारपुरिसेसु विभत्तसभावत्ता। तथा हि एकच्चस्स द्वारस्स पुरिस्स च इट्ठं एकच्चस्स अनिट्ठं, एकच्चस्स च अनिट्ठं एकच्चस्स इट्ठं होति। एवञ्च कत्वा यदेके वदन्ति — “नत्थि कम्मवसेन तेजसा परूपापन”न्तिआदि, तदपाहतं होति। यं पन वदन्ति — “अनेरयिकानं नेसं कथं तत्थ सम्भवो”ति निरये नेरयिकानं यातनासम्भावतो। नेरयिकसत्तायातनायोग्यज्झि अत्तभावं निब्बत्तेन्तं कम्मं तादिसनिकन्तिविनामितं निरयद्वानेयेव निब्बत्तेति। ते च नेरयिकेहि अधिकतरबलारोहपरिणाहा अतिविय भयानकदस्सना कुरुरतरपयोगा च होन्ति। एतेनेव तत्थ नेरयिकानं विबाधककाकसुनखादीनम्पि निब्बत्ति संवण्णिताति दट्ठब्बं।

कथं अज्जगतिकेहि अज्जगतिकबाधनन्ति च न वत्तब्बं अज्जत्थापि तथा दस्सनतो। यं पनेके वदन्ति — “असत्तसभावा एव निरयपाला निरयसुनखादयो चा”ति तम्पि तेसं मतिमत्तं अज्जत्थ तथा अदस्सनतो। न हि काचि अत्थि तादिसी धम्मप्पवत्ति, या असत्तसभावा, सम्पतिसत्तेहि अप्पयोजिता च सत्तकिच्चं साधेन्ती दिट्ठपुब्बा। पेतानं पानीयनिवारकानं दण्डादिहत्थपुरिसानम्पि सम्भावे, असत्तभावे च विसेसकारणं नत्थि। सुपिनोपघातोपि अत्थि, किच्चसमत्थता पन अप्पमाणं दस्सनादिमत्तेनपि तदत्थसिद्धितो। तथा हि सुपिने आहाररूपभोगादिना न अत्थसिद्धि, इद्धिनिम्मानरूपं पनेत्थ लद्धपरिहारं इद्धिविसयस्स अचिन्तेय्यभावतो। इधापि कम्मविपाकस्स अचिन्तेय्यभावतोति चे? तं न, असिद्धत्ता। नेरयिकानं कम्मविपाकतो निरयपालाति असिद्धमेतं, वुत्तनयेन पन पाळितो च तेसं सत्तभावो एव सिद्धोति। सक्का हि वत्तुं, “सत्तसङ्घाता निरयपालसज्जिता धम्मप्पवत्ति साभिसन्धिकपरूपघाती अत्थि किच्चसम्भावतो ओजाहारादिरक्खससन्तति विया”ति। अभिसन्धिपुब्बकता चेत्थ न सक्का पटिक्खपितुं तथा तथा अभिसन्धिया यातनतो, ततो एव न सङ्घातपब्बतादीहि अनेकन्तिकता। ये पन वदन्ति — “भूतविसेसा एव एते वण्णसण्ठानादिविसेसवन्तो

भेरवाकारा ‘नरकपाला’ति समञ्जं लभन्ती’ति । तदसिद्धं उजुकमेव पाळियं, — “अत्थि निरयेसु निरयपाला”ति (कथा० ८६६) वादस्स पटिद्वापितत्ता ।

अपिच यथा अरियविनये नरकपालानं भूतमत्तता असिद्धा, तथा पञ्जत्तिमत्तवादिनोपि तेसं भूतमत्तता असिद्धाव सब्बसो रूपधम्मानं अत्थि भावस्सेव अप्पटिजाननतो । न हि तस्स भूतानि नाम परमत्थतो सन्ति । यदि परमत्थं गहेत्वा वोहरति, अथ कस्मा चक्खुरूपादीनि पटिक्खिपतीति? तिद्दुतेसा अनवट्टितक्कानं अप्पहीनसम्मोहविपल्लासानं वादवीमंसा, एवं, “अत्थेव निरये निरयपाला”ति तिद्दुमेत्थ गन्तब्बं । सति च नेसं सम्भावे, असतिपि बाहिरे विसये नरके विय देसादिनियमो होतीति वादो न सिज्झति, सति एव पन बाहिरे विसये देसादिनियमोति दट्ठब्बं ।

देवदूतसरापनवसेन सत्ते यथूपचिते पुञ्जकम्मे यमेति नियमेतीति यमो, तस्स यमस्स वेमानिकपेतानं राजभावतो रज्जो । तेनाह — “यमराजा नाम वेमानिकपेतराजा”ति । **कम्मविपाकन्ति** अकुसलकम्मविपाकं । **वेमानिकपेताति** कण्हसुक्कवसेन मिस्सककम्मं कत्वा विनिपातिकदेवता विय सुक्केन कम्मुना पटिसन्धिं गणहन्ति । तथा हि ते मग्गफलभागिनोपि होन्ति, पवत्तियं पन कम्मानुरूपं कदाचि पुञ्जफलं, कदाचि अपुञ्जफलं पच्चनुभवन्ति । येसं पन अरियमग्गो उप्पज्जति, तेसं मग्गाधिगमतो पट्टाय पुञ्जफलमेव उप्पज्जतीति दट्ठब्बं । अपुञ्जफलं पुब्बे विय कटुकं न होति । मनुस्सत्तभावे ठितानं मुदुकमेव होतीति अपरे । **धम्मिको राजाति** एत्थ तस्स धम्मिकभावो धम्मदेवपुत्तस्स विय उप्पत्तिनियमितधम्मवसेनेव वेदितब्बो । **द्वारेसूति** अवीचिमहानरकस्स चतूसु द्वारेसु ।

जातिधम्मोति कम्मकिलेसवसेन जातिपकतिको । तेनाह “**जातिसभावो**”ति । सभावो च नाम तेजोधातुया उण्हता विय न कदाचिपि विगच्छतीति आह “**अपरिमुत्तो जातिया**”तिआदि ।

२६३. इदानीं जातिया देवदूतभावं निद्दारेत्वा दस्सेतुं, “**दहरकुमारो**”तिआदि वुत्तं । **अत्थतो एवं वदति** नामाति वाचाय अवदन्तोपि अत्थापत्तितो एवं वदन्तो विय होति विज्जूनन्ति अत्थो । **एवं तुम्हाकम्पि जाति आगमिस्सतीति** एवं संकिलिद्दुज्जेगुच्छअसमत्थदहरावत्था जाति तुम्हाकं आगमिस्सति । कामज्चायं आगता एव, सा पन अतीतानागताय उपरिपि आगमनाय पयोगो इच्छितब्बो, अनागताय न इच्छितब्बोति आह “**जाति आगमिस्सती**”ति । तेनेवाह — “**इति तस्सा...पे०... करोथा**”ति । तेनाति तेन कारणेन विज्जूनं वेदवत्थुभावेनाति अत्थो ।

ऊरुबलन्ति ऊरुबली । तेन दूरेपि गमनागमनलङ्घनादिसमत्थतं दस्सेति, **बाहुबलन्ति** पन इमिना हत्थेहि कातब्बकिच्चसमत्थतं, जवग्गहणेन वेगस्स पवत्तिसमत्थतं । **अन्तरहिता** नट्टा । सेसं पठमदेवदूते वुत्तनयमेव ।

विविधं दुक्खं आदहतीति ब्याधि, विसेसेन वा आधीयति एतेनाति ब्याधि, तेन **ब्याधिना** । **अभिहतोति** बाधितो, उपहुतोति अत्थो ।

२६५. कारणा नाम “हत्थच्छेदादिभेदा अधिकपीळा करीयति एताया”ति कत्वा यातना, सा एव कारणिकेहि कातब्बडेन कम्मन्ति **कम्मकारणा** यातनाकम्मन्ति अत्थो ।

२६६. **बहुं पापं कतन्ति** बहुसो पापं कतं । तेन पापस्स बहुलीकरणमाह । **बहूति** वा महन्तं । महत्थोपि हि बहुसद्वो दिस्सति, “बहु वत कतं अस्सा”तिआदीसु, गरुकन्ति वुत्तं होति । **सोति** गरुकं बहुलं वा पापं कत्वा ठितो **निरये**

निब्बत्तितियेव, न यमपुरिसेहि यमस्स सन्तिकं नीयति । परित्तन्ति पमाणपरित्तताय कालपरित्तताय च परित्तं, पुरिमस्मिं पक्खे अगरुन्ति अत्थो, दुतियस्मिं अबहुलन्ति । यथावुत्तमत्थं उपमाय विभावेतुं, “यथा ही”तिआदि वुत्तं । कत्तब्बमेवाति दण्डमेव । अनुविज्जित्वा वीमंसित्वा । विनिच्छयट्ठानन्ति अट्टकरणट्ठानं । परित्तपापकम्माति दुब्बलपापकम्मा । ते हि पापकम्मस्स दुब्बलभावतो कतूपचितस्स च ओकासारहकुसलकम्मस्स बलवभावतो अत्तनो धम्मतायपि सरन्ति ।

आकासचेतियन्ति गिरिसिखरे विवटङ्गणे कतचेतियं । अग्गिजालसद्वन्ति “पटपटा”ति पवत्तमानं अग्गिजालाय सद्धं सुत्वा, “मया तदा आकासचेतिये पूजितरत्तपटा विया”ति अत्तनो पूजितपटं अनुस्सरि । पञ्चहिपि न सरतीति बलवता पापकम्मेन ब्यामोहितो पञ्च सञ्जाणानि न गण्हाति । तुण्ही होति कम्मरहो अयन्ति तत्थ पतीकारं अपस्सन्तो ।

२६७. अवीचिमहानिरयो उब्बेधेनपि योजनसतमेवाति वदन्ति । नवनवयोजनिका होति पुथुलतो । महानिरयस्स महन्तत्ता तथापि भित्तिसतं योजनसहस्सं होतीति उस्सदस्स सब्बस्स परिकखेपतो “दसयोजनसहस्सं होती”ति वुत्तं ।

२६८. झायतीति पटिपाकतिकं होति । तादिसमेवाति पुरिमसदिसत्ता “उब्भतं सदिसमेव होती”ति एवं वुत्तं । बहुसम्पत्तोति वा बहुट्ठानं अतिक्कमित्वा पुरत्थिमद्वारं सम्पत्तो होति ।

छन्नं जालानन्ति चतूहि दिसाहि हेट्ठा उपरि च उब्भतानं छन्नं जालानं । सत्तानं निरन्तरता निरयसंवत्तनियकम्मकतानञ्च बहुभावतो जालानं ताव सत्तानञ्च निरन्तरत्ता अवीचि होतु; दुक्खस्स पन कथं निरन्तरताति तं दस्सेन्तो, “कायद्वारे...पे०... एकं दुक्खसहगत”न्तिआदिमाह । तत्थ आवज्जनं सम्पटिच्छन्नं सन्तीरणं वोट्टुब्बनं द्वे तदारम्मणचित्तानीति छ उपेक्खासहगतानि । एवं सन्तेपीति यदिपि तत्थ उपेक्खासहगतचित्तानिपि पवत्तन्ति उपेक्खावेदनापि लब्धावसरा; दुक्खवेदना पन बलवतरा निसितनिसितेन तिखिणेन सत्थेन निरन्तरं सरीरं छिन्दन्ती विय दुक्खं उपनेन्ती विय ता वेदना अभिभवन्ती अज्झोत्थरन्ती उप्पज्जन्ती निरन्तरा विय होति । तेनाह “अनुदहनबलवताया”तिआदि । उपेक्खावेदनाति वा तत्थ अतिविय अनिट्ठफलताय अनिट्ठारम्मणा उपेक्खावेदना दुक्खाति वुच्चति, यथा इट्ठफलबहुताय इट्ठारम्मणा झानादिपरियापन्ने च सुगतिभवे च उपेक्खावेदना सुखाति वुच्चति, एवं दुक्खस्स निरन्तरताय अवीचीति वेदितब्बं ।

२६९. एको पादो महानिरये होति, एको गूथनिरये निपतति, कम्मवेगुक्खित्तो अन्तरा पदमावहति सेसारम्भताय । हत्थिगीवप्पमाणा परिणाहेन । एकदोणिकनावप्पमाणा आयामेन ।

पोक्खरपत्तानीति खुरधारासदिसानि तिखिणग्गानि अयोसूलमयानेव पदुमपत्तानि । हेट्ठा खुरधाराति हेट्ठाभूमियं निक्खित्ता, वेत्तलतायो च तिखिणधारकण्टका अयोमया एव । तेनाह — “सो तत्थ दुक्खा”तिआदि । कुसतिणानीति कुसतिणजातिताय तथा वुत्तानि । खरवालिकाति खरा तिखिणकोटिका सिङ्घाटकसण्ठाना वालिका ।

२७०. दन्ते सम्फुसेतीति हेट्ठिमदन्ते यथा किञ्चि मुखे पक्खिपितुं न सक्का, एवं सुफुसिते करोति । तम्बलोहपानतो पट्टायाति वुत्तकारणतो पटिलोमतोपि एवं कम्मकारणानं कारणमाह । दुतियेनाति कुठारीहि तच्छनेन । ततियेनाति वासीहि तच्छनेन । अविजहितमेव संवेगहेतुताय लोकस्स महतो अत्थस्स संवत्तनतो ।

२७१. हीनकायं हीनं वा अत्तभावं उपगता । उपादानेति चतुब्बिधेपि उपादाने । तं अत्थतो तण्हादिट्ठिग्गाहोति आह “तण्हादिट्ठिग्गहणे”ति । सम्भवति जरामरणं एतेनाति सम्भवो, उपादानन्ति आह — “जातिया मरणस्स च कारणभूते”ति । अनुपादाति अनुपादाय । तेनाह “अनुपादियित्वा”ति ।

सब्बदुक्खातिक्कन्ता नामाति सकलम्पि वट्टदुक्खं अतिक्कन्ता एव होन्ति चरिमचित्तनिरोधेन वट्टदुक्खलेसस्सपि असम्भवतो ।

देवदूतसुत्तवण्णनाय लीनत्थप्पकासना समत्ता ।

निट्ठिता च सुज्जतवग्गवण्णना ।

४. विभङ्गवग्गो

१. भद्देकरत्तसुत्तवण्णना

२७२. एका रत्ति एकरत्तो, भद्दो एकरत्तो एतस्साति भद्देकरत्तं, विपस्सनं परिबूहेन्तो पुग्गलो । तेनाह — “विपस्सनानुयोगसमन्नागतत्ता”ति । तं उद्दिस्स पवत्तिया पन भद्देकरत्तसहचरणतो भद्देकरत्तो । तेनाह भगवा — “भद्देकरत्तस्स वो, भिक्खवे, उद्देसज्ज विभङ्गज्ज देसेस्सामी”ति । देसेतब्बमत्थं उद्दिस्सति एतेनाति उद्देसो, सङ्खेपदेसना एव । यस्मा पन निदेसपदानं जननिट्ठाने ठितत्ता माता वियाति मातिकाति वुच्चति, तस्माह “उद्देसन्ति मातिक”न्ति । उद्दिट्ठमत्थं विभजति एतेनाति विभङ्गो वित्थारदेसना, तेनाह — “वित्थारभाजनिय”न्ति “यथाउद्दिट्ठमत्थं वित्थारतो भाजेति विभजति एतेना”ति कत्वा ।

उप्पादादिखणत्तयं पत्वा अतिक्कमं अतिक्कन्तं अतीतं । तं पन अत्थतो विगतं खन्धपञ्चकन्ति आह “अतीते खन्धपञ्चके”ति । तण्हादिट्ठीहि नानुगच्छेय्याति तण्हादिट्ठाभिनन्दनाहि नानुभवेय्य, नाभिनन्देय्याति अत्थो । यथा “निच्च”न्तिआदिना विपरीतग्गाहवसेन अतीतेसु रूपादीसु मिच्छाअभिनिविसनं परामासो दिट्ठाभिनन्दना; एवं “निच्च”न्तिआदिना विपरीतग्गाहवसेन अनागतेसु रूपादीसु मिच्छाअभिनिविसनं परामासो दिट्ठि कम्मसमादानं दिट्ठिपत्थनाति तं पटिक्खिपन्तो आह — “तण्हादिट्ठीहि न पत्थेय्या”ति । यदतीतन्ति एत्थ इति-सद्दो आदिअत्थो । तेन “अपत्त”न्ति पदं सङ्गण्हाति । तम्पि हि कारणवचनं । तेनाह “यस्मा चा”ति । तत्थायमधिप्पायो, “अतीतं तण्हादिवसेन नाभिनन्दितब्बं सब्बसो अविज्जमानत्ता ससविसाणं विय, तथा अनागतम्पि न पत्थेतब्ब”न्ति । तत्थ सिया — अतीतं नाभिनन्दितब्बं अभिनन्दनाय निष्पयोजनत्ता, अनागतपत्थना पन सफलापि सियाति न सब्बसो पटिक्खिपितब्बाति? न, तस्सापि सविधातभावेन पटिक्खिपितब्बतो । तेनाह “यस्मा”तिआदि । तत्थ पहीनन्ति निस्सट्ठसभावं । निरुद्धन्ति भग्गं । अत्थङ्गतन्ति विनासं । अप्पत्तन्ति सभावं उप्पादादिकं असम्पत्तं । अजातन्ति न जातं । अनिब्बत्तन्ति तस्सेव वेवचनं ।

यत्थ यत्थाति यस्मिं यस्मिं खणे, यस्मिं यस्मिं वा धम्मपुज्जे उप्पन्नं, तं सब्बम्पि असेसेत्वा । अरज्जादीसु वाति वा-सद्दो अनियमत्थो । तेन अरज्जे वा रुक्खमूले वा पब्बतकन्दरादीसु वाति ठाननियमाभावा अनुपस्सनाय सातच्चकारितं दस्सेति । यमकादिवसेन परिबूहियमाना विपस्सना विय पटिपक्खेहि अकोपनियाव होतीति आह — “असंहीरं असंकुप्पन्ति इदं विपस्सनापटिविपस्सनादस्सनत्थं वुत्त”न्ति । गाथायमयमत्थो विपस्सनावसेन युज्जतीति आह —

“विपस्सना ही”तिआदि । किं एताय परियायकथायाति निप्परियायतोव असंहीरं असंकुपं दस्सेतुं, “अथ वा”तिआदि वुत्तं । कथं पन निच्चस्स निब्बानस्स अनुबूहना होतीति आह “पुनप्पुन”न्तिआदि । एतेन तदारम्मणधम्मा बूहनाय, तेसं आरम्मणम्मि अत्थतो अनुबूहितं नाम होति बहुलं मनसिकारेनाति दस्सेति ।

आदितो तापनं आतापनं, तेन आरम्भधातुमाह । परितो तापनं परितापनं, तेन निक्कमधातुपरक्कमधातुयो चाति । तस्स सेनाति तस्स मच्चुनो सहकरणट्टेन सेना वियाति सेना । सङ्गरोतिआदीसु मित्ताकारग्गहणेन सामपयोगमाह । लज्जग्गहणेन लज्जदानं, तेन दानप्पयोगं । बलरासीति हत्थिअस्सादिबलकायो । तेन दण्डभेदानि वदति । भेदोपि हि बलवतो एव इज्झति, स्वायं चतुब्बिधोपि उपाययोगेन सम्पवत्तीयति । तत्थ तत्थ च सङ्गं आसत्तिं अरति देतीति सङ्गरो पुब्बभागे वा सङ्गरणवसेन तस्स पटिजाननवसेन पवत्तनतो ।

उट्ठाहकं उट्ठानवीरियसम्पन्नं । सपरहितसीवनलक्खणेन असाधुभावपरम्मुखभावगमनेन वा सन्तो ।

२७३. मनुज्जरूपवसेनेव एवरूपो अहोसीन्ति अतीतं अन्वागमेति तत्थ नन्दियासमन्वानयनतो । वेदनादीसुपि एसेव नयो । कुसलसुखसोमनस्सवेदनावसेनाति कुसलवेदनावसेन सुखवेदनावसेन सोमनस्सवेदनावसेनाति पच्चेकं वेदनासद्वो योजेतब्बो । तण्हाभिनन्दनाय सति दिट्ठाभिनन्दना सिद्धा एवाति — “तण्हं समन्वानेति”इच्चेव वुत्तं । हीनरूपादि...पे०... न मज्जति अमनुज्जोपि समानो समनुज्जभावस्सेव वसेन मज्जनाय पवत्तनतो । नानुपवत्तयति विक्खम्भनवसेन नन्दिया दूरीकतत्ता ।

२७४. उल्लारसुन्दरभावमुखेनेव अनागतेसुपि रूपादीसु तण्हादिट्ठिकप्पना पवत्ततीति आह — “एवरूपो...पे०... वेदितब्बा”ति ।

२७५. वत्तब्बं सियाति यथा नन्दिया असमन्वानयनजोतनं ब्यतिरेकमुखेन पतिट्ठपेतुं, “अतीतं न न्वागमेय्या”ति उद्देसस्स, “कथञ्च, भिक्खवे, अतीतं अन्वागमेती”तिआदिना (म० नि० ३.२७३) विभङ्गो वुत्तो, एवं “पच्चुप्पन्नञ्च यो धम्म”न्तिआदिकस्स उद्देसस्स ब्यतिरेकमुखेन विभङ्गे वुच्चमाने विपस्सनापटिक्खेपवसेन, “कथञ्च...पे०... वत्तब्बं सिया”ति वुत्तं । तयिदं परमगम्भीरं सत्थुदेसनानयं अनुपधारेत्वा चोदितं, यस्मा “पच्चुप्पन्नञ्च यो धम्म”न्तिआदिकस्स उद्देसस्स ब्यतिरेकमुखेनेव विपस्सनापटिक्खेपवसेन, “कथञ्च, भिक्खवे, पच्चुप्पन्नेसू”ति विभङ्गदेसना सम्पवत्तति । तेनाह “यस्मा पना”तिआदि । तत्थ तस्सा एवाति विपस्सनाय एव । अभावं दस्सेतुं संहीरतीति मातिकं उद्धरित्वाति कथेतुकम्यताय मातिकावसेन पदुद्धारं कत्वा, “इध, भिक्खवे, असुतवा सुतवा”ति च आदिना वित्थारो वुत्तो । विपस्सनाय अभावतोति विपस्सनाय अभावितताय अविक्खम्भितताय तण्हादिट्ठीहि सपत्तेहि विय तत्थ तत्थ ठपनाय आकट्ठीयति, तत्थ तत्थ विसये ततो एव अपायसमुदं संसारसमुदं आनीयति । सुक्कपक्खो वुत्तविपरियायेन वेदितब्बो । सेसं सुविज्जेय्यमेव ।

भद्देकरत्तसुत्तवण्णनाय लीनत्थप्पकासना समत्ता ।

२. आनन्दभद्देकरत्तसुत्तवण्णना

२७६. बहिद्धा पुथुत्तारम्मणतो निवत्तेत्वा एकस्मियेव आरम्मणे चित्तस्स सम्मदेव लयनं अप्पनं पटिसल्लानं, यो कोचि समापत्तिविहारो, इध पन अरियविहारो अधिप्पेतोति आह — “पटिसल्लाना वुट्ठितो”तिआदि । जानन्तोव भगवा

कथासमुद्रापनत्थं पुच्छि। वुत्तज्जेतं — “जानन्तापि तथागता पुच्छन्ति, जानन्तापि न पुच्छन्ती”तिआदि (पारा० १६)

।

२७८. साधुकारमदासीति साधुसद्वं सावेसि। तं पन पसंसा होतीति पसंसत्थो साधुसद्वो। तेनाह “देसनं पसंसन्तो”ति। विज्जमानेहि वण्णेहि गुणवन्ते उदग्गताकरणं सम्पहंसनं, केवलं गुणसंकित्तनवसेन थोमना पसंसाति अयमेतेसं विसेसो।

आनन्दभद्देकरत्तसुत्तवण्णनाय लीनत्थप्पकासना समत्ता।

३. महाकच्चानभद्देकरत्तसुत्तवण्णना

२७९. उण्हभावेन तपनतो तपं उदकं एतस्साति तपोदा, रहदो। तेनाह “तत्तोदकस्स रहदस्सा”ति। सङ्खेपेन वुत्तमत्थं वित्थारतो दस्सेतुं, “वेभारपब्बतस्सा”तिआदि वुत्तं। ततो उदकरहदतो, तं रहदं उपनिस्सायाति अत्थो। नागभवनागतोपि हि सो रहदो ततो उपरि मनुस्सलोके जलासयेन सम्बद्धो होती। तेन वुत्तं — “तपोदा नाम नदी सन्दती”ति। एदिसाति कुथिता उण्हा, अन्वत्थनामवसेन तपोदाति च वुच्चतीति अत्थो। पेतलोकोति पेतानं वसनट्टानं पच्चेकनिरयं सन्धायाह। इमस्स पन आरामस्साति तपोदारामस्स। ततोति तपोदासङ्घातनदितो। महाउदकरहदोति महाउदकभरितं पल्ललं।

२८०. समिद्धोति उळारो, परिपुण्णोयेवाति अत्थो। आदिमिह ब्रह्मचरियमस्साति आदिब्रह्मचरियो, सो एव आदिब्रह्मचरियको। तेनाह “पुब्बभागप्पटिपत्तिभूतो”ति। “अतीतं अनागतं पच्चुप्पन्न”न्ति अद्भभेदमुखेन सङ्घतधम्मबोधवचनं।

२८१. कामं खन्धादिवसेन विभजनं साधारणं, पठमदुतियचतुत्थसुत्तेसु पन खन्धवसेन विभजनं कत्वा इध तथा अकत्वा एवं देसनाय ठपनं ततो अज्जथा आयतनवसेन विभजनत्थं। एवं विभिन्ना हि सङ्खेपवित्थारतो अनवसेसा सम्मसनुपगा धम्मा विभजित्वा दस्सिता होन्ति; अयं किरेत्य भगवतो अज्झासयो थेरेन नयतो गहितोति दस्सेतुं, “इमस्मिं किरा”तिआदि वुत्तं। तत्थ द्वादसायतनवसेनेव मातिकं ठपेसीति लोकियानि द्वादसायतनानि एव सन्धाय मातिकं ठपेसि, यथा तीसु सुत्तेसु खन्धवसेन विभज्जं, एवं यदि भगवता इधापि विभजनं इच्छितं सिया, तथा विभजेय्य, यस्मा पन तथा अविभजित्वाव गन्धकुटिं पविट्ठो, तस्मा द्वादसायतनवसेनेवेत्थ विभजनं भगवता च अधिप्पेतन्ति नयग्गाहे ठत्वा थेरो विभजि। तेनाह — “नयं पटिलभित्वा एवमाहा”ति। भारियं कतन्ति दुक्करं कतं। अपदे पदं दस्सितं आकासे पदं कतं साधारणस्स अत्थस्स विसिट्ठविसयताय दस्सितत्ता। निकन्तिविज्जाणन्ति निकन्तितण्हाय सम्पयुत्तं विज्जाणं, “छन्दरागप्पटिबद्धं होती”ति वचनतो। मनोति भवङ्गचित्तं मनोद्वारिकजवनानं द्वारभूतं।

२८३. पत्थनावसेन ठपेसीति पत्थनावसेन चित्तं पवत्तेसि।

महाकच्चानभद्देकरत्तसुत्तवण्णनाय लीनत्थप्पकासना

समत्ता।

४. लोमसककङ्गियभदेकरत्तसुत्तवण्णना

२८६. घननिचितलोमो लोमसो, अयं पन अप्पताय लोमसकोति आह — “ईसकलोमसाकारताया”ति, लोमसको अङ्गिको लोमसककङ्गियो, पठमो क-कारो अप्पत्थो, दुतियं पन पदवड्डनमेव । रत्तकम्बलसिलायन्ति रत्तकम्बलवण्णसिलायं । ओरुद्धाति आकासतो ओतरित्वा । पाटिहारियं दिस्वा दिन्नलाभसक्कारस्स असादियनतो मनुस्सपथे न वसन्ति ।

दसहि चक्कवाळसहस्सेहीति निस्सक्कवचनतो आगन्त्वाति अधिप्पायो । सन्निपतिताहि देवताहीति करणवचनं । पज्जापयोगमन्दताय पटिविज्झितुं असक्कोन्तानं देवानं जाणस्स तिक्खविसदभावापादनेन समुत्तेजेतुं संवेगजननत्थं... पे०... अभसि । तत्राति तस्मिं देवसन्निपाते, तिस्सं वा देसनायं । देवत्तस्साति देवभावस्स, दिब्बसम्पत्तियाति अत्थो । भदेकरत्तस्स सुत्तस्स एताति भदेकरत्तिया ।

सवनमुखेन व्यञ्जनसो अत्थसो च उपधारणं उग्गण्हनन्ति आह — “तुण्हीभूतो निसीदित्वा सुणन्तो उग्गण्हाति नामा”ति । वाचुगतकरणं परियापुणनन्ति आह — “वाचाय सज्झायं करोन्तो परियापुणाति नामा”ति । गन्थस्स परिहणं धारणं, तं पन परेसु पतिट्ठापनं पाकटं होतीति आह — “अज्जेसं वाचेन्तो धारेति नामा”ति । सेसं हेट्ठा वुत्तनयमेव ।

लोमसककङ्गियभदेकरत्तसुत्तवण्णनाय लीनत्थप्पकासना

समत्ता ।

५. चूळकम्मविभङ्गसुत्तवण्णना

२८९. अङ्गसुभतायाति अङ्गानं हत्थपादादिसरीरावयवानं सुन्दरभावेन । यं अपच्चं कुच्छितं मुद्धं वा, तत्थ लोके माणववोहारो, येभ्य्येन सत्ता दहरकाले सुद्धधातुका होन्तीति वुत्तं, “तरुणकाले वोहरिंसू”ति । अधिपत्तिताति इस्सरभावतो ।

समाहारन्ति सन्निचयं । पण्डितो घरमावसेति यस्मा अप्पतरेपि ब्ययमाने भोगा खीयन्ति, अप्पतरेपि सञ्चयमाने वड्डन्ति, तस्मा विञ्जुजातिको किञ्चि ब्ययं अकत्वा अयमेव उप्पादेन्तो घरावासं अनुतिट्ठेय्याति लोभादेसितमत्थं वदति ।

धनलोभेन... पे०... निब्बत्तो । लोभवसिकस्स हि गति निरयो वा तिरच्छानयोनि वा । वुत्तज्हेतं — “निमित्तस्सादगथितं वा, भिक्खवे, विज्जाणं तिट्ठमानं तिट्ठति अनुब्यञ्जनस्सादगथितं वा । तस्मिं समये कालङ्कुरेय्य, द्विन्नं गतीनं अज्जतरं गतिं वदामि — निरयं वा तिरच्छानयोनिं वा”ति (सं० नि० ४.२३५) । निरये निब्बत्तिस्सति कतोकासस्स कम्मस्स पटिबाहितुं असक्कुणेय्यभावतो ।

पत्तक्खन्धअधोमुखभावं सन्धाय “ओनामेत्वा”ति वुत्तं । ब्राह्मणचारित्तस्स भाविततं सन्धायाह “ब्रह्मलोके निब्बत्तो”ति । तं पवत्तिं पुच्छीति सुतमेतं मया, “मय्हं पिता सुनखो हुत्वा निब्बत्तो”ति, एतं भोता गोतमेन वुत्तन्ति । किमिदं वुत्तन्ति इमं पवत्तिं पुच्छि ।

तथेव वत्वाति यथा सुनखस्स वुत्तं, तथेव वत्वा । अविसंवादनत्थन्ति, “तोदेय्यब्राह्मणो सुनखो जातो”ति अत्तनो वचनस्स अविसंवादनत्थं, विसंवादनाभावदस्सनत्थन्ति अधिष्पायो । जातोमिह इमिनाति इमिना मम पुत्तेन मय्हं पुरिमजातियं पिताति एवं जातो अम्हीति जानित्वा । बुद्धानुभावेन किर सुनखो तथा दस्सेति, न जातिस्सरताय । भगवन्तं दिस्वा भुक्करणं पन पुरिमजातिसिद्धवासनाय । भवपटिच्छन्ति भवन्तरभावेन पटिच्छन् । नाम-सद्दो सम्भावने । पटिसन्धिअन्तरन्ति अज्जजातिपटिसन्धिगगहणेन हेट्टिमजातं गतिं । अङ्गविज्जापाठको किरिस्स, तेन अप्पायुकदीघायुकतादिवसेन चुद्दस पज्हे अभिसङ्खरि; एवं किरस्स अहोसि, “इमेसं सत्तानं अप्पायुकतादयो विसेसा अङ्गपच्चङ्गवसेन सल्लक्खियन्ति । न खो पनेतं युत्तं ‘अङ्गपच्चङ्गानि याव तेसं तेसं कारणं’न्ति; तस्मा भवितब्बमेत्थ अज्जेनेव कारणेन । समणो गोतमो तं कारणं विभजित्वा कथेस्सति, एवायं सब्बज्जूति निच्छयो मे अपण्णको भविस्सती”ति । अपरे पन भणन्ति, “तिरच्छानगतं मनुस्सं वा आविसित्वा इच्छितत्थकसावनं नाम महामन्तविज्जावसेन होति; तस्मा न एत्तावता समणस्स गोतमस्स सब्बज्जुता सुनिच्छिता होति । यं नूनाहं कम्मफलमस्स उद्दिस्स पज्हं पुच्छेय्यं, तत्थ च मे चित्तं आराधेन्तो पज्हं व्याकरिस्सति । एवायं सब्बज्जूति विनिच्छयो मे भविस्सतीति ते पज्हे पुच्छती”ति ।

भण्डकन्ति सापतेय्यं, सन्तकन्ति अत्थो । कम्मुना दातब्बं आदियन्तीति कम्मदायादा, अत्तना कतूपचितकम्मफलभागीति अत्थो । तं पन कम्मदायज्जं कारणोपचारेन वदन्तो, “कम्मं एतेसं दायज्जं भण्डकन्ति अत्थो”ति आह — यथा “कुसलानं, भिक्खवे, धम्मानं समादानहेतु एवमिदं पुज्जं पवड्ढती”ति (दी० नि० ३.८०) । यवति फलं सभावतो भिन्नमि अभिन्नं विय मिस्सितं होति, एतेनाति योनीति आह — “कम्मं एतेसं योनि कारणं”न्ति । ममत्तवसेन बज्झति संबज्झतीति बन्धु, जाति सालोहितो च । कम्मं पन एकन्तसम्बन्धमेवाति आह — “कम्मं एतेसं बन्धू”ति । पतिट्ठाति अवस्सयो । कम्मसदिसो हि सत्तानं अवस्सयो नत्थि, अज्जो कोचि इस्सरो ब्रह्मा वा न करोति तादिसं कत्तुं सज्जितुं असमत्थभावतो । यं पनेत्थ वत्तब्बं, तं विसुद्धिमगगसंवण्णनायं वुत्तनयेन वेदितब्बं । कम्ममेवाति कस्मा अवधारितं, ननु किलेसापि सत्तानं हीनपणीतभावकारणं, न केवलन्ति? सच्चमेतं, किलेसपयोगेन विपाकवट्टं निब्बत्तं कम्मपवत्तितमेवाति कत्वा वुत्तं । “कथितस्स अत्थं न सज्जानासी”ति सङ्खेपतो वत्वा ननु भगवा महाकारुणिको परेसं जापनत्थमेव धम्मं देसेतीति आह — “माननिस्सितो किरिस्सा”तिआदि ।

२९०. समत्तेनाति परियत्तेन, यथा तं फलं दातुं समत्थं होति, एवं कतेन, उपचितेनाति अत्थो । तादिसं पन अत्तनो किच्चे अनूनं नाम होतीति आह “परिपुण्णेना”ति । समादिन्नेनाति एत्थ समादानं नाम तण्हादिद्वीहि गहणं परामसनन्ति आह — “गहितेन परामट्टेना”ति । पटिपज्जति एताय सुगतिदुग्गतीति पटिपदा, कम्मं । तथा हि तं “कम्मपथो”ति वुच्चति ।

एसाति पटिपदा । दुब्बलं उपघातकमेव सियाति उपपीळकस्स विसयं दस्सेतुं, “बलवकम्मेना”तिआदि वुत्तं । बलवकम्मेनाति पुज्जकम्मेन । वदति नामाति वदन्तो विय होति । निब्बत्तापेय्यन्ति कस्मा वुत्तं, ननु उपपीळकसभावं कम्मं जनकसभावं न होतीति? सब्बमेतं परिकप्पनवचनं, यथा मनुस्सा पच्चत्थिकं पटिपक्खं किञ्चि कातुं असमत्थापि केचि आलम्बनवसेन समत्था विय अत्तानं दस्सेन्ति, एवंसम्पदमिदन्ति केचि । अपरे पन भणन्ति — यस्सिदं कम्मस्सविपाकं पीळेति, सचे तस्मिं अनोकासे एव सयं विपच्चित्तुं ओकासं लभेय्य, अपायेसु एव तंसमङ्गिपुगलं निब्बत्तापेय्य, यस्मा तं कम्मं बलवं हुत्वा अवसेसपच्चयसमवायेन विपच्चित्तुं आरद्धं, तस्मा इतरं तस्स विपाकं विबाधेन्तं उपपीळकं नाम जातं । एतदत्थमेव चेत्थ “बलवकम्मेन निब्बत्त”न्ति बलवगगहणं कतं । किच्चवसेन हि नेसं कम्मानं एता समज्जा, यदिदं उपपीळकं उपच्छेदकं जनकं उपत्थम्भकन्ति, न कुसलानि विय उपत्थम्भानि होन्ति निब्बत्तत्थाय ।

पीळेत्वाति विहेठेत्वा पटिघाटनादिवसेन उच्छुतेलयन्तादयो विय उच्छुतिलादिके विबाधेत्वा । निरोजन्ति नित्तेजं । नियूसन्ति निरसं । कसटन्ति निस्सारं । परिस्सयन्ति उपद्वं ।

इदानीं परिस्सयस्स उपनयनाकारं दस्सेन्तेन तत्थ, “दारकस्सा”तिआदिं वत्वा भोगानं विनासनाकारं दस्सेतुं, पुन “दारकस्सा”तिआदि वुत्तं । कुम्भदोहनाति कुम्भपूरखीरा । गोमण्डलेति गोयूथे ।

अट्टुसभगमनं कत्वाति अट्टुसभप्पमाणं पदेसं पच्चत्थिकं उट्ठिस्स धनुग्गहो अनुयायिं कत्वा । तन्ति सरं । अज्जोति पच्चत्थिको । तत्थेव पातेय्य अच्चासन्नं कत्वा सरस्स खित्तत्ता । वाळमच्छोदकन्ति मकरादिवाळमच्छवन्तं उदकं ।

पटिसन्धिनिब्वत्तकं कम्मं जनककम्मं नाम परिपुण्णविपाकदायिभावतो, न पवत्तिविपाकमत्तनिब्वत्तकं । भोगसम्पदादीति आदि-सद्देन आरोग्यसम्पदादि-परिवारसम्पदादीनि गण्हाति । न दीघायुक्तादीनि हि अप्पायुकतासंवत्तनिकेन कम्मुना निब्वत्तानि; अज्जं दीघायुक्ताकरणेन उपत्थम्भेतुं सक्कोति; न अतिदुब्बणं अप्पेसक्खं नीचकुलीनं दुप्पज्जं वा वण्णवन्ततादिवसेन । तथा हि वक्खति, “इमस्मिं पन पज्जविस्सज्जने”तिआदि, तं पन निदस्सनवसेन वुत्तन्ति दट्ठब्बं ।

पुरिमानीति उपपीळकोपच्छेदकानि । उपपीळकुपघाता नाम कुसलविपाकपटिबाहकाति अधिप्पायेन “द्वे अकुसलानेवा”ति वुत्तं । उपत्थम्भकं कुसलमेवाति एत्थ यथा जनकं उभयसभावं, एवं इतरेसम्पि उभयसभावताय वुच्चमानाय न कोचि विरोधो । देवदत्तादीनज्जि नागादीनं इतो अनुप्पवच्छित्तानं पेतादीनज्ज नरकादीसु अकुसलकम्मविपाकस्स उपत्थम्भनुपपीळनुपघातानि न न सम्भवन्ति । एवज्ज कत्वा या हेट्ठा बहूसु आनन्तरियेसु एकेन गहितपटिसन्धिकस्स इतरेसं तस्स अनुबलप्पदायिता वुत्ता, सापि समत्थिता होति । यस्मिज्जि कम्मे कते जनकनिब्वत्तं कुसलफलं वा अकुसलफलं वा ब्याधिधातुसमतादिनिमित्तं विबाधीयति, तमुपत्थम्भकं । यस्मिं पन कते जातिसमत्थस्स पटिसन्धियं पवत्तियज्ज विपाककटत्तारूपानं उप्पत्ति होति, तं जनकं । यस्मिं पन कते अज्जेन जनितस्स इट्ठस्स वा अनिट्ठस्स वा फलस्स विबाधाविच्छेदपच्चयानुप्पत्तिया उपबूहनपच्चयुप्पत्तिया च जनकसामत्थियानुरूपं परिवुत्तिचिरतरपबन्धा होति, एतं उपत्थम्भकं । तथा यस्मिं कते जनकनिब्वत्तं कुसलफलं अकुसलफलं वा ब्याधिधातुसमतादिनिमित्तं विबाधीयति, तं उपपीळकं । यस्मिं पन कते जनकसामत्थियवसेन चिरतरपबन्धारहम्पि समानं फलं विच्छेदकपच्चयुप्पत्तिया विच्छिज्जति, तं उपघातकन्ति अयमेत्थ सारो ।

तत्थाति तेसु कम्मेसु । उपच्छेदककम्मेनाति आयुनो उपघातककम्मेन । स्वायमुपघातकभावो द्विधा इच्छितब्बोति तं दस्सेतुं “पाणातिपातिना”तिआदि वुत्तं । न सक्कोति पाणातिपातकम्मुना सन्तानस्स तथाभिसङ्खतत्ता । यस्मिज्जि सन्ताने निब्वत्तं, तस्स तेन अभिसङ्खतता अवस्सं इच्छितब्बा तत्थेव तस्स विपाकस्स विनिबन्धनतो । एतेन कुसलस्स कम्मस्स आयूहनक्खणेयेव पाणातिपातो तादिसं सामत्थियुपघातं करोतीति दस्सेति, ततो कम्मं अप्पफलं होति । “दीघायुका”तिआदिना उपघातसामत्थियेन खेत्ते उप्पन्नसस्सं विय उपपत्तिनियामका धम्माति दस्सेति । उपपत्ति नियतविसेसे विपच्चित्तुं ओकासे करोन्ते एव कुसलकम्मे आकट्टियमानपटिसन्धिकं पाणातिपातकम्मं अप्पायुकत्थाय नियमेतीति आह — “पटिसन्धिमैव वा नियामेत्वा अप्पायुकं करोती”ति । पाणातिपातचेतनाय अच्चन्तकटुकविपाकत्ता सन्निट्ठानचेतनाय निरये निब्वत्तति तस्सा अत्थस्स खीणाभावतो; इतरे पन न तथा भारियाति आह — “पुब्बा...पे... होती”ति । इध पन यं हेट्ठा वुत्तसदिसं, तं वुत्तनयेन वेदितब्बं ।

मनुस्सामनुस्सपरिस्सयाति मानुसका अमानुसका च उपद्ववा । पुरतोति पुब्बद्वारतो । पच्छतोति पच्छिमवत्थुतो । पवट्टमानाति परिजनस्स, देवतानं वा देसेन पवट्टमाना । परेहीति पुरातनेहि परेहि । सम्मुखीभावन्ति सामिभाववसेन पच्चक्खत्तं । आहरित्वा देन्ति इणायिका । कम्मन्ताति वणिज्जादिकम्मन्ति । अपाणातिपातकम्मन्ति पाणातिपातस्स पटिपक्खभूतं कम्मं; पाणातिपाता विरतिवसेन पवत्तितकम्मन्ति अत्थो । दीघायुकसंवत्तनिकं होति विपाकस्स कम्मसरिक्खभावतो । इमिना नयेनाति इमिना अप्पायुकदीघायुकसंवत्तनिकेसु कम्मेसु यथावुत्तेन तं संवत्तनिकविभावनयेन ।

विहेठनकम्मादीनिपीति पि-सद्देन कोधइस्सामनकमच्छेरथद्धअविद्दसुभाववसेन पवत्तितकम्मन्ति सङ्गणहाति । तथेवाति यथा पाणातिपातकम्मं अत्थतो एवं वदति नामाति वुत्तं, तथेव वदमानानि विय । “यं यदेवातिपत्थेन्ति, सब्बमेतेन लब्धती”ति (खु० पा० ८.१०) वचनतो यथा सब्बकुसलं सब्बासं सम्पत्तीनं उपनिस्सयो, एवं सब्बं अकुसलं सब्बासं विपत्तीनं उपनिस्सयोति, “उपपीळनेन निब्भोगतं आपादेत्वा”तिआदि वुत्तं । तथा हि पाणातिपातकम्मवसेनपि अयं नयो दस्सितो । अविहेठनादीनीति एत्थ आदि-सद्देन अक्कोधन-अनिस्सामन-दान-अनतिमान-विद्दसुभावेन पवत्तकम्मन्ति सङ्गणहाति ।

२९३. इस्सा मनो एतस्साति इस्सामनकोति आह “इस्सासम्पयुत्तचित्तो”ति । उपक्कोसन्तोति अक्कोसवत्थूहि अक्कोसन्तो । इस्सं बन्धतीति इस्सं अनुबन्धति इस्सासहितमेव चित्तं अनुपवत्तेति । अप्पेसक्खोति अप्पानुभावो अप्पज्जातो । तेनाह “न पज्जायती”ति । सा पनस्स अप्पानुभावता परिवाराभावेन पाकटा होतीति आह “अप्पपरिवारो”ति ।

२९४. मच्छरियवसेन न दाता होतीति सब्बसो देय्यधम्मस्स अभावेन न दाता न होति । अमच्छरी हि पुग्गलो सति देय्यधम्मे यथारहं देतियेव ।

२९५. अभिवादेतब्बं खेत्तवसेन मत्थकप्पत्तं दस्सेतुं, “बुद्धं वा”तिआदि वुत्तं । अज्जेपि मातुपितुजेट्टभातरादयो अभिवादनादिअरहा सन्ति, तेसु थद्धादिवसेन करणं नीचकुलसंवत्तनिकमेव । न हि पवत्ते सक्का कातुन्ति सम्बन्धो । तेन पवत्तिविपाकदायिनो कम्मस्स विसयो एसोति दस्सेति । तेनाह “पटिसन्धिमेव पना”तिआदि ।

२९६. अपरिपुच्छेनेनाति अपरिपुच्छामत्तेन निरये न निब्बत्तति; अपरिपुच्छाहेतु पन कत्तब्बाकरणादीहि सिया निरयनिब्बत्तीति पाळियं, “न परिपुच्छिता होती”तिआदि वुत्तन्ति दस्सेन्तो, “अपरिपुच्छको पना”तिआदिमाह । यथानुसन्धिं पापेसीति देसनं यथानुसन्धिनिट्ठानं पापेसि । सेसं वुत्तनयत्ता सुविज्जेय्यमेव ।

चूळकम्मविभङ्गसुत्तवण्णनाय लीनत्थप्पकासना समत्ता ।

६. महाकम्मविभङ्गसुत्तवण्णना

२९८. कम्मस्स मोघभावो नाम फलेन तुच्छता फलाभावोति आह — “मोघन्ति तुच्छं अफल”न्ति । तथं भूतन्ति सच्चसद्दस्स अत्थमाह । परिब्बाजको पन “सच्च”न्ति इमिना तमेव सफलन्ति वदति । सफलज्झि कम्मं सत्थु अभिमतमनोकम्मन्ति अधिप्पायो । इदञ्च “मोघं कायकम्म”न्तिआदिवचनं । तं गहेत्वाति परम्पराय गहेत्वा । एसाति पोतलिपुत्तो परिब्बाजको । अभिसज्जानिरोधकथं सन्धाय वदति । सापि हि तित्थियानं अन्तरे पाकटा जाताति । थेरोति

समिद्धित्थेरो । यथा भगवता वुत्तं, ततो च अज्जथाव दोसारोपनभयेन गहेत्वा ततो भगवन्तं थेरो रक्खतीति अधिप्पायेन परिब्बाजको, “परिरक्खितब्बं मज्जिस्सती”ति अवोचाति आह — “परिरक्खितब्बन्ति गरहतो मोचनेन रक्खितब्ब”न्ति । सज्चेतना अस्स अत्थीति सज्चेतनिकं । कम्मन्ति सज्चेतनिकस्सपि कम्मस्स अत्तनो समये इच्छितत्ता परिब्बाजकेन वुत्तं ।

सङ्खतसङ्खारताय रूपमेव “तिलमत्तम्पि सङ्खार”न्ति वुत्तं । तेनाह — “मंसचक्खुनाव पस्सती”ति । समागमदस्सनं सन्धायाति कत्थचिपि तस्स दस्सनं सन्धाय, न परिज्जादस्सनं । तेनाह भगवा — “कुतो पनेवरूपं कथासल्लाप”न्ति ।

२९९. वट्टदुक्खन्ति संसारदुक्खं । किलेसदुक्खन्ति किलेससम्भवरागपरिळाहदुक्खं । सङ्खारदुक्खन्ति यदनिच्चं, तं दुक्खन्ति एवं वुत्तदुक्खं । सचे भासितं भवेय्याति इमं ईदिसं दुक्खं सन्धाय आयस्मता समिद्धिना भासितं सिया नु भगवा, अविभजित्वा व्याकरणं युत्तमेवाति अधिप्पायो ।

३००. उम्मङ्गन्ति उम्मुज्जनं, कथामुल्लहेन अन्तरा अज्जाणविसयपज्हा उम्मङ्गं । तेनाह — “पज्हाउम्मङ्ग”न्ति नेव दिब्बचक्खुनाति कस्मा वुत्तं । न हि तं अयोनिस्सो उम्मुज्जनं दिब्बचक्खुविसयन्ति? कामज्जेतं न दिब्बचक्खुविसयं, दिब्बचक्खुपरिभण्डजाविसयं पन सियाति तथा वुत्तं । अधिप्पायेनेवाति उदायित्थेरस्स अधिप्पायेनेव गय्हमानेन तं अयोनियो उम्मुज्जनं अज्जासि । सन्निसीदितुं पुब्बे निसिन्नाकारेन सन्निसीदितुं न सक्कोति । समिद्धित्थेरेन अनभिसङ्खतस्सेव अत्थस्स कथितत्ता, “यं अभूतं, तदेव कथेस्सती”ति वुत्तं । तेनाह “अयोनिस्सो उम्मुज्जिस्सती”ति । तिस्सो वेदना पुच्छिता, “किं सो वेदियती”ति अविभागेन वेदियमानस्स जातितत्ता । सुखाय वेदनाय हितन्ति सुखवेदनियं । तेनाह — “सुखवेदनाय पच्चयभूत”न्ति । सेसेसूति, “दुक्खवेदनिय”न्ति आदीसु ।

हेट्ठा तिकज्झानचेतनाति एत्थ, “कुसलतो”ति अधिकारतो रूपावचरकुसलतो हेट्ठा तिकज्झानचेतनाति अत्थो । एत्थाति एतेसु कामावचररूपावचरसुखवेदनियकम्मेसु । अदुक्खमसुखम्पीति पि-सहेन इट्ठारम्मणे सुखम्पीति इममत्थं सम्पिण्डेति ।

यदि कायद्वारे पवत्ततो अज्जत्थ अदुक्खमसुखं जनेति, अथ कस्मा, “दुक्खस्सेव जननतो”ति वुत्तन्ति आह — “सा पन वेदना”ति आदि ।

चतुत्थज्झानचेतनाति एत्थ अरूपावचरकुसलचेतनातिपि वत्तब्बं । यथा हि “कायेन वाचाय मनसा”ति एत्थ यथालाभगगहणवसेन मनसा सुखवेदनियं अदुक्खमसुखवेदनियन्ति अयमत्थो अरूपावचरकुसलेपि लब्धतीति सुखम्पि जनेति उक्कट्टस्स जाणसम्पयुत्तकुसलस्स सोळसविपाकचित्तनिब्बत्तनतो, अयज्ज नयो हेट्ठा, “अदुक्खमसुखम्पी”ति एत्थापि वत्तब्बो । पुब्बे परियायतो दुक्खवेदना वुत्ता, सुत्तन्तसंवण्णना हेसाति इदानी निप्परियायतो पुन दस्सेतुं, “अपिचा”ति आदि वुत्तं । तेन एत्थ दुक्खवेदनियं पवत्तिवसेनेव वट्टतीति । एतस्साति दुक्खवेदनियस्स पवत्तिवसेनेव युज्जमानत्ता एतस्स वसेन सब्बं सुखवेदनियं अदुक्खमसुखवेदनियज्ज पवत्तिवसेनेव वत्तुं वट्टति ।

आलयोति अभिरुचि । महाकम्मविभङ्गजाणन्ति महति कम्मविभजने जाणं, महन्तं वा कम्मविभजनजाणं । भाजनं नाम निद्देसो, अयं पन उद्देसोति कत्वा आह — “कतमे चत्तारो...पे०... मातिकाट्टपन”न्ति ।

३०१. पाटियेक्को अनुसन्धि यथाउद्दिट्टस्स महाकम्मविभङ्गजाणस्स अभाजनभावतो, पुच्छानुसन्धिअञ्जासयानुसन्धीसु च अनन्तो गधत्ता । तेनाह “इदं ही”ति आदि । **इदं आरम्भणं कत्वा**ति इध, “पाणातिपातिं अदिन्नादायि”न्ति आदिना पुग्गलाधिद्वानेन वुत्तं कम्मविभङ्गं आरम्भ । **इमं पच्चयं लभित्वा**ति तस्सेव वेवचनं । **इदं दस्सनं गणहन्ती**ति इदं, “अत्थि किर, भो, पापकानि कम्मानि, नत्थि किर, भो, पापकानि कम्मानि”ति च आदीनि हत्थिदस्सकअन्धाविय दिट्ठमत्ते एव ठत्वा अचित्तकदस्सनञ्च गणहन्ति । वीरियं किलेसानं आतापनवसेन **आतप्पं**, तदेव पदहवसेन **पधानं**, पुनप्पुनं युञ्जनवसेन **अनुयोगो**, तथा भावनाय नप्पमज्जति एतेनाति **अप्पमादो**, सम्मा योनिसो मनसि करोति एतेनाति **सम्मामनसिकारो**ति वुच्चतीति अधिप्पायेन, “**पञ्चपि वीरियस्सेव नामानी**”ति आह । **अप्पमादो** वा सतिया अविप्पवासो । यस्मिं मनसिकारे सति तस्स दिब्बचक्खुजाणं इज्झति, अयमेत्थ सम्मामनसिकारोति एत्थ अत्थो दट्ठब्बो । **चेतोसमाधि**न्ति दिब्बचक्खुजाणसहगतं चित्तसमाधिं । तेनाह “**दिब्बचक्खुसमाधि**”न्ति । अज्जथाति अकुसलकम्मकरणतो अज्जथा, तं पन कुसलकम्मकरणं होतीति आह — “**ये दस्सनं कुसलानं कम्मपथानं पूरितत्ता**”ति दिट्ठिथामेनाति दिट्ठिवसेन दिट्ठिबलेन । **दिट्ठिपरामासे**नाति दिट्ठिवसेन धम्मसभावं अतिक्कमित्वा परामासेन । **अधिद्वहि**त्वाति, “इदमेव सच्चं, मोघमज्ज”न्ति अधिद्वाय अभिनिविसित्वा । **आदियित्वा**ति दळ्हग्गाहं गहेत्वा । **वोहरती**ति अत्तनो गहितग्गहणं परेसं दीपेन्तो वोहरति ।

३०२. तत्रानन्दाति एत्थ इति-सद्दो आदिअत्थो । **इदम्पी**ति इदं वचनं । “तत्रानन्दा”ति एवमादिवचनम्पीति अत्थो । **न महाकम्मविभङ्गजाणस्स भाजनं** तस्स अनिद्वेसभावतो । **अस्सा**ति महाकम्मविभङ्गजाणस्स **मातिकाट्टपनमेव** दिब्बचक्खुकानं समणब्राह्मणानं वसेन अनुज्जातब्बस्स च दस्सनवसेन उद्वेसभावतो । तेनाह “**एत्थ पना**”ति आदि । तत्थ **एत्थ पना**ति “तत्रानन्दा”ति आदिपाठे । **एतेसं दिब्बचक्खुकानन्ति** एतेसं हेट्ठा चतूसुपि वारेसु आगतानं दिब्बचक्खुकानं । **एत्तका**ति एकच्चिया सच्चगिरा । **अनुज्जाता**ति अनुजानिता । **अननुज्जाता**ति पटिक्खेपिता । इध अननुज्जातमुखेन दीपितं अननुज्जातभावमत्तं । **तत्रानन्दा**ति आदिके तत्राति निद्वारणे भुम्मन्ति दस्सेन्तो, “**तेसु चतूसु समणब्राह्मणेसू**”ति आह । **इदं वचनं** “अत्थि किर, भो...पे०... विपाको”ति इदं एवं वुत्तं । **अस्सा**ति तथावादिनो समणब्राह्मणस्स । **अज्जेनाकारे**नाति “यो किर, भो”ति आदिना वुत्तकारणतो अज्जेन कारणेन । **द्वीसु ठानेसू**ति “अत्थि किर, भो...पे०... विपाको”ति च, “अपायं...पे०... निरयं उपपन्न”न्ति च इमेसु द्वीसु पाठपदेसेसु । **अनुज्जाता** तदत्थस्स अत्थिभावतो । **तीसु ठानेसू**ति “यो किर, भो...पे०... निरयं उपपज्जति”, “यम्पि सो...पे०... ते सज्जानन्ति”, “यम्पि सो यदेव...पे०... मोघमज्ज”न्ति इमेसु तीसु पाठपदेसेसु । **अननुज्जाता** तदत्थस्सानेकन्तिकत्ता मिच्छाभिनिवेसतो च । तेनाह भगवा — “अज्जथा हि, आनन्द, तथागतस्स महाकम्मविभङ्गजाण”न्ति । यथा ते अप्पहीनविपल्लासा पदेसजाणसमणब्राह्मणा कम्मविभङ्गं सज्जानन्ति, ततो अज्जथाव सब्बसो पहीनविपल्लासस्स तथा आगमनादिअत्थेन तथागतस्स सम्मासम्बुद्धस्स महाकम्मविभङ्गजाणं होतीति अत्थो ।

३०३. इमिना दिब्बचक्खुकेन यं कम्मं करोन्तो दिट्ठो, ततो पुब्बेति योजना । **ततो**ति ततो करियमानकम्मतो पुब्बे । **खन्दो**ति कुमारो । **सिवो**ति इस्सरो । **पितामहो**ति ब्रह्मा । **इस्सरदीही**ति इस्सरब्रह्मपजापतिआदीहि । **विसट्ठो**ति निम्मितो । **मिच्छादस्सने**नाति मिच्छादस्सनवसेन । यन्ति यं कम्मं । **तत्था**ति तेसु पाणातिपातादिवसेन पवत्तकम्मेसु । **दिट्ठेव धम्मे**ति तस्मिंयेव अत्तभावे विपाकं पटिसंवेदेतीति योजना । **उपपज्जित्वा**ति दुतियभवे निब्बत्तित्वा । **अपरस्मिं परियाये**ति अज्जस्मिं यत्थ कत्थचि भवे ।

एकं कम्मरासिन्ति पाणातिपातादिभेदेन एकं कम्मसमुदायं । **एकं विपाकरासिन्ति** तस्सेव अङ्गेन एकं

विपाकसमुदायं । इमिनाति यथावुत्तेन दिब्बचक्खुकेन समणेन ब्राह्मणेन वा अदिट्ठा । तयोति “पुब्बे वास्स तं कतं होती”ति आदिना वुत्ता तयो । द्वे विपाकरासीति दिट्ठधम्मवेदनियो अपरापरियायवेदनियोति द्वे विपाकरासी । उपपज्जवेदनियं पन तेन दिट्ठं, तस्मा “द्वे”ति वुत्तं । दिट्ठो एको, अदिट्ठा तयोति दिट्ठे च अदिट्ठे च चत्तारो कम्मरासी, तथा दिट्ठो एको, अदिट्ठा द्वेति तयो विपाकरासी । इमानि सत्त ठानानीति यथावुत्तानि सत्त जाणस्स पवत्तनट्ठानानि । “इमस्स नाम कम्मस्स इदं फलं निब्बत्त”न्ति कम्मस्स, फलस्स वा अदिट्ठत्ता, “दुतियवारे दिब्बचक्खुकेन किञ्चि न दिट्ठ”न्ति वुत्तं । पठमं वुत्तनयेन तयो कम्मरासी वेदितब्बा, इध दिब्बचक्खुकेन दिट्ठस्स अभावतो, “पच्चत्तट्ठानानी”ति वुत्तं ।

भवति वट्ठति एतेनाति भब्बं, वट्ठिनिमित्तं । न भब्बं अभब्बन्ति आह “भूतविरहित”न्ति । अत्तनो फले भासनं दिब्बनं आभासनन्ति आह — “आभासति अभिभवति पटिबाहती”ति । बलवकम्मन्ति महासावज्जं कम्मं गरुसमासेवितादिभेदं । आसन्नेति मरणे, अभिण्हं उपट्ठानेन वा तस्स मरणचित्तस्स आसन्ने । बलवकम्मन्ति गरुसमासेविततादिवसेन बलवं कुसलकम्मं । दुब्बलकम्मस्साति अत्तनो दुब्बलस्स । आसन्ने कुसलं कतन्ति इधापि आसन्नता पुब्बे वुत्तनयेनेव वेदितब्बा ।

उपट्ठानाकारेनाति मरणस्स आसन्नकाले कम्मस्स उपट्ठानाकारेन । तस्साति तस्स पुग्गलस्स । निब्बत्तिकारणभूतं हुत्वा उपट्ठाति अकुसलन्ति योजना । तिथिया कम्मन्तरविपाकन्तरेसु अकुसलताय यं किञ्चि कम्मं यस्स कस्सचि विपाकस्स कारणं कत्वा गणहन्ति हत्थिदस्सकअन्धादयो विय दिट्ठमत्ताभिनिवेसिनोति, “अज्जतिथिया...पे... उपट्ठाती”ति वुत्तं । इतरस्मिन्ति भब्बज्जेव भब्बाभासज्ज, भब्बं अभब्बाभासन्ति इमस्मिं द्वये । एसेव नयो पठमदुतियपुग्गलवसेन पुरिमानं द्विन्नं कम्मानं योजनानयो वुत्तो उपट्ठानाकारवसेन । अयमेव ततियचतुत्थपुग्गलवसेन पच्छिमानं द्विन्नं कम्मानं योजनानयो । ततियस्स हि कम्मस्स कुसलत्ता तस्स च सग्गे निब्बत्तत्ता तत्थ कारणभूतं कुसलं हुत्वा उपट्ठाति; तथा चतुत्थस्सपि कम्मस्स कुसलत्ता, तस्स पन निरये निब्बत्तत्ता तत्थ निब्बत्तिकारणभूतं अज्जतिथियानं अकुसलं हुत्वा उपट्ठातीति । यं पनेत्थ अत्थतो अविभत्तं, तं सुविज्जेय्यमेव ।

महाकम्मविभङ्गसुत्तवण्णनाय लीनत्थप्पकासना समत्ता ।

७. सळायतनविभङ्गसुत्तवण्णना

३०४. वेदितब्बानीति एत्थ यथा विदितानि छ अज्झत्तिकानि आयतनानि वट्ठदुक्खसमतिक्कमाय होन्ति, तथा वेदनं अधिप्पेतन्ति आह — “सहविपस्सनेन मग्गेन जानितब्बानी”ति । तत्थ विपस्सनाय आरम्मणतो मग्गेन असम्मोहतो जाननं दट्ठब्बं । सेसपदेसुपि एसेव नयो । मनो सविसेसं उपविचरति आरम्मणे पवत्तति एतेहीति मनोपविचारा, वितक्कविचारा । आरम्मणे हि अभिनिरोपनानुमज्जनेहि वितक्कविचारेहि सह चित्तं पवत्तति, न तब्बिरहितं । तेनाह “वितक्कविचारा”ति आदि । सत्ता पज्जन्ति एतेहि यथारहं वट्ठं विवट्ठज्जाति सत्तपदा, गेहनिस्सिता वट्ठपदा । योग्गानं दमनआचरिया योग्गाचरिया । तेनाह “दमेतब्बदमकान”न्ति । सेसन्ति वुत्तावसेसं एकसत्ततिविधविज्जाणं सफस्सरूपकस्सेव अधिप्पेतत्ता ।

३०५. इधाति इमिस्सं छविज्जाणकायदेसनायं । मनोधातुत्तयविनिमुत्तमेव मनोविज्जाणधातूति वेदितब्बं ।

चक्खुम्हि सम्फस्सोति चक्खुं निस्साय उप्पन्नो सम्फस्सो । तेनाह — “चक्खुविजाणसम्पयुत्तसम्फस्सस्सेतं

अधिवचन'न्ति।

यथा केवलेन विज्जाणेन रूपदस्सनं न होति, एवं केवलेन चक्खुपसादेनपीति वुत्तं “चक्खुविज्जाणेना”ति। तेन पाळियं चक्खुनाति निस्सयमुखेन निस्सितकिच्चं वुत्तन्ति दस्सेति। आरम्मणवसेनाति आरम्मणपच्चयभावेन। “उपविचरति”च्चेव कस्मा वुत्तं, ननु तत्थ वितक्कव्यापारोपि अत्थीति? सच्चं अत्थि। सो पनेत्थ तग्गतिकोति आह — “वितक्को तंसम्पयुत्तो चा”ति। सम्पयुत्तधम्मानम्पि उपविचरणं वितक्कविचारानंयेवेत्थ किच्चन्ति “वितक्कविचारसङ्घाता मनोपविचारा”ति वुत्तं। सोमनस्सयुत्तो उपविचारो सोमनस्सूपविचारो यथा “आज्जरथो”ति आह “सोमनस्सेन सद्धि”न्तिआदि।

३०६. उपविचारानं उपस्सयट्ठेन गेहं वियाति गेहं, रूपादयोति आह — “गेहस्सितानीति कामगुणनिस्सितानी”ति। निच्चसज्जादिनिक्खमनतो नेक्खम्मं विपस्सनाति, “नेक्खम्मस्सितानीति विपस्सनानिस्सितानी”ति वुत्तं। इट्ठानन्ति कसिवणिज्जादिवसेन परियिट्ठानन्ति आह “परियेसितान”न्ति। पियभावो पन कन्तसद्देनेव कथितोति कामितब्बानं मनो रमेतीति मनोरमानं। लोकेन आमसीयतीति लोकामिसं, तण्हा। ताय गहेतब्बताय इट्ठभावापादनेन पटिसङ्गतताय च पटिसंयुत्तानं। अतीते कतं उप्पज्जति आरम्मणिकअनुभवनस्स असम्भवतोति अधिप्पायो। एदिसं अनुस्सरणं दिट्ठगहणानुस्सरेन च होतीति दस्सेतुं, “यथाह”न्तिआदि वुत्तं।

अनिच्चाकारन्ति हुत्वा अभावाकारं। विपरिणामविरागनिरोधन्ति जराय मरणेन चाति द्वेधा विपरिणामेतब्बज्चेव, ततो एव पलोकितां भङ्गज्च। अट्ठकथायं पन यस्मा उप्पन्नं रूपं तेनेवाकारेन न तिट्ठति, अथ खो उप्पादावत्थासङ्घातं पकतिं विजहति, विजहितज्च जरावत्थाय ततो विगच्छति, विगच्छन्तज्च भङ्गुप्पत्तिया निरुज्झतीति इमं विसेसं दस्सेतुं, “पकतिविजहनेना”तिआदि वुत्तं। कामज्चेत्थ “यथाभूतं सम्पप्पज्जाय पस्सतो”ति वुत्तं, अनुबोधजाणं पन अधिप्पेतं वीथिपटिपन्नाय विपस्सनाय वसेनाति “विपस्सनापज्जाया”ति वुत्तं उपविचारनिद्देसभावतो। तथा हि वक्खति — “छसुद्वारेसु इट्ठारम्मणे आपाथगते”तिआदि। सङ्घारानं भेदं पस्सतोति सब्बेसं सङ्घारानं खणे खणे भिज्जनसभावं वीथिपटिपन्नेन विपस्सनाजाणेन पस्सतो। तेनाह “सङ्घारगतमिह तिक्खे”तिआदि। तत्थ सङ्घारगतमहीति सङ्घारगते विसयभूते। तिक्खेति भावनाबलेन इन्द्रियानज्च समताय तिब्बे। सूरति पटिपक्खेहि अनभिभूतताय, तेसज्च अभिभवनसमत्थताय विसदे पटुभूते पवत्तन्ते।

किलेसानं विक्खम्भनवसेन वूपसन्तताय सन्तचित्तस्स, संसारे भयस्स इक्खनतो भिक्खुनो, उत्तरिमनुस्सधम्मसन्निस्सितत्ता अमानुसी रतीति विवेकरति नेक्खम्मरति। यतो यतोति यथा यथा नयविपस्सनादीसु येन येन सम्मसनाकारेनाति अत्थो। खन्धानं उदयब्बयन्ति पच्चुपादानक्खन्धानं उप्पादज्च भङ्गज्च। अमतन्तं विजानतन्ति विजानन्तानं विज्जूनं आरद्धविपस्सनानं तं पीतिपामोज्जं अमताधिगमहेतुताय अमतन्ति वेदितब्बं।

छसु द्वारेसु इट्ठारम्मणे आपाथगतेति रूपादिवसेन छब्बिधे इट्ठारम्मणे यथारहं छसु द्वारेसु आपाथगते। विसये चेतं भुम्मवचनं।

३०७. पच्चुप्पन्नन्ति सन्ततिपच्चुप्पन्नं। अनुत्तरविमोक्खो नाम अरहत्तं इध अधिप्पेतं उक्कट्टुनिद्देसेन। कथं पन तत्थ पिहं उपट्ठपेति, न हि अधिगतं अरहत्तं आरम्मणं होति, न च तं आरम्भ पिहा पवत्ततीति? को वा एवमाह — “अरहत्तं आरम्मणं कत्वा पिहं उपट्ठपेती”ति। अनुस्सुतिलब्धं पन परिकप्पसिद्धं अरहत्तं उद्दिस्स पत्थनं ठपेति, तत्थ चित्तं पणिदहति।

तेनाह भगवा — “कुदास्सु नामाहं तदायतनं उपसम्पज्ज विहरिस्सामी”ति । आयतनन्ति अरहतमेव छळङ्गसमन्नागमादिकारणभावतो, मनायतनधम्मायतनभावतो च तथा वुत्तं, तं पनेतं दोमनस्सं पत्थनं पट्टपेन्तस्स उपपज्जति पत्थनाय सहावत्तनतो । न हि लोभदोसानं सह वुत्ति अत्थि । पत्थनामूलकत्ताति इमिना उपट्ठापयतो पदस्स हेतुअत्थजोतकतमाह । एवन्ति “कुदास्सुनामा”तिआदिना वुत्ताकारेन । उस्सुक्कापेतुन्ति यथा मग्गेन घटति, एवं उस्सुक्कापेतुं ।

३०८. अज्जाणुपेक्खाति अज्जाणसहिता उपेक्खा असमपेक्खनपवत्ता । तेन तेन मग्गोधिना तस्स तस्स अपायगमनीयकिलेसोधिस्स अनवसेसतो जितत्ता खीणासवो निप्परियायतो ओधिजिनो नाम; तदभावतो पुथुज्जनो निप्परियायतो अनोधिजिनो नाम; सेखो पन सिया परियायतो ओधिजिनोति । तम्पि निवत्तेन्तो, “अखीणासवस्साति अत्थो”ति आह । आयतिं विपाकं जिनित्वाति अप्पवत्तिकरणवसेन सब्बसो आयतिं विपाकं जिनित्वा ठितत्ता खीणासवो निप्परियायतो विपाकजिनो नाम; तदभावतो पुथुज्जनो निप्परियायतो अविपाकजिनो नाम; सेखो पन सिया परियायतो विपाकजिनोति । तम्पि निवत्तेन्तो “अखीणासवस्सेवाति अत्थो”ति आह । अपस्सन्तस्स रूपन्ति पाळितो पदं आनेत्वा सम्बन्धितब्बं । पाळियं पुब्बे “पुथुज्जनस्सा”ति वत्ता पुन “अस्सुतवतो पुथुज्जनस्सा”ति वचनं अन्धपुथुज्जनस्सायं उपेक्खा, न कल्याणपुथुज्जनस्साति दस्सनत्थं । गेहस्सिता उपेक्खा हि यं किञ्चि आरम्मणवत्थुं अपेक्खस्सेव, न निरपेक्खस्साति इट्ठे, इट्ठमज्झत्ते वा आरम्मणे सियाति वुत्तं “इट्ठारम्मणे आपाथगते”ति । अज्जाणेन पन तत्थ अज्झुपेक्खनाकारप्पत्ति होति । तेनाह “गुळपिण्डके”तिआदि ।

इट्ठे अरज्जन्तस्स अनिट्ठे अदुस्सन्तस्साति इदं येभ्युयेन सत्तानं इट्ठे रज्जनं, अनिट्ठे दुस्सनन्ति कत्वा वुत्तं । अयोनियोमनसिकारो हि तंतंआरम्मणवसेन न कत्थचिपि जवननियमं करोतीति वुत्तविपरीतेपि आरम्मणे रज्जनदुस्सनं सम्भवति, तथापिस्स रज्जनदुस्सनं अत्थतो पटिक्खित्तमेवाति दट्ठब्बं । असमपेक्खनेति असमं अयुत्तदस्सने अयोनिसो सम्मोहपुब्बकं आरम्मणस्स गहणे ।

३०९. पवत्तनवसेनाति उप्पादनवसेन चेव बहुलीकरणवसेन च । निस्साय चेव आगम्म चाति आगमनट्ठानभूते निस्सयपच्चयभूते च कत्वा । अतिक्कन्तानि नाम होन्ति विक्खम्भनेन उस्सारेन्ता समुस्सारेन्ता ।

सोमनस्सभावसामज्जं गहेत्वा, “सरिक्खकेनेव सरिक्खकं जहापेत्वा”ति वुत्तं । इधापि पहायकं नाम पहातब्बतो बलवमेव, संकिलेसधम्मानं बलवभावतो सातिसयं पन बलवभावं सन्धाय “इदानि बलवता”तिआदि वुत्तं । बलवभावतो वोदानधम्मानं अधिगमस्स अधिप्पेतत्ता हेत्थ नेक्खम्मस्सितदोमनस्सानम्पि पहानं जोतितं ।

उपेक्खाय पहायकभावेन अधिप्पेतत्ता “उपेक्खाकथा वेदितब्बा”ति वुत्तं । ज्ञानस्स अलाभिनो च लाभिनो च पकिण्णकसङ्खारसम्मसनं सन्धाय, “सुद्धसङ्खारे च पादके कत्वा”ति । उपेक्खासहगताति भावनाय पगुणभावं आगम्म कदाचि अज्झुपेक्खनवसेनपि हि सम्मसनं होतीति । पादकज्ज्ञानवसेन, सम्मसितधम्मवसेन वा आगमनविपस्सनाय बहुलं सोमनस्ससहगतभावतो “वुट्ठानगामिनी पन विपस्सना सोमनस्ससहगतावा”ति नियमेत्वा वुत्तं । उपेक्खासहगता होतीति एत्थापि एसेव नयो । चतुत्थज्ज्ञानादीनीति आदि-सद्देन अरूपज्ज्ञानानि सङ्गण्हाति । पुरिमसदिसावाति पुरिमसदिसा एव, उपेक्खासहगता वा होती सोमनस्ससहगता वाति अत्थो । इदं सन्धायाति यं चतुत्थज्ज्ञानादिपादकतो एव उपेक्खासहगतं वुट्ठानगामिनिविपस्सनं निस्साय सोमनस्ससहगताय विपस्सनाय पहानं, इदं सन्धाय । पहानन्ति चेत्थ समतिकमलक्खणं वेदितब्बं ।

एतं विसेसं विपस्सनाय आवज्जनद्वानभूतं । वुट्ठानगामिनिना आसन्ने समापन्नज्झानविपस्सना पादकज्झानविपस्सना, सम्मसितधम्मोति विपस्सनाय आरम्भणभूता खन्धा । पुग्गलज्झासयोति पादकज्झानस्स सम्मसितज्झानस्स च भेदे सति पटिपज्जनकस्स पुग्गलस्स, “अहो वत मय्हं पञ्चङ्गिकं ज्ञानं भवेय्य चतुरङ्गिक”न्तिआदिना पुब्बे पवत्तअज्झासयो । तेसम्पि वादेति एत्थ पठमथेरवादे । अयमेव...पे०... नियमेति ततो ततो दुतियादिपादकज्झानतो उप्पन्नस्स सङ्खारुपेक्खाजाणस्स पादकज्झानातिक्कन्तानं अङ्गानं असमापज्जितुकामता विरागभावनाभावतो इतरस्स च अतब्भावतो । एतेनेव हि पठमथेरवादे अपादकपठमज्झानपादकमग्गा पठमज्झानिकाव होन्ति, इतरे च दुतियज्झानिकादिमग्गा पादकज्झानविपस्सनानियमेहि तंतंज्ञानिकाव । एवं सेसवादेसुपि विपस्सनानियमो यथासम्भवं योजेतब्बो । तेनाह — “तेसम्पि वादे अयमेव पुब्बभागे वुट्ठानगामिनिविपस्सनाव नियमेती”ति । वुत्ताव, तस्मा न इध वत्तब्बाति अधिप्पायो ।

३१०. नानत्तादि कामावचरादिकुसलादिविभागतो नानाविधा । तेनाह “अनेकप्पकारा”ति । नानत्तसिताति रूपसद्दादिनानारम्भणनिस्सया । एकत्ता एकसभावा जातिभूमिआदिविभागाभावतो । एकारम्भणनिस्सिताति एकप्पकारेनेव आरम्भणे पवत्ता । हेट्ठा अज्जाणुपेक्खा वुत्ता “बालस्स मुळहस्सा”तिआदिना (म० नि० ३.३०८) । उपरि छळङ्गुपेक्खा वक्खति “उपेक्खको विहरती”तिआदिना (म० नि० ३.३११) । द्वे उपेक्खा गहिता द्विन्नम्पि एकत्ता, एकज्झं गहेतब्बतो, नानत्तसिताय उपेक्खाय पकासितभावतो च ।

अज्जाणुपेक्खा अज्जा सद्दादीसु तत्थ तत्थेव विज्जमानत्ता । रूपेसूति च इमिना न केवलं रूपायतनविसेसा एव गहिता, अथ खो कसिणरूपानिपीति आह — “रूपे उपेक्खाभावञ्च अज्जा”तिआदि । एकत्तसितभावोपि इध एकत्तविसयसम्पयोगवसेनेव इच्छितो, न आरम्भणवसेन चाति दस्सेतुं, “यस्मा पना”तिआदि वुत्तं । तेनेवाह “तत्था”तिआदि । सम्पयुत्तवसेनाति सम्पयोगवसेन । आकासानज्जायतनं निस्सयतीति आकासानज्जायतननिस्सिता, आकासानज्जायतनखन्धनिस्सिता । सेसासुपीति विज्जाणज्जायतननिस्सितादीसुपि ।

अरूपावचरविपस्सनुपेक्खायाति अरूपावचरधम्मारम्भणाय विपस्सनुपेक्खाय । रूपावचरविपस्सनुपेक्खन्ति एत्थापि एसेव नयो । ताय कामरूपारूपभेदाय तण्हाय निब्बत्ताति तम्मया, तेभूमकधम्मा, तेसं भावो तम्मयता, तण्हा यस्स गुणस्स वसेन अत्थे सद्दनिवेसो, तदभिधानकोति आह — “तम्मयता नाम तण्हा”ति । अतम्मयता तम्मयताय पटिपक्खोति कत्वा । विपस्सनुपेक्खन्ति, “यदत्थि यं भूतं, तं पजहति उपेक्खं पटिलभती”ति (दी० नि० ३.७१; अ० नि० ७.५५) एवमागतं सङ्खारविचिनने मज्झत्तभूतं उपेक्खं ।

३११. यदरियोति एत्थ द-कारो पदसन्धिकरो, उपयोगपुथुवचने च य-सद्दोति दस्सेन्तो, “ये सतिपट्टाने अरियो”ति आह । कामं “अरियो”ति पदं सब्बेसम्पि पटिविद्धसच्चानं साधारणं, वक्खमानस्स पन विसेसस्स बुद्धावेणिकत्ता, “अरियो सम्मासम्बुद्धो”ति वुत्तं । न हि पच्चेकबुद्धादीनं अयमानुभावो अत्थि । तीसु ठानेसूति न सुस्सूसन्तीति वा, एकच्चे न सुस्सूसन्ति एकच्चे सुस्सूसन्तीति वा, सुस्सूसन्तीति वा, पटिपन्नापटिपन्नानं सावकानं पटिपत्तिसङ्घातेसु तीसु सतिपट्टानेसु । सतिं पट्टपेन्तोति पटिधानुनयेहि अनवस्सुतत्ता तदुभयनिवत्तत्ता सब्बदा सतिं उपट्टपेन्तो । बुद्धानमेव सा निच्चं उपट्टितसतिता, न इतरेसं आवेणिकधम्मभावतो । आदरेन सोतुमिच्छा इध सुस्सूसाति तदभावं दस्सेन्तो, “सद्दहित्वा सोतुं न इच्छन्ती”ति आह । न अज्जाति “न अज्जाया”ति वत्तब्बे यकारलोपेन निद्देसोति आह “न जाननत्थाया”ति । सत्थु ओवादस्स अनादियनमेव वोक्कमनन्ति आह — “अतिक्कमित्वा...पे०... मज्जन्ती”ति ।

गेहस्सितदोमनस्सवसेनाति इदं इध पटिक्खिपितब्बमत्तदस्सनपदं दट्ठब्बं । नेक्खम्मस्सितदोमनस्सस्सपि सत्थु पसङ्गवसेन “न चेव अत्तमनो होती”ति अत्तमनपटिक्खेपेन अनत्तमनता वुत्ता विय होतीति तं पटिसेधेन्तो — “अप्पतीतो होतीति न एवमत्थो दट्ठब्बो”ति । तस्स सेतुधातो हि तथागतानं । यदि एवं कस्मा अत्तमनतापटिक्खेपोति आह — “अप्पटिपन्नकेसु पन अनत्तमनताकारणस्स अभावेनेतं वुत्त”न्ति । पटिघअवस्सवेनाति छहि द्वारेहि पटिघविस्सन्दनेन, पटिघप्पवत्तियाति अत्थो । उप्पिलावितोति न एवमत्थो दट्ठब्बो उप्पिलावितत्तस्स बोधिमूले एव पहीनत्ता । पटिपन्नकेसूति इदं अधिकारवसेन वुत्तं, अप्पटिपन्नकेसुपि तथागतस्स अनत्तमनताकारणं नत्थेव । एतं वुत्तन्ति एतं “अत्तमनो चेव होती”तिआदिवचनं वुत्तं सावकानं सम्मापटिपत्तिया सत्थु अनवज्जाय चित्ताराधनाय सम्भवतो ।

३१२. दमितोति निब्बिसेवनभावापादनेन सिक्खापितो । इरियापथपरिवत्तनवसेन अपरिवत्तित्वा एकदिसाय एव सत्तदिसाविधावनस्स इधाधिप्पेतत्ता सारितानं हत्थिदम्मादीनं एकदिसाधावनम्पि अनिवत्तनवसेनेव युत्तन्ति आह — “अनिवत्तित्वा धावन्तो एकंयेव दिसं धावती”ति । कायेन अनिवत्तित्वावाति कायेन अपरिवत्तित्वा एव । विमोक्खवसेन अट्ठ दिसा विधावति, न पुरत्थिमादिदिसावसेन । एकप्पहारेनेवाति एकनीहारेनेव, एकस्मिंयेव वा दिवसे एकभागेन । “पहारो”ति हि दिवसस्स ततियो भागो वुच्चति । विधावनज्जेत्थ ज्ञानसमापज्जनवसेन अकलङ्कम्पतिसातं जवनचित्तपवत्तन्ति आह “समापज्जतियेवा”ति । सेसं सुविज्जेय्यमेव ।

सळायतनविभङ्गसुत्तवण्णनाय लीनत्थप्पकासना समत्ता ।

८. उद्देसविभङ्गसुत्तवण्णना

३१३. देसेतब्बस्स अत्थस्स उद्दिसनं उद्देसो, विभजनं विभङ्गोति आह — “मातिकञ्च विभजनञ्चा”ति तुलेय्यातिआदीनि चत्तारिपि पदानि पज्जावेवचनानि । अथ वा तुलेय्याति तुलनभूताय पज्जाय तस्स धम्मस्स पग्गहादिविधिना परितुलेय्य । तीरेय्याति तीरणभूताय पज्जाय तत्थ जाणकिरियासमापनवसेन तीरेय्य । परिग्गणहेय्याति तथासमापन्नो आनिसंसे अस्सादआदीनवे च विचिनेय्य । परिच्छिन्देय्याति परिच्छिन्दभूतेन जाणेन अत्थं परिच्छिन्दित्वा जानेय्य । आरम्मणेसूति रूपादिपुत्तारम्मणेषु । निकन्तिवसेनाति निकामनवसेन अपेक्खावसेन । तिट्ठमानन्ति पवत्तमानं । गोचरज्झत्तेति ज्ञानारम्मणभूते । तज्झि भावनाचित्तेनाभिभुय्य अविस्सज्जित्वा गय्हमानं अज्झत्तं विय होतीति “गोचरज्झत्त”न्ति वुच्चति । भावनं आरब्धस्स भिक्खुनो यदि भावनारम्मणे निकन्ति उप्पज्जेय्य, तां निकन्तिया उपरि भावनं विस्सज्जेत्वा चित्तसंकोचवसेन सण्ठितं नाम, तदभावेन असण्ठितं नाम होतीति, “अज्झत्तं असण्ठित”न्ति वुत्तन्ति दस्सेन्तो, “गोचरज्झत्ते निकन्तिवसेन असण्ठित”न्ति आह । तथा हि वक्खति — “निकन्तिवसेन हि अतिट्ठमानं हानभागियं न होति, विसेसभागियमेव होती”ति । अग्गहेत्वाति रूपादीसु किञ्चि तण्हादिग्गाहवसेन अग्गहेत्वा । तथा अग्गहणेनेव हि तण्हापरितासादिवसेन न परितस्सेय्य । अवसेसस्स च दुक्खस्साति सोकादिदुक्खस्स । अवसेसस्स च दुक्खस्साति वा जातिजरामरणसीसेन विपाकदुक्खस्स गहितत्ता किलेसदुक्खस्स चेव संसारदुक्खस्स चाति अत्थो ।

३१६. रूपमेव किलेसुप्पत्तिया कारणभावतो रूपनिमित्तं । रागादिवसेन तं अनुधावतीति रूपनिमित्तानुसारी ।

३१८. निकन्तिवसेन असण्ठितन्ति अपेक्खावसेन सण्ठितं निकन्तिं पहाय पवत्तमानं उपरि विसेसावहतोति । तेनाह “निकन्तिवसेन ही”तिआदि ।

३२०. अगगहेत्वा अपरितस्सनाति पञ्चुपादानक्खन्धे, “एतं ममा”ति आदिना तण्हादिग्गाहवसेन उपादियित्वा तण्हापरितासादिवसेन परितस्सना, वुत्तविपरियायेन अगगहेत्वा अपरितस्सना वेदितब्बा । **कथं पनेसा अनुपादापरितस्सना** होतीति महाथेरस्स अधिप्पायं विवरितुं चोदनं समुट्ठपेति? **उपादातब्बस्स अभावतोति** तस्स अनुपादापरितस्सनाभावे कारणवचनं । **यदि** हीति आदि तस्स समत्थनं । **उपादापरितस्सनाव अस्स** तथा उपादातब्बस्स तथेव उपादिन्नत्ता । **एवन्ति** निच्चादिआकारेन । **उपादिन्नापीति** गहितपरामट्ठापि । **अनुपादिन्नाव होन्ति** अयोनिस्सो गहितत्ता, विञ्जूसु निस्साय जानितब्बत्ता च । **दिट्ठिवसेनाति** मिच्छादिट्ठिया गहणाकारवसेन, तस्स पन अयथाभूतगाहिताय परमत्थतो च अभावतो । **अत्थतोति** परमत्थतो । **अनुपादापरितस्सनायेव नाम** होति उपादातब्बाकारस्स अभावेन तं अनुपादियित्वा एव परितस्सनाति कत्वा ।

परिवत्ततीति न तदेव रूपं अज्जथा पवत्तं परिवत्तति, अथ खो पकतिजहनेन सभावविगमेन नस्सति भिज्जति । **विपरिणतन्ति** अज्जथत्तं गतं विनट्ठं । **कम्मविज्जाणन्ति** अभिसङ्खारविज्जाणं । “रूपं अत्ता”ति आदि मिच्छागाहवसेन विज्जाणस्स रूपभेदेन वुत्तस्स **भेदानुपरिवत्ति** होति । विपरिणामं अनुगन्त्वा विपरिवत्तनत्तं आरब्ध पवत्तं विपरिणामानुपरिवत्तं; ततो समुप्पन्ना परितस्सना **विपरिणामानुपरिवत्तजा परितस्सनाति** दस्सेन्तो आह — “**विपरिणामस्स...पे०... परितस्सना**”ति । **अकुसलधम्मसमुप्पादा चाति**, “यं अहु वत मे, तं वत मे नत्थी”ति आदिना पवत्ता अकुसलचित्तुप्पादधम्मा । **खेपेत्वाति** पवत्तितुं अप्पदानवसेन अनुप्पत्तिनिमित्तताय खेपेत्वा । **भयतासेनाति** भायनवसेनपि चित्तुत्रासेन । **तण्हातासेनाति** तस्सनेन । **सविधातोति** चित्तविधातनविधातेन सविधातो । ततो एव चेतोदुक्खेन **सदुक्खो** । **मणिकरण्डकसज्जायाति** रित्तकरण्डंयेव मणिपरिपुण्णकरण्डोति उप्पन्नसज्जाय । **अगगहेत्वा परितस्सनाति** गहेतब्बस्स अभावेन गहणम्पि अविज्जमानपक्खियमेवाति अगगहेत्वा परितस्सना नाम होति ।

३२१. कम्मविज्जाणमेव नत्थि सति कम्मविज्जाणे रूपभेदानुपरिवत्ति सियाति कम्मविज्जाणाभावदस्सनमुखेन खीणासवस्स सब्बसो किलेसाभावं दस्सेति । सेसं सुविज्जेय्यमेव ।

उद्देसविभङ्गसुत्तवण्णनाय लीनत्थप्पकासना समत्ता ।

९. अरणविभङ्गसुत्तवण्णना

३२३. गेहस्सितवसेनाति किलेसनिस्सितवसेन अनुरोधवसेन । **नेव उक्खिपेय्याति** न अनुगणहेय्य । **न अवक्खिपेय्याति** गेहस्सितवसेन विरोधवसेन न निगणहेय्य । अनुरोधेन विना सम्पहंसनवसेन यथाभूतगुणकथनं नेवुस्सादना वज्जाभावतो; तथा विरोधेन विना विवेचनवसेन यथाभूतदोसकथनं न अपसादनं । **सभावमेवाति** यथाभूतसभावमेव कस्सचि पुगलस्स अनादेसकरणवसेन **कथेय्य**, सेय्यथापि आयस्मा सुभूतित्थेरो । **विनिच्छितसुखन्ति**, “अज्झत्तं अनवज्ज”न्ति आदिना विसेसतो विनिच्छितसुखाय होति । **परम्मुखा अवण्णन्ति** स्वायं रहोवादो पेसुञ्जूपसंहारवसेन पवत्तो इधाधिप्पेतोति आह “**पिसुणवाचन्ति अत्थो**”ति । खीणातीति **खीणो**, यो भासति, यज्च उद्दिस्स भासति, द्वेपि हिंसति विबाधतीति अत्थो, तं खीणवादं । स्वायं यस्मा किलेसेहि आकिण्णो संकिलिट्ठो एव च होति, तस्मा वुत्तं — “**आकिण्णं संकिलिट्ठं वाच**”न्ति । तेन अवसिट्ठं तिविधम्पि वचीदुच्चरितमाह । **अधिट्ठित्वाति**, “इदमेव सच्च”न्ति अज्झोसाय । **आदायाति** पगग्ह । **वोहरेय्याति** समुदाचरेय्य । **लोकसमज्जन्ति** लोकसङ्केतं ।

३२४. आरम्मणतो सम्पयोगतो कामेहि पटिसंहितत्ता कामपटिसन्धि, कामसुखं । तेनाह “**कामूपसंहितेन**

सुखेना”ति । सदुक्खोति विपाकदुक्खेन संकिलेसदुक्खेन सदुक्खो । तथा सपरिळाहोति विपाकपरिळाहेन चैव किलेसपरिळाहेन च सपरिळाहो ।

३२६. वट्टतो निस्सरितुं अदत्त्वा तत्थेव सीदापनतो मिच्छापटिपदाभावेन सत्ते संयोजेतीति संयोजनं, विसेसतो भवसंयोजनं तण्हाति आह “तण्हायेतं नाम”न्ति । न तण्हायेव मानादयोपि संयोजनत्तं साधेन्ति नाम सब्बसो संयोजनतो सुट्ठु बन्धनतो । तेन वुत्तं — “अविज्जानीवरणानं, भिक्खवे, सत्तानं तण्हासंयोजनान”न्ति (सं० नि० २.१२५-१२६) ।

इमं चतुक्कन्ति, “ये कामपटिसन्धिसुखिनो सोमनस्सानुयोगं अनुयुत्ता, ये अत्तकिलमथानुयोगं अनुयुत्ता”ति एवमागतं इमं चतुक्कं निस्साय । “एतदग्गे ठपितो”ति, वत्त्वा तं निस्साय ठपितभावं वित्थारतो दस्सेतुं, “भगवतो ही”तिआदि वुत्तं । उस्सादनाअपसादना पज्जायन्ति तथागतेन विनेतब्बपुग्गलवसेन धम्मदेसनाय पवत्तेतब्बतो । अयं पुग्गलो...पे०... आचारसम्पन्नोति वा नत्थि परेसं अनुद्देसकवसेन धम्मदेसनाय पवत्तनतो ।

३२९. परम्मुखा अवण्णन्ति निन्दियस्स दोसस्स निन्दनं । न हि कदाचि निन्दियो पसंसियो होति, तं पन कालं जत्त्वाव कथेतब्बन्ति आह, “युत्तपत्तकालं जत्त्वावा”ति । खीणवादेपि एसेव नयो तस्स रहोवादेन समानयोगक्खमत्ता ।

३३०. घातीयतीति वधीयति । सहोपि भिज्जति नस्सति, भेदो होतीति अत्थो । गेलज्जप्पत्तोति खेदं परिस्समं पत्तो । अपलिबुद्धन्ति दोसेहि अननुपतितं ।

३३१. अभिनिविस्स वोहरतीति एवमेतं, न इतो अज्जथाति तं जनपदनिरुत्तिं अभिनिविसित्वा समुदाचरति । अतिधावनन्ति समज्जं नामेतं लोकसङ्केतसिद्धा पज्जत्तीति पज्जत्तिमत्ते अट्टत्वा परमत्थतो थामसा परामस्स वोहरणं ।

३३२. अपरामसन्तोति अनभिनिविसन्तो समज्जामत्ततोव वोहरति ।

३३३. मरियादभाजनीयन्ति यथावुत्तसम्मापटिपदाय मिच्छापटिपदाय च अज्जमज्जं सङ्करभावविभाजनं । रणन्ति सत्ता एतेहि कन्दन्ति अकन्दन्तापि कन्दनकारणभावतोति रणा; रागदोसमोहा, दसपि वा किलेसा, सब्बेपि वा एकन्ताकुसला, तेहि नानप्पकारदुक्खनिब्बत्तकेहि अभिभूता सत्ता कन्दन्ति; सह रणेहीति सरणो । रणसहो वा रागादिरेणूसु निरुब्बहो । तेनाह “सरजो सकिलेसो”ति । पाळियं पन “सदुक्खो एसो धम्मो”तिआदिना आगतत्ता कामसुखानुयोगादयोपि “सरणो”ति वुत्ताति दुक्खादीनं रणभावो तन्निब्बत्तकसभावानं अकुसलानं सरणता च वेदितब्बा । अरणोतिआदीनं पदानं वुत्तविपरियायेन अत्थो वेदितब्बो ।

वत्थुं सोधेतीति निरोधसमापज्जनेन महप्फलभावकरणेन दक्खिण्यवत्थुभूतं अत्तानं विसोधेति; निरोधसमापत्तिया वत्थुविसोधनं निरोधं समापज्जित्वा वुट्ठितानं पच्चेकबुद्धानं महाकस्सपत्थेरादीनं दिन्नदक्खिणाविसुद्धिया दीपेतब्बं । तेनाह “तथा ही”तिआदि । तथेवाति इमिना “पिण्डाय चरन्तो”तिआदिं उपसंहरति । मेत्ताभावनाय मुदुभूतचित्तबहुमानपुब्बकं देन्तीति, “सुभूतित्थेरो दक्खिणं विसोधेती”ति वुत्तं । तेन दायकतोपि दक्खिणाविसुद्धिं दस्सेति । वत्थुसोधनं पन पटिभागतो । एवं पन कातुं सक्काति सावकानम्पि किमेवं लहुवुट्ठानाधिष्ठानं सावकेसु चिण्णवसीभावो सम्भवतीति पुच्छति । इतरो अग्गसावकमहासावकेसु किं वत्तब्बं, पकतिसावकेसुपि वसिप्पत्तेसु लब्धतीति ते दस्सेन्तो, “आम सक्का”तिआदिमाह । सेसं सुविज्जेय्यमेव ।

अरणविभङ्गसुत्तवण्णनाय लीनत्थप्पकासना समत्ता ।

१०. धातुविभङ्गसुत्तवण्णना

३४२. अपरिक्खीणायुकं पुक्कुसातिकुलपुत्तं उद्दिस्स गमनन्ति कत्वा वुत्तं “तुरितगमनचारिक”न्ति । मम वासुपगमनेन तव चित्तस्स अफासुकं अनिट्ठं सचे नत्थि । सोति पुब्बुपगतो । दिन्नं दिन्नमेव वट्ठतीति एकवारं दिन्नं दिन्नमेव युत्तं, न पुन दातब्बन्ति अधिप्पायो । कतं कतमेवाति सङ्गहत्थं कतं अनुच्छविककम्मं कतमेव, न तं पुन विपरिवत्तेतब्बन्ति अधिप्पायो ।

पुक्कुसातिमिह उभयथापि कुलपुत्तभावो परिपुण्णो एवाति आह — “जातिकुलपुत्तोपि आचारकुलपुत्तोपी”ति । तत्राति तस्मिं तक्कसीलतो आगमने । अङ्के निपन्नदारकं विय जनं तोसेति तुट्ठिं पापेति । रतनानि उप्पज्जन्ति पब्बतसमुद्वादिसन्निस्सितत्ता पच्चन्तदेसस्स । दस्सनीयन्ति दस्सनेनेव सुखावहं । एवरूपन्ति दस्सनीयं सवनीयञ्च ।

अनग्घकम्बले महग्घकम्बले । सारकरण्डकेति चन्दनसारदिसारमयकरण्डके । लिखापेत्वा उक्किरापेत्वा । लाखाय वट्ठापेत्वाति मुखं पिदहित्वा लाखापरिकम्मं कारेत्वा ।

अन्तो दुस्सभण्डिकं अत्थीति अज्जासि नातिगरुकभावतो । अनग्घा अहेसुन्ति वण्णसम्पत्तिफस्ससम्पत्तिपमाणमहत्तदुन्निम्मापियताहि महग्घा अहेसुं, महापुज्जो राजा तस्स अत्थेवाति अधिप्पायो ।

यदि एवं, “किन्नु खो पेसेमी”ति कस्मा वीमंसं आपज्जीति आह — “अपिच खो पना”तिआदि । सोति बिम्बिसारो राजा । विचिनिंतुं आरद्धो रतनस्स अनेकविधत्ता उत्तरुत्तरिञ्च पणीततरादिभावतो । सुवण्णरजतादीति सुवण्णरजतपवाळमणिमुत्तावेळुरियादि । इन्द्रियबद्धन्ति चक्खादिइन्द्रियपटिबद्धं । पदेसन्ति गुणवसेन एकदेसं न पापुणाति ।

सामं सच्चानं अभिसम्बुद्धतासामज्जेन, “बुद्धरतनम्पि दुविध”न्ति वुत्तं । बुद्धरतनसमं रतनं नाम नत्थि, यस्मा पन इमस्मिं लोके परस्मिं वा पन बुद्धेन सदिसो न विज्जतीति । पठमबोधियंयेव पवत्ततीति कत्वा वुत्तं “घोसोपी”तिआदि ।

राजा तुट्ठो चिन्तेसि, “तत्थ अविज्जमानंयेव पेसेतुं लद्ध”न्ति । तस्माति यस्मा परिपुण्णं एकदिवसम्पि तस्मिं पदेसे बुद्धानं आवासपरिग्गहो नत्थि, तस्मा । पुब्बदिसामुखन्ति पुब्बदिसाभिमुखं सीहपज्जरं । तेनस्स सुविभूतालोकतं दस्सेति ।

एवं अनज्जसाधारणस्स भगवतो ईदिसो समुदागमोति दस्सेतुं, “एवं दस पारमियो पूरेत्वा”तिआदि वुत्तं । एवं सम्पन्नसमुदागमस्स तदनुरूपा अयं फलसम्पदाति दस्सेतुं, “तुसितभवनतो”तिआदि वुत्तं ।

अरियधम्मो नाम अरियमग्गप्पधानो, अरियमग्गो च सत्तत्तिसबोधिपक्खियसङ्गहो, ते च उद्देसमत्तेनेव गहिताति आह — “सत्तत्तिसबोधिपक्खिये एकदेसेन लिखित्वा”ति । चूळसीलादीनि ब्रह्मजाले (दी० नि० १.८-९) आगतनयेन वेदितब्बानि । छद्दारसंवरं सतिसम्पज्जन्ति मनच्छद्धानं द्वारानं संवरणवसेन सत्तद्धानिकं सतिसम्पज्जं । द्वादसप्पभेदं चीवरादिचतुप्पच्चयसन्तोसं । अरज्जरुक्खमूलादीनञ्च विभङ्गं भावनानुकूलं सेनासनं । “अभिज्झं लोके पहाया”तिआदिना वुत्तं नीवरणप्पहानं । परिकम्मन्ति कसिणादिपरिकम्मं । पाळियं आगतनयेन अट्ठित्स कम्मट्ठानानि ।

विसुद्धिपटिपाटिया याव आसवक्खया इमं पटिपत्तिं एकदेसेन लिखि । सोळसविधन्ति सोळसविधभावनाय पयोगं ।

किलञ्जमयेति नानाविधभित्तिविभक्ते सण्हसुखुमरतनपरिसिब्बिते किलञ्जमयसमुग्गे । बहि वत्थेन वेठेत्वाति पठमं सुखुमकम्बलेन वेठेत्वा पटिपाटिया तेत्तिंसाय समुग्गेसु पक्खिपित्वा ततो बहि सुखुमवत्थेन वेठेत्वा छादेत्वा । तिणगच्छपहानसम्मज्जनादिना सोधितमत्तकमेव होतु, कदलिपुण्णघटठपनधजपटाकुस्सापनादिअलङ्करणेन मा निट्ठापेथाति अत्थो । राजानुभावेन पटियादेथाति मम राजानुरूपं सज्जेथ, अलङ्करोथाति अत्थो । अन्तरभोगिकानन्ति अनुयुत्तराजमहामत्तानं । जवनदूतेति खिप्पं गच्छन्तकदूतपुरिसे । ताळेहि सह अवचरन्तीति ताळावचरा ।

रज्जा पण्णाकारं उद्दिस्स कतपूजासक्कारस्स अमच्चतो सुतत्ता पण्णाकारं उच्चट्टाने ठपेत्वा सयं नीचासने निसिन्नो । नायं अज्जस्स रतनस्स भविस्सतीति अयं परिहारो अज्जस्स मणिमुत्तादिभेदस्स रतनस्स न भविस्सति मणिमुत्तादीहि अभिसङ्खतत्ता । बलवसोमनस्सं उप्पज्जि चिरतनकालं बुद्धसासने भावितभावनताय वासितवासनताय घटे दीपो विय अब्भन्तरे एव समुज्जलमानपरिपक्वतिहेतुकभावतो ।

धारेमीति इच्छामि, गणहामीति अत्थो । द्वेज्झवचनन्ति द्वेळ्हकभावो । अन्तरं करोतीति द्विन्नं पादानं अन्तरं तं लेखं करोति, एकेन पादेन अतिक्कमीति अत्थो । तस्सा गतमग्गेनाति ताय देविया विवट्टमानाय नासिताय गतमग्गेन । तं पन लेखन्ति पुक्कुसातिना कतलेखं । पण्णच्छत्तकन्ति तालपत्तमुट्ठिं ।

सत्थुगारवेनाति सत्थरि उप्पन्नपसादपेमबहुमानसम्भवेन । तदा सत्थारंयेव मनसि कत्वा तन्निन्नभावेन गच्छन्तो, “पुच्छिस्सामी”तिपि चित्तं न उप्पादेसि, “एत्थ नु खो सत्था वसती”ति परिवितक्कस्सेव अभावतो; राजगहं पन पत्वा रज्जो पेसितसासनवसेन तत्थ च विहारस्स बहुभावतो सत्था कंहं वसतीति पुच्छि । सत्थु एककस्सेव निक्खमनं पञ्चचत्तालीस योजनानि पदसा गमनञ्च धम्मपूजावसेन कतन्ति दट्ठब्बं । धम्मपूजाय च बुद्धानं आचिण्णभावो हेट्ठा वित्थारितोयेव । बुद्धसोभं पन पटिच्छादेत्वा अज्जातकवेसेन तत्थ गमनं तस्स कुलपुत्तस्स विस्सत्थवसेन मग्गदरथपटिपस्सम्भनत्थं । अप्पटिपस्सद्धमग्गदरथो हि धम्मदेसनाय भाजनं न होतीति । तथाहि वक्खति, “ननु च भगवा”तिआदि ।

उरुद्धन्ति विसालन्ति केचि । अतिरेकतियोजनसतन्तिआदिना अन्वयतो व्यतिरेकतो च मच्छेरविनयने सब्रह्मचारीनं ओवाददानं । अच्चन्तसुखुमालोतिआदिना सत्थु धम्मगारवेन सद्धिं कुलपुत्तस्सपि धम्मगारवं संसन्दति समेतीति दस्सेति । तेन भगवतो कतस्स पच्चुग्गमनस्स ठानगतभावं विभावेन्तो अज्जेसम्पि भब्बरूपानं कुलपुत्तानं यथारहं सङ्गहो कातब्बोति दस्सेति ।

ब्रह्मलोकप्पमाणन्ति उच्चभावेन । आनुभावेनाति इद्धानुभावेन यथा सो सोतपथं न उपगच्छति, एवं वूपसमेतुं सक्कोति । अविब्भन्तन्ति विब्भमरहितं निल्लोलुप्यं । “भावनपुंसकं पनेत”न्ति वत्वा तस्स विवरणत्थं, “पासादिकेन इरियापथेना”ति वुत्तं । इत्थम्भूतलक्खणे एतं करणवचनं दट्ठब्बं । तेनाह “यथा इरियतो”तिआदि । अमनापो होति पस्सन्तानं । सीहसेय्याय निपन्नस्सपि हि एकच्चे सरीरावयवा अधोखित्तविक्खित्ता विय दिस्सन्ति । कटियं द्विन्नं ऊरुसन्धीनं द्विन्नञ्च जाणुसन्धीनं वसेन चतुसन्धिकपल्लङ्कं । न पतिट्ठातीति नप्पवत्ति, “कंसि त्व”न्तिआदिना अपुच्छिते कथापवत्ति एव न होति । अप्पतिट्ठिताय कथाय न सज्जायतीति तथा पन पुच्छावसेन कथाय अप्पवत्तिताय उपरि धम्मकथा न सज्जायति न उप्पज्जति । इतीति तस्मा । कथापतिट्ठापनत्थं कथापवत्तनत्थं कथासमुट्ठापनत्थं वा

पुच्छि ।

सभावमेव कथेतीति अत्तनो भगवतो अदिट्ठपुब्बत्ता “अदिट्ठपुब्बकं कथमहं जानेय्य”न्ति सभावमेव केवलं अत्तनो अज्झासयमेव कथेति; न पन सदेवकस्स लोकस्स सुपाकटं सभावसिद्धं बुद्धरूपकायसभावं । अथ वा **सभावमेव कथेतीति** “इदमेव”न्ति जानन्तोपि तदा भगवतो रुचिया तथापवत्तमानं रूपकायसभावमेव कथेति अप्पविकखम्भन्ति अधिप्पायो । तेनाह — “तथा हि न”न्तिआदि, विपस्सनालक्खणमेव पटिपदन्ति अधिप्पायो ।

३४३. “**पुब्बभागपटिपदं अकथेत्वा**”ति वत्त्वा पुब्बभागपटिपदाय अकथने कारणं पुब्बभागपटिपदञ्च सरूपतो दस्सेतुं, “**यस्स ही**”तिआदि वुत्तं । अपरिसुद्धायपि पुब्बभागपटिपदाय विपस्सना तथा न किच्चकारी, पगेव अविज्जमानायाति, “**यस्स हि...पे... अपरिसुद्धा होति**”च्चेव वुत्तं । पुब्बभागपटिपदा च नाम सङ्खेपतो पन्नरस चरणधम्माति आह — “**सीलसंवरं...पे... इमं पुब्बभागपटिपदं आचिक्खती**”ति । यानकिच्चं साधेति मग्गगमनेन अकिलन्तभावसाधनत्ता । चिरकालं परिभाविताय परिपक्वगताय हेतुसम्पदाय उपट्ठापितं **सामणेरसीलम्पि परिपुण्णं** अखण्डादिभावप्पत्तिया, यं पुब्बहेतुत्ता “**सील**”न्ति वुच्चति ।

धातुयो परमत्थतो विज्जमाना, पज्जत्तिमत्थो **पुरिसो अविज्जमानो** । अथ कस्मा भगवा अरहत्तस्स पदट्ठानभूतं विपस्सनं कथेन्तो “**छधातुरो**”ति अविज्जमानप्पधानं देसनं आरभीति आह — “**भगवा ही**”तिआदि । **कथञ्चि** “तेविज्जो छळभिज्जो”तिआदीसु **विज्जमानेन अविज्जमानं दस्सेति** । **कथञ्चि** — “इत्थिरूपं, भिक्खवे, पुरिसस्स चित्तं परियादाय तिट्ठती”तिआदीसु (अ० नि० १.१) **अविज्जमानेन विज्जमानं दस्सेति** । **कथञ्चि** “चक्खुविज्जाणं सोतविज्जाण”न्तिआदीसु (विभ० १२१) **विज्जमानेन विज्जमानं दस्सेति** । **कथञ्चि** — “खत्तियकुमारो ब्राह्मणकज्जाय सिद्धिं संवासं कप्पेती”तिआदीसु (दी० नि० १.२७५) **अविज्जमानेन अविज्जमानं दस्सेति** । इध पन विज्जमानेन अविज्जमानं दस्सेति । “**छधातुरो**”ति हि समासत्थो अविज्जमानो पुगलविसयत्ता, तस्स पदस्स अवयवत्थो पन अप्पधानत्थो विज्जमानो, सो सद्धक्कमेन अप्पधानोपि अत्थक्कमेन पधानोति आह — “**विज्जमानेन अविज्जमानं दस्सेन्तो**”ति । पुगलाधिट्ठानायेत्थ देसनाय कारणं दस्सेतुं, “**सचे ही**”तिआदि वुत्तं । **उपट्ठापेय्याति** — “धातुयो”इच्चेव कुलपुत्तस्स चित्तं निवेसेय्य तथा सज्जानेय्य, एवं धम्मं देसेय्याति अत्थो । **सन्देहं करेय्याति** असति पुरिसे को करोति? को पटिसंवेदेति, धातुयो एवाति किं नु खो इदं, कथं नु खो इदन्ति संसयं उप्पादेय्य? **सम्मोहं आपज्जेय्याति** चतुरङ्गसमन्नागते अन्धकारे वत्तमानं विय देसियमाने अत्थे सम्मोहं आपज्जेय्य । तथाभूतो च देसनाय अभाजनभूतत्ता **देसनं सम्पटिच्छित्तुं न सक्कुणेय्य** । **एवमाहाति** एवं “**छधातुरो**”ति आह ।

यं त्वं पुरिसोति सज्जानासीति यं रूपारूपधम्मसमूहं पबन्धवसेन पवत्तमानं अधिट्ठानविसेसविसिद्धं — “पुरिसो सत्तो इत्थी”तिआदिना त्वं सज्जानासि, **सो छधातुरो** । सन्तेसुपि छधातुविनिमुत्तेसु धात्वन्तरेसु सुखावगहणत्थं तथा वुत्तं तग्गहणेनेव च तेसं गहेतब्बतो, स्वायमत्थो हेट्ठा दस्सितो एव । **सेसपदेसूति** “छफस्सायतनो”तिआदिपदेसुपि । चत्तारि अधिट्ठानानि चतस्सो पतिट्ठा एतस्साति **चतुराधिट्ठानो**, अधितिट्ठति पतिट्ठहति एतेनाति **अधिट्ठानं**, येसु पतिट्ठाय उत्तमत्थं अरहत्तं अधिगच्छति, तेसं पज्जादीनं एतं अधिवचनं । तेनाह “**स्वायं भिक्खू**”तिआदि । **एत्तोति** वट्ठतो । **विवट्ठित्वाति** विनिवट्ठित्वा अपसविकत्वा । **एत्तोति** वा एतेहि छधातुआदीहि । एत्थ हि निविट्ठस्स आयत्तस्स उत्तमाय सिद्धिया असम्भवोति । **पतिट्ठितन्ति** अरियमग्गाधिगमवसेन सुप्पतिट्ठितं । एवज्जि सब्बसो पटिपक्खसमुच्छिन्दनेन तत्थ पतिट्ठितो होति । **मज्जस्सवा नप्पवत्तन्तीति** छहिपि द्वारेहि पवत्तमानसोताय मग्गेन विसोसिताय सब्बसो विगताय सब्बसो

विच्छेदपत्तिया न सन्दन्ति । तेनाह “नप्पवत्तन्ती”ति । यस्मा माने सब्बसो समुच्छिन्ने असमुच्छिन्नो अनुपसन्तो किलेसो नाम नत्थि, तस्मा आह — “मुनि सन्तोति वुच्चती”ति रागगिआदीनं निब्बानेन निब्बुतो ।

पज्जं नप्पमज्जेय्याति, “दिवसं चङ्कमेन निसज्जाय आवरणीयेहि धम्मेहि चित्तं परिसोधेती”ति आदिनयप्पवत्ताय (म० नि० १.४२३; २.२४; ३.७५; सं० नि० ४.१२०; अ० नि० ३.१५; विभ० ५१९; महानि० १६१) अप्पमादप्पटिपत्तिया समाधिविपस्सनापज्जं नप्पमज्जेय्य । एतेन पुब्बभागियं समथविपस्सनाभावनमाह । **सच्चमनुरक्खेय्याति** सच्चानुरक्खनापदेसेन सीलविसोधनमाह; सच्चे ठितो समादिन्नसीलं अविकोपेत्वा परिपूरेन्तो समाधिसंवत्तनियतं करोति । तेनाह “वचीसच्चं रक्खेय्या”ति । **किलेसपरिच्चागं ब्रूहेय्याति** तदङ्गादिवसेन किलेसानं परिच्चजनविधिं वड्ढेय्य । **किलेसवूपसमनं सिक्खेय्याति** यथा ते किलेसा तदङ्गादिवसेन परिच्चत्ता यथासमुदाचारप्पवत्तिया सन्ताने परिळाहं न जनेन्ति; एवं किलेसानं वूपसमनविधिं सिक्खेय्य **पज्जाधिट्ठानादीनन्ति** लोकुत्तरानं पज्जाधिट्ठानादीनं । **अधिगमत्थायाति** पटिलाभत्थाय ।

३४७. पुब्बे वुत्तानन्ति, “चतुराधिट्ठानो, यत्थ ठितं मज्जस्सवा नप्पवत्तन्ती”ति (म० नि० ३.३४३) एवं पुब्बे वुत्तानं ।

३४८. वत्तब्बं भवेय्याति निद्देसवसेन वत्तब्बं भवेय्य । **आदीहीति** एवमादीहि । **किच्चं नत्थि** किच्चाभावतो । **उप्पटिपाटिधातुकन्ति** अयथानुपुब्बिकं । **यथाधम्मवसेनेवाति** देसेतब्बधम्मानं यथासभावेनेव । **सप्पायं धुतङ्गन्ति** अत्तनो किलेसनिगणहनयोगं धुतङ्गं । **चित्तरुचितन्ति** अत्तनो चित्तपकतिया आचरियेहि विरोचेतब्बं, चरियानुकूलन्ति अत्थो । **हत्थिपदोपमसुत्तादीसूति आदि-**सद्देन विसुद्धिमग्गधातुविभङ्गादिं सङ्गहाति ।

३५४. अयम्पेत्याति पि-सद्दो सम्पिण्डनत्थो । तेन “अथापरं उपेक्खायेव अवसिस्सती”ति उपरिदेसनं सम्पिण्डेति । सोपि हि पाटियेक्को अनुसन्धीति । ननु चायं यथाउद्दिट्ठाय विज्जाणधातुया निद्देसोपि भविस्सतीति यथानुसन्धिनयो विज्जतीति? न, विज्जाणधातुनिद्देसनयेन देसनाय अप्पवत्तत्ता तेनाह “हेट्ठतो”ति आदि । **यं वा पनाति** आदिना पन देसनाय सानुसन्धितं विभावति । न हि बुद्धा भगवन्तो अननुसन्धिकं देसनं देसेन्ति । **आगमनीयविपस्सनावसेनाति** यस्सा पुब्बे पवत्तत्ता आगमनीयट्ठाने ठिता विपस्सना, तस्सा वसेन । **कम्मकारकविज्जाणन्ति** “नेतं मम नेसोहमस्मि, न मेसो अत्ता”ति एवं विपस्सनाकिच्चकारकं विपस्सनासहितं विज्जाणं । **विज्जाणधातुवसेनाति** यथाउद्दिट्ठाय विज्जाणधातुया भाजनवसेन । **सत्थु कथनत्थायाति** सत्थारा उद्देसमेव कत्वा ठपितत्ता निद्देसवसेन कथनत्थाय । अकथितभावो एव हिस्स अवसिद्धता कथनत्थाय पटिविज्जनत्थाय च । पटिपक्खविगमेन तस्स चित्तस्स परिसुद्धताति आह “**निरुपक्विलेसं**”न्ति । उपक्विलेसानं पन पहीनभावतो **परियोदातं** । समुदयवसेन **उदयदस्सनत्थञ्चेव** पच्चयनिरोधवसेन **अत्थङ्गमदस्सनत्थञ्च** । कारणभावेन सुखाय वेदनाय हितन्ति **सुखवेदनियं** । तेनाह “**सुखवेदनाय पच्चयभूतं**”न्ति ।

३६०. रूपकम्मट्टानम्पि चतुधातुववत्थानवसेन, **अरूपकम्मट्टानम्पि** सुखदुक्खवेदनामुखेन **पगुणं जातं** ।

सत्थु कथनत्थंयेव अवसिस्सतीति, “कुलपुत्तस्स पटिविज्जनत्थ”न्ति वुत्तमेवत्थं निसेधेति, तस्मा वुत्तमेवत्थं समत्थेतुं, “**इमस्मिं ही**”ति आदि वुत्तं । **कुलपुत्तस्स रूपावचरज्झानेति** कुलपुत्तेन अधिगतरूपावचरज्झाने । तेनाह — “**भिक्षु पगुणं तव इदं रूपावचरचतुत्थज्झानं**”न्ति । यं किञ्चि सुवण्णतापनयोग्यं अङ्गारभाजनं इध “**उक्का**”ति अधिप्पेतन्ति आह “**अङ्गारकपल्लं**”न्ति । **सज्जेय्याति** यथा तत्थ पक्खित्तसुवण्णञ्च तप्पति, एवं पटियादियेय्य । **नीहटदोसन्ति** विगतीभूतकाळकं । **अपनीतकसावन्ति** अपगतसुखुमकाळकं ।

अरियमग्गे पतिट्ठापेतुकामेन नाम सब्बस्मिम्पि लोकियधम्मो विरज्जनत्थाय धम्मो कथेतब्बोति अधिप्पायेन, “**कस्मा पना**”तिआदिना चोदना कता । विनेय्यदमनकुसलेन भगवता वेनेय्यज्झासयवसेन ताव चतुत्थज्झानुपेक्खाय वण्णो कथितोति तस्स परिहारं वदन्तो, “**कुलपुत्तस्सा**”तिआदिमाह ।

३६१. तदनुधम्मन्ति तस्स अरूपावचरस्स कुसलस्स अनुरूपधम्मं, याय पटिपदाय तस्स अधिगमो होति, तस्स पुब्बभागपटिपदन्ति अत्थो । तेनाह “**रूपावचरज्झान**”न्ति । **तग्गहणाति** तस्स गहणेन तस्सा पटिपत्तिया पटिपज्जमानेन । **इतो उत्तरिन्ति** “विज्जाणज्जायतन”न्तिआदीसु ।

३६२. तस्सेवाति अरूपावचरज्झानस्स । एतं पन सविपाकं अरूपावचरज्झानं समेच्च सम्भुय्य पच्चयेहि कतत्ता सङ्खतं । **पकप्पितन्ति** पच्चयवसेन सविहितं । **आयूहितन्ति** सम्पिण्डितं । **करोन्तेन करीयतीति** पटिपज्जनकेन पटिपज्जीयति सङ्खरीयति । निब्बानं विय न निच्चं न सस्सतं । अथ खो खणे खणे भिज्जनसभावताय **तावकालिकं** । ततो एव चवनादिसभावन्ति सब्बमेतं रूपावचरधम्मेषु आदीनवविभावनं । **दुक्खे पतिट्ठितन्ति** सङ्खारदुक्खे पतिट्ठितं । **अताणन्ति** चवनसभावादिताय ताणरहितं । **अलेणन्ति** ततो अरक्खत्ता लीयनट्टानरहितं । **असरणन्ति** अप्पटिसरणं । **असरणीभूतन्ति** सब्बकालम्पि अप्पटिसरणं ।

समत्तपत्तविसे खन्धादीसु गहिते दुत्तिकिच्छा सियाति, “**खन्धं वा सीसं वा गहेतुं अदत्त्वा**”ति वुत्तं । **एवमेवाति** एत्थायं उपमासंसन्दना — छेको भिसक्को विय सम्मासम्बुद्धो । विसविकारो विय किलेसदुक्खानुबन्धो, भिसक्कस्स विसं ठानतो चावेत्त्वा उपरि आरोपनं विय भगवतो देसनानुभावेन कुलपुत्तस्स कामभवे निकन्तिं परियादाय अरूपज्झाने भवनं । भिसक्कस्स विसं ओतारेत्त्वा पथवियं पातनं विय कुलपुत्तस्स ओरम्भागियकिलेसदुक्खापनयनं ।

असम्पत्तस्साति अरूपावचरज्झानं अनधिगतस्स । **अप्पटिलब्धस्सेवाति** तस्स वेवचनं । **सब्बमेतन्ति** “अनिच्चं अधुव”न्तिआदिना वित्थारतो वुत्तं सब्बमेतं आदीनवं । **एकपदेनेव “सङ्खतमेत”न्ति** कथेसि सङ्खतपदेनेव तस्स अत्थस्स अनवसेसतो परियादिन्नत्ता ।

नायूहतीति भवकारणचेतनावसेन ब्यापारं न समूहेति न सम्पिण्डेति । तेनाह — “**न रासिं करोती**”ति । अभिसङ्खरणं नाम चेतनाब्यापारोति आह — “**न अभिसज्जेतयती**”ति । तं पन फलुप्पादनसमत्थताय फलेन कप्पनन्ति आह “**न कप्पेती**”ति । सचे अभिसङ्खारचेतना उळारा, फलमहत्तसङ्गाताय वुड्डिया होति, अनुळारा च अवुड्डियाति आह — “**वुड्डिया वा परिहानिया वा**”ति । **बुद्धविसये ठत्वाति** भगवा अत्तनो बुद्धसुबुद्धताय सीहसमानवुत्तिताय च देसनं उक्कंसतो सावकेहि पत्तब्बं विसेसं अनवसेसेन्तो तथा वदति, न सावकविसयं अतिक्कमित्त्वा अत्तनो बुद्धविसयमेव देसेन्तो । तेनाह — “**अरहत्तनिकूटं गण्ही**”ति । यदि कुलपुत्तो अत्तनो...पे०... पटिविज्झि, अथ कस्मा भगवा देसनाय अरहत्तनिकूटं गण्हीति आह “**यथा नामा**”तिआदि ।

इतो पुब्बेति इतो अनागामिफलाधिगमतो उत्तरि उपरि । **अस्साति** कुलपुत्तस्स । **कथेन्तस्स** भगवतो धम्मो **नेव कङ्खा न विमति** पठममग्गेनेव कङ्खाय समुच्छिन्नत्ता । **एकच्चेसु ठानेसूति** तथा विनेय्यठानेसु । तथा हि अयम्पि कुलपुत्तो अनागामिफलं पत्त्वा भगवन्तं सज्जानि । तेन वुत्तं “**यतो अनेना**”तिआदि ।

३६३. अनज्झोसिताति अनज्झोसनीयाति अयमत्थोति आह — “**गिलित्वा परिनिट्ठापेत्त्वा गहेतुं न युत्ता**”ति ।

३६४. रागोव अनुसयो रागानुसयो, सो च पच्चयसमवाये उप्पज्जनारहोति वत्तब्बतं लभतीति वुत्तं — “सुखवेदनं आरब्ध रागानुसयो उप्पज्जेय्या”ति । न पन तस्स उप्पादनं अत्थि खणत्तयसमायोगासम्भवतो । एस नयो सेसेसुपि । इतरन्ति अदुक्खमसुखवेदनं । विसंयुत्तोति केनचि सज्जोजनेन असंयुत्ताय एव नियतविप्पयुत्तो । कायस्स कोटि परमो अन्तो एतस्साति कायकोटिकं । दुत्तियपदेति “जीवितपरियन्तिक”न्ति इमस्मिं पदे । विसेवनस्साति उपादानस्स । सीतीभविस्सन्तीति पदस्स “निरुज्झिस्सन्ती”ति अत्थो वुत्तो, कथं पन वेदयितानं द्वादससु आयतनेसु निरुज्जनं सीतिभावप्पत्तीति चोदनं सन्धायाह — “किलेसा ही”तिआदि । समुदयपज्हेनाति महासतिपट्टाने (दी० नि० २.४००; म० नि० १.१३३) समुदयसच्चनिरोधपज्हेन । ननु सब्बसो किलेसपरिच्छाहविगमे सीतिभावो नाम वेदनानिरोधमत्तेन अधिप्पेतो; तेन इध वेदयितानि वुत्तानि, न किलेसाति वेदयितानं अच्चन्तनिरोधसङ्घातो सीतिभावोपि किलेससमुच्छेदेनेवाति आह “वेदयितानिपी”तिआदि ।

३६५. इदं ओपम्मसंसन्दनन्ति एत्थ सज्जोजना दीपसिखा विय, अधिद्वानकपल्लिका विय वेदनाय निस्सयभूता चत्तारो खन्धा, तेलं विय किलेसा, वट्ठि विय कम्मवट्ठं, उपहरणकपुरिसो विय वट्ठगामी पुथुज्जनो, तस्स सीसच्छेदकपुरिसो विय अरहत्तमगो सन्तानस्स समुच्छेदकरणतो, अनाहाराय दीपसिखाय निब्बायनं विय कम्मकिलेसानं अनन्तरपच्चयतो अनाहाराय वेदनाय अनुपादिसेसवसेन निब्बायनं ।

आदिहि समाधिविपस्सनापज्जाहीति पुब्बभागपटिपदाभूता तथा पगुणसमाधितो अरहत्तस्स पदद्वानभूतविपस्सनापज्जातो च । उत्तरितराति विसिद्धतरा । एवं समन्नागतोति एत्थ एवं-सदो इदंसदत्थवचनोति आह — “इमिना उत्तमेन अरहत्तफलपज्जाधिद्वानेना”ति । सब्बं वट्ठदुक्खं खेपेतीति सब्बदुक्खकखयो, अगमगगो, तंपरियापन्नताय तत्थ जाणन्ति आह — “सब्बदुक्खकखये जाणं नाम अरहत्तमगो जाणं”न्ति । अरहत्तफले जाणं अधिप्पेतं वुत्तनयेन सब्बदुक्खकखये सन्ते तन्निमित्तं वा उप्पन्नजाणन्ति कत्वा । तस्साति, “एवं समन्नागतो भिक्खु इमिना परमेन पज्जाधिद्वानेन समन्नागतो होती”ति वुत्तभिक्खुनो ।

३६६. हीति यस्मा । विमुत्तीति अरहत्तफलविमुत्ति, तस्मा सब्बदुक्खकखये जाणन्ति अरहत्तफलजाणं अधिप्पेतं । सच्चन्ति परमत्थसच्चं निब्बानं, न मगगसच्चं । कामं अरहत्तफलविमुत्ति पटिपक्खेहि अकोपनीयताय अकुप्पा, “सच्चे ठिता”ति पन वचनतो, “अकुप्पारम्मणकरणेन अकुप्पाति वुत्ता”ति आह । वितथन्ति नट्ठं, जराय मरणेन च विपरिणामेतब्बताय यादिसं उप्पादावत्थाय जातं, ततो अज्जादिसन्ति अत्थो । तथा हि तं जरामरणेहि परिमुसितब्बरूपताय “मुसा”ति वुत्तं । तेनाह — “मोसधम्मन्ति नस्सनसभाव”न्ति । तं अवितथन्ति तं वुत्तनयेन अवितथं नाम, तं सभावो सब्बकालं तेनेव लब्धनतो । समथविपस्सनावसेन वचीसच्चतोति समथविपस्सनावसेन यं विसुद्धिमत्तं वचीसच्चं, ततो । दुक्खसच्चसमुदयसच्चेहि तच्छविपल्लासभूतसभावेहि । इति नेसं यथासकं सभावेन अवितथभावे अमोसधम्मताय तेहिपि अवितथभावा परमत्थसच्चं निब्बानमेव उत्तरितरं । तस्माति निब्बानस्सेव उत्तरितरभावतो ।

३६७. उपधीयति एत्थ दुक्खन्ति उपधी, खन्धा कामगुणा च । उपदहन्ति दुक्खन्ति उपधी, किलेसाभिसङ्घारा । परिपूरा गहिता परामट्ठाति परियत्तभावेन तण्हाय गहिता दिट्ठिया परामट्ठा । समथविपस्सनावसेन किलेसपरिच्चागतोति विक्खम्भनवसेन तदङ्गप्पहानवसेन च किलेसानं परिच्चजनतो । उत्तरितरो विसिद्धतरस्स पहानप्पकारस्स अभावतो ।

३६८. आघातकरणवसेनाति चेतसिकाघातस्स उप्पज्जनवसेन । व्यापज्जनवसेनाति चित्तस्स विपत्तिभाववसेन । सम्पदुस्सनवसेनाति सब्बसो दुस्सनवसेन । तीहि पदेहि यदि अरहत्तमगगेन किलेसानं परिच्चागो चागाधिद्वानं,

अरहत्तमगोनेव नेसं वूपसमो उपसमाधिद्वानं होतीति दस्सेति । एत्थ विसेसेन परिच्चागो सम्पजहनं अनुप्पत्तिधम्मतापादनं चागो, तथा पन परिच्चागेन यो सो नेसं तदा वूपसन्तताय अभावो, अयं उपसमोति अयमेतेसं विसेसो ।

३६९. मज्जितन्ति मज्जना, “एतं ममा”तिआदिना कप्पनाति अत्थो । अविज्जाविबन्धनतण्हागाहादीनं साधारणभावतो **अयमहन्ति** एत्थ **अहन्ति** दिट्ठिमज्जनादस्सनं, सा पन दिट्ठि मानमज्जनाय अत्तनियगाहवसेन होतीति स्वेव “अय”न्ति इमिना गहितोति आह — “**अयमहन्ति एकं तण्हामज्जितमेव वट्ठती**”ति । **आबाधद्वेनाति** पटिपीळनद्वेन । मज्जनावसेन हि सत्तानं तथा होति । **अन्तोदोसद्वेनाति** अब्भन्तरदुड्डभावेन । मज्जनादूसितत्ता हि सत्तानं अत्तभावो दुक्खतामूलायत्तो, किलेसासुचिपघरणतो उप्पादनरोधभङ्गेहि उद्धमुद्धं पक्कपभिन्नो होतीति फलूपचारेन “मज्जितं गण्डो”ति वुत्तो । **अनुपविट्ठद्वेनाति** अनुपविसित्वा हृदयमाहच्च अधिद्वानेन । मज्जितज्झि पीळाजननतो अन्तोतुदनतो दुरुद्धरणतो सल्लं । **खीणासवमुनि** सब्बसो किलेसानं सन्तत्ता, ततो एव परिळाहानं परिनिब्बुतत्ता वूपसन्तत्ता **सन्तो** उपसन्तो **निब्बुतोति वुच्चति** । **यत्थ ठितन्ति** यस्मिं असेक्खभूमियं ठितं । यदि भगवा अत्तनो देसनाजाणानुरूपं देसनं पवत्तापेय्य, महापथविं पत्थरन्तस्स विय, आकासं पसारन्तस्स विय, अनन्तापरिम्यलोकधातुयो पटिच्च तेसं ठिताकारं अनुप्पूरं विचिनन्तस्स विय देसना परियोसानं न गच्छेय्य । यस्मा पनस्स विनेय्यज्झासयानुरूपमेव देसना पवत्ति, न ततो परं अणुमत्तम्पि वट्ठति । तस्मा वुत्तं — “**सब्बापि धम्मदेसना संखित्ताव, वित्थारदेसना नाम नत्थी**”ति । ननु सत्तपकरणदेसना वित्थारकथाति? न सापि वित्थारकथाति आह — “**समन्तपट्टानकथापि संखित्तायेवा**”ति । सन्निपतितदेवपरिसाय अज्झासयानुरूपमेव हि तस्सापि पवत्ति, न सत्थुदेसनाजाणानुरूपन्ति । **यथानुसन्धिं पापेसि** यथाउद्विद्वे अनुपुब्बेन अनवसेसतो विभजनवसेन देसनाय निट्ठापितत्ता । **विपज्जितञ्जू...पे०... कथेसि** नातिसङ्खेपवित्थारवसेन देसितत्ता ।

३७०. अट्टन्नं परिकखारानन्ति नयिदमनवसेसपरियादानं, लक्खणवचनं पनेतं, अज्जतरस्साति वचनसेसो । तथा हि, “मय्हं इद्धिमयपरिकखारलाभाय पच्चयो होतू”ति पत्थनं पट्टपेत्वा पत्तचीवरं, पत्तं, चीवरमेव वा दिन्ने चरिमभवे इद्धिमयपरिकखारो निब्बत्ततीति वदन्ति । **अदिन्नत्ताति** केचिवादो, तेनाह “**कुलपुत्तो**”तिआदि । **ओकासाभावतोति** उपसम्पदालक्खणस्स असम्भवतो । तेनाह — “**कुलपुत्तस्स आयुपरिकखीण**”न्ति । **उदकतित्थ...पे०... आरद्धो** परमप्पिच्छभावतो ।

विब्भन्ताति भन्तचित्ता । **सिङ्गेन विज्झित्वा घातेसि** पुरिमजातिबद्धाघाततायाति वदन्ति ।

मानुसं योगन्ति मनुस्सत्तभावं । अत्तभावो हि युज्जति कम्मकिलेसेहीति “योगो”ति वुच्चति । **उपच्चगुन्ति** उपगच्छिंसु । **उपकोति**आदि तेसं नामानि ।

गन्धकट्टेहीति चन्दनागरुसळलदेवदारुआदीहि गन्धदारूहि । सेसं सुविज्जेय्यमेव ।

धातुविभङ्गसुत्तवण्णनाय लीनत्थप्पकासना समत्ता ।

११. सच्चविभङ्गसुत्तवण्णना

३७१. आचिक्खनाति — “इदं दुक्खं अरियसच्चं, अयं दुक्खनिरोधगामिनी पटिपदा अरियसच्च”न्ति आदितो

कथनं। **देसनाति** तस्सेव अत्थस्स अतिसज्जनं पबोधनं। **पज्जापनाति** पकारेहि जापना, सा पन यस्मा इत्थमिदन्ति वेनेय्यानं पच्चक्खतो दस्सना, तेसं वा सन्ताने पतिट्ठापना होति, तस्मा आह — “**दुक्खसच्चादीनं ठपना**”ति। **पट्ठपनाति** पतिट्ठापना। यस्मा पट्ठपियमानसभावा देसना भाजनं उपगच्छन्ती विय होति, तस्मा वुत्तं — “**पज्जापना**”ति, जानापनाति अत्थो। **विवटकरणाति** देसियमानस्स अत्थस्स विवटभावकरणं। **विभागकिरियाति** यथावुत्तस्स अत्थविभागस्स वित्थारकरणं। **पाकटभावकरणन्ति** अगम्भीरभावापादनं। अपरो नयो — चतुसच्चसज्जितस्स अत्थस्स पच्चकं सरूपतो दस्सनवसेन इदन्ति आदितो सिक्खापनं कथनं **आचिक्खना**, एवं परसन्ताने पबोधनवसेन पवत्तापना **देसना**, एवं विनेय्यानं चित्तपरितोसजननेन तेसं बुद्धिपरिपाचनं “**पज्जापना**”ति वुच्चति। एवं पज्जापेन्ती च सा देसियमानं अत्थं वेनेय्यसन्ताने पकारतो ठपेति पतिट्ठपेतीति “**पट्ठपना**”ति वुच्चति। पकारतो ठपेन्ती पन संखित्तस्स वित्थारतो पटिवुत्तस्स पुनाभिधानतो “**विवरणा**”ति, तस्सेवत्थस्स विभागकरणतो “**विभजना**”ति, वुत्तस्स वित्थारेनाभिधानतो विभक्तस्स हेतुदाहरणदस्सनतो, “**उत्तानीकम्म**”न्ति वुच्चति। तेनाह — “**पाकटभावकरण**”न्ति, हेतूपमावसेनत्थस्स पाकटभावकरणतोति अत्थो।

अनुग्गाहकाति अनुग्गणहनकामा। स्वायमनुग्गहो सङ्गहवत्थुवसेन पाकटो होतीति आह “**आमिससङ्गहेना**”तिआदि। जनेता जनेतीति आह “**जनिका माता**”ति। वुद्धिं परिसं आपादेतीति **आपादेता**। तेनाह “**पोसेता**”ति। इदानीं द्विन्नं महाथेरानं यथाक्कमं सब्रह्मचारीनं भगवता वुत्तेहि जनिकपोसिकमातुडुनियेहि सङ्गाहकतं वित्थारतो दस्सेतुं, “**जनिकमाता ही**”तिआदि वुत्तं। परतोघोसेन विनापि उपरिमग्गाधिगमो होतीति “**पच्चत्तपुरिसकारेना**”ति वुत्तं। पठममग्गो एव हि सावकानं एकन्ततो घोसापेक्खोति। **पत्तेसुपीति** पि-सद्देन पगेव अप्पत्तेसूति दस्सेति। भवस्स अप्पमत्तकता नाम इत्तरकालतायाति आह “**अच्छरासङ्गातमत्तम्पी**”ति। **जनेताति** जनको, थेरो पन अरियाय जनयिता। **आपादेताति** वट्ठेता परिवूहेता। पुरिमस्मिं सच्चद्वये सम्मसनग्गहणं लोकियत्ता तस्स, इतरस्मिं तस्स अग्गहणं लोकुत्तरत्ता।

कामेहि निक्खन्तो सङ्कप्पो **नेक्खम्मसङ्कप्पो**। स्वायमस्स ततो निक्खमनत्थो तेसं पटिपक्खभावतो तेहि विसंसग्गतो विरज्जनतो समुच्छिन्दनतो सब्बसो विवित्तभावतो च होतीति दस्सेतुं, “**कामपच्चनीकट्टेना**”तिआदि वुत्तं। तत्थ **कामपदघातन्ति** यथा कामो पदं पतिट्ठं न लभति, एवं हननं, कामसमुच्छेदन्ति अत्थो। कामेहि सब्बसो विवित्तत्ता कामवित्तो, अरियमग्गो, तस्स अन्तो, अरियफलं, तस्मिं **कामवित्तन्ते**। **एसेव नयोति** इमिना “**ब्यापादपच्चनीकट्टेना**”तिआदियोजनं अतिदिसति। सब्बे चेते नेक्खम्मसङ्कप्पादयो नानाचित्तेसु लब्धन्तीति योजना। यदि एकचित्ते लब्धन्ति, कथं तिविधमिच्छासङ्कप्पानं समुघातोति आह “**तत्र ही**”तिआदि। **न नाना लब्धतीति** इमिना तिविधकिच्चकारितं सम्मासङ्कप्पस्स दस्सेति। किच्चवसेन हि तस्स नामस्स लाभो। सम्मावाचादीनम्पि मग्गक्खणे एकचित्ते लब्धमानानम्पि चतुकिच्चकारिताय चतुब्बिधनामादिता वेदितव्वा। सेसं सुविज्जेय्यमेव।

सच्चविभङ्गसुत्तवण्णनाय लीनत्थप्पकासना समत्ता।

१२. दक्खिणाविभङ्गसुत्तवण्णना

३७६. **महापजापतिगोतमीति** एत्थ **गोतमीति** तस्स गोतमगोत्ततो आगतं नामं, महापजापति पन गुणतो। तं विविरितुं, “**नामकरणदिवसे पनस्सा**”तिआदि वुत्तं। महतिं उळारं पजं जननपोसनेहि परिरक्खतीति **महापजापति**। परिभोगवसेन न हज्जतीति **अहतं**। **सिप्पिकानन्ति** तन्तवायानं। **वायनट्टानन्ति** वीनट्टानं। **तानि मं न तोसेन्ति**

कायिकस्स पुञ्ञस्स अभावतो । तेनाह — “सहत्था कतमेव मं तोसेती”ति । पिसित्वा निब्बत्तनं कत्वा । पोथेत्वाति सुखुमभावापादनत्थं धनुकेन नेत्वा । कालानुकालञ्च धातिगणपरिवृता गन्त्वा वेमकोटिं अगगहेसि एकदिवसन्ति अधिप्पायो । एवञ्चि “एकदिवसं पन...पे... अकासी”ति पुरिमवचनेन तं न विरुज्जेय्य ।

छ चेतनाति छब्बिधा चेतना । न हि ता छयेव चेतनाति । सङ्खे गोतमि देहि...पे... सङ्खे चाति इदमेव सुत्तपदं । सङ्खे गोतमि देहीति सङ्खस्स दानाय नियोजेसि, तस्मा सङ्खोव दक्खिणेय्यतरोति अयमेवेत्थ अत्थो । यदि एवन्तिआदिना तत्थ ब्यभिचारं दस्सेति । राजमहामत्तादयोतिआदिना तत्थ ब्यतिरेकतो निदस्सनं आह । महन्ततरा भवेय्युन्ति आनुभावादिना महन्ततरा भवेय्युं, न च तं अत्थीति । तस्माति यस्मा गुणविसिद्धहेतुकं दक्खिणेय्यतं अनपेक्खित्वा अत्तनो दीयमानस्स दापनं लभति, तस्मा । मा एवं गणहाति सम्मासम्बुद्धतो सङ्खोव दक्खिणेय्यो”ति मा गणह ।

तत्थ निच्छयसाधकं सुत्तपदं दस्सेन्तो, “नयिमस्मिं लोके...पे... विपुलफलेसिन”न्ति आह । स्वायमत्थो रतनसुत्ते (खु० पा० ६.३; सु० नि० २२६), “यं किञ्चि वित्त”न्ति गाथाय, अगगपसादसुत्तादीहि (इतिवु० ९०) च विभावेतब्बोति । तेनाह — “सत्थारा उत्तरितरो दक्खिणेय्यो नाम नत्थी”ति ।

गोतमिया अन्तिमभविकताय दानस्स दीघरत्तं हिताय सुखाय अनुप्पादनतो न तं गरुतरं सङ्खस्स पादापने कारणन्ति आह — “पच्छिमाय जनताया”तिआदि । वचनतोपीति तस्स वत्थयुगस्स सत्थु एव पटिग्गहणाय वचनतोपि । तेनाह “न ही”तिआदि ।

सत्था सङ्खपरियापन्नोव ईदिसे ठाने अगगफलट्टताय अट्ट-अरियपुगगलभावतो, सचे पनस्स न सयं सङ्खपरियापन्नता, कथं सङ्खे पूजिते सत्था पूजितो नाम सियाति अधिप्पायो । तीणि सरणगमनानि तयो एव अगगपसादाति वक्खतीति अधिप्पायो । अभिधेय्यानुरूपानि हि लिङ्गवचनानि । न रुहति अयाथावपटिपत्तिभावतो, न गिहिवेसगगहणादिना गिहिभावस्स पटिक्खिपितत्ता । न वत्तब्बमेतं “सत्था सङ्खपरियापन्नो”ति सत्थुभावतो । सावकसमूहो हि सङ्खो । सङ्खगणे हि सत्था उत्तरितरो अनञ्जसाधारणगुणेहि समन्नागतभावतो मूलरतनभावतो च ।

३७७. सम्पतिजातस्स महासत्तस्स सत्तपदवीतिहारगमनं धम्मतावसेन जातं, परं तदञ्जदहरसदिसी पटिपत्तीति आह — “हत्थपादकिच्चं असाधेन्तेसू”ति ।

३७८. पच्चूपकारं न सुकरं वदामि अनुच्छविककिरियाय कातुं असक्कुणेय्यत्ता । अभिवादेन्ति एतेनाति अभिवादनं । वन्दमानेहि अन्तेवासिकेहि आचरियं “सुखी होतू”तिआदिना अभिवादेन्ति नाम । तेन वुत्तं “अभिवादन”न्ति । तदभिमुखो...पे... वन्दित्वा निपज्जति, सेय्यथापि आयस्मा सारिपुत्तो । कालानुकालं उपट्ठानं बीजयनपादसम्बाहनादि अनुच्छविककम्मस्स करणं नाम । अनुच्छविकं किरियं कातुं न सक्कोतियेव, यस्मा आचरियेन कतस्स धम्मानुगहस्स अन्तेवासिना करियमानो आमिसानुगहो सङ्खम्पि कलम्पि कलभागम्पि न उपेतियेवाति । तेन वुत्तं “न सुप्पतिकारं वदामी”ति ।

३७९. पाटिपुगगलिकं दक्खिणं आरब्भ समुट्ठितं, “तं मे भगवा पटिग्गण्हतू”ति महापजापतिगोतमिया वचनं निमित्तं कत्वा देसनाय उट्ठितत्ता । न केवलञ्च तस्सा एव वचनं, अथ खो आनन्दत्थेरोपि...पे... समादपेसि, तस्मा विभागतो चुट्ससु...पे... होतीति दस्सेतुं, इमं देसनं आरभि । तत्थ पतिपच्चेकं पुगगलं दीयतीति पाटिपुगगलिकं ।

पठमसद्वो यथा अगगत्यो, एवं सेट्टपरियायोपीति आह “जेट्टकवसेनपी”ति । अग्गा उत्तमे खेत्ते पवत्तत्ता ।
दुतियततियापि परमदक्खिणायेव सब्बसो सम्माविक्खम्भितरागादिकिलेसत्ता । रागादयो हि अदक्खिणेय्यभावस्स
कारणं । तेनेवाह — “तिणदोसानि खेत्तानि, रागदोसा अयं पजा”तिआदि (ध० प० ३५६) । यस्मा पन सवासनं सब्बसो
समुच्छिन्नकिलेसेहि ततो एव सब्बसो अप्पटिहतजाणचारेहि अनन्तापरिमेय्यगुणगणाधारेहि सम्मासम्बुद्धेहि सदिसो
सदेवके लोके कोचि दक्खिणेय्यो नत्थि । तस्मा “**परमदक्खिणायेवा**”ति सासङ्कं वदति । यस्मा पञ्चाभिञ्जो
अट्टसमापत्तिलाभी एव होति लोकियाभिञ्जानं अट्टसमापत्तिअधिट्टानत्ता, तस्मा “**लोकियपञ्चाभिञ्जे**”इच्चेव वुत्तं, न
“अट्टसमापत्तिलाभिम्ही”ति ताय अवुत्तसिद्धत्ता । **गोसीलधातुको**ति गोसीलसभावो, सीलवता सदिससीलोति अत्थो ।
तेनाह “**असठो**”तिआदि । तेन न अलज्जिधातुको पकतिसिद्धो इध पुत्थुज्जनसीलवाति अधिप्पेतोति दस्सेति ।

परिच्छिन्दन्तोति एत्तकोति पच्चेकप्पमाणतो ततो एव अञ्जमञ्जं असङ्करतोव परिच्छिन्दन्तो । कथं पन
असङ्ख्येय्यभावेन वुच्चमानो विपाको परिच्छिन्नो होति? सोपि तस्स परिच्छेदो एव इतरेहि असंकिण्णभावदीपनतो,
एतदत्थमेव पुब्बे असङ्करगगहणं कतं । **गुणवसेना**ति लक्खणसम्पन्नादिगुणवसेन । **उपकारवसेना**ति
भोगरक्खादिउपकारवसेन । **यं पोसन्तं दिन्नं, इदं न गहितं** दानलक्खणायोगतो । अनुग्गहपूजनिच्छावसेन हि अत्तनो
देय्यवत्थुपरिच्चागो दानं भयरागलब्धुकामकुलादिवसेन सावज्जाभावतो । **तम्पि न गहितं** अयावदत्थताअपरिपुण्णभावेन
यथाधिप्पेतफलदानासमत्थभावतो । **सम्पत्तस्सा**ति सन्तिकागतस्स । तेन सम्पत्तिपयोजने अनपेक्खतं दस्सेति । **फलं**
पटिकङ्कित्वाति “इदं मे दानमयं पुज्जं आयतिं सुखहितभावाय होतू”तिआदिना फलं पच्चासीसित्वा । तेनस्स फलदाने
नमित्तं दस्सेति, **यावदत्थन्ति** इमिना परिपुण्णफलतं । **सतगुणा**ति एत्थ गुणसद्वो न “गुणेन नामं उद्धरेय्य”न्तिआदीसु
(ध० स० अट्ट० १३१३; उदा० अट्ट० ५३; पटि० म० अट्ट० १.१.७६; नेत्ति० अट्ट० ४.३८) विय सम्पत्तिअत्थो,
“तद्दिगुण”न्तिआदीसु विय न वड्ढन्त्यो, “पञ्च कामगुणा लोके, मनोछट्ठा पवेदिता”तिआदीसु (सु० नि० १७३) विय न
कोट्टासत्थो, “अन्तं अन्तगुण”न्तिआदीसु (दी० नि० २.३७७; म० नि० १.११०; खु० पा० ३) विय न अन्तभागत्थो, अथ
खो आनिसंसत्थोति दस्सेन्तो, “**सतानिसंसा**”ति आह, ते आनिसंसे सरूपतो दस्सेतुं, “**आयुसत**”न्तिआदि वुत्तं ।
सतगुणाति वा सतवड्ढिकाति एवमेत्थ अत्थो दट्टब्बो । **निप्परितसं करोती**ति आयुआदीनं आनिसंसानं अपरित्तासं
करोति । अथ वा **निप्परितसं करोती**ति आयुआदिनिमित्तं अपरित्तासं करोति । अथ वा **निप्परितसं करोती**ति
आयुआदीनि ततो उत्तरिम्पि आहारादिहेतु अपरित्तासं करोति । अत्तभावविनिमुत्तसञ्चरणस्स अभावा, “**भवसतेपि वुत्ते**
अयमेवत्थो”ति वुत्तं । **सब्बत्था**ति, “पुत्थुज्जनदुस्सीले”तिआदीसु सब्बवारेसु । **नयो नेतब्बो**ति, “आयुसहस्सं
वण्णसहस्स”न्तिआदिको नयो ।

सासनावतरणं नाम यावदेव वट्टदुक्खेनित्थरणत्थं, तच्च मग्गपटिवेधनं, तस्मा निब्बेधभागियसरणगमनं
सिक्खापदसमादानं पब्बज्जा उपसम्पदा सीलपरिपूरणं अधिचित्तसिक्खानुयोगो विपस्सनाभावनाति सब्बापेसा
सोतापत्तिफलसच्छिकिरियाय पटिपत्ति एव होतीति आह — “**तिसरणं गतो उपासकोपी**”तिआदि । तत्थ यथा
निब्बेधभागियो समाधि ताव नाम परम्पराय अरियमग्गाधिगमस्स पच्चयभावतो उपनिस्सयो; तथा निब्बेधभागियं
सीलपरिपूरणं उपसम्पदा पब्बज्जा उपासकस्स दससु पञ्चसु सीलेसु पटिट्ठानं अन्तमसो सरणादिगमनम्पि निब्बेधभागियं
अरियमग्गाधिगमस्स उपनिस्सयो होतियेवाति, “सब्बापेसा सोतापत्तिफलसच्छिकिरियाय पटिपत्ती”ति वुत्ता । तत्थ
अनञ्जसाधारण-विज्जाचरणादि-असङ्ख्येय्यअपरिमेय्य-गुण-समुदयपूरिते भगवति सद्धम्मे अरियसङ्घे
उळारतरबहुमानगारवतं गतो । “सम्मासम्बुद्धो भगवा, स्वाखातो धम्मो, सुप्पटिपन्नो सङ्घो”ति तप्परायणतादिआकारप्पत्तो
जाणपरिसोधितो पसादो सरणगमनन्ति तेन वत्थुगतेन पसादेन परिभाविते सन्ताने कतं पुज्जक्खेत्तसम्पत्तिया महप्फलं

महानिसंसमेव होतीति आह — “तस्मिं दिन्नदानमपि असङ्ख्येयं अप्पमेय्य”न्ति । तयिदं सरणं वत्थुत्तये पसादभावेन अज्झासयसम्पत्तिमत्तं, तादिसस्स पन पच्चसीलं अज्झासयसम्पत्तिउपथम्भितो कायवचीसंयमोति तत्थ दिन्नं ततो उत्तरि महप्फलन्ति, दससीलं पन परिपुण्णपोसथसीलं, तत्थ दिन्नं महप्फलन्ति, “ततो उत्तरि महप्फल”न्ति वुत्तं । सामणेरसीलादीनं पन उत्तरि विसिद्धतरादिभावतो तत्थ तत्थ दिन्नस्स विसेसमहप्फलता वुत्ता ।

मग्गसमङ्गिता नाम मग्गचित्तकखणपरिच्छिन्ना, तस्मिञ्च खणे कथं दातुं पटिग्गहेतुञ्च सम्भवतीति चोदेति “किं पन मग्गसमङ्गिस्स सक्का दानं दातु”न्ति । इतरो तादिसे सति समयेति दस्सेन्तो, “आम सक्का”ति पटिजानित्वा, “आरद्धविपस्सको”तिआदिना तमत्थं विवरति । तस्मिं खणेति तस्मिं पक्खिपनकखणे । यदि अट्टमकस्स सोतापन्नस्स दिन्नदानं फलतो असङ्ख्येयमेव, को नेसं विसेसोति आह “तत्था”तिआदि । तेन सतिपि असङ्ख्येयभावसामञ्जे अत्थि नेसं अप्पबहुभावो संवट्टट्ठायी असङ्ख्येयमहाकप्पासङ्ख्येयानं वियाति दस्सेति । मग्गसमङ्गीनं तेन तेन ओधिना संकिलेसधम्मानं पहीयमानत्ता वोदानधम्मानं वट्टमानत्ता अपरियोसितकिच्चत्ता अपरिपुण्णगुणता, परियोसितकिच्चत्ता फलसमङ्गीनं परिपुण्णगुणताति तंतंमग्गट्ठेहि फलट्ठानं खेत्तातिसयता वेदितब्बा । हेट्ठिमहेट्ठिमेहि पन मग्गट्ठेहि उपरिमानं मग्गट्ठानं फलट्ठेहि फलट्ठानं उत्तरितरता पाकटा एव । तथा हि उपरिमानं दिन्नदानस्स महप्फलता वुत्ता ।

३८०. कामञ्चेत्थ बुद्धप्पमुखे उभतोसङ्गे केवले च भिक्खुसङ्गे दानं अत्थि एव, न पन बुद्धप्पमुखे भिक्खुसङ्गे, तं पन बुद्धप्पमुखउभतोसङ्गेनेव सङ्गहितन्ति अविरुद्धं । न पापुणन्ति महप्फलभावेन सदिसतम्पि, कुतो अधिकतं ।

“तथागते परिनिब्बुते उभतोसङ्गस्स” इच्चेव वुत्तत्ता — “किं पना”तिआदिना चोदेति । इतरो परिनिब्बुते तथागते तं उद्दिस्स गन्धपुष्पादिपरिच्चागो विय चीवरादिपरिच्चागोपि महप्फलो होतियेवाति कत्वा पटिपज्जनविधिं दस्सेतुं, “उभतोसङ्गस्सा”तिआदि वुत्तं । “एत्तकायेव, भिक्खू उद्दिस्था”ति एवं परिच्छेदस्स अकरणेन उपचारसीमापरियापन्नानं खेत्तपरियापन्नानं वसेन अपरिच्छिन्नकमहाभिक्खुसङ्गे ।

गोत्तं वुच्चति साधारणनामं, मत्तसद्दो लुत्तनिद्धिट्ठो, तस्मा समणाति गोत्तमत्तं अनुभवन्ति धारेन्तीति गोत्रभुनो । तेनाह “नाममत्तसमणा”ति । दिट्ठिसीलसामञ्जेन संहतो समणगणो सङ्गो, तस्मा सङ्गो दुस्सीलो नाम नत्थि । गुणसङ्घायाति आनिसंसगणनाय, महप्फलतायाति अत्थो । कासाव...पे०... असङ्ख्येय्याति वुत्ता सङ्गं उद्दिस्स दिन्नत्ता । यथा पन सङ्गं उद्दिस्स दानं होति, तं विधिं दस्सेतुं, “सङ्गता दक्खिणा”तिआदि वुत्तं । तत्थ चित्तीकारन्ति गारवं ।

सङ्गतो न पुग्गलतो । अज्जथत्तं आपज्जतीति “इमस्स मया दिन्नं सङ्गस्स दिन्नं होती”ति एवं चित्तं अनुप्पादेत्वा, “सङ्गस्स दस्सामी”ति देय्यधम्मं पटियादेत्वा सामणेरस्स नाम दातब्बं जातन्ति अज्जथत्तं आपज्जति; तस्मा तस्स दक्खिणा सङ्गता न होतियेव पुग्गलवसेन चित्तस्स परिणामितत्ता । निब्बेमतिको हुत्वाति “किं नु खो मया इमस्स दिन्नं होति वा न वा”ति विमतिं अनुप्पादेत्वा, “यो पना”तिआदिना वुत्ताकारेन करोति ।

तत्थातिआदिना वुत्तस्सेवत्थस्स पाकटकरणत्थं वत्थुं निदस्सेति, “परसमुद्दवासिनो”तिआदिना । ओपुज्जापेत्वा परिभण्डं कारेत्वा, हरितगोमयेन उपलिम्पित्वाति अत्थो । कासावकण्ठसङ्गस्साति कासावकण्ठसमूहस्स । को सोधेतीति महप्फलभावकरणेन को विसोधेति । महप्फलभावापत्तिया हि दक्खिणा विसुज्झति नाम । तत्थ येसं हत्थे दिन्नं, तेसं वसेन पटिग्गाहकतो दक्खिणाय विसुद्धत्ता, — “तदापाहं, आनन्द, सङ्गतं दक्खिणं असङ्ख्येयं अप्पमेय्यं वदामी”ति (म० नि० ३.३८०) च वुत्तं, तस्मा कम्मवसेनेव दक्खिणाविसुद्धिं पुच्छति । इतरो अरियसङ्गे दिन्नदक्खिणाय निब्बिसिट्ठं कत्वा वुत्तत्ता

मत्थकप्पत्तस्सेव अरियसङ्घस्स वसेन दक्खिणाविसुद्धिं दस्सेन्तो, “सारिपुत्त...पे०... सोधेन्ती”ति वत्वा पुन, “ये केचि अरहन्तो सोधेन्ती”ति दस्सेन्तो, “अपिचा”तिआदिमाह । थेरा चिरपरिनिब्बुताति इदं अज्जतनानम्पि अरियानं सावकतं दस्सेन्तेन मग्गसोधनवसेन वुत्तन्ति दट्ठब्बं, न उद्दिस्स पुज्जकरणे सति अकरणप्पत्तिया । एवञ्चि “असीतिमहाथेरा सोधेन्ती”ति इदं सुवुत्तं होति, न अज्जथा ।

“सङ्घगताय दक्खिणाया”ति कामज्जेतं साधारणवचनं, तथापि तत्थ तत्थ पुग्गलविसेसो जातब्बोति दस्सेन्तो, “अत्थि बुद्धप्पमुखो सङ्घो”तिआदिमाह । न उपनेतब्बो भगवतो काले भिक्खूनं अभिज्जापटिसम्भिदागुणवसेन अतिविय उळारभावतो, एतरहि तदभावतो । एतरहि सङ्घो...पे०... न उपनेतब्बोति एत्थ नयानुसारेण अत्थो वत्तब्बो । तेन तेनेव समयेनाति तस्स तस्स कालस्स सम्पत्तिविपत्तिमुखेन पटिपत्तिया उळारतं अनुळारतज्ज उल्लिङ्गेति । यत्थ हि भिक्खू गुणेहि सब्बसो परिपुण्णा होन्ति, तस्मिं समये सङ्घगता दक्खिणा इतरस्मिं समये दक्खिणतो महप्फलतराति दट्ठब्बा । सङ्घे चित्तीकारं कातुं सक्कोन्तस्साति सुप्पटिपन्नतादिं सङ्घे आवज्जित्वा सङ्घगतेन पसादेन सङ्घस्स सम्मुखा विय तस्मिं पुग्गले च गारववसेन देन्तस्स पुत्थुज्जनसमणे दिन्नं महप्फलतरं सङ्घतो उद्दिसित्वा गहितत्ता, “सङ्घस्स देमी”तियेव दिन्नत्ता च ।

एसेव नयोति इमिना, “सोतापन्ने दिन्नं महप्फलतरं”न्ति एवमादिं अतिदिसति । आदि-सद्देन उद्दिसित्वा गहितो सकदागामी, पाटिपुग्गलिको अनागामीति एवमादि सङ्गहितं । महप्फलतरमेव । तेनाह भगवा — “न त्वेवाहं, आनन्द, केनचि परियायेन सङ्घगताय दक्खिणाय पाटिपुग्गलिकं दानं महप्फलतरं वदामी”ति (म० नि० ३.३८०) । यदि खीणासवे दिन्नदानतो सङ्घतो उद्दिसित्वा गहितदुस्सीलेपि दिन्नदानं महप्फलं, एवं सन्ते — “सीलवतो, महाराज, दिन्नं महप्फलं, नो तथा दुस्सीले”ति इदं कथन्ति आह — “तं इमं नयं गहाया”तिआदि । सङ्घतो उद्दिसित्वा गहणविधिं पहाय दुस्सीलस्सेव गहणवसेन वुत्तं । इमस्मिं चतुक्के दट्ठब्बन्ति इमस्स पदस्स वसेन दट्ठब्बं । तत्थ हि “पटिग्गाहका होन्ति दुस्सीला पापधम्मा”ति आगतं ।

३८९. विसुज्झतीति न किलिस्सति, महाजुतिकारी महाविष्फारा होतीति अत्थो । सुचिधम्मोति रागादिअसुचिविधमनेन सुचिसभावो । न पापधम्मोति न निहीनसभावो पापकिरियाय । अकुसलधम्मो हि एकन्तनिहीनो । जूजको सीलवा कल्याणधम्मो न होति । तस्स महाबोधिसत्तस्स अत्तनो पुत्तदानं दानपारमिया मत्थकं गण्हन्तं महापथवीकम्पनसमत्थं जातं, स्वायं दानगुणो वेस्सन्तरमहारज्जा कथेतब्बोति ।

उद्धरतीति बहुलं कतपापकम्मवसेन लद्धविनिपाततो उद्धरति । तस्मा नत्थि मय्हं किञ्चि चित्तस्स अज्जथत्तन्ति अधिप्पायो ।

पेतदक्खिणन्ति पेटे उद्दिस्स दातब्बदक्खिणं । पापितकालेयेवाति, “इदं दानं असुकस्स पेतस्स होतू”ति उद्दिसनवसेन पत्ते पापितकालेयेव । अस्साति पेतस्स । पापुणीति फलसमापत्तिया वसेन पापुणि । अयञ्चि पेटे उद्दिस्स दाने धम्मता ।

तदा कोसलरज्जो परिच्चागवसेन अतिविय उळारज्झासयतं, बुद्धप्पमुखस्स च भिक्खुसङ्घस्स उक्कंसगतगुणविसिद्धतं सन्धायाह, “असदिसदानं कथेतब्ब”न्ति ।

असारम्पि खेत्तन्ति सारहीनं दुक्खेत्तं । समयेति कसनारहे काले । पंसुं अपनेत्वाति निस्सारं पंसुं नीहरित्वा । सारबीजानीति सभावतो अभिसङ्खारतो च सारभूतानि बीजानि । पतिट्टपेत्वाति वपित्वा । एवन्ति यथा कस्सको अत्तनो पयोगसम्पत्तिया असारपि खेत्ते फलं अधिगच्छति । एवं सीलवा अत्तनो पयोगसम्पत्तिया दुस्सीलस्सपि दत्त्वा फलं महन्तं अधिगच्छति । इमिना उपायेनाति इमिना पठमपदे वुत्तनयेन । सब्बपदेसूति सब्बकोट्टासेसु विसुज्जनं वुत्तं, ततियपदे पन विसुज्जनं पटिक्खित्तमेव ।

३८२. अरहतो दिन्नदानमेव अगगं दानचेतनाय केनचि उपक्किलेसेन अनुपक्किलिडुत्ता, पटिग्गाहकस्स अगगदक्खिण्येयत्ता । तेनाह — “भवालयस्स भवपत्थनाय अभावतो”ति, “उभिन्नम्पी”ति वचनसेसो । खीणासवो दानफलं न सद्वहतीति इदं तस्स अप्पहीनकिलेसजनस्स विय कम्मकम्मफलानं सद्वहनाकारेण पवत्ति नत्थीति कत्वा वुत्तं, यतो अरहा “असद्दो अकतज्जू च...पे... पोरिसो”ति (ध० प० ९७) थोमीयति । असद्वहनं अनुमानपक्खिकं, अनुमानज्ज संसयपुब्बकं, निस्सन्दिद्धो च कम्मकम्मफलेसु पच्चक्खभावं गतो । तमेव हि निच्छित्तभावसिद्धं निस्सन्दिद्धतं सन्धाय — “दानफलं सद्वहन्ता”तिआदि वुत्तं । यदि एवं तेन कतकम्मं कम्मलक्खणप्पत्तं होतीति आह “खीणासवेना”तिआदि । तेनेवाह — “निच्छन्दरागत्ता”ति, एतज्ज लक्खणवचनं, केनचि किलेसेन अनुपक्किलिडुत्ताति अधिप्पायो । अस्साति खीणासवस्स दानं ।

किं पन सम्मासम्बुद्धेनातिआदिना दायकतो दक्खिणाविसुद्धि चोदिता, सारिपुत्तत्थेरेनातिआदिना पन पटिग्गाहकतोति वदन्ति; तदयुत्तं, सावकस्स महप्फलभावे संसयाभावतो, हेट्ठा निच्छित्तत्ता च, तस्मा उभयेनपि दायकतो दक्खिणाविसुद्धि एव चोदिता । सा हि इध साधारणवसेन निच्छित्तत्ता संसयवत्थु । तेनाह — “सम्मासम्बुद्धेन...पे... वदन्ती”ति । सम्मासम्बुद्धं हीतिआदि यथावुत्तअत्थस्स कारणवचनं । अज्जो दानस्स विपाकं जानितुं समत्थो नाम नत्थि सब्बसो सत्तानं कम्मविपाकविभागजाननजाणस्स अननुज्जातत्ता । तेनाह भगवा — “यस्मा च खो, भिक्खवे, सत्ता न जानन्ति, दानसंविभागस्स विपाकं यथाहं जानामि, तस्मा अदत्त्वा भुज्जन्ती”तिआदि (इतिवु० २६) । एतेन एत्थ जाणविसोधनं नाम कथितं, न दक्खिणाय विसुद्धि नाम दायकतो पटिग्गाहकतो च वसेन होतीति; सम्मासम्बुद्धेन सारिपुत्तत्थेरेस्स दिन्नदानं सब्बसो उपक्किलेसविसुद्धिया जाणस्स च अतिविय उळारत्ता महानुभावं नाम सिया महातेजवन्तज्ज; न महप्फलं तेसं सन्ताने परिपुण्णफलस्स असम्भवतो । यदि दिन्नदानं परिपुण्णफलं न होति उभयविपाकदानाभावतो, पवत्तिविपाकदायी पन होतीति दस्सेन्तो, “दानं ही”तिआदिमाह ।

चतूहीति सहयोगे करणवचनं, चतूहि सम्पदाहि सहगता सहितं कत्वाति अत्थो । इमा चतस्सो सम्पदा सब्बसाधारणवसेन वुत्ता, न यथाधिगतपुगलवसेन । तेनाह — “देय्यधम्मस्स धम्मेना”तिआदि । तस्मिंयेव अत्तभावेति यस्मिं अत्तभावे तं दानमयं पुज्जं उप्पन्नं, तस्मिंयेव अत्तभावे विपाकं देति, चेतनाय महन्तत्ता दिट्ठधम्मवेदनीयं हुत्वा विपच्चतीति अत्थो । पुब्बचेतनादिवसेनाति सन्निट्ठापकजवनवीथितो पुब्बापरवीथिचेतनावसेन, अज्जथा सन्निट्ठापकवीथियंयेव पुब्बचेतनादिवसेनाति वत्तब्बं सिया । सा हि चेतना दिट्ठधम्मवेदनीयभूता तस्मिंयेव अत्तभावे विपाकं देति, न इतरा । महत्तताति पुब्बाभिसङ्खारवसेन जाणसम्पयोगादिवसेन चेतनाय उळारता । खीणासवभावेनाति यस्स देति, तस्स खीणासवभावेन । वत्थुसम्पन्नताति एत्थ यथा पटिघसज्जा नानत्तसज्जानं विगमेन दिब्बविहारानं वसेन, ब्यापादसज्जादीनं विगमेन ब्रह्मविहारानं वसेन, सब्बसो रूपसज्जानानत्तसज्जानं विगमेन आनेज्जविहारानं वसेन सब्बसो निच्चसज्जादीनं पटिप्पस्सद्धिया सब्बसङ्खारविमुखताय अरियविहारानं वसेन वत्थुसम्पन्नता इच्छिता । तंतंसमापत्तिसमापज्जनेन सन्तानस्स निरोधसाधनता तं दिवसं निरोधस्स साधनता नाम । वत्थुसम्पन्नताति सब्बसो

निरोधसमापत्तिसमापज्जनेन वत्थुसम्पन्नता इच्छिता; न सब्बसो अनवसेससज्जानिरोधतायाति आह — “तं दिवसं निरोधतो वुट्ठितभावेन वत्थुसम्पन्नता”ति । सज्जानिरोधस्स चेत्थ अच्चासन्नतं सन्धाय, “तं दिवस”न्ति वुत्तं । यं पनेत्थ अत्थतो अविभत्तं, तं सुविज्जेय्यमेव ।

दक्खिणाविभङ्गसुत्तवण्णनाय लीनत्थप्पकासना समत्ता ।

निट्ठिता च विभङ्गवग्गवण्णना ।

५. सळायतनवग्गो

१. अनाथपिण्डिकोवादसुत्तवण्णना

३८३. अधिमत्तगिलानोति अधिकाय मत्ताय मरणस्स आसन्नताय अतिविय गिलानोति अत्थो । तेनाह “मरणसेय्यं उपगतो”ति । अखण्डं अकासि गहपतिनो सत्थरि परमपेमत्ता । यत्तकं चस्साति, “सकिं वा द्विखत्तुं वा”ति वुत्तं यत्तकं अस्स गहपतिस्स ।

३८४. ओसक्कन्तीति परिहायन्ति । ओत्थरन्तीति अभिभवन्ति । उस्मा नाम कम्मजतेजोधातु, सा सह जीवितिन्द्रियनिरोधा परियादियति, याव ता आयुउस्मा वत्तन्ति, ताव मरणन्तिका वेदना वत्तन्तेव विज्जाणस्स अनिरुद्धत्ता । तेनाह “याव उस्मा”तिआदि ।

३८५. तीहि गाहेहीति तण्हामानदिट्ठिगाहेहि । पटिबाहितुं विक्खम्भेतुं । चक्खुं तीहि गाहेहि न गण्हस्सामीति मानग्गाहपटिक्खेपमुखेन चक्खुस्मिं अनिच्चानुपस्सनाति दस्सेति । अनिच्चानुपस्सनाय हि सति अप्पतिट्ठो मानग्गाहो, दुक्खानुपस्सनाय सति अप्पतिट्ठो तण्हग्गाहो, अनत्तानुपस्सनाय सति अप्पतिट्ठो दिट्ठिगाहोति, गाहो च नाम ओळारिको, तस्मिं विगतेपि निकन्ति तिट्ठेय्याति तं विजहापेतुकामेन, — “न च मे चक्खुनिस्सितं विज्जाणं भविस्सती”ति वुत्तन्ति आह — “विज्जाणज्चापि मे चक्खुनिस्सितं न भविस्सती”ति । सब्बं कामभवरूपन्ति कामभूमिपरियापन्नं सब्बं रूपक्खन्धमाह — “कामरूपभवरूप”न्ति वा पाठो । सो युत्तो इमस्स वारस्स एव अनवसेसपञ्चवोकारभवपरियापन्नतो । तथा हि उपरि चतुवोकारभवो अनवसेसतो वुत्तो ।

३८६. इधलोकन्ति एत्थ सङ्खारलोकविसयोति अधिष्ठायेन, “वसनट्टानं वा”तिआदि वुत्तं, तज्ज खो पठमदुतियवारेहि इधलोको गहितोति कत्वा । पठमदुतियवारेहि पन इधलोको परलोकोति विभागेन विना पञ्चवोकारभवो गहितो; तथा ततियवारे पञ्चवोकारभवो चतुवोकारभवो च गहितोति पुन दिट्ठधम्मसम्परायवसेन तं विभजित्वा दस्सेतुं, “न इधलोक”न्तिआदि वुत्तं । इधलोकन्ति च सत्तसङ्खारवसेनेव गहितं । सब्बम्पि सङ्खारवसेन परिगगहेत्वा दस्सेतुं, “यम्पि मे दिट्ठ”न्तिआदि वुत्तन्ति केचि । अपरितस्सनत्थं तण्हापरितस्सनाय अनुप्पादनत्थं । यस्स दिट्ठधम्मोति वुच्चति, तस्स पन अभावतो, “मनुस्सलोकं ठपेत्वा सेसा परलोका नामा”ति वुत्तं । येसं पन “इधलोक”न्ति इमिना सत्तलोकस्सपि गहणं इच्छितं । तेसं मतेन, “मनुस्सलोकं ठपेत्वा”ति योजना ।

३८७. अल्लीयसीति अत्तभावे भोगेसु च अपेक्खं करोसीति अत्थो । एवरूपीति यादिसी तदा धम्मसेनापतिना

कथिता, एवरूपी। **धम्मकथा न सुतपुब्बा**ति यथाकथिताकारमेव सन्धाय पटिक्खेपो, न सुखुमगम्भीरसुज्जतापटिसंयुत्ततासामज्जं। तेनाह “**एवं पना**”तिआदि।

मया गतमग्गमेव अनुगच्छसीति दानमयपुज्जभावसामज्जं गहेत्वा वदति, न बोधिसत्तदानभूतं दानपारमितं। **न पटिभाती**ति रुच्चनवसेन चित्ते न उपतिट्ठति। तेनाह “**न रुच्चती**”ति। तथा हेस वट्ठाभिरतोति। उजुमग्गावहा विपस्सना भगवता पनस्स कथितपुब्बा।

३८८. एसितगुणत्ता एसियमानगुणत्ता च इसि, असेक्खा सेक्खा कल्याणपुथुज्जना च, इसीनं सङ्गो, तेन निसेवितन्ति **इसिसङ्गनिसेवितं**। कामं तस्स विहारस्स गन्धकुटिपासादकूटागारादिवसेन निसीदननिपज्जनाय रुक्खलतादिवसेन भूमिसयादिवसेन च अनज्जसाधारणा महती रमणीयता अत्येव, सा पन गेहस्सितभावेन अरियानं चित्तं तथा न तोसेति; यथा अरियानं निसेवितभावेनाति आह — “**पठमगाथाय जेतवनस्स वण्णं कथेत्वा**”ति। तेनाह भगवा — “यत्थ अरहन्तो विहरन्ति, तं भूमिरामण्येय्यक”न्ति (ध० प० ९८; थेरगा० ९९१; सं० नि० १.२६१)। अपचयगामिनी चेतना सत्तानं सुद्धिमावहतीति आह — “**कम्मन्ति मग्गचेतना**”ति। चतुन्नं अरियसच्चानं विदितकरणट्टेन किलेसानं विक्खम्भनट्टेन च **विज्जा**, मग्गसम्मादिट्ठीति आह — “**विज्जाति मग्गपज्जा**”ति। **समाधिपक्खिको धम्मो** नाम सम्मावायामसतिसमाधयो। तथा हि विज्जाभागियो समाधिपि समाधिपक्खिको। सीलं तस्स अत्थीति **सीलन्ति** आह — “**सीले पतिट्ठितस्स जीवितं उत्तम**”न्ति। **दिट्ठिसङ्कप्पो**ति सम्मासङ्कप्पो। तत्थ सम्मासङ्कप्पस्स उपकारकभावेन विज्जाभागो। तथा हि सो पज्जाक्खन्धसङ्गहितोति वुच्चति, यथा सम्मासङ्कप्पो पज्जाक्खन्धेन सङ्गहितो, एवं वायामसतियो समाधिक्खन्धसङ्गहिताति। तेनाह — “**धम्मोति वायामसतिसमाधयो**”ति। “**धम्मो**”ति हि इध सम्मासमाधि अधिप्पेतो, — “**एवं धम्मा ते भगवन्तो अहेसु**”न्तिआदीसु (दी० नि० २.१३; म० नि० ३.१९८; सं० नि० ५.३७८) विय। **वाचाकम्मन्ताजीवा**ति सम्मावाचाकम्मन्ताजीवा मग्गपरियापन्ना एव, ते सब्बेपि गहिताति। तेनाह — “**एतेन अट्ठङ्गिकेन मग्गेना**”ति।

उपायेनाति येन विधिना अरियमग्गो भावेतब्बो, तेन **समाधिपक्खियं** विपस्सनाधम्मज्जेव मग्गधम्मज्ज। “अरियं वो, भिक्खवे, सम्मासमाधिं देसेस्सामि सउपनिसं सपरिक्खार”न्ति (म० नि० ३.१३६) हि वचनतो सम्मासमाधिआदयो मग्गधम्मापि समाधिपक्खिया। **विचिनेय्या**ति वीमंसेय्य, भावेय्याति अत्थो। **तत्था**ति हेतुम्हि भुम्मवचनं। अरियमग्गहेतुका हि सत्तानं विसुद्धि। तेनाह — “**तस्मिं अरियमग्गे विसुज्झती**”ति। **पज्जक्खन्धधम्मं विचिनेय्य**, पज्जुपादानक्खन्धे विपस्सेय्य। तेसु हि विपस्सियमानेसु विपस्सना उक्कंसगता। यदग्गेन दुक्खसच्चं परिज्जापटिवेधेन पटिविज्झीयति, तदग्गेन समुदयसच्चं प्हानपटिवेधेन निरोधसच्चं सच्छिकिरियापटिवेधेन, मग्गसच्चं भावनापटिवेधेन पटिविज्झीयति, एवं अच्चन्तविसुद्धिया सुज्झति। तेनाह — “**एवं तेसु चतूसु सच्चेषु विसुज्झती**”ति। इधापि निमित्तत्थे भुम्मवचनं। सच्चेषु वा पटिविज्झियमानेसूति वचनसेसो।

अवधारणवचनन्ति ववत्थापनवचनं, अवधारणन्ति अत्थो। **सारिपुत्तोवा**ति च अवधारणं तस्स सावकभावतो सावकेसु सारिपुत्तोव सेय्योति इममत्थं दीपेति। **किलेसउपसमेना**ति इमिना महाथेरस्स तादिसो किलेसूपसमोति दस्सेति, यस्स सावकस्स विसये पज्जाय पारमिप्पत्ति अहोसि। यदि एवं — “योपि पारङ्गतो भिक्खु, एतावपरमो सिया”ति इदं कथन्ति? तेसं तेसं बुद्धानं सासने पज्जाय पारमिप्पत्तसावकवसेनेनं वुत्तन्ति दट्ठब्बं। अथ वा — “नत्थि विमुत्तिया नानत्त”न्ति (दी० नि० टी० ३.१४१; विभ० मूलटी० सुत्तन्तभाजनीयवण्णना) वचनतो सावकेहि विमुत्तिपज्जामत्तं सन्धायेतं

वुत्तं । तेनाह — “**पारङ्गतोति निब्बानं गतो**”तिआदि । सेसं सुविज्जेय्यमेव ।

अनाथपिण्डिकोवादसुत्तवण्णनाय लीनत्थप्पकासना समत्ता ।

२. छन्नोवादसुत्तवण्णना

३८९. छन्नोति इदं तस्स नामन्ति आह “**एवंनामको थेरो**”ति । यस्स पन सत्थारा परिनिब्बानकाले ब्रह्मदण्डो आणत्तो, अयं सो न होतीति दस्सेन्तो आह — “**न अभिनिक्खमनं निक्खन्तथेरो**”ति, लोकनाथस्स अभिनिक्खमनकाले कपिलपुरतो निक्खन्तोति अत्थो । **गिलानपुच्छका**ति गिलानस्स पुच्छनका, गिलानभावस्स अवत्थं सोतुकामाति अत्थो । ससनतो हिंसनतो **सत्थन्ति** आह “**जीवितहारकसत्थ**”न्ति ।

३९०. उपवज्जं एतस्स नत्थीति **अनुपवज्जं**, करजकायं कत्वा आर्यातिं उप्पत्तिरहितन्ति अत्थो । तेनाह “**अनुप्पत्तिक**”न्ति ।

३९१. खयवयं जत्वाति सङ्खारगतं खणभङ्गं नेत्वा जाणेन याथावतो जत्वा । **नेतं ममा**ति दुक्खतो समनुपस्सना सङ्खारेसु दिट्ठेसु ममंकाराभावतो । **नेसोहमस्मी**ति अनिच्चतो समनुपस्सना अनिच्चतो तेसु दिट्ठेसु अहंकाराभावतो । **न मेसो अत्ता**ति अनत्ततो समनुपस्सना अनत्ततो तेसु दिट्ठेसु अत्तगाहाभावतोति आह — “**नेतं मम...पे०... अत्ताति समनुपस्सामी**”ति ।

३९३. तस्मा पुथुज्जनोति यस्मा अरियो सब्बसो परिज्जातवत्थुको दुक्खवेदनं अधिवासेतुं असक्कोन्तो नाम नत्थि, तस्मा पुथुज्जनो, केवलं पन अधिमानेनेव — “**नाभिकङ्कामि जीवितं, परिचिण्णो मे सत्था, निरोधं दिस्वा**”ति वदतीति अधिप्पायो । **इदम्पी**ति इदम्पि, “**निस्सितस्स चलित**”न्तिआदि । तण्हानिस्सितभावेन हि आयस्मा छन्नो मारणन्तिकं वेदनं अधिवासेतुं असक्कोन्तो इतो चितो परिवत्तन्तो चलति विप्फन्दति, तस्मा “**निस्सितस्स चलित**”न्तिआदि मनसिकातब्बं, तेन इदं सब्बं तं विप्फन्दितं न भविस्सतीति अधिप्पायो । **कप्प**सद्धो कालपरियायोपि होति, न कालविसेसवाचको एवाति आह — “**निच्चकप्पन्ति निच्चकाल**”न्ति । यथा अप्पहीनतण्हादिट्ठिको पुग्गलो तंनिस्सितो अल्लिनो, एवं ताहिपि निस्सितो अमुत्तभावतोति आह — “**तण्हादिट्ठीहि निस्सितस्सा**”ति । **चलितन्ति** यथा यथा असमारब्धाय सम्मापटिपत्तिया आदीनववसेन चलन्तं पन यस्मा अरियस्स विनये विरूपं चलितं नाम होति, तस्मा आह — “**विप्फन्दितं होती**”ति । तादिसे पन पपञ्चविक्रम्भनवसेन चित्तस्स चलिते असति भावनाय वीथिपटिपन्नताय किलेसपटिप्पस्सद्धि एव होतीति आह “**चलिते असति पस्सद्धी**”ति । तेन वुत्तं — “**किलेसपस्सद्धि नाम होती**”ति ।

भवन्तरं दिस्वा नमनट्ठेन **नति** । तेनाह — “**नतिया असतीति भवत्थाय आलयनिकन्तिपरियुट्ठानेसु असती**”ति । **पटिसन्धिवसेन आगति नामा**ति पटिसन्धिग्गहणवसेन भवन्तरतो इधेव आगमनं नाम, **चुतिवसेन** चवनवसेन इतो भवन्तरस्स **गमनं नाम न होति** आगतिगतिया असति कतूपचित्तस्सपि कम्मस्स उप्पत्तिपरिकप्पवसेन पवत्तिया अभावतो । **चवनवसेना**ति निब्बत्तभवतो चवनवसेन **चुति**, आर्यातिं उपपज्जनवसेन उपपातो न होति । यतो गति आगति चवनं उपपातो न होति, ततो एव नेविध, न हुरं, न उभयमन्तरेन, कायस्स गतिया आगतिया च अभावतो सब्बसो चुतूपपातो नत्थि; तेन न इधलोके ठितोति वत्तब्बो । न परलोके ठितोति वत्तब्बो, न उभयमन्तरेन ठितोति वत्तब्बो । तेनाह “**नयिध लोके**”तिआदि । तत्थ इधलोकपरलोकविनिमुत्तस्स संसरणपदेसस्स अभावतो, “**न उभयमन्तरेना**”ति वुत्तोति

उभयपरियापन्नो न होतीति पटिक्खपन्नो, “न उभयत्थ होती”ति आह । अयमेव अन्तोति यो इधलोके परलोके च अभावो अविज्जमानता अनुप्पज्जनं, अयमेव सकलस्स दुक्खमूलस्स अन्तो परियोसानं ।

३९४. कण्ठनाळिं छिन्दीति नाळिं छिन्दितुं आरभि । **तस्मिं** छिन्दितुं आरब्धक्खणे छेदो च वत्तति; **मरणभयञ्च ओक्कमि** अवीतरागभावतो, ततो एव **गतिनिमित्तं उपट्ठाति** । “सोपि नाम सब्रह्मचारीनं अनुपवज्जतं व्याकरित्वा सरागमरणं मरिस्सती”ति संविग्गमानसो **सङ्खारे** अनिच्चादिवसेन **परिग्गणहन्तो** । **अरहत्तं पत्वाति** पुब्बे बहुसो विपस्सनाय उदयब्बयजाणं पावितत्ता तावदेव अरहत्तं पत्वा अरहत्तफलपच्चवेक्खणानन्तरं कण्ठनाळिच्छेदपच्चया जीवितनिरोधेन **समसीसी हुत्वा परिनिब्बायि** । न हि अन्तिमभविकस्स अरहत्तं अप्पत्वा जीवितन्तरायो होति । **थेरस्साति** आयस्मतो छन्नत्थेरस्स । **व्याकरणेनाति** हेतुमि करणवचनं “व्याकरणेन हेतुना”ति । तन्निमित्तज्झि थेरो वीरियं पग्गणहन्तो विपस्सनं उस्सुक्कापेति । **इमिनाति**, “अत्थि, भन्ते”तिआदिवचनेन । **थेरोति** आयस्मा सारिपुत्तत्थेरो । **पुच्छतीति**, भन्ते, तथा कुलसंसग्गपसुतो कथं परिनिब्बायिस्सतीति पुच्छति । “पुब्बे कुलेसु संसट्ठविहारी”ति सब्रह्मचारीनं पज्जातस्सपि **इमस्मिं** “होन्ति हेते सारिपुत्ता”तिआदिना भगवतो वुत्त-ट्ठाने **असंसट्ठभावो पाकटो अहोसि** । पक्कम्पि निपक्कं विय सम्मापटिपज्जमानापि केचि असज्जता उपट्ठहन्ति । सेसं सुविज्जेय्यमेव ।

छन्नोवादसुत्तवण्णनाय लीनत्थप्पकासना समत्ता ।

३. पुण्णोवादसुत्तवण्णना

३९५. अनन्तरसुत्ते “पटिसल्लानाति फलसमापत्तितो”ति वुत्तं, तत्थ धम्मसेनापतिनो अरियविहारस्स अधिप्पेतत्ता, इध पन अकतकिच्चस्स पटिसल्लानं नाम कायविवेकोति आह — “**पटिसल्लानाति एकीभावा**”ति । “चक्खुविज्जेय्या रूपा”ति पनेत्थ विज्जेय्यरूपं विजानन्तस्स द्वारभूतं चक्खुन्ति उभयं अज्झत्तिकं बाहिरञ्च आयतनं अभिनन्दितादिसामञ्जेन **तज्जेति** एत्थ तं-सद्देन एकज्झं पच्चामट्ठन्ति आह — “**तज्जेति तं चक्खुञ्चेव रूपञ्चा**”ति । यं पनेत्थ विज्जेय्यसद्देन जोतितं विज्जाणं तं सम्पयुत्तधम्माति तदुभयं, “मनोविज्जेय्या धम्मा”ति पदेन कथितमेवाति इध न गहितं । एस नयो सेसेसुपि । **समोधानेनाति** सहावट्ठानेन, चित्तेन नन्दिया तण्हाय सह पवत्तिया चित्तसहुप्पत्तियाति अत्थो । तेनाह — “उप्पज्जति नन्दी”ति । **पञ्चक्खन्धदुक्खस्स समोधानन्ति** पञ्चक्खन्धसङ्घातस्स दुक्खसच्चस्स पच्चवोकारे सहप्पवत्ति होति । यस्मा दुक्खं उप्पज्जमानं छन्नं द्वारानयेव वसेन उप्पज्जति, तथा समुदयोति, तस्मा आह — “**इति छसु द्वारेसू**”तिआदि । किलेसवट्ठस्स कम्मवट्ठस्स विपाकवट्ठस्स च कथितत्ता आह — “**वट्ठं मत्थकं पापेत्वा दस्सेती**”ति । **दुतियनयेति** “सन्ति च खो”तिआदिना वुत्ते दुतिये देसनानये । **पाटियेक्को अनुसन्धीति** न यथानुसन्धि नापि अज्झासयानुसन्धीति अधिप्पायो, पुच्छानुसन्धिस्स पन इध सम्भवो एव नत्थीति । **सत्तसु ठानेसूति** अक्कोसने परिभासने पाणिप्पहारे लेडुप्पहारे दण्डप्पहारे सत्थप्पहारे जीवितावोरोपनेति इमेसु सत्तसु । “भट्ठका वतिमे”तिआदिना खन्तिपटिसंयुत्तं **सीहनादं नदापेतुं** ।

३९६. **चण्डाति** कोधना, तेन दूसितचित्तताय दुट्ठाति वुत्ता । **किब्बिसाति** पापा । **फरुसाति** ईसकम्पि पसादसिनेहाभावेन लुद्धा । फरुसवचनताय वा **फरुसा**, तथाभूता पन लुद्धा नाम होन्ति, तस्मा वुत्तं “**कक्खळा**”ति । **इदञ्च** तेति, “हत्थच्छेदं नासिकच्छेदं”न्ति एवमादिं इदञ्च अनिट्ठं करिस्सामाति भयदस्सनेन तज्जेस्सन्ति ।

घटिकमुग्गरेनाति दण्डानं किर अग्गपस्से घटाकारं दस्सेन्ति, तेन सो “घटिकमुग्गरो”ति वुच्चति । **एकतोधारादिना**

सत्येन करवालखग्गादिना । “इन्द्रियसंवरादीनं एतं नाम”न्ति वत्वा यत्थ यत्थ इन्द्रियसंवरादयो “दमो”ति वुत्ता, तं पाठपदेसं दस्सेन्तो “सच्चेना”ति आदिमाह । मनच्छद्धानि इन्द्रियानि दमेति संवरेतीति इन्द्रियसंवरो, दमो । रागादिपापधम्मे दमेति उपसमेतीति दमो, पञ्जा । पाणातिपातादिकम्मकिलेसे दमेति उपसमेति विक्खम्भेतीति दमो उपोसथो । ब्यापादविहेसादिके दमेति विनेतीति दमोति आह — “इमस्मिं पन सुत्ते खन्ति ‘दमो’ति वेदितब्बा”ति । उपसमोति तस्सेव दमस्स वेवचनं, तस्मा दमो च सो ब्यापादादीनं विनयनट्टेन तेसंयेव उपसमनट्टेन उपसमो चाति दमूपसमो, अधिवासनखन्ति ।

३९७. तत्थ खन्तियं कताधिकारो तं जनपदं गन्त्वा महाजनस्स अवस्सयो होति, तस्मा तदस्स अपदानं समुदागमतो पट्टाय विभावेतुं, “को पनेस पुण्णो”ति आदि आरब्धं । एत्थाति एतस्मिं सुनापरन्तजनपदे । असप्पायविहारन्ति भावनाभियोगस्स न सप्पायं विहारं ।

द्वे भातरोति अविभत्तसापतेय्या अविभत्तवोहारसंयोगा । तेनाह “तेसू”ति आदि । जनपदचारिकं चरन्तो भण्डं गहेत्वा जनपदेसु विक्कयं करोन्तो ।

“बुद्धपूजं धम्मपूजं सङ्घपूजं करिस्सामा”ति तन्निन्ना । अट्ठिमिज्जं आहच्च अट्ठासीति, “बुद्धो”ति वचनं अस्सुतपुब्बं सोतपथं उपगतं अनप्पकं पीतिसोमनस्सं समुट्ठापेत्तं पीतिसमुट्ठानपणीतरूपेहि छविचम्मादीनि छिन्दित्वा अट्ठिमिज्जं आहच्च अट्ठासि । विस्सज्जितन्ति विक्कणनवसेन विनियोजितं । कम्मट्ठानं न उपट्ठातीति भावनावीथिं न ओतरति । मय्हं असप्पायोति मय्हं कम्मट्ठानभावनाय सप्पायो उपकारो न होति ।

कोचि चङ्कमितुं समत्थो नाम नत्थि महता समुद्वीचिसद्देन उपहुतत्ता भावनामनसिकारस्स अनभिसम्भुणनतो । तेनाह “समुद्वीचियो”ति आदि । सोति मकुळविहारो ।

उत्तमजवेन गच्छमाना यथाधिप्पेतं मग्गं अतिक्कमित्वा अञ्जतरं दीपकं पापुणि ।

उप्पादिकं उट्ठापेत्वाति महावातमण्डलसमुट्ठापनेन तस्मिं पदेसे महासमुद्वं संखोभेन्तो महन्तं उप्पादं उट्ठपेत्वा ।

थेरो, “अम्हे आवज्जेय्याथा”ति कनिट्टस्स वचनं सरित्वा अन्तरन्तरा आवज्जेति, तस्मा तदापि आवज्जेति, तं सन्धाय वुत्तं — “तस्मिंयेव खणे आवज्जित्वा”ति । सम्मुखेति सीसट्ठाने । पटिवेदेसुन्ति पवेदेसुं, उपासका मयन्ति पटिजानिंसु । इमिनाति इमिना मय्हं परिच्चत्तकोट्टासेन । मण्डलमाळन्ति मुण्डमण्डलमाळसदिसं पटिस्सयं । परिचारकाति अवसेसगामिनो ।

सच्चबन्धस्स ओकासं करोन्तो “एकूनपज्जसतान”न्ति आह । तं दिवसं...पे०... अग्गहेसि, तेन सो थेरो पठमं सलाकं गणहन्तानं एतदग्गे ठपितो ।

वाणिजगामं गन्त्वाति वाणिजगामसमीपं गन्त्वा । बुद्धकोलाहलन्ति बुद्धानं उपगम्म सत्तानं उप्पज्जनकुतूहलं ।

महागन्धकुटियंयेवाति जेतवनमहाविहारे महागन्धकुटियंयेव । परिचरितब्बन्ति उपट्ठातब्बं ।

गन्धकट्टानीति चन्दनअगरुसलळादीनि सुगन्धकट्टानि । सेसं सुविज्जेय्यमेवाति ।

पुण्णोवादसुत्तवण्णनाय लीनत्थप्पकासना समत्ता ।

४. नन्दकोवादसुत्तवण्णना

३९८. सङ्खस्स भारं अकासि उपायेन नन्दकत्थेरस्स ओवादेन विनेतब्बानं भिक्खुनीनं विनयत्थं । तेनाह “इमं पना”तिआदि । परियायति पवत्ततीति परियायो, पटिपाटीति आह — “परियायेनाति वारेना”ति । अस्साति नन्दकत्थेरस्स । वदापेसि अज्जेहि अत्तनो अनोकासभावं । परियायेन ओवदन्तीति ओवदितुं समत्था भिक्खुनियो वारेन ओवदन्ति । इदं परियायेन ओवदनं । चित्तं एकगं होति पसीदति पुब्बचरियसिद्धेन गारवबहुमानेन गेहस्सितपेमवसेन ।

गोतमीति महापजापतिगोतमी । सेट्टिस्साति बाराणसिसेट्टिनो ।

तेति पच्चेकबुद्धे । किं नु खोति पुच्छि चिरतरकालं पुज्जकिरियाय परिभावितसन्तानताय, पच्चेकबुद्धेसु च गारवबहुमानताय । दुग्गतेहिपि सक्का कातुन्ति दुग्गतेहिपि यथाविभवं कता कुटि तुम्हाकं वसितुं सक्काति पुच्छि ।

हत्थकम्मं देथाति हत्थकम्मं कत्वा देथाति अत्थो । आनिसंसं आचिक्खित्वाति “तादिसानं महेसीनं कतं वेय्यावच्चं अम्हाकम्पि दीघरत्तं हिताय होति । आवासदानञ्च नाम महप्फलं महानिसंसं निब्बत्तद्धाने महासम्पत्तिआवहं भविस्सती”तिआदिना आनिसंसं आचिक्खित्वा । गाळहेन ओवादेन तज्जेत्वाति, “इमेसु नाम करोन्तेसु त्वं कस्मा न करोसि, मम जेट्टकदासस्स भरियभावं न जानासि । सब्बेहिपि करियमानस्स हत्थकम्मस्स अकरणे तुय्हं इदञ्चिदञ्च दुक्खं आगमिस्सती”ति भयेन तज्जेत्वा । सतं सतं हुत्वाति सतं सतं दासपुत्ता एकज्झं हुत्वा एकञ्च एकञ्च कुटिं कत्वा अदासि । चङ्कमनादिपरिवारन्ति चङ्कमनरत्तिद्धानदिवाद्धानभोजनादिपरिवारद्धानसहितं । जग्गित्वा उपट्ठापेत्वा । विस्सज्जापेसीति परिच्चजापेसि । परिवत्तापेत्वाति चेतापेत्वा । तिचीवरानीति सहस्सग्घनिकानि तिचीवरानि कत्वा अदासि । कालेन कालन्ति काले काले, किस्मिञ्चि कालेति अत्थो । रज्जे ठितस्साति सब्बभूतूपकाररज्जे ठितस्स ।

नन्दकत्थेरोपीति तदा जेट्टकदासो एतरहि नन्दकत्थेरो पब्बजित्वा अरहत्तं पत्तो । जेट्टकदासिधीता ...पे०... अग्गमहेसिट्ठाने ठिताति महापजापतिगोतमिं सन्धाय वदति । अयमायस्मा नन्दकोति अयमेव समुदागमतो आयस्मा नन्दकत्थेरो । एताव ता भिक्खुनियोति एतावता समुदागमतो पञ्चसता भिक्खुनियो ।

३९९. हेतुनाति जायेन अविपरीतपटिपत्तिया । पुब्बभागा हि पुरिमा पुरिमा पटिपदा पच्छिमाय कारणं । याथावसरसतो दिट्ठन्ति यथाभूतसभावतो पच्चक्खं विय ।

४०१. तं सभावं तंसभावन्ति तस्सा वेदनाय पच्चयभावेन अनुरूपं ।

४०३. पठमतरंयेव अनिच्चाति तस्सापि छायाय अनिच्चभावो पठमतरंयेव सिद्धो । न हि कदाचि अनिच्चं निस्साय पवत्तं किञ्चि निच्चं नाम अत्थीति ।

४०४. अनुपहनित्वाति अविनासेत्वा । कथं पन मंसकायं चम्मकायञ्च अविनासेत्वा इतरेसं कन्तनं होतीति

व्यतिरेकमुखेन दस्सेतुं, “तत्था”तिआदि वुत्तं। चम्मं अल्लियापेन्तोति चम्मे लगापेन्तो चम्मपटिबद्धं करोन्तो। चम्मं बद्धं कत्वाति विवरकाले न फालेन्तो चम्मबद्धे कत्वा। एवं अकत्वाति एवं मंसचम्मकायानं विनासनं अकत्वा, विलिमंसादिविकन्तनेन अज्जमज्जं विवेचेत्वा। तत्थ विलिमंसन्ति चम्मनिस्सितमंसं, पटिच्छन्नकिलोमकन्ति च वदन्ति। न्हारूति सुखुमन्हारु। बन्धनन्ति चम्ममंसानं सम्बन्धं। तेनाह — “सब्बचम्मे लग्गविलिपनमंसमेवा”ति। अन्तरकिलेसमेवाति अन्तरे चित्ते जातत्ता सत्तसन्तानन्तो गधताय अब्भन्तरभूतकिलेसमेव।

४०५. तज्जं वायामन्ति निदस्सनमत्तं दट्ठब्बं। तथा हि पुरिसेन कुठारिना छेज्जं छिन्दिते छेज्जट्टानस्स सल्लक्खणं इच्छितब्बं, तस्स पटिघातभावो इच्छितब्बो, कायपरिळाहाभावो इच्छितब्बो, तस्स अवट्टानं इच्छितब्बं, किच्चन्तरे अज्झुपेक्खणं इच्छितब्बं, एवं पज्जाय किलेसे छिन्दन्तस्स योगिनो वीरियबलेन सद्धिं सति-पीति-पस्सद्धि-समाधि-उपेक्खासम्बोज्झङ्गं इच्छितब्बन्ति आह — “एवं न विना छहि... पे०... सक्कोती”ति।

४०७. तेन कारणेनाति येन तासं भिक्खुनीनं सा धम्मदेसना सप्पाया, आसेवनमन्दताय पन अज्झासयेन परिपुण्णसङ्कप्पा न जातायेव; पुन तथा देसनाय सति आसेवनबलवताय परिपुण्णसङ्कप्पा भविस्सन्ति; तेन कारणेन त्वम्पि ता भिक्खुनियो तेनेव ओवादेन ओवदेय्यासीति।

४१५. सब्बपच्छिमिकाति सब्बासं कनिट्ठा सोतापन्ना, अनरिया तत्थ काचि नत्थीति अत्थो। तेनाह — “सेसा पन... पे०... खीणासवा चा”ति। यदि एवन्ति अखीणासवापि तादिसा भिक्खुनी अत्थि। एवं सति सुक्खविपस्सकभावेनपि सति खीणासवभावे अरियस्स विनये अपरिपुण्णसङ्कप्पावाति अधिप्पायेन चोदेति, “कथं परिपुण्णसङ्कप्पा”ति? इतरो अज्झासयपारिपूरियाति कारणं वत्वा, “यस्स ही”तिआदिना तमत्यं विवरति। अज्झासयपारिपूरियाति तत्थ अधिप्पायपारिपूरिया, न सब्बसो गुणपारिपूरियाति अधिप्पायो। तेनाह “कदा नु खो”तिआदि। एतेन पादकज्झानसम्मसितज्झानानं विसदिसताय पुग्गलस्स विपस्सनाकाले पवत्तअज्झासयवसेन अरियमग्गे बोज्झङ्गमग्गज्झानङ्गानं विसेसताति अयमत्थो दीपितोति वेदितब्बो। सेसं सुविज्जेय्यमेव।

नन्दकोवादसुत्तवण्णनाय लीनत्थप्पकासना समत्ता।

५. राहुलोवादसुत्तवण्णना

४१६. विमुत्तिं परिपाचेन्तीति किलेसानं पटिप्पस्सद्धिविमुत्तिभूतं अरहत्तं सब्बसो पाचेन्ति साधेन्ति निब्बापेन्तीति विमुत्तिपरिपाचनीया। धम्माति कारणधम्मा। तेनाह — “विसुद्धिकारणवसेना”ति, अरहत्तसङ्घाताय विसुद्धिया सम्पादनवसेनाति अत्थो। सद्धिन्द्रियादयो विसुद्धिमाना मग्गपटिपाटियाव सब्बसो अस्सद्धियादीहि चित्तं विमोचेन्ता अग्गफलविमुत्तिं सम्पादेन्ति। तेसं पन विसुद्धि बालपरिवज्जनेन पण्डितपरिरुपासनेन पसादावहधम्मपच्चवेक्खणाय च होति। ततो इध पन्नरस धम्मा अधिप्पेताति दस्सेन्तो, “वुत्तज्हेत”न्तिआदिमाह।

तत्थ अस्सद्धे पुग्गलेति सद्धारहिते पुग्गले। ते हि निस्साय न कदाचि सद्धा सम्भवति, तेसं पन दिट्ठानुगतिआपज्जनेन अज्जदत्थु असद्धियमेव वट्ठति, तस्मा ते पटिभयमग्गो विय दूरतो वज्जेतब्बा। अस्सद्धियन्ति च सद्धाय पटिपक्खभूता असद्धेय्यवत्थुस्मिं अधिमुच्चनाकारेन पवत्ता संकिलेसधम्मा वेदितब्बा। सद्धे पुग्गलेति सद्धासम्पन्ने पुग्गले। ते हि निस्साय सद्धेय्यवत्थुस्मिं अनुप्पन्ना उप्पज्जति, उप्पन्ना भिय्योभावं वेपुल्लं आपज्जति। सद्धेय्यवत्थूति च

बुद्धादीनि रतनानि कम्मकम्मफलानि च । **सेवतो**ति लब्धमानं सद्भासम्पदं उप्पादेतुं वट्टेतुञ्च निसेवतो । सेसपदानि तस्सेव वेवचनानि । अथ वा **सेवतो** उपसङ्कमतो । **भजतो** तेसं पटिपत्तियं भत्तिं कुब्बतो । **पयिरुपासतो**ति तेसं ओवादानुसासनिकरणवसेन उपट्ठहतो । **पसादनीयसुत्तन्ता** नाम बुद्धादिगुणपटिसंयुक्ता पसादावहा सम्पसादनीयसुत्तादयो । ते हि पच्चवेक्खतो बुद्धादीसु अनुप्पन्ना पसन्ना उपज्जति, उप्पन्ना भिय्योभावं वेपुल्लं आपज्जति । **इमेहि तीहाकारेहीति** इमेहि यथावुत्तेहि तीहि कारणेहि । पटिपक्खदूरीभावतो पच्चेकं सूपहारतो च आसेवनं भावनं लभन्ति । **सद्धिन्द्रियं विसुज्झति** मग्गफलावहभावेन अच्छति विसुद्धिं पापुणाति । इमिना नयेन सेसपदेसुपि अत्थो वेदितब्बो ।

अयं पन विसेसो — **कुसीते**ति अलसे सम्मापटिपत्तियं निक्खित्तधुरे । **आरद्धवीरिये**ति पग्गहितवीरिये सम्मापटिपन्ने । **सम्मप्यधाने**ति अनुप्पन्नानं अकुसलानं अनुप्पादनादिवसेन पवत्ते चत्तारो उपायप्पधाने । **पच्चवेक्खतो** पटिपत्तिं अवेक्खतो । ते हि पच्चवेक्खतो लीनं अभिभवित्वा सम्मदेव आरम्भधातुआदि अनुप्पन्नानं विधिना सतिसम्पदाय उप्पादाय भिय्योभावाय संवत्तति । **असमाहिते** भन्तमिगभन्तगोणसप्पटिभागे विब्भन्तचित्ते । **समाहिते** उपचारसमाधिना अप्पनासमाधिना च सम्मदेव समाहितचित्ते । **ज्ञानविमोक्खे**ति सवितक्कसविचारादिज्ञानानि पठमादिविमोक्खे च । तेसज्झि पच्चवेक्खणा उपरूपरि अच्छन्तमेव समाधानाय संवत्तति । **दुप्पज्जे**ति निप्पज्जे, अरियधम्मस्स उग्गहपरिपुच्छासवनसम्मसनाभावेन सब्बसो पज्जारहिते च । **पज्जवन्ते**ति विपस्सनापज्जाय चेव मग्गपज्जाय च समन्नागते । **गम्भीरजाणचरियन्ति** गम्भीरं खन्धायतनधातुसच्चपटिच्चसमुप्पादादिभेदं जाणस्स चरितब्बट्ठानं, यत्थ वा गम्भीरजाणस्स चरियं पवत्तति । तत्थ हि पच्चवेक्खणा सम्मोहं विधमति, अनुप्पन्नाय पज्जाय उप्पादाय भिय्योभावाय संवत्तति । **सुत्तन्तक्खन्धे**ति सुत्तसमूहे ।

पुब्बे सद्धिन्द्रियादीनं विसुद्धिकारणानि, “विमुत्तिपरिपाचनीया धम्मा”ति वुत्तानीति इध सद्भादिके अज्जे च धम्मे दस्सेन्तो, “**अपरेपी**”तिआदिमाह । तत्थ सद्भादीनं विमुत्तिपरिपाचनीयता दस्सिता एव, अनिच्चसज्जादीनं पन विमुत्तिपरिपाचनीयताय वत्तब्बमेव नत्थि विपस्सनाभावतो । तेनाह — “**इमे पज्ज निब्बेधभागिया सज्जा**”ति । **कल्याणमित्ततादयो**ति कल्याणमित्तता सीलसंवरो अभिसल्लेखकथा वीरियारम्भो निब्बेधिका पज्जा इमे कल्याणमित्ततादयो पज्ज धम्मा । अयमेत्थ सङ्खेपो, वित्थारो पन “**मेधियसुत्तसंवण्णनायं**” (उदा० अट्ठ० ३१) वुत्तनयेन वेदितब्बो । **लोकं वोलोकेन्तस्सा**ति बुद्धवेनेय्यसत्तलोकं बुद्धचक्खुना विसेसतो ओलोकेन्तस्स ।

४१९. आयस्मतो राहुलस्स इन्द्रियानं परिपक्कत्ता सद्धिं पट्टपितपत्थना देवता उदिक्खमाना तिट्ठन्ति, — “कदा नु खो उत्तरि आसवानं खये विनेस्सती”ति । यदा पन सत्था एवं परिवितक्केसि, तावदेव समानज्झासयताय सब्बकालं तद्धणं आगमेन्तियो ता देवतायो तं समवायं दिस्वा एकस्मिं अन्धवनस्मियेव सन्निपत्तिता । उपालिस्स गहपतिनो दीघनखपरिब्बाजकस्स चतुसच्चधम्मेषु दस्सनकिच्चेन पवत्तो सोतापत्तिमग्गोति तेसु सुत्तेसु (पटि० म० अट्ठ० २.२.३०) **पठममग्गो “धम्मचक्खु”न्ति वुत्तो**, तस्स दस्सनत्थस्स सातिसयत्ता, ब्रह्मायुनो पन फलजाणानि हेट्ठिमानि तीणि सातिसयानीति **ब्रह्मायुसुत्ते**(म० नि० २.३८३ आदयो) **तीणि फलानि “धम्मचक्खु”न्ति वुत्तानि** । इदं पनेत्थ आयस्मतो राहुलस्स मग्गजाणं फलजाणञ्च दस्सनत्थो सातिसयो, ताहि च देवताहि यं जाणं अधिगतं, तं सातिसयमेवाति वुत्तं — “**इमस्मिं सुत्ते चत्तारो मग्गा, चत्तारि च फलानि धम्मचक्खुन्ति वेदितब्बानी**”ति । किं पन सावकानं सच्चाभिसमयजाणे अत्थि कोचि विसेसोति? आम अत्थि । सो च खो पुब्बभागे वुट्ठानगामिनिविपस्सनाय पवत्तियाकारविसेसेन लभेय्य काचि विसेसमत्ता । स्वायमत्थो **अभिधम्मे** “नो च खो यथा दिट्ठिप्पत्तस्सा”ति सद्भावमुत्ततो दिट्ठिप्पत्तस्स किलेसप्पहानं पति विसेसकित्तनेन दीपेतब्बो । किं पन आयस्मा राहुलो विय ता देवता सब्बा एकचित्ता पगेव

चत्तारि फलानि अधिगण्हिंस्सूति? नोति दस्सेन्तो “तत्थ ही”तिआदिमाह । कित्तका पन ता देवताति आह “तासञ्च पना”तिआदि ।

राहुलोवादसुत्तवण्णनाय लीनत्थप्पकासना समत्ता ।

६. छछक्कसुत्तवण्णना

४२०. आदिमहि कल्याणन्ति आदिकोड्डासे कल्याणं एतस्साति वा आदिकल्याणो, तं आदिकल्याणं, आदिकल्याणभावो च दोसविगमेन इच्छितब्बो । यज्झि सब्बसो विगतदोसं, तं परिपुण्णगुणमेव होतीति “निदोस”न्ति वुत्तं । कत्वाति च पदं, “कल्याणं कत्वा भद्वकं कत्वा”ति पुरिमपदद्वयेनपि योजेतब्बं । देसनाकारो हि इध कल्याणसद्देन गहितो । तेनेवाह — “देसेतब्बधम्मस्स कल्याणता दस्सिता होती”ति, दुतिये पन अत्थविकप्पे देसेतब्बधम्मस्स कल्याणता मुख्येनेव कथिता इतरस्स अत्थापत्तितो । मज्झेकल्याणं परियोसानकल्याणन्ति एत्थापि एसेव नयो । अयञ्च देसनाय थोमना बुद्धानं आचिण्णसमाचिण्णावाति दस्सेतुं, “इति भगवा अरियवंस”न्तिआदि वुत्तं । धम्मगगहणम्पि देसनाय थोमना एवाति “नवहि पदेही”ति वुत्तं ।

वेदना याथावतो जाननं, तञ्च मग्गकिच्चं, तस्स उपायो विपस्सनातिआह — “सहविपस्सनेन मग्गेन जानितब्बानी”ति । परिज्जाभिसमयादिकिच्चेन निब्बत्तिया असम्मोहतो च पटिविज्झितब्बो । तेभूमकचित्तमेव कथितं सम्मसनट्टानस्स अधिप्पेतत्ता । एस नयो धम्मायतनादीसुपि । धम्मायतनस्स वा आयतनभावतो बहिद्वागहणं, न सब्बसो अनज्झत्तभावतो । विपाकवेदनापच्चया जवनक्खणे उप्पन्नतण्हाति छत्तिसविपाकवेदनं निस्साय एवं अस्सादेन्ती अनुभवेय्यन्ति अकुसलजवनक्खणतो उप्पन्नतण्हा ।

४२२. पाटियेक्को अनुसन्धीति यथानुसन्धिआदीनं असम्भवतोति अधिप्पायेन वुत्तं । हेट्ठाति विज्जाणफस्सवेदनातण्हानं पच्चयायत्तवुत्तितादस्सनेन चक्खायतनादीनं रूपायतनादीनञ्च पच्चयायत्तवुत्तिता दीपिता अपच्चयुप्पन्नस्स पच्चयाभावतो, यञ्च पच्चयायत्तवुत्तिकं, तं अनिच्चं उप्पादसम्भवतो, यदनिच्चं तं दुक्खं, यं दुक्खं तदनत्ताति खन्धपच्चके च छन्नं छक्कानं वसेन घनविनिब्भोगकरणेन अत्थतो अनत्तलक्खणं विभावितं । न सरूपतोति सरूपतोपि तं विभावेतुकामो तेनेव छछक्कानं वसेन घनविनिब्भोगनयेन ब्यतिरेकतो च अन्वयतो च दस्सेन्तो भगवा — “चक्खु अत्ताति यो वदेय्या”तिआदिमाहाति यथानुसन्धिकाव देसना विभाविता । तेनाह “हेट्ठा कथितानं ही”तिआदि । हेट्ठा पन छन्नं छक्कानं वसेन विनिब्भोगदस्सनमत्तं, न अनत्तलक्खणं विभावितं, इध पन सरूपतो अनत्तलक्खणं विभावितन्ति अधिप्पायेन अनुसन्धन्तरभावजोतना । यदिपि अनत्तभावो नाम चतूसुपि सच्चेसु लब्भतेव, सब्बेपि हि धम्मा अनत्ता, इमे पनेत्थ द्वेपि नया सम्मसनवसेन पवत्ताति वुत्तं — “द्विन्नं सच्चानं अनत्तभावदस्सनत्थ”न्ति । न उपपज्जतीति उपपत्तिसङ्घातयुत्तिया न समेतीति अयमेत्थ अत्थोति आह “न युज्जती”ति । अत्तवादिना — “निच्चो धुवो सस्सतो”ति अभिमतो, चक्खुञ्च उप्पादवन्तताय अनिच्चं, यं पच्चयायत्तवुत्तिता, तस्मा “चक्खु अत्ताति यो वदेय्य, तं न उपपज्जती”तिआदि । सक्कायवत्थु चक्खु अनत्ता अनिच्चभावतो सेय्यथापि घटो, चक्खुं अनिच्चं पच्चयायत्तवुत्तिभावतो सेय्यथापि घटो, चक्खु पच्चयायत्तवुत्ति उप्पादादिसम्भवतो सेय्यथापि घटो । विगच्छतीति भङ्गुप्पत्तिया सभावाविगमेन विगच्छति । तेनाह “निरुज्जती”ति ।

४२४. यस्मा किलेसवट्ठमूलकं कम्मवट्ठं, कम्मवट्ठमूलकञ्च विपाकवट्ठं । किलेसुप्पत्ति च तण्हादिग्गाहपुब्बिका,

तस्मा “तिण्णं वा गाहानं वसेन वट्टं दस्सेतु”न्ति आह । यस्मा पन तण्हापक्खिका धम्मा समुदयसच्चं, चक्खादयो दुक्खसच्चं, तस्मा वुत्तं — “द्विन्नं सच्चानं वसेन वट्टं दस्सेतु”न्ति । तण्हामानदिट्ठिगाहाव वेदितब्बा सक्कायगामिनिपटिपदाय अधिप्पेतत्ता । “एतं ममा”तिआदिना गहणमेवेत्थ अनुपस्सनाति आह — “गाहतयवसेन पस्सती”ति ।

तिण्णं गाहानं पटिपक्खवसेनाति तण्हादिग्गाहपटिपक्खभूतानं दुक्खानिच्चानत्तानुपस्सनानं वसेन, ताहि वा तिण्णं गाहानं पटिपक्खवसेन विनिवेठनवसेन अनुप्पादनवसेनाति अत्थो । पटिपक्खवसेन विवट्टं दस्सेतुन्ति योजना । सक्कायनिरोधगामिनी पटिपदाति एत्थ निरोधधम्मो सरूपेनेव दस्सितोति आह — “निरोधो...पे०... दस्सेतु”न्ति । पटिसेधवचनानीति पटिक्खेपवचनानि ।

४२५. तण्हादीनं अनुपादियनवचनानि तण्हादिट्ठिवसेनेव वुत्तानि तण्हादिट्ठिनंयेव अभिनन्दनादिवसेन पवत्तिसम्भावतो । अप्पहीनत्थो अनुसयत्थोति आह — “अनुसेतीति अप्पहीनो होती”ति अरियमग्गेन हि अप्पहीनो थामगतो रागादिकिलेसो अनुसयो कारणलाभे सति उप्पज्जनारहभावतो । यं पनेत्थ वत्तब्बं, तं हेट्ठा वुत्तमेव । वट्टदुक्खकिलेसदुक्खस्साति वट्टदुक्खस्स चेव किलेसदुक्खस्स च । सउपादिसेसनिब्बानज्झि किलेसदुक्खस्स अन्तकरणं, अनुपादिसेसनिब्बानं वट्टदुक्खस्स ।

४२६. तेसन्ति अनुसयानं । पटिक्खेपवसेनाति पजहनवसेन, अप्पवत्तिकरणवसेनाति अत्थो । अविज्जं पजहित्वाति अनवसेसतो अविज्जं अप्पवत्तिधम्मतं आपादेत्वा । कामं हेट्ठिममग्गजाणम्मि अविज्जापहायिनी विज्जा एव, तं पन जाणं अविज्जाय अनवसेसप्पहायकं न होति, अग्गमग्गजाणे पन उप्पन्ने अविज्जाय लेसोपि नावसिस्सतीति तदेव अविज्जाय पहायकन्ति आह — “अरहत्तमग्गविज्जं उप्पादेत्वा”ति ।

४२७. सयमेव तथागते अत्तनो बुद्धानुभावेन देसेन्ते सट्ठि भिक्खू अरहत्तं पत्ताति अनच्छरियमेतं, अथ किं अच्छरियन्ति आह “इम”न्तिआदि । कथेन्तेपीति एत्थ इतिसद्दो पकारत्थो, इमिनाव पकारेनाति अत्थो । पत्ता एवाति सट्ठि भिक्खू अरहत्तं पत्ता एवाति योजना । एतम्मि अनच्छरियं, सत्थु सम्मुखा सावका समुदागमा महाभिज्जा पभिन्नपटिसम्भिदा तथा तथा सप्पाटिहारियं धम्मं देसेन्तीति । तेनाह — “महाभिज्जप्पत्ता हि ते सावका”ति ।

महामण्डपेति लोहपासादस्स पुरतो एव महाभिक्खुसन्निपातो जातोति तेसं प्होनकवसेन कते महति साणिमण्डपेति वदन्ति । तेसुपि ठानेसूति तेसु यथावुत्तमहामण्डपादीसु ठानेसु । महाथेरो अत्थीति पदं आनेत्वा सम्बन्धितब्बं । देवत्थेरस्स गुणे सुत्वा पसन्नमानसो महाथेरो, तथापि वत्थसम्पत्तिया पसीदित्वा “त्वं पन न्हापेही”ति आह ।

हेट्ठापासादेति च कल्याणियमहाविहारे उपोसथागारे हेट्ठापासादे एकदा उपरिपासादे एकदा, कथेसीति । चूळनागस्स तथा महती परिसा देवतानुभावेन अभिज्जापादनं अहोसीति केचि । थेरो पन महिद्धिको अहोसि, तस्मा ताव महतिं परिसं अभिज्जापेसीति अपरे ।

ततो ततोति तस्सं तस्सं दिसायं । एकोवाति एकच्चो एव, न बहुसो, कतिपयाव पुत्थुज्जना अहेसुन्ति अत्थो । सेसं हेट्ठा वुत्तनयत्ता सुविज्जेय्यमेव ।

छछक्कसुत्तवण्णनाय लीनत्थप्पकासना समत्ता ।

७. महासळायतनिकसुत्तवण्णना

४२८. महन्तानि सळायतनानि अधिकिच्च पवत्तत्ता महासळायतनिकं, महन्तता च तेसं महन्तं लोकसन्निवासं अभिव्यापेत्वा ठितत्ता अयोनिस्सो गय्हमानानं महतो अनत्थाय संवत्तनतो, योनिस्सो गय्हमानानं महतो अत्थाय हिताय सुखाय संवत्तनतो च दट्ठब्बा । जोतकन्ति बोधकं ।

४२९. सिखाप्पत्ताय विपस्सनाय जाननम्पि यथाभूतजाननमेव मग्गेन जाननस्स आसन्नकारणभावतोति आह — “सहविपस्सनेन मग्गेन अजानन्तो”ति । वुड्ढिं गच्छन्तीति पच्चयसमोधानेन भवयोनिगतिठितिसत्तावासपाळिया अपरापरं परिवुड्ढिं गच्छन्ति । एवंभूता पगुणभावमापादिता समथविपस्सनाधम्मा विय सुद्धतरं वसीभावं पापिता ज्ञानाभिज्जा विय च वसीभूता हुत्वा उपरूपरि बूहेन्तीति आह — “वसीभावं गच्छन्ती”ति । तथा हि ते कदाचि भवपत्थनाय अनुष्पादितायपि अप्पहीनभावेनेवस्सा तिड्ढन्ति । अकुसला धम्माव येभ्य्येन दस्सनायतनेन विनासदस्सनतो पवत्तन्ति परिवड्ढन्ति च । पञ्चद्वारिकदरथाति पञ्चद्वारिकजवनसहगता अकुसलदरथा । एवं मनोद्वारिकदरथा वेदितब्बा । सन्तापाति दरथेहि बलवन्तो सम्पयुत्तधम्मानं निस्सयस्स च सन्तापनकरा । परिळाहाति ततोपि बलवतरा तेसंयेव परिदहनकरा ।

४३०. पञ्चद्वारिकसुखं, न कायप्पसादसन्निस्सितसुखमेव । मनोद्वारिकसुखन्ति मनोद्वारिकचित्तसन्निस्सितसुखं, न यं किञ्चि चेतसिकसुखं तस्स कायिकसुखगगहणेनेव गहितत्ता । पञ्चद्वारिकजवनेन समापज्जनं वा वुट्ठानं वा नत्थीति इदं मनोद्वारिकजवनेन तस्स सम्भवं दस्सेतुं, मग्गस्स वसेन वुत्तं, न पन तप्पसङ्गसङ्कानिवत्तनत्थं । विज्जत्तिमत्तम्पि जनेतुं असमत्थं समापज्जनस्स कथं पच्चयो होति, बुद्धानं पन भगवन्तानं होतीति चे? तथापि तस्स आसन्नद्वाने पञ्चद्वारिकचित्तप्पवत्तिता असम्भवो एव तादिसस्स पुब्बाभोगस्स तस्मिं काले असम्भवतो । एतेनेव या केसज्जि अरियधम्मे अकोविदानं घटसभावादीसु बुद्धितुल्यकारितापत्तिचोदना; सा पटिक्खित्ताति दट्ठब्बा तंतंपुरिमाभोगवसेन तेन तेन पञ्चद्वारिकाभिनीयतमनोविज्जाणस्स परतो पवत्तमानमनोविज्जाणेन तस्मिं तस्मिं अत्थे वण्णसण्ठानादिविसेसस्स विनिच्छिनितब्बतो । उप्पन्नमत्तमेव होतीति पञ्चद्वारिकजवनं तादिसं किञ्चि अत्थनिच्छयकिच्चं कातुं न सक्कोति, केवलं उप्पन्नमत्तमेव होति । अयन्ति “आदीनवानुपस्सिनो”तिआदिना वुत्ता ।

४३१. कुसलचित्त...पे०... भूतस्साति वुट्ठानगामिनिविपस्सनासहगतकुसलचित्तस्स सम्पयुत्तचेतोसुखसमङ्गीभूतस्स । पुब्बसुद्धिकाति मग्गुप्पत्तितो, विपस्सनारम्भतोपि वा पुब्बेव सुद्धा । तेनाह — “आदितो पट्टाय परिसुद्धाव होन्ती”ति । सब्बत्थककारापकङ्गानीति सीलविसोधनस्स चित्तसमाधानस्स विपस्सनाभियोगस्स मग्गेन पहातब्बकिलेसपहानस्साति सब्बस्सपि मग्गसम्भारकिच्चस्स कारापकङ्गानि । अट्ठङ्गिको वाति पठमज्झानिको वा अट्ठङ्गिको, दुतियज्झानिको वा सत्तङ्गिको होति ।

इममेव सुत्तपदेसं गहेत्वाति, “या तथाभूतस्स दिट्ठी”तिआदिना सम्मादिट्ठिआदीनं पञ्चन्नंयेव तस्मिं ठाने गहितत्ता लोकुत्तरमग्गो पञ्चङ्गिकोति वदति । सोति तथा वदन्तो वितण्डवादी । अनन्तरवचनेनेवाति, “या तथाभूतस्स दिट्ठी”तिआदिवचनस्स, “एवमस्साय”न्तिआदिना अनन्तरवचनेन । पटिसेधितब्बोति पटिक्खितपितब्बो । “अरियो अट्ठङ्गिको मग्गो”ति हि इदं वचनं अरियमग्गस्स पञ्चङ्गिकभावं उजुकमेव पटिक्खितपति । यदि एवं “या तथाभूतस्स

दिद्वी”ति आदिना तत्थ पञ्चन्नं एव अङ्गानं गहणं किमत्थियन्ति आह “उत्तरि चा”ति आदि । सम्मावाचं भावेति अरियमग्गसमङ्गी । तेनाह “मिच्छावाचं पजहती”ति । यस्मिंहि खणे सम्मावाचा भावनापारिपूरिं गच्छति, तस्मिंयेव मिच्छावाचा पजहीयतीति । सहेव विरतिया पूरेन्ति समुच्छेदविरतिया विना दुक्खपरिज्जादीनं असम्भवतो । आदितो पट्टाय परिसुद्धानेव वट्टन्ति परिसुद्धे सीले पतिट्ठितस्सेव भावनाय इज्जनतो । यथावुत्तमत्थं गन्थन्तरेनपि समत्थेतुं, “सुभदसुत्तेपि चा”ति आदि वुत्तं । अनेकेसु सुत्तसतेसु अट्टङ्गिकोव मग्गो आगतो, न पञ्चङ्गिकोति अधिप्पायो ।

सम्मासति मग्गक्खणे कायानुपस्सनादिचतुकिच्चसाधिका होतीति तं चतुब्बिधं कत्वा दस्सेन्तो, “मग्गसम्पयुत्ताव चत्तारो सतिपट्टाना”ति आह । न चतुमग्गसम्पयुत्ततावसेन । एस नयो सम्मप्यधानादीसुपि । अज्जमज्जानतिवत्तमाना युगनद्धा युत्ता विय अरियमग्गयुगनद्धा अज्जमज्जं पटिबद्धाति युगनद्धा । तेनाह — “एकक्खणिकयुगनन्धा”ति अरियमग्गक्खणे एव हि समथविपस्सना एकक्खणिका हुत्वा समधुरं वत्तन्ति । तेनेवाह “एते ही”ति आदि । अज्जस्मिं खणे समापत्ति, अज्जस्मिं विपस्सनाति इदं तेसं तत्थ तत्थ किच्चतो अधिकभावं सन्धाय वुत्तं, न अज्जथा । न हि पज्जारहिता समापत्ति, समाधिरहिता च विपस्सना अत्थि । अरियमग्गे पन एकक्खणिका समधुरताय एकरसभावेनाति अत्थो । फलविमुत्तीति अरहत्तफलविमुत्ति । सेसं हेट्ठा वुत्तनयत्ता सुविज्जेय्यमेव ।

महासळायतनिकसुत्तवण्णनाय लीनत्थप्पकासना समत्ता ।

८. नगरविन्देय्यसुत्तवण्णना

४३५. समविसमं चरन्तीति कायसमादिं समज्जेव, कायविसमादिं विसमज्जेव चरन्ति करोन्ति पटिपज्जन्ति । तं पन समविसमं अज्जमज्जं विरुद्धत्ता विसदिसत्ता न एकस्मिं काले सम्भवतीति आह — “कालेन समं कालेन विसम”न्ति । समचरियम्पि हि एतन्ति पुब्बे समचरियाय जोतितत्ता वुत्तं ।

४३७. आकरोन्ति अधिप्पेतमत्थं जापेन्ति पबोधेन्तीति आकारा, जापककारणन्ति आह — “के आकाराति कानि कारणानी”ति । अनुबुद्धियोति अनुमानजाणानि । तज्हि यथादिट्ठमत्थं दिट्ठभावेन अन्वेति अनुगच्छतीति “अन्वया”ति वुच्चति । हरिततिणचम्पकवनादिवसेनाति हरितकम्बलादिसदिसतिणादिवसेन वित्थारितकनकपटादिसदिविकसितचम्पकवनादिवसेन । आदिसद्देन चेत्य कीचकवेणुसद्दमधुरसफलाफलवसेन सद्वरसानं अत्थिभावो वेदितब्बोति । चम्पकवसेनेव पन फस्सगन्धानम्पि अत्थिभावो वुत्तोति । तेनाह — “रूपादयो पञ्च कामगुणा अत्थी”ति । “इत्थिरूपादीनि सन्धायेतं कथित”न्ति वत्वा इन्द्रियबद्धा वा होन्तु रूपादयो अनिन्द्रियबद्धा वा, सब्बेपि चेते किलेसुप्पत्तिनिमित्तताय कामगुणा एवाति चोदनं सन्धाय विसभागित्थिगता रूपादयो सविसेसं किलेसुप्पत्तिनिमित्तन्ति दस्सेन्तो, “तानि ही”ति आदिमाह ।

तत्थ तानीति रूपादीनि । हि-सद्दो हेतुअत्थो । तेन यथावुत्तमत्थं समत्थेति, “यस्मा पुरिसस्स चित्तं परियादाय तिट्ठन्ति, तस्मा इत्थिरूपादीनि सन्धाय एतं कथित”न्ति । पुरिसस्स चित्तन्ति पुरिसस्स चतुभूमकं कुसलचित्तं परियादाय गहेत्वा अन्तोमुट्ठिगतं विय कत्वा । “हत्थिकायं परियादियित्वा”ति आदीसु (सं० नि० १.१२६) हि गहणं परियादानं नाम, “अनिच्चसज्जा भाविता बहुलीकता सब्बं कामरागं परियादियती”ति आदीसु (सं० नि० ३.१०२) खेपनं परियादानं, इध उभयम्पि वट्टति । इदानीं यथावुत्तमत्थं सुत्तेनेव साधेतुं, “यथाहा”ति आदि वुत्तं । तत्थ “नाहं, भिक्खवे”ति आदीसु न-कारो पटिसेधत्थो । अहन्ति भगवा अत्तानं निद्विसति । भिक्खवेति भिक्खू आलपति । अज्जन्ति इदानीं वत्तब्बं इत्थिरूपतो

अञ्जं । **एकरूपम्पीति** एकम्पि रूपं । **समनुपस्सामीति** जाणस्स समनुपस्सना अधिप्पेता, हेट्ठा न-कारं आनेत्वा सम्बन्धितब्बं । अयञ्हेत्थ अत्थो — “अहं, भिक्खवे, सब्बञ्जुतञ्जाणेन सब्बसो ओलोकेन्तो अञ्जं एकरूपम्पि न समनुपस्सामी”ति । **यं एवं पुरिसस्स चित्तं परियादाय तिड्ढतीति** यं रूपं रूपगरुकस्स पुरिसस्स सब्बम्पि कुसलचित्तं पवत्तितुं अप्पदानवसेन परियादियित्वा गहेत्वा खेपेत्वा च तिड्ढति । **यथयिदं इत्थिरूपन्ति** इत्थिया रूपकायं । **रूपसद्दो** खन्धादिअनेकत्थवाचको, इध पन इत्थिया चतुसमुद्धाने रूपायतने वण्णधातुयं दट्ठब्बो । “इत्थिरूपं, भिक्खवे, पुरिसस्स चित्तं परियादाय तिड्ढती”ति इदं पुरिमस्सेव दळ्हीकरणत्थं वुत्तं । पुरिमं “यथयिदं, भिक्खवे, इत्थिरूप”न्ति इदं ओपम्मवसेन वुत्तं, इदं परियादानभावे निदस्सनन्ति दट्ठब्बं । सेसं सुविज्जेय्यमेव ।

नगरविन्देय्यसुत्तवण्णनाय लीनत्थप्पकासना समत्ता ।

९. पिण्डपातपारिसुद्धिसुत्तवण्णना

४३८. धम्मसेनापतिनो पटिसल्लीयनस्स अधिप्पेतत्ता, उपरि च पाळियं, “सुञ्जताविहारेन खो अहं, भन्ते, एतरहि बहुलं विहरामी”ति (म० नि० ३.४३८) वुत्तत्ता “**पटिसल्लानाति फलसमापत्तितो**”ति आह ।

विप्पसन्नानीति विसेसतो पसन्नानि । **ओकासवसेनाति** इन्द्रियानं पतिट्ठितोकासवसेन । ननु तानि इन्द्रियानि सभावतो विप्पसन्नानि होन्तीति? सच्चं होन्ति । न हिदं तादिसं पसन्नतं सन्धाय वुत्तं, इदं पन सन्तपणीतसमापत्तिसमुद्घितानं पच्चुपट्ठितानं चित्तजरूपानं वसेन सेसतिसन्ततिरूपानं सेट्ठतरं पणीतभावापत्तिं सन्धाय वुत्तं । **फलसमापत्तितोति** सुञ्जतानुपस्सनावसेन समापन्नफलसमापत्तितो । महन्तानं बुद्धादीनं पुरिसानं विहारो **महापुरिसविहारो** । तेनाह — “**बुद्ध... पे०... विहारो**”ति । **विहारतो पट्टायाति** परिक्खित्ते च विहारे परिक्खेपतो पट्टाय, अपरिक्खित्ते च परिक्खेपारहट्ठानतो पट्टाय । केचि पन “विहारब्भन्तरतो पट्टाया”ति वदन्ति । **याव गामस्स इन्दखीलाति** गामस्स अब्भन्तरिन्दखीलो । **गेहपटिपाटियाचरित्वाति** पिण्डाय चरित्वा । **याव नगरद्वारेन निक्खमनाति** नगरद्वारेन याव निक्खमनपदेसा । **याव विहाराति** याव विहारब्भन्तरा । **पटिक्कन्तमग्गोति** निवत्तनमग्गो । आरम्मणे पटिहञ्जनाकारेण पवत्तमानम्पि पटिघसम्पयुत्तं चित्ते पटिहनन्तं विय पवत्ततीति आह — “**चित्ते पटिहञ्जनकिलेसजात**”न्ति । **दिवसञ्च रत्तिञ्च अनुसिक्खन्तेनाति** एतंयेव रागादिप्पहायिनिं सम्मापटिपत्तिं दिवा च रत्तिञ्च अनु अनु सिक्खन्तेन उपरूपरि वट्ठेन्तेन ।

४४०. **पहीना नु खो मे पञ्च कामगुणाति** एत्थ कामगुणप्पहानं नाम तप्पटिबद्धछन्दरागप्पहानं । तथा हि वुत्तं — “तिड्ढन्ति चित्रानि तथेव लोके, अथेत्थ धीरा विनयन्ति छन्द”न्ति । **एकभिक्खुस्स पच्चवेक्खणा नानाति** एकस्सेव भिक्खुनो, “पहीना नु खो मे पञ्च कामगुणा”तिआदिना पाळियं आगता नानापच्चवेक्खणा होन्ति । **नानाभिक्खूनन्ति** विसुं विसुं अनेकेसं भिक्खूनं । **पच्चवेक्खणा नानाति** वुत्तनानापच्चवेक्खणा । इदानि तमेव सङ्खेपतो वुत्तमत्थं वित्थारतो दस्सेतुं, “**कथ**”न्तिआदि वुत्तं । तत्थ “**पच्चवेक्खती**”ति वुत्तं, कथं पन पच्चवेक्खतीति आह “**पहीना नु खो**”तिआदि । **वीरियं पगग्धाति** चतुब्बिधसम्मप्पधानवीरियं आरभित्वा विपस्सनं वट्ठित्वा । मग्गानन्तरं अनागामिफलं पत्त्वाति वचनसेसो । **फलानन्तरं मग्गन्ति** तस्मिं अनागामिमग्गे ठितो फलसमापत्तितो वुट्ठाय अग्गमग्गत्थाय विपस्सनं आरभित्वा तस्मिंयेव आसने न चिरेनेव विपस्सनं उस्सुक्कापेत्वा अरहत्तमग्गं गणहन्तो निरोधधम्मनुप्पत्तिया विपस्सनापरिवासाभावतो फलानन्तरं मग्गप्पत्तो नाम होतीति कत्वा ।

ततो वुट्ठायति मग्गानन्तरफलतो वुट्ठाय । मग्गानन्तरतो हि वुट्ठितो मग्गतो वुट्ठितो विय होतीति तथा वुत्तं ।

“फलानन्तरं मग्ग”न्ति एत्थ फलं अनन्तरं एतस्साति फलानन्तरं । “फलानन्तरं मग्ग”न्ति पदद्वयेनपि अनागामिमग्गफलानि चेव वदतीति एवमेत्थ अत्थो दट्ठब्बो । **नीवरणादीसुपि एसेव नयोति** एत्थ, “पहीना नु खो मे पच्च नीवरणा”तिआदिना योजना वेदितब्बा । **एतेसन्ति** एत्थ एतेसं नीवरणपच्चुपादानक्खन्धसतिपट्टानादीनं । **पहानादीनीति** पहानपरिज्जाभावनासच्छिकिरिया । **नानापच्चवेक्खणा होतीति** ता पच्चवेक्खणा नानाति अधिप्पायो । **एतासु पन पच्चवेक्खणासूति** एतासु कामगुणपच्चवेक्खणादीसु द्वादससु पच्चवेक्खणासु । **एकं पच्चवेक्खणं पच्चवेक्खति** द्वादससु नयेसु एकेनेव किच्चसिद्धितो । **अज्जो भिक्खु** । **एकन्ति** अज्जं पच्चवेक्खति । अज्जत्थो हि अयं **एकसद्दो** “इत्थेके”तिआदीसु (म० नि० ३.२१, २७) वियाति । नानाभिक्खूनं पन एका पच्चवेक्खणा, नानाभिक्खूनं नानापच्चवेक्खणाति एवं चतुक्कपच्चवेक्खणम्मि एत्थ सम्भवति । इमस्स पन द्वयस्स वसेन अभिसमयो नत्थीति तदुभयं अट्ठकथायं न उद्धटं । सेसं सुविज्जेय्यमेव ।

पिण्डपातपारिसुद्धिसुत्तवण्णनाय लीनत्थप्पकासना समत्ता ।

१०. इन्द्रियभावनासुत्तवण्णना

४५३. एवंनामकेति “गजङ्गला”ति एवं इत्थिलिङ्गवसेन लद्धनामके मज्झिमपदेसस्स मरियादट्ठानभूते निगमे । **सुवेळु नाम** निचलरुक्खोति वदन्ति । ततो अज्जं एवाति पन अधिप्पायेन “**एका रुक्खजाती**”ति वुत्तं । चक्खुसोतानं यथासकविसयतो निवारणं दमनं इन्द्रियभावना, तच्च खो सब्बसो अदस्सनेन असवनेनाति आह — “**चक्खुना रूपं न पस्सति, सोतेन सद्दं न सुणाती**”ति । सति हि दस्सने सवने च तानि अदन्तानि अभावितानेवाति अधिप्पायो । चक्खुसोतानि च असम्पत्तग्गाहिताय दुरक्खितानीति ब्राह्मणो तेसंयेव विसयगहणं पटिक्खिपि । **असदिसायाति** अज्जतित्थियसमयेहि असाधारणाय । **आलयन्ति** कथेतुकामताकारन्ति अत्थो ।

४५४. विपस्सनुपेक्खाति आरद्धविपस्सकस्स विपस्सनाजाणेन लक्खणत्तये दिट्ठे सङ्खारानं अनिच्चभावादिविचिनने मज्झत्तभूता विपस्सनासङ्खता उपेक्खा । सा पन यस्मा भावनाविसेसप्पत्तिया हेट्ठिमेहि विपस्सनावारेहि सन्ता चेव पणीता च, पगेव चक्खुविज्जाणादिसहगताहि उपेक्खाहि, तस्मा आह — “**एसा सन्ता एसा पणीता**”ति । **अतप्पिकाति** सन्तपणीतभावनारसवसेन तित्तिं न जनेति । तेनेवाह —

“सुज्जागारं पविट्ठस्स, सन्तचित्तस्स भिक्खुनो ।

अमानुसी रती होति, सम्मा धम्मं विपस्सतो”ति ॥ (ध० प० ३७३) ।

इतीति एवं वक्खमानाकारेनाति अत्थो । **अयं भिक्खूति** अयं आरद्धविपस्सको भिक्खूति योजना । **चक्खुद्वारे रूपारम्मणम्हीति** चक्खुद्वारे आपाथगते रूपारम्मणे । **मनापन्ति** मनापभावेन पवत्तनकं । **मज्झत्ते मनापामनापन्ति** इट्ठमज्झत्ते मनापभावेन अमनापभावेन च पवत्तनकं मनापामनापं नामाति । तेनाह (“नेव मनापं न अमनाप”न्ति) । इमिना मनापभावो गहितो, “नेव मनाप”न्ति इमिना मनापभावो मज्झत्तो च उभयं एकदेसतो लब्धतीति, “**मनापामनाप**”न्ति वुत्तं । एवं आरम्मणे लब्धमानविसेसवसेन तदारम्मणस्स चित्तस्स पाकतिकं पवत्तिआकारं दस्सेत्वा इदानि तप्पटिसेधेन अरियस्स विनये अनुत्तरं इन्द्रियभावनं दस्सेत्तुं, “**तस्स रज्जितुं वा**”तिआदि वुत्तं । तत्रायं योजना — तस्स चित्तं इट्ठे आरम्मणे रज्जितुं वा अनिट्ठे आरम्मणे दुस्सितुं वा मज्झत्ते आरम्मणे मुह्धितुं वा । **अदत्त्वाति** निसेधेत्वा । **परिग्गहेत्वाति** परिजाननवसेन जाणेन गहेत्वा जाततीरणपहानपरिज्जाहि परिजानित्वा । **विपस्सनं मज्झत्ते ठपेतीति** अनुक्कमेन

विपस्सनुपेक्खं निब्बत्तेत्वा तं सङ्खारुपेक्खं पापेत्वा ठपेति । **चक्खुमाति** न पसादचक्खुनो अत्थितामत्तजोतनं; अथ खो तस्स अतिसयेन अत्थिताजोतनं, “सीलवा”ति आदीसु वियाति आह — “**चक्खुमाति सम्पन्नचक्खु विसुद्धनेतो**”ति ।

४५६. ईसकं पोणेति मज्झे उच्चं हुत्वा ईसकं पोणे, न अन्तन्तेन वड्ढे । तेनाह — “**रथीसा विय उट्ठित्वा ठिते**”ति ।

४६१. पटिकूलेति अमनुज्जे आरम्मणे । **अप्पटिकूलसज्जीति** न पटिकूलसज्जी । तं पन अप्पटिकूलसज्जितं दस्सेतुं, “**मेत्ताफरणेन वा**”ति आदि वुत्तं । तत्थ पटिकूले अनिट्ठे वत्थुस्मिं सत्तसज्जिते मेत्ताफरणेन वा धातुसो उपसंहारेन वा सङ्खारसज्जिते पन धातुसो उपसंहारेन वाति योजेतब्बं । **अप्पटिकूलसज्जी विहरतीति** हितेसिताय धम्मसभावचिन्तनाय च नप्पटिकूलसज्जी हुत्वा इरियापथविहारेन विहरति । **अप्पटिकूले** इट्ठे वत्थुस्मिं सत्तसज्जिते केसादि असुचिकोद्धासमत्तमेवाति **असुभफरणेन वाति** असुभतो मनसिकारवसेन । इदं रूपारूपमत्तं अनिच्चं सङ्खतन्ति **अनिच्चतो उपसंहारेन वा** । ततो एव, “दुक्खं विपरिणामधम्म”न्ति मनसि करोन्तो **पटिकूलसज्जी विहरति** । **सेसपदेसूति**, “पटिकूले च अप्पटिकूले चा”ति आदिना आगतेसु सेसेसु द्वीसु पदेसु । तत्थ हि इट्ठानिट्ठवत्थूनि एकज्झं गहेत्वा वुत्तं यथा सत्तानं पठमं पटिकूलतो उपट्ठितमेव पच्छा गहणाकारवसेन अवत्थन्तरेन वा अप्पटिकूलतो उपट्ठाति । यच्च अप्पटिकूलतो उपट्ठितमेव पच्छा पटिकूलतो उपट्ठाति, तदुभयेपि खीणासवो सचे आकङ्खति, वुत्तनयेन अप्पटिकूलसज्जी विहरेय्य पटिकूलसज्जी वाति ।

तदुभयं अभिनिवज्जेत्वाति सभावतो भावनानुभावतो च उपट्ठितं आरम्मणं पटिकूलसभावं अप्पटिकूलसभावं वाति तं उभयं पहाय अगगहेत्वा । सब्बस्मिं वत्थुस्मिं पन, “**मज्झतो हुत्वा विहरितुकामो किं करोती**”ति, वत्वा तत्थ पटिपज्जनविधिं दस्सेन्तो, “**इट्ठानिट्ठेसु... पे०... दोमनस्सितो होती**”ति आह । इदानीं यथावुत्तमत्थं पटिसम्भिदामगगपाळिया विभावेतुं, “**वुत्तं हेत**”न्ति आदिमाह । तस्सत्थो हेट्ठा वुत्तनयो एव । **सतोति** सतिवेपुल्लप्पत्तिया सतिमा । **सम्पजानोति** पज्जावेपुल्लप्पत्तिया सम्पजानकारी । **चक्खुना रूपं दिस्वाति** कारणवसेन चक्खूति लद्धवोहारेन रूपदस्सनसमत्थेन चक्खुविज्जाणेन, चक्खुना वा करणभूतेन रूपं पस्सित्वा । **नेव सुमनो होति** गेहस्सितसोमनस्सपटिक्खेपेन नेक्खम्मपक्खिकाय किरियासोमनस्सवेदनाय ।

इमेसु चाति “अज्जथा च पनानन्द, अरियस्स विनये अनुत्तरा इन्द्रियभावना होती”ति आदिना (म० नि० ३.४५३), — “कथञ्चानन्द, सेखो होति पटिपदो”ति आदिना (म० नि० ३.४६०); — “कथञ्चानन्द, अरियो होति भावितिन्द्रियो”ति आदिना (म० नि० ३.४६१) च आगतेसु तिविधेसु नयेसु । **मनापं अमनापं मनापामनापन्ति** एत्थ **मनापगगहणेन** सोमनस्सयुत्तकुसलाकुसलानं, **अमनापगगहणेन** दोमनस्सयुत्तअकुसलानं, **मनापामनापगगहणेन** तब्बिधुरुपेक्खायुत्तानं सङ्गहितत्ता पठमनये “**संकिलेसं वट्ठति, निक्किलेसं वट्ठती**”ति वुत्तं । पठमनये हि पुथुज्जनस्स अधिप्पेतत्ता संकिलेसकिलेसविप्पयुत्तम्पि युज्जति । दुतियनये पन “**सो... पे०... अट्ठीयती**”ति आदिवचनतो “**पठमं संकिलेसं वट्ठती**”ति वुत्तं । सेक्खस्स अधिप्पेतत्ता चस्स अप्पहीनकिलेसवसेन, “**संकिलेसम्पि वट्ठती**”ति वुत्तं । ततियनये अरहतो अधिप्पेतत्ता, “**ततियं निक्किलेसमेव वट्ठती**”ति वुत्तं । सेक्खवारे पन “चक्खुमा पुरिसो”ति आदिका उपमा एकमेव अत्थं जापेतुं आह । तस्मा चक्खुद्वारस्स उप्पन्ने रागादिके विक्खम्भेत्वा विपस्सनुपेक्खाय पटिट्ठानं अरिया इन्द्रियभावनाति । पठमनयो विपस्सकवसेन आगतो, दुतियो सेक्खस्स वसेन, पठमदुतियो च सेक्खपुथुज्जनानं मूलकम्मट्ठानवसेन, ततियो खीणासवस्स अरियविहारवसेन आगतो । पठमनये च पुथुज्जनस्स वसेन, दुतियनये सेक्खस्स वसेन कुसलं वुत्तं, ततियनये असेक्खस्स वसेन किरियाब्याकतं वुत्तन्ति अयं विसेसो वेदितब्बो ।

पपञ्चसूदनिया मज्झिमनिकायड्ढकथाय
इन्द्रियभावनासुत्तवण्णनाय लीनत्थप्पकासना समत्ता ।
निड्ढिता च सळायतनवग्गवण्णना ।
उपरिपण्णासटीका समत्ता ।